

# LIVITIKŌS

**1** Im <sup>1</sup>Jeova e ar kir nōn Moses, im konono iben jen iloan imōn kwelok eo, im ba, **2** Kwon konono nōn ro nej'in Israel, im ba nōn ir, Ne jabrewōt armij iami ej letok jurtak nōn Jeova, komin bōktok ami jurtak jen kiru ko, jen kau ko ak jip ko.

**3** Elañe jurtak eo juōn men in katok kijeek jen kau ko, en letok kau koman e wāppen: en letok iturin kejem in imōn kwelok eo, bwe en men in mōnōnō iman Jeova. **4** Im en likit pein ion bōran men eo men in katok kijeek; im naj bōke jen armij eo bwe en kōmōn kilajrōk nōn e. **5** Im en mōn kau koman eo iman Jeova: im lōmaro nej'in Aron, pris ro, ren letok bōtōktōkin, im ren kabōtūktūk kin bōtōktōk eo ion belakin lokatok eo ej iturin kejem in imōn kwelok eo. **6** Im en jojen kilin men in katok kijeek eo, im en wojiblokloke. **7** Im ro nej'in Aron pris eo, ren likit kijeek ion lokatok eo, im kilajrōk kane ion kijeek eo; **8** im ro nej'in Aron, pris ro, ren kilajrōk mōtōn ko, im bōran, im kioeo, ion kane eo ion lokatok eo: **9** a en kwole kin dren men ko jen iloan, im ne ko. Im pris eo en tile aolepeir ion lokaktok, bwe en juōn katok kijeek, jurtak kōmōne kin kijeek, bwin enno nōn Jeova.

**10** Im elañe men in jurtak eo jen bwijin jip, ak got ko, nōn katok kijeek; en bōktok juōn koman e wāppen. **11** Im en mōne iūñin lokatok eo iman Jeova: im lōmaro nej'in Aron, pris ro, ren kabōtūktūk kin bōtōktōkin ion lokatok eo im iturin. **12** Im en wojiblokloke, iben bōran, im kioeo eo an; im pris eo en kilajrōki ion kane ej ilo kijeek eo, ion lokatok eo: **13** a men ko iloan im ne ko, en

kwoli kin dren. Im pris eo en katok kin aolepeir, im tili lon lokatok eo: e juōn katok kijeek, men in jurtak kōmōne kin kijeek, bwin enno nōn Jeova.

**14** Im elañe jurtak eo an nōn Jeova ej men in katok kijeek jen bao ko, inem en letok jurtak eo tōrtel dōv ko, ak muli ko remōn drer. **15** Im pris eo en bōktok e nōn lokatok eo, im iñti bōran jen kenwan, im tile ion lokatok eo; im bōtōktōkin en torlok iturin lokatok eo; **16** im en bōk jen e turōk eo an, im men ko kobōn, im jolok e iturin lokatok eo, i rear, ilo jikin brij in ubaj: **17** im en kekele kin pein, a e jamin nate. Im pris eo en tile ion lokatok eo, ion kane ej ilo kijeek eo: ej men in katok kijeek, jurtak kōmōne kin kijeek, bwin enno nōn Jeova.

**2** Im ñe jabrewōt ej letok jurtak, men in letok flauo nōn Jeova, men in letok eo e naj flauo kwerik; im en lutōklok oil ion, im likit kaijurjur ion: **2** im en bōktok e nōn iben lōmaro nej'in Aron, pris ro; im en roklip jen flauo eo juōn alen, im jen oil eo, iben aolepen kaijurjur eo. Im pris eo en tile einwōt men in kemem jen e ion lokatok eo, men in katok kijeek, bwin enno nōn Jeova: **3** im bwen flauo eo e naj an Aron im lōmaro nej'in: ej men eo e kanuij kwojarjar ian men in katok kijeek kōmōne nōn Jeova.

**4** Im ñe kwoj bōktok jurtak, men in jurtak flauo emwij umni, en kek ko re jab uwe, jen flauo kwerik käreiki kin oil, ak kek ko re meni, ko re jab uwe, im kabiti kin oil. **5** Im elañe am jurtak ej jurtak flauo jen jābi in umum, ren kōmōne jen flauo kwerik e jab uwe, käreiki kin oil.

6 Kwon tibrikrik im lutök oil ion : ej juön jurtak flauo. 7 Im elañe jurtak eo am ej jurtak flauo jen jābi in kōmāt, ren kōmōne jen flauo kwerik iben oil. 8 Im kwon bōktok men in jurtak flauo rej kōmōne jen men kein nōn Jeova : im naj lelok e nōn pris eo, im en bōktok e nōn lokatok eo. 9 Im pris eo en bōk jen men in katok flauo eo, men in kemem, im tile ion lokatok eo, men in katok kijeek, bwin enno nōn Jeova. 10 Im men eo bwen katok flauo, e naj an Aron im lōmaro nejn : ej men eo e kanuij kwojarjar ian men in katok kijeek kōmōne nōn Jeova.

11 Ejelok men in katok flauo, eo komij bōktok nōn Jeova, naj kōmōne kin leven : kom jamin tile leven ak hōnni, bwe en katok kijeek nōn Jeova. 12 Einwōt jomōkōj ko men in jurtak kom naj lilok nōn Jeova : a re jamin wōnliñtok kin bwin enno ion lokatok eo. 13 Im men in katok flauo otemjej komin kāreiki kin salt : im kom jamin likit bwe salt in bujen amuij Anij en joko jen ami men in katok flauo : iben men in jurtak otemjej ami, komin letok salt.

14 Im elañe kwoj katok nōn Jeova kin men in jurtak flauo ian jomōkōj ko, kwon bōktok jurtak flauo ian jomōkōj ko am, korn ilo uror e jinmelle, im korn emwij nowe, jen uror ekāl. 15 Im kwon lutök oil ion, im likit kaijurjur ion : ej juön jurtak flauo. 16 Im pris eo en tile juön men in kemem jen e, mōtōn korn nowe, im mōtōn oil eo, im iben aolepen kaijurjur eo an : ej men in katok kijeek nōn Jeova.

3 Im elañe jurtak eo an juön ej <sup>1</sup>men in katok kin ainemōn ; elañe ej bōktok kiru, koman ak kōkōra, en letok eo e wāppen, iman Jeova. 2 Im en likit pein ion bōran men in katok eo, im mōne iturin kejem in imōn kwelok : im lōmaro nejn Aron, pris ro, ren kabōtūktūk bōtōktōkin ion lokatok eo im iturin. 3 Im en letok jen jurtak ko kin ainemōn, men in katok kijeek nōn Jeova ; ki-

oeo ej kalibubu mōjñōl ko, im aolepen kioeo ej ioir, 4 im dreka in jibke ko, im kioeo ej ioir, eo ej i katin, im jā eo ej ion aj, kab dreka in jibke ko, en bōki. 5 Im lōmaro nejn Aron ren tile ion lokatok eo, ion katok kijeek eo, ej ion kane ilo kijeek eo : ej men in katok kōmōne kin kijeek, im bwin enno nōn Jeova.

6 Im elañe jurtak eo an, men in katok kin ainemōn nōn Jeova, en bōktok jen kiru jip ko ; koman ak kōkōra, en letok e wāppen wōt. 7 Elañe juön lam jurtak eo an, inem en bōktok iman Jeova ; 8 im en likit pein ion bōran jurtak eo an, im en mōn e iman imōn kwelok eo : im lōmaro nejn Aron ren kabōtūktūk kin bōtōktōkin ion lokatok eo im iturin. 9 Im e naj letok jen men in katok ko kin ainemōn, jurtak kōmōne kin kijeek nōn Jeova ; kioeo eo an, aolepen lokōn e mātōk, e naj bōke jen unin drilip ; im kioeo ej kalibubu mōjñōl ko, im aolepen kioeo ion mōjñōl ko, 10 im dreka in jibke ko, im kioeo ioir, eo ej ber i katin, im jā eo ej ber ion aj eo, kab dreka in jibke ko, en bōki. 11 Im pris eo en tile ion lokatok eo ; ej mōña in jurtak eo, kōmōne kin kijeek nōn Jeova.

12 Im elañe jurtak eo juön got, inem en katok kake iman Jeova : 13 im en likit pein ion bōran, im mōn e iman imōn kwelok eo ; im lōmaro nejn Aron ren kabōtūktūk bōtōktōkin ion lokatok eo im iturin. 14 Im en letok jen men in jurtak eo an, aet katok kijeek nōn Jeova ; kioeo ej kalibubu mōjñōl ko, im aolepen kioeo ion mōjñōl ko, 15 im dreka in jibke ko, im kioeo ej ioir, eo ilo katin, im jā eo ej ion aj, kab dreka in jibke ko, en bōki. 16 Im pris eo en tili ir ion lokatok eo : ej mōña in jurtak eo, kōmōne kin kijeek nōn bwin enno ; aolepen kioeo an Jeova. 17 En juön kien in drio, ilo ebeben ko ami, ilo moko imwemi otemjej, bwe komin jab mōña kioeo ak bōtōktōk.

4 Im Jeova e ar konono nōn Moses, im ba, 2 Kwon konono nōn ro nejn Israel, im ba, Elañe jabrewōt

armij ej jerawiwi kin an jaje, ilo jabrewõt men eo Jeova e ar ba ren jab kõmõne, im ej kõmõn jabrewõt iair: 3 elañe pris eo emwij kabite, ej jerawiwi im naruõn armij rõn, inem en letok kin jerawiwi eo an e ar bwir kake, juõn kau kõman, emõn ridtõn, im e wäppen, ñõn Jeova, men in katok kin jerawiwi. 4 Im en añintok kau koman eo ñõn aur in imõn kwelok eo iman Jeova; im en likit pein ion bõran kau koman eo, im en mõne iman Jeova. 5 Im pris eo emwij kabite en bõk jen bõtõktõkin kau koman eo, im en bõktok e ñõn imõn kwelok eo: 6 im pris eo en katulok juõn arrin pein ilo bõtõktõk eo, im en kabõtõtük jiljilimjuõn alen iman Jeova, iman binjen imõn kwojarjar eo. 7 Im pris eo en likit jen bõtõktõk eo ion drun ko drun lokatok in kajurjur eñõj iman Jeova, eo ej ber ilo imõn kwelok eo; im aolepen bõtõktõkin kau koman eo e naj lutõkloke ilõl iturin lokatok in katok kijeek, eo ej iturin imõn kwelok eo. 8 Im aolepen kioeo an kau koman eo, men in katok kin jerawiwi, en bõk jen e; kioeo ej kalibubu mõjñõl ko, im aolepen kioeo ej ion mõjñõl ko, 9 im dreka in jibke ko, im kioeo ej ioir, ej ilo katin, im jã in aj, kab dreka in jibke ko, e naj bõki, 10 einwõt rej bõki jen kau koman men in katok kin ainemõn: im pris eo en tili ion lokatok in katok kijeek. 11 Im kilin kau koman eo, im aolepen kõniekin, im bõran, im neen, im mõjñõl ko an, im toẽõkin, 12 aet aolepen kau koman eo, e naj bõkloke ñõn ilikin kamp eo ñõn juõn jikin erreõ, ijo rej lutõklok brij in ubaj, im en tile ion kane kin kijeek: jo rej lutõklok brij in ubaj, naj tile.

13 Im elañe aolepen jar an Israel rej bwir, im men eo ej etino jen mejen jar eo, im rar kõmõn jabrewõt ian men ko Jeova e ar jiroñ bwe ren jab kõmõni, im eor rueir; 14 ñe bwir eo rar bwir kake ej alikar, inem jar eo en letok juõn kau koman emõn ridtõn, men in katok kin jerawiwi, im re naj bõktok e ñõn iman imõn

kwelok eo. 15 Im ridto ro an jar eo ren likit peir ion bõran kau eo, iman Jeova; im ren mõn kau koman eo iman Jeova. 16 Im pris eo emwij kabite, en bõktok jen bõtõktõkin kau koman eo, ñõn imõn kwelok eo: 17 im pris eo en katulok juõn arrin pein ilo bõtõktõk eo, im kabõtõtük jiljilimjuõn alen iman Jeova, iman binjen imõn kwojarjar eo. 18 Im en likit jen bõtõktõk eo ion drun ko drun lokatok eo ej iman Jeova, eo ej ilo imõn kwelok, im aolepen bõtõktõk eo en lutõkloke ilõl, iturin lokatok in katok kijeek, eo ej iturin kejem in imõn kwelok eo. 19 Im en bõk aolepen kioeo jen e, im tile ion lokatok eo. 20 Ein drein en kõmõn kin kau koman eo; einwõt e ar kõmõn kin kau koman in katok kijeek, ein drein en kõmõn kin kiru in; im pris eo e naj kõmõn kilajrõk kin ir, im e naj joko rueir. 21 Im en bõklok kau koman eo ilikin kamp eo, im en tile einwõt e ar tile kau koman eo mokta: ej men in katok kin jerawiwi an jar eo.

22 Ñe juõn iroi ej jerawiwi, im ej kõmõn ilo jaje jabrewõt ian men ko otemjej Jeova an Anij e ar jiroñ e bwe en jab kõmõne, im eor ruõn; 23 elañe jerawiwi eo an, e ar bwir kake, ej alikar ñõn e, en bõktok jurtak eo an, juõn got koman im e wäppen. 24 Im en likit pein ion bõran got eo, im mõne ilo jikin ijo rej mõn men in katok kijeek iman Jeova: ej men in katok kin jerawiwi. 25 Im pris eo en bõk jen bõtõktõkin men in katok kin jerawiwi, kin juõn arrin pein, im likite ion drun lokatok in katok kijeek; im en lutõklok bõtõktõkin ilõl, iturin lokatok in katok kijeek. 26 Im en tile aolepen kioeo iben ion lokatok eo, einwõt kioeo an men in katok kin ainemõn ko; im pris eo e naj kõmõn kilajrõk ñõn e kin bwir eo an, im e naj joko ruõn.

27 Im elañe jabrewõt ian kajur rõn ej jerawiwi kin an jaje, ilo an kõmõn jabrewõt ian men ko Jeova e ar jiroñ kake bwe ren jab kõmõne, im eor ruõn; 28 elañe jerawiwi eo an, e ar bwir kake, ej alikar ñõn e,

inem en bōktok jurtak eo an, juōn got, kokōra e wāppen, kin jerawiwi eo an e ar bwir kake. 29 Im en likit pein ion bōran men in katok kin jerawiwi, im en mōn men in katok kin jerawiwi eo, ilo jikin katok kijeek. 30 Im pris eo en bōk jen bōtōktōkin kin juōn arrin pein, im likite ion drun lokatok in katok kijeek; im aolepen bōtōktōkin e naj lutōklok ilōl, iturin lokatok eo. 31 Im en bōk aolepen kioeo eo an, einwōt air bōk kioeo jen men in katok in ainemōn; im pris eo en tile ion lokatok eo, bwin enno nōn Jeova; im pris eo e naj kōmōn kilajrōk kin e, im e naj joko ruōn.

32 Im elañe ej bōktok lam, jurtak eo an, men in katok kin jerawiwi, en bōktok kokōra e wāppen. 33 Im en likit pein ion bōran men in katok kin jerawiwi eo, im en mōne nōn men in katok kin jerawiwi, ilo jikin ijo rej mōn men in katok kijeek. 34 Im pris eo en bōk jen bōtōktōkin men in katok kin jerawiwi, kin juōn arrin pein, im en likite ion drun lokatok in katok kijeek; im en lutōklok aolepen bōtōktōkin ilōl, iturin lokatok eo. 35 Im en bōk aolepen kioeo eo an, einwōt air bōk kioeo in lam eo, jen men in katok kin ainemōn; im pris eo en tile ion lokatok eo, ion jurtak ko an Jeova, kōmōne kin kijeek; im pris eo e naj kōmōn kilajrōk nōn e kin jerawiwi eo e ar bwir kake, im e naj joko ruōn.

5 Im elañe jabrewōt armij ej jerawiwi ilo an roñjake nan in kol, e dri kennan, im elañe e ar lo ak jela, elañe e jab kwaloke, inem e naj or ruōn. 2 Ak elañe jabrewōt armij ej uñir jabrewōt men e jab erreō, elañe ubōn kiru e jab erreō, ak ubōn kau ko re jab erreō, ak ubōn men ko rej tōbōlbōl re jab erreō, im etino jen e, im armij eo e jab erreō kake, inem e naj or ruōn. 3 Ak elañe ej uñire men ko re jab erreō an armij, jabrewōt men eo e jab erreō, im e jab erreō kake, im ej etino jen e; ñe e jela, ien eo e naj or ruōn. 4 Ak elañe jabrewōt armij ej kanōjni bōjik kin tien

bwe en kōmōn nana, ak bwe en kōmōn emōn, jabrewōt men eo juōn armij ej konono bōjik kin kanōnij, im etino jen e, ñe e jela kake, inem e naj or ruōn ilo juōn ian men kein. 5 Im e naj ein drein, ñe eor ruōn kin juōn ian men kein, en kwalok men eo e ar jerawiwi kake: 6 im en bōktok nōn Jeova kin men eo e ar jerawiwi kake, juōn kokōra jen bwij eo, lam ak got, jurtak kin jerawiwi; im pris eo e naj kōmōn kilajrōk nōn armij eo kin bwir eo an.

7 Im elañe men ko mweien re jab bwe nōn juōn lam, inem en bōktok jurtak in bwir eo an kin men eo e ar bwir kake, ruo tōrtel dōv ak ruo muli remōn drer, nōn Jeova; juōn iair men in katok kin jerawiwi, im eo juōn men in katok kijeek. 8 Im en bōktok e nōn iben pris, eo e naj katok kin jurtak in bwir mokta, im iñti bōran jen kenwan, a en jab bukwe. 9 Im en kabōtūktūk kin bōtōktōkin men in katok in jerawiwi eo ilo turin lokatok eo; matōn bōtōktōkin eo e naj katorlok ilōl, iturin lokatok eo: ej men in katok kin jerawiwi. 10 Im en katok kin eo ken ka ruo men in katok kijeek, ekar nōn kien eo; im pris eo e naj kōmōn kilajrōk nōn e kin jerawiwi eo an e ar bwir kake, im e naj joko ruōn.

11 A elañe men ko mweien re jab bwe nōn ruo tōrtel dōv, ak ruo muli remōn drer, inem en bōktok jurtak eo an kin men eo e ar jerawiwi kake, juōn mōtōn joñoul in epa in flauo kwerik, juōn men in katok kin jerawiwi: en likit ejelok oil ion, im en likit kajjurjur ion; bwe ej men in katok kin jerawiwi. 12 Im en bōktok e nōn pris eo, im pris eo en roklip juōn alen jen e, men in kemem, im tile ion lokatok eo, ion jurtak ko an Jeova, kōmōni kin kijeek: ej men in katok kin jerawiwi. 13 Im pris eo e naj kōmōn kilajrōk nōn e kin jerawiwi eo e ar bwir kake, ilo jabrewōt ian men kein, im e naj joko ruōn: im matōn e naj an pris eo einwōt jurtak flauo.

14 Im Jeova e ar konono nōn Mo-



ses, im ba, 15 Elaŋe jabrewōt armij ej kokkure kien im jerawiwi ilo jaje, kin men ko re kwojarjar an Jeova; inem en bōktok an jurtak kin jerawiwi nōn Jeova, juōn jip koman e wāppen jen bwijin jip, ekar nōn an watōke ilo silver kin shekel ko, ekar nōn shekel an imōn kwojarjar, men in katok kin ruōn; 16 im en nawōnan kin men eo e ar bwir kake mokta, ilo men eo e kwojarjar, im en kobaik nōn e juōn mōtōn lailim, im lelok nōn pris eo; im pris eo e naj kōmōn kilajrōk nōn e kin jip koman eo, men in katok kin ruōn, im e naj joko ruōn.

17 Im elaŋe jabrewōt armij ej jerawiwi, im kōmōn jabrewōt ian men ko Jeova e ar jiroñ bwe ren jab kōmōne; meŋe e jaje kake, e naj or ruōn, im e naj inek bwir eo an. 18 Im en bōktok juōn jip koman e wāppen, jen bwijin jip, ekar nōn am watōke, men in katok kin jerawiwi, nōn pris eo; im pris eo e naj kōmōn kilajrōk nōn e, kin men eo e ar bwir kake im jaje, im e naj joko ruōn. 19 Ej men in katok kin jerawiwi: emol eor ruōn iman Jeova.

6 Im Jeova e ar konono nōn Moses, im ba, 2 Elaŋe jabrewōt armij ej jerawiwi, im kokkure kien Jeova, im kōmōn mon nōn dri turin kin men ko e ar likit iben, ak kin bebe in wia, ak kin koaroñ, ak elaŋe e ar kamakokoik dri turin, 3 ak elaŋe e ar lo men ko re kar joko, im kōmōn mon kake, im kanōjniy ilo riōp ilo jabrewōt ian men kein otemjej, im jerawiwi: 4 im elaŋe e ar jerawiwi im eor ruōn, en kōrra men eo e kar bōk kin koaroñ, ak men eo e ar bōk kin kamakoko, ak men eo kar likit e na iben, ak men eo e kar joko im e ar loe, 5 ak jabrewōt men eo e ar kanōjniy kake ilo riōp; en kōrra wōt im en kalaplok kin juōn mōtōn lailim: nōn armij eo an, en lelok ilo ran eo e ar alikar ruōn. 6 Im en bōktok men in katok kin jerawiwi eo an, nōn Jeova, juōn jip koman e wāppen jen bwijin jip, ekar nōn am watōk, nōn pris eo: 7 im pris eo e naj kōmōn kilajrōk nōn e iman Jeova; im e naj joko ruōn

kin men eo jabrewōt ej kōmōn im eor ruōn kake.

8 Im Jeova e ar konono nōn Moses, im ba, 9 Kwon jiroñ Aron im lōmaro nejin, im ba, Eñin kien katok kijeek: men in katok kijeek en ber ion kane ion lokatok iomin aolepen boñ nōn rantak; im kijeek in lokatok eo en urur wōt ion. 10 Im pris eo en kōnōk nuknuk linen ko an, im ren likit traujej linen eo an ion kōniekin; im en kwotōke brij in ubaj eo kijeek e ar tile jen men in katok kijeek ion lokatok eo, im en likit e iturin lokatok eo. 11 Im en wutik nuknuk ko an, im kōnōk nuknuk ko jet, im en bōklok brij in ubaj eo ilikin kamp eo nōn juōn jikin erreō. 12 Im kijeek ion lokatok eo en urur wōt ijo, en jab kwun; im pris eo en tile kane ion, jiboñ otemjej: im en kilajrōk men in katok kijeek ion, im en tile kioeo an men in katok kin ainemōn ko na ion. 13 Kijeek en urur ion lokatok eo ien otemjej; en jab kwun.

14 Im eñin kien jurtak flauo: lōmaro nejin Aron re naj katok kake, iman Jeova, iman lokatok eo. 15 Im en roklip jen e juōn alen, jen flauo kwerik jen jurtak flauo, im jen oil eo an, im aolepen kajurjur ion jurtak flauo eo, im en tile ion lokatok eo, ej bwin enno, men in kemem nōn Jeova. 16 Im men eo bwen, Aron im lōmaro nejin re naj mōña: ren kōne im ejelok leven ilo juōn jikin e kwojarjar; ilōan worwor in imōn kwelok eo, ren kōne. 17 Re jamin likit leven iben im umni. I ar lelok e nōn ir, air mōtōn jurtak ko Aō, kōmōn kin kijeek; e kwojarjar otem kwojarjar, einwōt men in katok kin jerawiwi, im einwōt jurtak kin ruōn. 18 Man ro otemjej ian ro nejin Aron ren mōña jen e, einwōt kij eo an, nōn in drio, iomin ebeben ko ami, jen jurtak ko an Jeova kōmōne kin kijeek: jabrewōt eo ej uñire, e naj kwojarjar.

19 Im Jeova e ar konono nōn Moses, im ba, 20 Eñin jurtak an Aron im an lōmaro nejin, eo re naj katok kake nōn Jeova, ran eo ñe rej kabite: juōn mōtōn joñoul epa in flauo kwe-

rik, men in jurtak flauo in drio, jimōtōn ñe ejiboñ, im jimōtōn ñe ejota. 21 Re naj kōmōne kin oil ilo juōn jābi in umum; ñe e molūlū, kwo naj kadreloñtok : ilo mōtōn ko emwij umum kwo naj letok jurtak flauo eo, bwin enno ñōn Jeova. 22 Im pris eo emwij kabite, eo ej binej jenkwōn, en katok kake: en tile aolepen ñōn Jeova, bwe juōn kien ñōn in drio. 23 Im jurtak flauo otemjej an pris, ren tile aolepen: ren jab mōña.

24 Im Jeova e ar konono ñōn Moses, im ba, 25 Kwon konono ñōn Aron im ñōn lōmaro nejin, im ba, Eñin kien men in katok kin jerawiwi : ilo jikin eo rej mōn men in katok kijeek ie, ijo ren mōn men in katok kin jerawiwi, iman Jeova: e kwojarjar otem kwojarjar. 26 Pris eo ej katok kake kin bwir, en kōñe: ilo juōn jikin e kwojarjar e naj kōñe, ilōan worwor in imōn kwelok eo. 27 Jabrewōt eo ej uñir kōniekin, e naj kwojarjar: in ñe emwij kabōtūktūk jen bōtōktōkin ion jabrewōt nuknuk, kwon kwole men eo emwij kabōtūktūke, ilo juōn jikin e kwojarjar. 28 Ak jābi eo ar kōmāte ilōan, ren rupe: im elañe kōmāte ilo jābi jinibōrōrō, naj ire im kwole kin dren. 29 Man otemjej ian pris ro, ren mōña jen e: e kwojarjar otem kwojarjar. 30 Im re jamin mōña jabrewōt men in katok kin jerawiwi, elañe rej bōktok jen bōtōktōkin na ilo imōn kwelok eo, bwe ren kōmōn kilajrōk eo ilo jikin kwojarjar: ren tile kin kijeek.

7 Im eñin kien men in katok kin ruōn: e kwojarjar wōt. 2 Ilo jikin eo rej mōn men in katok kijeek ie, ren mōn men in katok kin ruōn: im en kabōtūktūk bōtōktōkin ion lokatok eo im iturin. 3 Im en katok kin aolepen kioeo eo an, lokōn e mātōk, kioeo ej kalibubu mōjñōl ko, 4 im dreka in jibke ko, im kioeo ioir, eo ej ilo katin, im jā eo ion aj, kab dreka in jibke ko, en bōki; 5 im pris eo en tile ion lokatok eo, men in katok kōmōne kin kijeek, ñōn Jeova: ej men in katok kin ruōn. 6 Man otemjej ian pris ro ren mōña jene: re naj

mōña ilo jikin e kwojarjar: e kwojarjar wōt. 7 Einwōt men in katok kin jerawiwi, ein drein men in katok kin ruōn: juōn wōt kieir: e naj an pris eo ej kōmōn kilajrōk. 8 Im pris eo ej katok kin katok kijeek ñōn jabrewōt armij, pris eo wōt e naj bōk ñōn e, kilin men in katok kijeek eo e ar katok kake. 9 Im jabrewōt jurtak flauo rej umne ilo um, im aolepen men ko rej kōmāt ilo pan, im ilo pan in umum, e naj an pris eo e ar katok kake. 10 Im jabrewōt jurtak flauo, kāreike kin oil, ak mōrā, lōmaro otemjej nejin Aron re naj bōke, einwōt juōn.

11 Im eñin kien men in katok kin ainemōn ko, eo armij ej katok kake ñōn Jeova. 12 Elañe ej katok kin men in kamolol, inem en letok iben men in katok kin kamolol eo, kek ko re jab uwe, im kāreike kin oil, im kek ko re meni kabite kin oil, im kek ko kāreike kin oil jen flauo kwerek molūlū. 13 Kin kek in bred e uwe, en letok jurtak eo an iben men in katok kin ainemōn ko an kin kamolol. 14 Im jen e, en katok juōn jen jabrewōt jurtak, men in katok jebōke ñōn Jeova; e naj an pris eo ej kabōtūktūk kin bōtōktōkin men in katok in ainemōn ko.

15 Im kōniekin jurtak in ainemōn ko an ñōn kamolol, ren kōñe ran eo ke ej katok kake; e jamin likit jabrewōt mōtōn ñōn jiboñ. 16 A elañe men in katok eo an ej men in kanōjni, ak men in katok kin mōnōnō, ren mōña ran eo ke ej katok; im ilju ren kōñe mōtōn eo ej berwōt; 17 a mōtōn kōniekin men in katok eo ej berwōt ñōn ran eo ken ka jilu, ren tile kin kijeek. 18 Im elañe rej mōña jabrewōt kōniekin jurtak in ainemōn ko ilo ran eo ken ka jilu, jamin bōke ak watōke ñōn eo ej katok kake: e naj men in jōjōik, im armij eo ej mōña jen e, e naj inek bwir eo an.

19 Im ren jab mōña kōniek eo ej uñir jabrewōt men eo e jab erre: ren tile kin kijeek. Im kin kōniek eo, jabrewōt eo ej erre, en mōña jen e: 20 a armij eo ej mōña jen kōniek-

un jurtak in ainemōn ko rej an Jeova, ke etton ej ber ion, naj bukwelok armij eo jen dri ailiñ ro an. 21 Im ñe jabrewōt armij ej uñir jabrewōt men eo e jab erre, etton an armij, ak kiru e jab erre, ak jabrewōt men in jōjōik e jab erre, inem ej mōña kōniekin jurtak ko in ainemōn an Jeova, naj bukwelok armij eo jen dri aieñ ro an.

22 Im Jeova e ar konono ñōn Moses, im ba, 23 Kwon konono ñōn armij ro nejin Israel, im ba, Komin jab mōña jabrewōt kioeo an kau, ak jip, ak got. 24 Im kioeo jen jabrewōt eo ej mij in atabuñ, im kioeo an jabrewōt eo kiru rar kekel e, ren kejerbale ilo jabrewōt bar wāwen; a komin jab mōña jen e. 25 Bwe jabrewōt armij ej mōña kioeo an kiru eo, armij rej katok jen e men in katok kōmōne kin kijeek ñōn Jeova, naj bukwelok armij eo jen dri ailiñ ro an. 26 Im komin jab mōña jabrewōt wāwen bōtōktōk, bōtōktōkin bao, ak kiru, iloaan jabrewōt moko imwemi. 27 Jabrewōt armij ej mōña bōtōktōk, naj bukwelok armij eo jen dri ailiñ ro an.

28 Im Jeova e ar konono ñōn Moses, im ba, 29 Kwon konono ñōn ro nejin Israel, im ba, Eo ej katok kin jurtak in ainemōn ko ñōn Jeova, en bōktok jurtak eo an ñōn Jeova jen jurtak ko in ainemōn: 30 pā ko pein wōt ren bōktok men in katok ko an Jeova kōmōne kin kijeek; en bōktok ñben ubōn, bwe ren kabelbel ubōn eo, jurtak in belbel iman Jeova. 31 Im pris eo en tile kioeo eo ion lokatok eo; a ubōn eo enaj an Aron im lōmaro nejin. 32 Im komin lelok unjen ne anbijmaroñ ñōn pris eo, juōn jurtak in jebōke jen ami jurtak in ainemōn ko. 33 Eo ian lōmaro nejin Aron, ej katok kin bōtōktōkin jurtak in ainemōn ko, im kioeo eo, unjen ne anbijmaroñ, e naj kij eo an. 34 Bwe I ar bōk ubōn kabelbel im unjen ne anbijmaroñ men in jebōke, jen ronejin Israel, jen jurtak in ainemōn ko air, im I ar lelok e ñōn Aron pris, im ñōn lōmaro nejin, air kij in drio, jen ro nejin Israel.

35 Eñin kij eo an Aron, im kij eo an lōmaro nejin, jen men in katok ko an Jeova kōmōne kin kijeek, ilo ran eo ke E ar lelok ir bwe ren jerbal ñōn Jeova ilo jerbal an pris; 36 men ko Jeova ej jiroñ bwe ren lelok ñōn ir, jen ro nejin Israel, ilo ran eo ke E ar kabit ir. Ej air kij iomin ebeben ko air ñōn in drio.

37 Eñin kien men in katok kin kijeek, kien jurtak flauo, men in katok kin bwir, men in katok kin ruōn, im kin lelok, im kin jurtak in ainemōn ko; 38 nan ko Jeova e ar jiroñ Moses ion tol Sainai, ilo ran eo ke E ar jiroñ ro nejin Israel bwe ren lelok jurtak ko air ñōn Jeova, ilo ene jemaren in tol Sainai.

8 Im Jeova e ar konono ñōn Moses, im ba, 2 Kwon bōk Aron im lōmaro nejin, im nuknuk ko, im oil in kabit, im kau koman an katok kin jerawiwi, im jip koman ko ruo, im iep in bred e jab uwe; 3 im kokweloktok aolepen jar eo iturin kejem in imōn kwelok eo. 4 Im Moses e ar kōmōn einwōt Jeova e ar jiroñ e; im jar eo rar kweloktok iturin kejem in imōn kwelok eo. 5 Im Moses e ar ba ñōn jar eo, Eñin men eo Jeova e ar jiroñ bwe jen kōmōne.

6 Im Moses e ar āñintok Aron im lōmaro nejin, im katutu ir kin dren. 7 Im e ar likit kobe eo ion, im kañōr-ñōre kin kōñōr eo, im kanuknuk e kin liboror, im likit epod ion, im kañōr-ñōre kin kworōk e kanuij tiltil an epod eo, im lukwoj e kake. 8 Im e ar likit dribil eo maren: im ilo dribil eo e ar likit Urim im Tummim eo. 9 Im e ar likit libo eo ion bōran; im ion libo eo iman, e ar likit plet gold eo, bokrōnāt e kwojarjar; einwōt Jeova e ar jiroñ Moses.

10 Im Moses e ar bōk oil in kabit, im kabit imōn kabere eo, im men ko otemjej iloaan, im kokwojarjari. 11 Im e ar kabōtūktūk jen e ion lokatok eo, jiljilimjuōn alen, im e ar kabit lokatok eo im jābi otemjej an, im jābi jinibōrōrō jikin amin, im loñtōn, im kokwojarjari. 12 Im e ar lutōk jen oil in kabit ion bōran Aron, im kabit

e; im kokwojarjar e. 13 Im Moses e ar ānintok lōmaro nejin Aron, im kanuknuk ir kin kobe ko, im kañōrñōr ir kin kōñōr ko, im lukwoj ioir rojen-bōrair; einwōt Jeova e ar jiroñ Moses.

14 Im e ar bōktok kau koman eo, men in katok kin bwir: im Aron im lōmaro nejin rar likit peir ion bōran kau koman eo, men in katok kin bwir. 15 Im e ar mōne; im Moses e ar bōk bōtōktōkin, im likit e ion drun in lokatok eo, im iturin, kin arrin pein, im karreoik lokatok eo, im lutōklok bōtōktōkin ilōl, iturin lokatok eo, im kokwojarjare, bwe en kōmōn kilajrōk ñōn e. 16 Im e ar bōk aolepen kioeo ej ber ion mōjñōl ko, im jā ion aj eo, im dreka in jibke ko, im kioeo ioir; im Moses e ar tile ion lokatok eo. 17 A kau koman eo, im kilin, im kōniekin, im toeōkin, e ar tile kin kijeek ilikin kamp eo: einwōt Jeova e ar jiroñ Moses.

18 Im e ar lelok jip koman eo men in katok kijeek: im Aron im lōmaro nejin rar likit peir ion bōran jip koman eo. 19 Im e ar mōne; im Moses e ar kabōtūktūk kin bōtōktōkin ion lokatok eo im iturin. 20 Im e ar wojibloklok jip koman eo; im Moses e ar tile bōran, im mōtōn ko, im kioeo eo. 21 Im e ar kwole mōjñōl ko im ne ko kin dren; im Moses e ar tile aolepen jip koman eo ion lokatok eo: e ar katok kijeek ñōn bwin enno: jurtak kōmōne kin kijeek ñōn Jeova; einwōt Jeova e ar jiroñ Moses.

22 Im e ar lelok jip koman eo juōn, jip koman in kokwojarjar: im Aron im lōmaro nejin rar likit peir ion bōran jip koman eo. 23 Im e ar mōne; im Moses e ar bōk jen bōtōktōkin, im likit e ion jabōn lojiliñin Aron anbijmaroñōn, im ion arrilip in pein anbijmaroñōn, im ion arrilip in neen anbijmaroñōn. 24 Im e ar ānintok lōmaro nejin Aron; im Moses e ar likit jen bōtōktōk eo ion jabōn lojiliñir anbijmaroñir, im ion arrilip in pein anbijmaroñir, im ion arrilip in neir anbijmaroñir: im Moses e ar kabōtūktūk kin bōtōktōk eo ion lokatok eo

im iturin. 25 Im e ar bōk kioeo eo, im lokōn e mātōk, im aolepen kioec ion mōjñōl ko, im jā eo ion aj, im dreka in jibke ko, im kioeo ioir, im unjen ne anbijmaroñōn: 26 im jen iep in bred e jab uwe, eo e ar ber iman Jeova, e ar bōk juōn kek e jab uwe, im juōn kek ia bred emwij kabite, im juōn kek e meni, im likiti ion kioeo eo, im ion unjen ne anbijmaroñōn: 27 im e ar likit aolepeir ilo pein Aron, im ilo pein lōmaro nejin, im kabelbeli katok belbel iman Jeova. 28 Im Moses e ar bōki jen peir, im tili ion lokatok eo, ion men in katok kijeek: rej men in kokwojarjar ñōn bwin enno ekar ñōn juōn katok kijeek: ñōn Jeova. 29 Im Moses e ar bōk ubōn, im kabelbele, katok belbel iman Jeova: e kar kij eo an Moses jen jip koman in kokwojarjar; einwōt Jeova e ar jiroñ Moses.

30 Im Moses e ar bōk jen oil in kabit, im jen bōtōktōk eo e ar ber ion lokatok eo, im kabōtūktūk Aron, im nuknuk ko an, im lōmaro nejin, im nuknuk ko air iben, im e ar kokwojarjar Aron, im nuknuk ko an, im lōmaro nejin, im nuknuk ko air iben.

31 Im Moses e ar ba ñōn Aron im ñōn lōmaro nejin, Komin kōmāt kōniek eo ilo dren, iturin kejem in imōn kwelok eo: im komin kōñe ijo iben bred eo ej ber ilo iep in kokwojarjar, einwōt I ar kaiñ, im ba, Aron im lōmaro nejin ran kōñe. 32 Im mātōn mōña jen kōniek im jen bred eo, komin tile kin kijeek. 33 Im komin jab drioielok jen kejem in imōn kwelok eo iomin jiljilimjuōn ran, ñōn ter eo e jejit ran ko ami, ran in kokwojarjar: bwe E naj kokwojarjar kom iomin jiljilimjuōn ran. 34 Einwōt emwij kōmōnmōne ranin, ein drein Jeova e ar jiroñ in kōmōnmōne, in kōmōn kilajrōk ñōn kom. 35 Im kom naj berwōt iturin kejem in imōn kwelok eo iomin jiljilimjuōn ran, ran im boñ, im kejarōk kien Jeova, bwe komin jab mij: bwe ein drein emwij jiroñ iō. 36 Im Aron im lōmaro nejin rar kōmōn men otemjej Jeova e ar jiroñ kin pein Moses.



**9** Im ilo ran eo ken ka dualitōk, Moses e ar kirtok Aron im lōmaro nejin, im ridto ro in Israel; **2** im e ar ba nōn Aron, Kwon bōk juōn kon in kau, men in katok kin jerawiwi, im juōn jip koman men in katok kin kijeek, re wāppen, im kwon katok kake iman Jeova. **3** Im kwo naj konono nōn ro nejin Israel, im ba, Komin bōk juōn got koman, men in katok kin jerawiwi; im juōn kon in kau, im juōn lam, irro riddait wōt juōn, juōn yiō, re wāppen, men in katok kijeek; **4** im juōn ox im juōn jip koman, men in katok ko kin ainemōn, nōn katok kake iman Jeova; im jurtak flauo kāreiki kin oil: bwe ranin Jeova ej walok nōn kom. **5** Im rar bōktok men ko Moses e ar jiroñ, iman imōn kwelok eo: im aolepen jar eo rar druaktok im jutōk iman Jeova. **6** Im Moses e ar ba, Eñin men eo Jeova e ar jiroñ, bwe komin kōmōne: im aibujuij an Jeova e naj walok nōn kom. **7** Im Moses e ar ba nōn Aron, Kwon druaktok nōn lokatok eo, im katok am men im katok kin jerawiwi, im kin am men in katok kijeek, im kōmōn kilajrōk nōn kwe im armij rōn; im kwon lelok jurtak eo an armij rōn, im kōmōn kilajrōk nōn kwe im armij rōn; im kwon lelok jurtak eo an armij rōn, im kōmōn kilajrōk nōn ir; einwōt Jeova e ar jiroñ.

**8** Ein drein Aron e ar druaktok nōn lokatok eo, im nōn kon in kau men in katok kin jerawiwi, eo nōn e mōke. **9** Im lōmaro nejin Aron rar lelok bōtōktōkin nōn e; im e ar katulok juōn arrin pein ilo bōtōktōk eo, im likite ion drun in lokatok eo, im lutōklok bōtōktōkin iturin lokatok eo: **10** a kioeo eo, im dreka in jibke ko, im jā eo ej ber ion aj jen men in katok kin jerawiwi, e ar tile ion lokatok eo, einwōt Jeova e ar jiroñ Moses. **11** Im e ar tile kōniekin im kilin elikin kamp eo.

**12** Im e ar mōn men in katok kijeek eo; im lōmaro nejin Aron rar lelok nōn e bōtōktōkin, im e ar kabōtūktūk ion lokatok eo im iturin. **13** Im rar lelok men in katok kijeek nōn

e kin mōtōn ko, kab bōr: im e ar tile ion lokatok eo. **14** Im e ar kwole mōjñōl im ne ko, im tile ion men in katok kijeek ion lokatok eo.

**15** Im e ar lelok jurtak an jar eo, im e ar bōk got eo men in katok kin jerawiwi, eo ej nōn armij rōn, im mōne, im katok kake kin jerawiwi, einwōt eo mokta. **16** Im e ar lelok men in katok kijeek, im katok kake ekar nōn kien eo. **17** Im e ar lelok jurtak flauo, im kobrōk pein jen e, im tile ion lokatok eo, eorlok jen men in katok kijeek ke ejiboñ.

**18** Bareinwōt, e ar mōn ox eo im jip koman eo, men in katok kin ainemōn ko, ko nōn armij rōn: im lōmaro nejin Aron rar lelok nōn e bōtōktōkir, im e ar kabōtūktūke ion lokatok eo im iturin, **19** im kioeo eo an ox eo, im an jip koman eo, lokōn e mātōk, im men in kalibubu mōjñōl ko, im dreka in jibke ko, im jā ion aj: **20** im rar likit kioeo eo ion ubōn kiru ko, im e ar tile ion lokatok eo: **21** im ubeir ion unjen ne ko anbijmaroñir, Aron e ar kabelbeli, katok belbel iman Jeova, einwōt Moses e ar jiroñ.

**22** Im Aron e ar kwotōke pein nōn armij rōn, im jare ir; im e ar wōnlōltok jen an men in katok kin jerawiwi, im men in katok kijeek, im jurtak in ainemōn ko. **23** Im Moses im Aron rar dreloñlok iloan imōn kwelok eo, im drioiytok, im rar jare armij rōn: im aibujuij an Jeova e ar walok nōn armij otemjej. **24** Im e ar walok kijeek jen iman Jeova, im e ar tile men in katok kijeek im kioeo ion lokatok eo: im ke armij otemjej rar loe, rar lamij, im buñbero.

**10** Im Nedab im Ebaihu, lōmaro nejin Aron, rar jimor bōk airro sensor, im likit kijeek iloan, im likit ijur na ion, im katok iman Jeova kin kijeek wan jen eo E ar jiroñ ir kake. **2** Im kijeek e ar waloktok jen iman Jeova, im e ar kōñ ir, im rar mij iman Jeova. **3** Inem Moses e ar ba nōn Aron, Eñin nan eo Jeova e ar konono, im ba, Ña I naj kwojarjar

ilo ro rej druaktok ñōn iba, im iman armij otemjej I naj kaibujuij Iō. Im Aron e ar kejeklokjen. 4 Im Moses e ar kirtok Mishael, im Elzezan, ro nejin Uzzael, alap an Aron, im e ar ba ñōn ir, komin druaktok, komin bōklok ro nukumi jen iman imōn kwojarjar, ñōn ilikin kamp eo. 5 Ein drein rar druaktok, im bōklok irro ilo kobe ko air, ñōn elikin kamp eo: einwōt Moses e ar ba. 6 Im Moses e ar ba ñōn Aron, im ñōn Iliezar im Itamar, ro nejin, En jab aleak kolan bōrami, im komin jab kekel nuknuk ko ami; bwe komin jab mij; im bwe En jab illu ñōn aolepen jar eo: a ro nukumi, aolepen imōn Israel, ren jōñōt kijeek eo Jeova e ar kejo e. 7 Im komin jab drioiĵlok jen kejem in imōn kwelok eo, ñe kom ab mij: bwe oil in kabit ej ber iomi. Im rar kōmōn einwōt nan in Moses.

3 Im Jeova e ar konono ñōn Aron, im ba, 9 Komin jab irak wain, ak dren in karek, jab kwe, jab lōmaro nejōm ibōm, ñe komij dreloñ iloan imōn kwelok eo, bwe komin jab mij: e naj juōn kien ñōn in drio iomin ebeben ko ami: 10 im bwe komin likit men ko re kwojarjar ein juōn jen men wan ko, im erreō ein juōn jen jab erreō; 11 im bwe komin katakin ro nejin Israel kien ko otemjej, ko Jeova e ar konono kake ñōn ir kin Moses.

12 Im Moses e ar ba ñōn Aron, im ñōn Iliezar, im ñōn Itamar, lōmaro nejin, ro rej berwōt, Komin bōk katok flauo eo ej ber jen men in katok ko an Jeova kōmōne kin kijeek, im mōña ke e jab uwe, iturin lokatok eo; bwe e kwojarjar otem kwojarjar; 13 im komin kōñe ilo juōn jikin e kwojarjar, bwe ej kij eo am im an lōmaro nejōm, ian men in katok ko kōmōne kin kijeek: bwe ein drein emwij jiroñ yuk. 14 Im ubōn men in belbel, im unjen ne men in jebōk, komin mōña ilo jikin erreō, kwe im ro nejōm man, im ro nejōm kōra ibōm: bwe emwij lewoj ir am kij, im an ro nejōm, ian men in katok ko an jurtak in ainemōn ko an ro nejin Israel.

15 Unjen ne men in jebōke, im ubōn men in belbel, ren bōktok iben jurtak ko kōmōni kin kijeek an kioeo eo, bwe ren kabelbeli, jurtak belbel iman Jeova: im e naj am, im an ro nejōm ibōm, kij eo ami in drio: einwōt Jeova e ar jiroñ.

16 Im Moses e ar kanuij kabukot got eo, men in katok kin jerawiwi, im lo, emwij tile: im e ar illu iben Iliezar, im iben Itamar, lōmaro nejin Aron rej berwōt, im e ar ba, 17 Etke kom ar jab mōña men in katok kin jerawiwi iloan jikin e kwojarjar, bwe e kanuij kwojarjar, im E ar lewoj ñōn kōm bwe komin bōklok bwir an jar eo, in kōmōn kilajrōk ñōn ir iman Jeova? 18 Lo, ar jab bōktok bōtōktōkin iloan imōn kwelok eo: emōn ami kar kōñe iloan imōn kwojarjar eo, einwōt I ar jiroñ. 19 Im Aron e ar konono ñōn Moses, im ba, Lo, ranin rar letok air men in katok kin jerawiwi, im air men in katok kijeek, iman Jeova; im rar walok ñōn iō men ko ein drein: im elañe I ar mōña men in katok kin jerawiwi ranin, e naj kar men in kabuñburuen Jeova ke? 20 Im ke Moses e ar roñ nan eo, e ar buñburen kake.

11 Im Jeova e ar konono ñōn Mōses im Aron, im E ar ba ñōn irro, 2 Komin konono ñōn ro nejin Israel, im ba, Irkein men ko re mour emelim ami mōña ian kiru otemjej rej ion lōl. 3 Jabrewōt eo e jibil akin, im ej meme kijen alen ruo, ian kiru ko, emelim ami mōña. 4 Ijoke, 1 ir kein komin jab mōña ian ko rej meme alen ruo, ak ko e jibil akir: kamel, bwe ej meme alen ruo, a e jab jibil akin, e jab erreō ñōn kom. 5 Im koni, bwe ej meme alen ruo, a e jab jibil akin, e jab erreō ñōn kom. 6 Im her, bwe ej meme alen ruo, a e jab jibil akin, e jab erreō ñōn kom. 7 Im pig, bwe e jibil akin, a e jab meme alen ruo, e jab erreō ñōn kom. 8 Jen kōniekir komin jab mōña, im ubeir komin jab uñiri: re jab erreō ñōn kom.

9 Irkein e melim ami mōña ian mes

otemjelok rej ilo dren ko: jabrewõt eor peir im ruo kilin, i lometo, ak ilo river, irko komin mōña. 10 Im aole-peir ejelok peir, ak juōn wõt kilir, i lometo, im ilo river ko, ian men otemjej rej makōtkit ilo dren ko, im ian men in mour otemjej rej ber ilo dren ko, rej men in jōjōik nōn kom, 11 im ren men in jōjōik nōn kom; komin jab mōña kōniekir, im komin jōjōik ubeir. 12 Jabrewõt eo ejelok pein, ak juōn wõt kilin, ilo dren ko, men eo ej men in jōjōik nōn kom.

13 Im irkein ian bao ko re naj men in jōjōik nōn kom; komin jab mōña, rej men in jōjōik: igōl, im gir igōl, im ospre, 14 im kait, im falkon, ekar nōn wāwen, 15 reven otemjej ekar nōn wāweir, 16 im ostrij, im hak in boñ, im keār, hak ekar nōn wāwen, 17 im jinurij erik, im kormorant, im jinurij elap, 18 im jinurij eor an drun, im pelikan, im vōltur, 19 im stork, heron ekar nōn wāwen, im hopoi, im bāt.

20 Jabrewõt eo ej kākī kab tōbōlbōl kin emen neir, rej men in jōjōik nōn kom. 21 Ijoke, irkein e melim ami mōña ian men ko eor pein bao, im rej tōbōlbōl kin emen neir, eor unin ne ilōñin neir, bwe ren etōr kake ion lōl; 22 irkein wõt e melim aṛhi mōña: lokōs ekar nōn wāwen, im lokōs e kwōmāt ekar nōn wāwen, im jirjir ekar nōn wāwen, im men in ujoij ekar nōn wāwen. 23 A men in tōbōlbōl otemjej eor pein bao, im rej etetal kin emen neir, re men in jōjōik nōn kom.

24 Im kin men kein komij jab erreō: jabrewõt eo ej uñir ubeir, e jamin erreō mae jota; 25 im jabrewõt eo ej inek mōtōn ubeir, en kwoli nuknuk ko an, im e jamin erreō mae jota. 26 Jabrewõt kiru e jibil akin, a e jab jibil neen, im e jab meme alen ruo, e jab erreō nōn kom: jabrewõt eo ej uñire, e jab erreō. 27 Im jabrewõt men ej etal kin lobiren neen im pein, ian kiru otemjej rej etal kin emen ne, re jab erreō nōn kom: jabrewõt eo ej uñir ubeir, e jamin erreō mae jota. 28 Im eo ej inek ubōn

men kein, en kwoli nuknuk ko an, im e jamin erreō mae jota: rein re jab erreō nōn kom.

29 Im irkein re jab erreō nōn kom, ian men in tōbōlbōl ko rej tōbōlbōl ion lōl: wisel, im kijrik, im kul elap ekar nōn wāwen, 30 im geko, im krokodail in ene, im mejluj, im kutiltil, im aob. 31 Irkein re jab erreō nōn kom ian men ko otemjej rej tōbōlbōl: jabrewõt eo ej uñiri, ke e mij, e jamin erreō mae jota. 32 Im men eo jabrewõt ubeir ej buñōt e, en jab erreō; elañe jabrewõt jābi wijki, ak nuknuk ko, ak kil, ak bōjo, jabrewõt jābi rej kōmōn jerbal kake, ren likit e ilo dren, im e jamin erreō mae jota; inem e naj erreō. 33 Im jabrewõt jābi brij, ñe jabrewõt iair e naj buñ iloan, jabrewõt men eo kobōn en jab erreō, im kom naj rupe jābi eo. 34 Ekōn otemjej iloan, ekar nōn mōña, eo dren ej lutōk ion, e jab erreō; im limen otemjej ekar nōn irak, ilo jabrewõt jābi ein drein, en jab erreō. 35 Im jabrewõt men eo mōtōn ubeir ej buñōte, en jab erreō; elañe um ak ken kōmāt kin dren, ren tibrikrike: re jab erreō im ren jab erreō nōn kom. 36 Ijoke, unin dren, ak roñ eor dren iloan, e naj erreō: a jabrewõt eo ej uñir ubōn, en jab erreō. 37 Im elañe jabrewõt mōtōn ubeir ej buñōt jabrewõt ine in jeor eo re naj jeor e, ej erreō. 38 A elañe rej likit dren ion ine ko, im jabrewõt mōtōn ubeir ej buñōte, e jab erreō nōn kom.

39 Im elañe jabrewõt kiru, e melim am mōña, ej mij; eo ej uñir ubōn e jamin erreō mae jota. 40 Im eo ej mōña jen ubōn en kwoli nuknuk ko an, im e jamin erreō mae jota.

41 Im jabrewõt men in tōbōlbōl ej tōbōlbōllok ion lōl, ej men in jōjōik: ren jab mōña. 42 Jabrewõt eo ej etal kin lojen, im jabrewõt eo ej etal kin emen ne, ak jabrewõt eo elōñ neen, eokwe, men in tōbōllōk otemjej rej tōbōllōk ion lōl, irkein komin jab mōña; bwe rej men in jōjōik. 43 Komin jab mōke kōmōn kom men in jōjōik, kin jabrewõt men in tōbōlbōl, eo ej tōbōllok, im komin jab mōke

kōmōn kom jab erreō kake, bwe kōmin brijrij. **44** Bwe Ņa Jeova ami Anij: kin men in komin mōke kokwojarjar kom, im komin kwojarjar: bwe Ņa I kwojarjar: im komin jab kabrijrij kom kin jabrewōt men in tōbōlbōl ej tōbōlbōl ion lōl. **45** Bwe Ņa Jeova eo e ar bōktok kom jen Ijpt, bwe In ami Anij: inem komin kwojarjar bwe Ņa I kwojarjar.

**46** Eñin kien kiru, im bao, im jabrewōt men in mour ej makōtkit ilo dren ko, im kin jabrewōt men in kōmōn ej tōbōllok ion lōl; **47** bwe en alikar men ko rereo im men ko re jab erreō, im men in mour eo e melim ñōn mōña, im men in mour eo emo ñōn mōña.

**12** Im Jeova e ar konono ñōn Moses, im ba, **2** Kwon konono ñōn ro nejin Israel, im ba, Elañe juōn kōra ej etta, im keutak nejin eman, inem e jamin erreō iomin jiljilimjuōn ran; einwōt ilo ran ko ke e jab erreō kin an bōk mōntin kōra, ein drein e jab erreō. **3** Im ilo ran eo ken ka drualitōk ren mijmij kilin man. **4** Im lio en berwōt ilo bōtōktōk kin karreo iomin jilñoul jilu ran; en uñir ejelok men eo e kwojarjar, im en jab dreloñ iloan imōn e kwojarjar, mae ien e jejit ran ko ran in karreoik e. **5** A elañe ej keutak nejin kōra, inem e jamin erreō iomin ruo wik, einwōt ilo an jab erreō; im en berwōt ilo bōtōktōk kin karreo iomin jiljinoñoul jiljino ran.

**6** Im ñe e jejit ran ko ran in karreoik e, kin nejin eman ak kōra, en bōktok juōn lam, ridtōn juōn yiō, men in katok kijeek, im juōn muli emōn drer, ak tōrtel dōv, men in katok kin jerawiwi, ñōn kejem in imōn kwelok, ñōn pris eo: **7** im leo e naj katok kake iman Jeova, im kōmōn kilajrōk ñōn e; im e naj erreō jen unin bōtōktōkin. Eñin kien ñōn kōra eo ej keutak, elañe man ak kōra. **8** Im elañe men ko mweien e jab bwe ñōn juōn lam, inem en bōk <sup>1</sup>ruo tōrtel dōv, ak ruo muli emōn drer; juōn ñōn men in

katok kijeek, im eo juōn ñōn men in katok kin jerawiwi: im pris eo en kōmōn kilajrōk ñōn e, im e naj erreō.

**13** Im Jeova e ar konono ñōn Moses im ñōn Aron, im ba, **2** Ñe iben juōn armij, ebōj, ak ellen, ak tilboke, im ej ilo kilin kōniekin nañnmij in leper, inem ren bōktok e ñōn iben Aron, pris eo, ak ñōn iben juōn ian lōmaro nejin, pris ro: **3** im pris eo en lale nañnmij eo ilo kilin kōniekin: im elañe kol ko ilo nañnmij eo rar erom mouj, im wāwen nañnmij eo e mulōl jen kilin kōniekin, ej nañnmij in leper; im pris eo en kalimjeke, im ba e jab erreō. **4** Im elañe tilboke eo e mouj ilo kilin kōniekin, im wāwen e jab mulōl jen kilin, im kolan e jab erom mouj, inem pris eo en kil armij eo nañnmij eo iben, iomin jiljilimjuōn ran: **5** im pris eo en kalimjeke ilo ran eo ken ka jiljilimjuōn: im lo, elañe ilo an lale, nañnmij eo ej einwōt mokta, im e jab edreklok ilo kilin, inem pris eo en kil e iomin bar jiljilimjuōn ran: **6** im ilo ran eo ken ka jiljilimjuōn, pris eo en bar kalimjeke; im lo, elañe nañnmij eo e jab kanuij alikar, im e jab edreklok ilo kilin, inem pris eo e naj ba ej erreō: e tilboke wōt: im en kwoli nuknuk ko an, im e naj erreō. **7** A elañe tilboke eo ej edreklok ilo kilin, elikin an mōke kwalok e ñōn pris eo kin karreoik e, en bar kwalok e ñōn pris eo: **8** im pris eo en kalimjeke; im lo, elañe tilboke eo e ar edreklok ilo kilin, inem pris eo e naj ba e jab erreō: ej nañnmij in leper.

**9** Ke nañnmij in leper ej iben juōn armij, inem ren āñintok e ñōn iben pris eo; **10** im pris eo en kalimjeke: im lo, elañe eor bōj e mouj ilo kilin, im e ar kamouj kolan, im ilo bōj eo eor kōniek e utiej, **11** ej nañnmij in leper e mowiea ilo kilin kōniekin, im pris eo e naj ba e jab erreō: en jab kil e; bwe e jab erreō. **12** Im elañe nañnmij in leper ej walok im edreklok ilo kilin, im nañnmij eo ej kalibubu aolepen kilin eo e nañnmij, e berejōke jen bōran ñōn neen, einwōt e alikar ñōn pris eo; **13** inem pris eo



en kalimjeke; im lo, elaŋe naŋinmij in leper e ar kalibubu aolepen kōniekin, e naj ba erreō armij eo e naŋinmij: ej aolep im erom mouj: ej erreō. 14 A jabrewōt ien ke kōniek ej walok ie, e jab erreō. 15 Im pris eo en kalimjek kōniek eo, im ba e jab erreō: kōniek eo e jab erreō: ej naŋinmij in leper. 16 A elaŋe kōniek eo ej bar erom mouj, inem en itok ŋōn iben pris eo; 17 im pris eo en kalimjeke; im lo, elaŋe naŋinmij eo ej erom mouj, inem pris eo e naj ba ej erreō armij eo e naŋinmij: ej erreō.

18 Im ke eor wōt iben kōniek ilo kilin, im emo, 19 im ilo jenkwōn wōt eo eor bōj e mouj, ak tilboke, im elāmirmir, inem en kwalok e ŋōn pris eo; 20 im pris eo en kalimjeke; im lo, elaŋe wāwen e mulōl jen kilin, im kolan ej erom mouj, inem pris eo e naj ba e jab erreō: ej naŋinmij in leper, e ar walok ilo wōt eo. 21 A elaŋe pris eo ej kalimjeke, im lo, ejelok kol e mouj ie, im e jab mulōl jen kilin, a e jab alikar; inem pris eo en kil e iomin jiljilimjuōn ran: 22 im elaŋe ej edreklok ilo kilin, inem pris eo e naj ba e jab erreō: ej juōn naŋinmij. 23 A elaŋe tilboke ej berwōt ilo jikin, im jab edreklok, ej ieje an wōt eo; im pris eo e naj ba ej erreō.

24 Im ŋe iben kōniek ilo kilin eor bok in kijeek, im kōniek ilo bok in kijeek eo ej erom tilboke, elāmirmir, ak mouj; 25 inem pris eo en kalimjeke: im lo, elaŋe kolan tilboke eo ej erom mouj, im wāwen e mulōl jen kilin; ej naŋinmij in leper, e ar walok ilo bok in kijeek eo: im pris eo e naj ba e jab erreō: ej naŋinmij in leper. 26 A elaŋe pris eo ej kalimjeke, im lo, ejelok kol e mouj ilo tilboke eo, im e jab mulōl jen kilin, a e jab kanuij alikar; inem pris eo en kil e iomin jiljilimjuōn ran: 27 im ilo ran eo ken ka jiljilimjuōn pris eo en kalimjeke: elaŋe ej edreklok ilo kilin, inem pris eo e naj ba e jab erreō: ej naŋinmij in leper. 28 Im elaŋe tilboke eo ej berwōt ilo jikin, im e ar jab edreklok ilo kilin, a e jab kanuij

alikar; ej bōj in bok, im pris eo e naj ba ej erreō: bwe ej iejen kinjen kijeek eo.

29 Im ke eor man ak kōra e naŋinmij ion bōran ak ilo kworeak, 30 inem pris eo en kalimjek naŋinmij eo; im lo, elaŋe wāwen ej mulōl jen kilin, im iloan eor kol reit im mōrar, inem pris eo e naj ba e jab erreō: ej naŋinmij in leper an bōr ak kworeak. 31 Im elaŋe pris eo ej kalimjek naŋinmij eo, im lo, wāwen e jab mulōl jen kilin, im ejelok kol kilmej iloan, inem pris eo en kil eo eor naŋinmij iben iomin jiljilimjuōn ran; 32 im ilo ran eo ken ka jiljilimjuōn, pris eo en kalimjek naŋinmij eo: im lo, elaŋe naŋinmij eo e ar jab edreklok, im ejelok kol e mōrar ie, im wāwen naŋinmij e jab mulōl jen kilin, 33 inem re naj eāl e, a en jab eāl naŋinmij eo; im pris eo en kil e iomin bar jiljilimjuōn ran: 34 im ilo ran eo ken ka jiljilimjuōn, pris eo en kalimjek naŋinmij eo; im lo, elaŋe naŋinmij eo e ar jab edreklok ilo kilin, im wāwen e jab mulōl jen kilin; inem pris eo e naj ba e jab erreō: im en kwoli muknuk ko an, im e naj erreō. 35 A elaŋe naŋinmij eo ej edreklok elikin an karreoik e, 36 inem pris eo en kalimjeke: im lo, elaŋe naŋinmij eo e ar edreklok ilo kilin, pris eo en jab bukot kol e mōrar; e jab erreō. 37 A elaŋe ilo an lale, naŋinmij eo e jaŋin laplok, im kol e kilmej e ar edrek ie; e molok naŋinmij eo, ej erreō: im pris eo e naj ba ej erreō.

38 Im ŋe iben man ak kōra tilboke ko, aet tilboke ko re mouj ilo kilin kōniekin; 39 inem pris eo en kalimjeke; im lo, elaŋe tilboke ko ilo kilin kōniekin re jab kanuij mouj, inem e juōn linnōp, e ar walok ilo kilin; ej erreō.

40 Im elaŋe e joko kolan bōran juōn eman, e kwōmāt; mekarta, ej erreō. 41 Im elaŋe e joko kol ion dremōn juōn, e kodremrōm; mekarta, ej erreō. 42 A elaŋe ion kwōmāt eo ak ion kodremrōm eo, eor naŋinmij elāmirmir; ej naŋinmij in leper ej walok i kwōmāt eo ak ion kodrem-

röm eo. 43 Inem pris eo en kalimjeke; im lo, elaŝe bōj in naŝinmij eo ej elāmirmir ijo e joko kolan bōran, einwōt wāwen naŝinmij in leper ilo kilin kōniekin; 44 ej juōn dri leper e jab erreō: emol pris eo en ba e jab erreō: naŝinmij eo an ej ion bōran.

45 Im armij eo naŝinmij in leper iben, ren kekel nuknuk ko an, im e naj aleak, im en kalibubu tien tuilōn, im en lamij, Jab erreō, jab erreō. 46 Iomin ran ko otemej naŝinmij eo ej iben e jamin erreō; en jab erreō: en ber mōke ian: jikin e naj ilikin kamp eo.

47 Nuknuk eo naŝinmij in leper ej iben, elaŝe nuknuk kolan jip, ak nuknuk linen; 48 elaŝe ej ber ilo iren; nuknuk linen ak kolan jip; ak ilo kilin kiru, ak ilo jabrewōt men eo kōmōne jen kilin kiru; 49 elaŝe naŝinmij eo ej māroro ak kilmej ilo nuknuk eo, ak ilo kilin kiru, ak ilo iren, ak ilo jabrewōt men in kōmōn jen kilin kiru; ej naŝinmij in leper, im naj kwalok e fiōn pris. 50 Im pris eo en kalimjek naŝinmij eo, im en kil men eo naŝinmij iben, iomin jiljilimjuōn ran: 51 im ilo ran eo ken ka jiljilimjuōn, en kalimjek naŝinmij eo: elaŝe naŝinmij eo e ar edreklok ilo nuknuk eo, ilo iren, ak ilo kilin kiru, jabrewōt jerbal rej kōmōn kake; ej naŝinmij in leper; e jab erreō. 52 Im e naj tile nuknuk eo, elaŝe ej ber ilo iren, elaŝe ilo kolan jip ak linen, ak jabrewōt jen kilin kiru, naŝinmij ej ber iben: bwe naŝinmij in leper; ten tile ilo kijeek.

53 Im elaŝe pris eo ej kalimjeke, im lo, naŝinmij eo e ar jab edreklok ilo nuknuk eo, ilo iren, ak ilo jabrewōt jen kilin kiru; 54 inem pris eo en jiroŝ bwe ren kwole men eo naŝinmij ej iben, im en kil e iomin bar jiljilimjuōn ran: 55 im pris eo en kalimjeke, elikin air kwole naŝinmij eo; im lo, elaŝe naŝinmij eo e ar jab ukot nememen, im naŝinmij eo e ar jab edreklok, e jab erreō; kwon tile ilo kijeek: e juōn iramōj, elaŝe jorran eo iloan ak ilikin.

56 Im elaŝe pris eo ej kalimjeke,

im lo, naŝinmij e jab kanuij alikar elikin kwole, inem en kekele jen nuknuk eo, ak jen kilin kiru eo, al: jen iren: 57 im elaŝe ej alikar wōt ilo nuknuk eo, ilo iren, ak ilo jabrewōt jen kilin kiru, ej walok wōt: kwon tile men eo naŝinmij iben, kin kijeek. 58 Im nuknuk eo, ak iren, ak jabrewōt men eo jen kilin kiru, eo kwo naj kwole, elaŝe e joko naŝinmij jen e, inem re naj bar kwole alen ken ka ruo, inem e naj erreō.

59 Eŝin kien naŝinmij in leper ilo juōn nuknuk jen kolan jip ak linen, ilo iren, ak jabrewōt jen kilin kiru, in ba ej erreō, ak ba e jab erreō.

14 Im Jeova e ar konono fiōn Moses, im ba, 2 Eŝin e naj kien dri leper ilo ran in karreoik e: 1 ren aŝintok e fiōn iben pris eo: 3 im pris eo en drioielok jen kamp eo; im pris eo en kalimjeke; im lo, elaŝe naŝinmij in leper e ar joko jen dri leper eo, 4 inem pris eo en jiroŝ bwe ren bōk fiōn eo naj karreoik e, ruo bao rereo im re mour, im wijki aik, im kolan jip e kilmir, im hissop: 5 im pris eo en jiroŝ bwe ren mōn juōn ian bao ko ilo jābi brij, ilōŝin dren ej torlok. 6 Kin bao eo ej mour wōt, en bōke, im mōtōn aik, im kilmir eo, im hissop eo, im en katulok ir im bao e mour ilo bōtōktōkin bao eo rar mōn e ilōŝin dren e torlok: 7 im en kabōtōktōk ion eo re naj karreoik e jen naŝinmij in leper, alen jiljilimjuōn, im en ba ej erreō, im naj kōtlok bao eo e mour ilo melaj. 8 Im eo naj karreoik e, en kwoli nuknuk ko an, im en eāl aolepen kolan, im en tutu ilo dren; im e naj erreō: im elikin men in e naj dreloŝ ilo kamp eo, a en jokwe ilikin mweo imōn iomin jiljilimjuōn ran. 9 Im ilo ran eo ken ka jiljilimjuōn, en eāl kolan bōran im kworeak eo an, im kolan aŝin, aet, en eāl aolepen kolan: im en kwoli nuknuk ko an, im en katutu kōniekin ilo dren, im e naj erreō.

10 Im ilo ran eo ken ka dualitōk, en bōk ruo lam koman re wāppen, im juōn lam kokōra ridtōn juōn yiō

wäppen, im jilu mōtōn joñoul in juōn epa in flauo kwerik, ñōn jurtak flauo, käreike kin oil, im juōn paint in oil. 11 Im pris eo ej karreoik e, en likit armij in karreo, im men ko, iman Jeova, i kejem in imōn kwelok eo. 12 Im pris eo en bōk juōn ian lam koman ko, im lelok e men in katok kin ruōn, im paint in oil eo, im en kabelbeli jurtak in belbel iman Jeova: 13 im en mōn lam koman eo ilo jikin ijo rej mōn men in katok kin bwir im men in katok kijeek ie, ilo jikin e kwojarjar: bwe einwōt men in katok kin bwir an pris, ein drein katok kin ruōn: e kanuij kwojarjar. 14 Im pris eo en bōk jen bōtōktōkin men in katok kin ruōn, im pris eo en likit e ion jabōn lojiliñin anbijmaroñōn eo naj karreoik e, im ion arrilip in pein anbijmaroñ, im ion arrilip in neen anbijmaroñ. 15 Im pris eo en bōk jen paint in oil eo, im lutōk e na i lobiren pein anmiñ; 16 im pris eo en katulok juōn arri in pein anbijmaroñ ilo oil eo ilo pein anmiñ, im en kabōtūktūk jen oil eo, kin arzin, jiljilim-juōn alen iman Jeova. 17 Im jen mōtōn oil eo ej berwōt ilō pein, pris eo en likite ion jabōn lojiliñin anbijmaroñōn eo naj karreoik e, im ion arrilip in pein anbijmaroñ, ion bōtōktōkin men in katok kin ruōn: 18 im bwen oil ilo pein pris eo, en likit ion bōran eo naj karreoik e: im pris eo e naj kōmōn kilajrōk ñōn e iman Jeova. 19 Im pris eo en katok men in katok kin jerawiwi, im kōmōn kilajrōk ñōn eo naj karreoik e jen an jab erreo: im tokelik en mōn men in katok kijeek; 20 im pris eo en katok men in katok kijeek, im jurtak flauo, ion lokatok eo: im pris eo e naj kōmōn kilajrōk ñōn e, im e naj erreo.

21 Im elañe leo e jeramel, im e ban bōktok einwōt, inem en bōk juōn lam koman men in katok kin ruōn, men in kabelbel, ñōn kōmōn kilajrōk kin e, im juōn mōtōn joñoul in epa in flauo kwerik käreike kin oil, jurtak flauo, im juōn paint in oil; 22 im ruo tōrtel dōv, ak ruo muli remōn drer, einwōt ej maroñ in loi; im juōn e naj

men in katok kin jerawiwi, im eo juōn men in katok kijeek. 23 Im ilo ran eo ken ka drualitōk, en bōktoki kin karreoik e, ñōn iben pris eo, ñōn kejem in imōn kwelok an Jeova: 24 im pris eo en bōk lam eo men in katok kin ruōn, im paint in oil eo, im pris eo en kabelbeli, jurtak in belbel, iman Jeova. 25 Im en mōn lam eo men in katok kin ruōn; im pris eo en bōk jen bōtōktōkin men in katok kin ruōn, im likit e ion jabōn lojiliñin anbijmaroñōn eo naj karreoik e, im ion arrilip in pein anbijmaroñ, im ion arrilip in neen anbijmaroñ. 26 Im pris eo en lutōk jen oil eo na i lobiren pein anmiñ; 27 im pris eo en kabōtūktūk kin juōn arrin pein anbijmaroñ jen oil eo i pein anmiñ, jiljilim-juōn alen iman Jeova: 28 im pris eo en likit jen oil eo ilo pein ion jabōn lojiliñin anbijmaroñōn eo naj karreoik e, im ion arrilip in pein anbijmaroñ, im ion arrilip in neen anbijmaroñ, ion bōtōktōkin men in katok kin ruōn: 29 im bwen oil ilo pein pris eo, en likit e ion bōran eo naj karreoik e, im kōmōn kilajrōk ñōn e iman Jeova. 30 Im en katok kin juōn ian tōrtel dōv ko, ak juōn ian muli ko emōn drer, einwōt an maroñ in bōktok, 31 eokwe, einwōt an maroñ in loe, juōn men in katok kin jerawiwi, im eo juōn men in katok kijeek, iben jurtak flauo: im pris eo e naj kōmōn kilajrōk ñōn eo naj karreoik e iman Jeova. 32 Eñin kien nañinmij in leper ñōn eo e ban lo men ko rekar ñōn karreoik e.

33 Im Jeova e ar konono ñōn Moses, im ñōn Aron, im ba, 34 Ñe komij tōbar enen Kenean, eo Ij lewoj bwe en ami, im Ij likit nañinmij in leper ilo juōn im imōn eneo kom naj bōke; 35 inem eo an mwēo en iten kennanek pris eo, im ba, Aō lemnok einwōt juōn nañinmij ilo mwēo imō. 36 Im pris eo en jiroñ bwe ren kadrioi jen kobōn mwēo, mokta jen an dreloñ bwe en lale nañinmij eo, bwe ren jab kōmōn men otemjej iloan mwēo, jab erreo: im tokelik pris eo en dreloñ bwe en lale mwēo: 37 im en kalimjek nañinmij eo; im lo, elañe

nañinmij eo ej ber ilo turin mweo einwõt bōrar ko re kilmir ak māroro, im etā jen ijoko iturin; 38 inem pris eo en drioiĵlok jen mweo, ñōn kejem in mweo, im en kil mweo iomin jiljilimjuōn ran. 39 Im pris eo en bar itok ilo ran eo ken ka jiljilimjuōn, im en kalimjeke; im lo, elañe nañinmij eo e ar edreklok ilo turin mweo; 40 inem pris eo en jiroñ bwe ren kōtep dreka ko nañinmij ej ber iloir, im e naj ĵulok na ilo jikin e jab erreō, ilikin jikin kwelok eo: 41 im en kōmōn bwe ren kwe turin mweo tuloan, im ren lutōlok iawewe, eo emwij air jukkwe, ilikin jikin kwelok eo, ilo juōn jikin e jab erreō: 42 im ren bōk dreka ko jet, im binej jenkwōn dreka ko mokta; im en bōk iawewe ekāl im unoik turin mweo.

43 Im elañe nañinmij eo ej bar itok, im walok ilo mweo, elikin an bōklok dreka ko, im elikin an jukkwe mweo, im elikin an bar unoike; 44 inem pris eo en dreloñ im kalimjeke; im lo, elañe nañinmij eo e ar edreklok ilo mweo, ej nañinmij in leper ilo mweo: e jab erreō. 45 Im en rupe mweo, dreka ko an, im wijki ko an, im aolepen iawewe an mweo, im en bōklok ñōn ilikin jikin kwelok eo, ñōn juōn jikin e jab erreō. 46 Bareinwõt eo ej dreloñ iloan mweo, ilo ien air kil e, e jamin erreō mae jota. 47 Im eo ej babu iloan mweo, en kwoli nuknuk ko an; im eo ej mōña iloan mweo, en kwoli nuknuk ko an.

48 Im elañe pris eo ej dreloñ, im kalimjeke, im lo, nañinmij eo e jab edreklok iloan mweo, elikin air unoik mweo; inem pris eo e naj ba mweo ej erreō, bwe e joko nañinmij eo. 49 Im en bōk bwe en karreoik mweo, ruo bao, im mōtōn wijik aik, im kōian jip e kilmir, im hissop: 50 im en mōn juōn ian bao ko, iloan jābi brij, ilōñin dren ej torlok: 51 im en bōk mōtōn aik eo, im hissop, im kilmir, im bao eo e mour, im katuloki ilo bōtōktōkin bao eo e mij, im ilo dren e torlok, im en kabōtūktūk mweo jiljilimjuōn alen: 52 im en karreoik mweo kin bōtōktōkin bao eo, im kin

dren e torlok, im kin bao eo e mour, im kin mōtōn aik, im kin hissop, im kin kilmir: 53 a en kōtlok bao eo e mour jen jikin kwelok eo ñōn melaj: ein drein e naj kōmōn kilajrōk ñōn mweo; im e naj erreō.

54 Eñin kien jabrewõt nañinmij in leper, 55 im kin nañinmij in leper an nuknuk ko, im an im, 56 im kin bōj, im kin ellen, im kin tilboke; 57 bwe en kalikar ñe e jab erreō, im ñe ej erreō: eñin kien nañinmij in leper.

15 Im Jeova e ar konono ñōn Moses im ñōn Aron, im ba, 2 Komin konono ñōn ro nejin Israel, im ba ñōn ir, Ñe jabrewõt eman eor an torlok jen kōniekin, e jab erreō kin torlok eo an. 3 Im eñin an jab erreō ilo an torlok: elañe kōniekin ej ilok ilo torlok eo an, ak kōniekin e bwijrōk jen an torlok, men eo iben e jab erreō. 4 Jabrewõt kinien eo eor torlok iben, ej babu ion, e jab erreō; im jabrewõt men ej jijōt ion, e jab erreō. 5 Im jabrewõt eo ej uñir kinien, e naj kwoli nuknuk ko an, im tutu ilo dren, im e jamin erreō mae jota. 6 Im eo ej jijōt ion jabrewõt men, eo eor torlok iben e ar jijōt ion, en kwoli nuknuk ko an, im en tutu ilo dren, im e jamin erreō mae jota. 7 Im eo ej uñir kōniekin eo eor torlok iben, en kwoli nuknuk ko an, im en tutu ilo dren, im e jamin erreō mae jota. 8 Im elañe eo eor torlok iben ej iyeloke eo ej erreō, inem en kwoli nuknuk ko an, im naj tutu ilo dren, im e jamin erreō mae jota. 9 Im jabrewõt eran jijōt ion kiru, eo eor torlok iben ej uwe ion, e jab erreō. 10 Im jabrewõt eo ej uñir jabrewõt eo e kar iomin eo eor torlok iben, e jamin erreō mae jota: im eo ej inek men kein, en kwoli nuknuk ko an, im tutu ilo dren, im e jamin erreō mae jota. 11 Im jabrewõt men eo, armij eo eor torlok iben ej uñire, im e jañin amin pein ilo dren, en kwoli nuknuk ko an, im tutu ilo dren, im e jamin erreō mae jota. 12 Im jābi brij, eo eor torlok iben ej uñire, naj rupe; im jābi wijki otemjej naj kwoli ilo dren.

13 Im ke emwij karreoik eo e kar



torlok iben jen torlok eo an, inem en bwini ñõn e jiljilimjuõn ran kin karreoik e, im en kwoli nuknuk ko an; im en katutu kõniekin ilo dren ej torlok, im e naj erreoo. 14 Im ilo ran eo ken ka drualitõk, en bõk ñõn iben, ruo tõrtel dõv, ak ruo muli remõn drer, im itok ñõn iman Jeova, ñõn kejem in imõn kwelok eo, im liloki ñõn pris eo. 15 Im pris eo en katok kake, juõn ñõn men in katok kin jerawiwi, im eo juõn ñõn men in katok kijeek; im pris eo e naj kõmõn kilajrõk ñõn e iman Jeova kin torlok eo an.

16 Im elañe inen jabrewõt eman ej torlok jen e, inem en katutu aolepen kõniekin ilo dren, im e jamin erreoo mae jota. 17 Im jabrewõt nuknuk ak kilin kiru, inen eman ej ber ion, ren kwoli ilo dren, im re jamin erreoo mae jota. 18 Im elañe jabrewõt eman ej babu iben kõra, im inen ibeir, irro ren tutu ilo dren, im re jamin erreoo mae jota.

19 Im elañe iben juõn kõra eor an torlok, im an torlok ilo kõniekin ej bõtõktõk, en ber ilo mõntin jab erreoo iomin jiljilimjuõn ran: im jabrewõt eo ej uñire e jamin erreoo mae jota. 20 Im jabrewõt men eo ej babu ion, ilo an jab erreoo, e jab erreoo: bareinwõt jabrewõt men ej jijõt ion, e jab erreoo. 21 Im jabrewõt eo ej uñir kinien lio, en kwoli nuknuk ko an, im tutu ilo dren, im e jamin erreoo mae jota. 22 Im jabrewõt eo ej uñir jabrewõt men lio ej jijõt ion, en kwoli nuknuk ko an, im tutu ilo dren, im e jamin erreoo mae jota. 23 Im elañe men eo ej ber ion kinien lio, ak ion jabrewõt men eo ej jijõt ion, ke ej uñire, e jamin erreoo mae jota. 24 Im elañe jabrewõt eman ej babu iben, im an jab erreoo ej ber ion, e jamin erreoo iomin jiljilimjuõn ran; im jabrewõt kinien ej babu ion en jab erreoo.

25 Im elañe iben juõn kõra eor torlok bõtõktõk iomin elõn ran, jab ilo ien an bõk mõntin, ak elañe eor an torlok elikin ien an bõk mõntin; iomin ran ko otemjej ke men eo e jab

erreoo ej torlok, en einwõt ilo ran ko ke e ar bõk mõntin: e jab erreoo. 26 Kinien otemjej e ar babu ion, iomin ran ko otemjej an or torlok iben, re naj iben einwõt kinien ke ej bõk mõntin: im men otemjej ej jijõt ion, re jab erreoo, einwõt air jab erreoo ke e ar bõk mõntin. 27 Im jabrewõt eo ej uñir men ko, e jab erreoo, im en kwoli nuknuk ko an, im en tutu ilo dren, im e jamin erreoo mae jota. 28 A elañe emwij karreoik lio jen an torlok, inem en bwine jiljilimjuõn ran ñõn e, im elikin ran ko e naj erreoo. 29 Im ilo ran eo ken ka drualitõk, en bõk ñõn e ruo tõrtel dõv, ak ruo muli remõn drer, im en bõkitok ñõn iben pris eo, ñõn kejem in imõn kwelok eo. 30 Im pris eo en katok kin juõn iair, men in katok kin jerawiwi, im eo juõn ñõn men in katok kijeek; im pris eo e naj kõmõn kilajrõk ñõn lio iman Jeova, kin torlok in jab erreoo eo an.

31 Ein drein kom naj kejenlok ro nejn Israel jen air jab erreoo, bwe ren jab mij ilo air jab erreoo, ñe rej kananaik imõn kabero eo. Aõ ej ber iolapir.

32 Eñin kien man eo eor torlok iben, im man eo inen ej ilok jen e, im e jab erreoo kake; 33 im kien kõra eo e nañinmij kin mõntin kõra, an eo eor torlok iben, kien man kab kõra, im kien eo ej babu iben kõra eo e jab erreoo.

**16** Im Jeova e ar konono ñõn Moses elikin an mij lõmaro ruo nejn Aron, ke rar druaklok iman Jeova im rar mij; 2 im Jeova e ar ba ñõn Moses, Kwon ba ñõn Aron, jeõm, bwe en <sup>1</sup>jab itok ien ko otemjej iloan jikin kwojarjar, iloan rõnel eo iman jikin tiriamo eo ej ber ion dipdip eo; bwe en jab mij: bwe I naj weaktok ilo kõro eo ion jikin tiriamo. 3 Men kein ren iben Aron ñe ej dreloñ iloan jikin kwojarjar: juõn kau koman emõn ridtõn men in katok kin jerawiwi, im juõn jip koman, men in katok kijeek. 4 En kõnõk kobe linen e kwojarjar, im trauej linen en ion

kōniekin, im en kañōrñōre kin kōñōr linen, im e naj kōnōk libo linen eo: irkein nuknuk ko re kwojarjar; im en katutu kōniekin ilo dren inem en kōnōki. 5 Im en bōk jen jar an ro nejin Israel, ruo got koman men in katok kin jerawiwi, im juōn jip koman men in katok kijeek.

6 Im Aron en lelok kau koman men in katok kin jerawiwi, eo ej ñōn e mōke, im kōmōn kilajrōk ñōn e mōke, im ñōn mweo imōn. 7 Im en bōk got ko ruo, im naj likiti iman Jeova, iturin kejem in imōn kwelok eo. 8 Im Aron en kōmōn kakōle ko kin got ko ruo, juōn kakōle ñōn Jeova, im kakōle eo juōn ñōn kōtlok. 9 Im Aron en lelok got eo kakōle e ar bakajen ñōn Jeova, im katok kake men in katok kin jerawiwi. 10 A got eo kakōle e ar bakajen ñōn kōtlok, ren likite e mour iman Jeova, ken kōmōn kilajrōk ñōn e, im jilkinlok e ñōn kōtlok, ñōn ene jemaren.

11 Im Aron en lelok kau koman men in katok kin jerawiwi, eo ej ñōn e, im en kōmōn kilajrōk ñōn e mōke, im ñōn mweo imōn, im en mōn kau koman men in katok kin jerawiwi, eo ej ñōn e mōke. 12 Im en kobrōk juōn senser kin melle in kijeek jen lokatok eo iman Jeova, im pein re obrōk kin kajurjur eñōj emwij air kanuij nowe, im en bōkitok iloan rōñel eo: 13 im en likit kajurjur eo ion kijeek iman Jeova, bwe kōro jen kajurjur en kalibubu jikin tiriamo, eo ilōñin men in kalimur eo, bwe en jab mij: 14 im en bōk jen bōtōktōkin kau koman eo, im en kabōtūktūk kin juōn arrin pein ion jikin tiriamo irear; im iman jikin tiriamo en kabōtūktūk jen bōtōktōk eo kin arrin pein jiljilimjuōn alen.

15 Inem en mōn got eo men in katok kin jerawiwi, eo ñōn armij rōn, im bōktok bōtōktōkin iloan rōñel eo, im en kōmōn kin bōtōktōkin einwōt e ar kōmōn kin bōtōktōkin kau koman eo, im kabōtūktūk ion jikin tiriamo, im iman jikin tiriamo: 16 im e naj kōmōn kilajrōk ñōn jikin e kwojar-

jar, kin jab erreō an ro nejin Israel, im kin jerawiwi ko air, aet, aolepen bwir ko air: im ein drein en kōmōn ñōn imōn kwelok, eo ej ber ibeir ilo bwiljin air jab erreō. 17 Im en ejelok armij iloan imōn kwelok eo ñe ej dreloñ bwe en kōmōn kilajrōk ilo jikin e kwojarjar, mae ien an drioijlok, im emwij an kōmōn kilajrōk ñōn e mōke, im ñōn ro nukin, im ñōn aolepen jar in Israel. 18 Im en drioijlok ñōn lokatok eo ej iman Jeova, im kōmōn kilajrōk ñōn e, im en bōk jen bōtōktōkin kau koman eo, im jen bōtōktōkin got eo, im likiti ion drun ko in lokatok eo, im iturin. 19 Im en kabōtūktūk ion jen bōtōktōkin kin juōn arrin pein jiljilimjuōn alen, im karreoik e, im kokwojarjar e jen jab erreō an ro nejin Israel.

20 Im ñe emwij an kōmōn kilajrōk ñōn jikin e kwojarjar, im imōn kwelok eo, im lokatok eo, en kwalok got eo e mour: 21 im Aron en likit pein ion bōran got eo e mour, im en kwalok nana otemjej an ro nejin Israel, im aolepen jerawiwi ko air, aet, bwir ko air otemjelok; im e naj likiti ion bōran got eo, im en jilkinloke kin pein juōn armij e pojōk, ñōn ene jemaren: 22 im got eo e naj ineklok jerawiwi ko air otemjej, ñōn loan juōn ene ejelok armij: im en kōtlok got eo ilo ene jemaren.

23 Im Aron en dreloñ iloan imōn kwelok, im en wutik nuknuk linen ko e kar kōnōki, ke e ar dreloñ ilo jikin e kwojarjar, im en likiti ijo: 24 im en katutu kōniekin ilo dren, iloan juōn jikin e kwojarjar, im kōnōk nuknuk ko an, im drioijtok im katok kin men in katok kijeek eo an, im men in katok kijeek an armij rōn, im kōmōn kilajrōk ñōn e mōke, im ñōn armij rōn. 25 Im en tile kioeo an men in katok kin jerawiwi ion lokatok eo. 26 Im eo ej añinlok got eo ñōn kōtlok, en kwoli nuknuk ko an, im katutu kōniekin ilo dren, inem tokelik e naj dreloñ iloan kamp eo. 27 Im kau koman eo men in katok kin jerawiwi, im got eo, men in katok kin jerawiwi, bōtōktōkir rə kar bōk-

tok in kōmōn kilajrōk ilo jikin e kwojarjar, naj bōkilok ilikin kamp eo; im ren tili ilo kijeek, kilir, kōniekir, im toeōkir. 28 Im eo ej tili, en kwoli nuknuk ko an, im katutu kōniekin ilo dren, im tokelik e naj dreloñ ilōan kamp eo.

29 Im en juōn kien in drio ñōn kom: ilo aliñ eo ken ka jiljilimjuōn, ilo ran eo ken ka joñoul in aliñ eo, komin kaiñtan ami, im komin kōmōn ejelok wāwen jerbāl, eo druwinene, ak drua maijet eo ej itoitōk ibemi: 30 bwe ilo ran eo naj kōmōn kilajrōk ñōn kom, im karreoik kom; jen jera-wiwi otemjej ami, kom naj erreō iman Jeova. 31 Ej ran in Sabat in kakijs e kwojarjar ñōn kom, im kom naj kaiñtan ami; ej juōn kien ñōn in drio. 32 Im pris eo emwij air kabite, im kokwojarjare bwe en pris im binej jenkwōn jemen, e naj kōmōn kilajrōk, im en kōnōk nuknuk linen ko, aet, nuknuk ko re kwojarjar: 33 im en kōmōn kilajrōk ñōn imōn kwojarjar eo; im en kōmōn kilajrōk ñōn imōn kwelok, im ñōn lokatok eo; im en kōmōn kilajrōk ñōn pris ro, im ñōn armij otemjej ilo jar eo. 34 Im eñin en juōn kien ñōn in drio ibemi, in kōmōn kilajrōk ñōn ro nejin Israel kin jerawiwi ko air otemjej, juōn alen ilo juōn yiō. Im e ar kōmōn eñiwōt Jeova e ar jiroñ Moses.

17 Im Jeova e ar konono ñōn Moses, im ba, 2 Kwon konono ñōn Aron, im ñōn lōmaro nejin, im ñōn ro nejin Israel otemjej, im ba ñōn ir: Eñin men eo Jeova e ar jiroñ, im ba, 3 Jabrewōt armij ian imōn Israel, ej mōn juōn ox, ak lam, ak got, ilo kamp eo, ak ej mōn e ilikin kamp eo, 4 im e ar jab añintok e ñōn kejem in imōn kwelok bwe en lelok e jurtak ñōn Jeova iman imōn kwelok an Jeova: naj watōk bōtōktōk ñōn armij eo; e ar katorlok bōtōktōk; im naj bukwe-lok armij eo jen iben dri ailiñ ro an: 5 bwe ro nejin Israel ren bōktok men in katok ko air, rej katok kake ilo melaj, aet, bwe ren bōkitok ñōn Jeova, ñōn kejem in imōn kwelok eo, ñōn pris eo, im katok kake men in

katok ainemōn ñōn Jeova. 6 Im pris eo en kabōtūktūk kin bōtōktōkin, ion lokatok in Jeova iturin kejem in imōn kwelok, im tile kioeo eo bwin enno ñōn Jeova. 7 Im re jamin bar katok kin katok ko air ñōn got komar ko, ko rej lori im lūñ. Eñin en kien ñōn ir in drio iomin ebeben ko air otemjej.

8 Im kwon ba ñōn ir, Jabrewōt ian imōn Israel, ak ian ro drua maijet rej itoitōk ibeir, ej lelok men in katok kijeek, ak men in jurtak, 9 im e jab bōktok ñōn kejem in imōn kwelok eo, bwe en katok kake ñōn Jeova; naj bukwe-lok armij eo jen dri ailiñ ro an.

10 Im jabrewōt armij ian imōn Israel, ak ian ro drua maijet rej itoitōk ibeir, ej mōña jabrewōt wāwen bōtōktōk, I naj jumae kin meja armij eo ej mōña bōtōktōk, im I naj bukwe-lok e jen iben dri ailiñ ro an. 11 Bwe mour in kōniek ej ilo bōtōktōkin; im I ar lewoj ñōn kom ion lokatok eo bwe en kōmōn kilajrōk ñōn ami: bwe bōtōktōk men eo ej kōmōn kilajrōk kin mour. 12 Kin men in I ar ba ñōn ro nejin Israel, Ejelok juōn iami en mōña bōtōktōk, im ejelok drua maijet ej itoitōk ibemi en mōña bōtōktōk. 13 Im jabrewōt armij ian ro nejin Israel, ak ian ro drua maijet rej itoitōk ibeir, ej jibwe, ke ej kakiruru, juōn kiru ak bao emelim an mōña; en katorlok bōtōktōkin im kalibubu kin brij.

14 Bwe kin mour an kōniek otemjej, bōtōktōkin im mour eo an rej einwōt juōn: kin men in I ar ba ñōn ro nejin Israel, Komin jab mōña bōtōktōkin jabrewōt wāwen kōniek; bwe mour an kōniek otemjej bōtōktōkin: naj bukwe-lok jabrewōt eo ej kōñe. 15 Im jabrewōt armij ej mōña ubōn men eo ej mij in atabuñ, ak men eo kiru rawia rar kekele, elañe ej druwinene ak drua maijet, en kwoli nuknuk ko an, im tutu ilo dren, im e jamin erreō mae jota: inem e naj erreō. 16 A elañe e jab kwolkwol, im jab katutu kōniekin, inem e naj inek bwir eo an.

18 Im Jeova e ar konono ñōn Moses, im ba, 2 Kwon konono ñōn

ro nejin Israel, im ba ñõn ir, Ña Jeova ami Anij. 3 Komin jab kõmõn einwõt air kõmõn ilo enen Ijipt, ijo kom ar jokwe: im komin jab kõmõn einwõt air kõmõn ilo enen Kenean, ijo Ij añañlok kom ñõn e; im komin jab etal ilo kien ko air. 4 Ekajet ko Aõ komin kõmõn, im kien ko Aõ komin bokaki, im etal ilo ir: Ña Jeova ami Anij. 5 Kin men in, komin bokake kien ko Aõ, im ekajet ko Aõ; <sup>1</sup>elañe armij ej kõmõn ein drein, e naj mour kin ir: Ña Jeova.

6 Ejelok juõn iami en kebaklok ñõn jabrewõt nukin bwe en elõklok an kelwan: Ña Jeova. 7 Kelwan an jemõm, aet kelwan an jinõm, kwon jab elõklok: e jinõm; kwon jab elõklok an kelwan. 8 Kwon jab elõklok kelwan an lio belen jemõm: ej kelwan an jemõm. 9 Kelwan an jeõm ak jātõm kõra, nejin jemõm ak nejin jinõm, elañe e lotak i eneo am ak bar juõn ene, aet air kelwan kwon jab elõklok. 10 Kwon jab elõklok kelwan an jibwõm kõra, elañe nejin nejõm man ak nejin nejõm kõra: bwe air kelkan am. 11 Kwon jab elõklok kelwan an nejin lio belen jemõm, eo jemõm e ar keutak e, ej jeõm ak jātõm, kwon jab elõklok an kelwan. 12 Kwon jab elõklok kelwan an kõra jein ak jātìn jemõm: ej nukin jemõm. 13 Kwon jab elõklok kelwan an kõra jein ak jātìn jinõm: bwe nukin jinõm. 14 Kwon jab elõklok kelwan an leo jein ak jātìn jemõm, kin am kebake lio belen: ej lilap eo am. 15 Kwon jab elõklok kelwan an kõra eo belen nejõm: ej belen leo nejõm; kwon jab elõklok an kelwan. 16 Kwon jab elõklok kelwan an lio belen jeõm ak jātõm: ej kelwan an jeõm ak jātõm. 17 Kwon jab elõklok kelwan an juõn kõra kab lio nejin; kwon jab bõk jabrewõt jibwin kõra bwe kwon elõklok kelwan eo an; ir ro nukum; men in e nana wõt. 18 Kwon jab belek jein ak jātìn lio beleõm iben lio, bwe kwon elõklok an kelwan, ke e mour wõt lio.

19 Im kwon jab druaklok ñõn juõn

kõra, bwe kwon elõklok an kelwan, ke ej bõk mõntin kora. 20 Im kwon jab lüñ iben lio belen dri turum, bwe kwon katton komro. 21 Im kwon jab lelok jabrewõt ian ro nejõm bwe ren dribuk kijeeek ñõn Molek; im kwon jab kananaik etan ami Anij: Ña Jeova. 22 Kwon jab babu iben eman rõn einwõt iben kõra: ej men in jõiik. 23 Im kwon jab babu iben jabrewõt kiru im katton yuk iben; im bareinwõt kõra en jab jutõk iman kiru, bwe en babu iben: e nana otem nana.

24 Komin jab katton kom kin jabrewõt ian men kein: bwe kin men kein otemjej ro dri ailiñ ko rej etton, ro I ar jolok ir jen imami; 25 im etton eneo: kin men in Ij likit an nana ion, im eneo ej mwojakelok ro dri jokwe ie. 26 Inem komin bokake kien ko im ekajet ko Aõ, im komin jab kõmõn jabrewõt ian men in jõiik kein; jab druwinene ak druwa maijet eo ej ibemi, 27 (bwe ro dri eneo rar kõmõn men in jõiik kein otemjej, ro rar ber ijo mokta jen kom, im emwij air kananaik eneo); 28 bwe eneo en jab mwojakelok kom bareinwõt, ñe komij kananaik e, einwõt e ar mwojakelok dri ailiñ re kar ijo mokta jen kom. 29 Bwe jabrewõt eo ej kõmõn jabrewõt ian men kein, men in jõiik, naj bukwelok armij ro rej kõmõnmõni jen iben dri ailiñ ro air. 30 Kin men in, komin kejbarõk Aõ nan in jiroñ, bwe komin jab kõmõn jabrewõt ian mõnit kein, ko rar kõmõni mokta jen kom, im komin jab mõke kananaik kom ilo ir: Ña Jeova ami Anij.

19 Im Jeova e ar konono ñõn Moses, im ba, 2 Kwon konono ñõn aolepen jar an ro nejin Israel, im ba ñõn ir, <sup>1</sup>Komin kwojarjar, bwe Ña, Jeova ami Anij, I kwojarjar. 3 Jabrewõt iami en mijõk jinen im jemen; im komin kejbarõk ran in Sabat ko Aõ: Ña Jeova ami Anij. 4 Komin jab oktõk ñõn ekjõp ko, im komin jab kõmõn ñõn kom anij unluk ro: Ña Jeova ami Anij.

<sup>1</sup> Gal. 3. 12.

<sup>1</sup> Pit. 1. 16.



5 Im ñe komij katok kin men in katok ainemōn ko ñōn Jeova, komin katok kake bwe In bōk kom. 6 Kom naj kōñ men eo ran eo, im ilju: im elañe jabrewōt mōtōn ej berwōt ñōn ran eo ken ka jilu, ren tile kin ki-jeek. 7 Im elañe rej mōña men eo ilo ran eo ken ka jilu, ej men in jōjōik: I jamin bōke: 8 a jabrewōt eo ej mōña men eo, e naj inek bwir eo an, bwe e ar kananaik men eo e kwojarjar an Jeova: im naj bukwe-  
lok armij eo jen iben dri ailiñ ro an.

9 Im ñe komij marmir jonikōn ilo jikin kallip ko ami, komin jab kanuij marmir ilo bōul in jikin kallip ko ami, im komin jab aini men in kolo-ruk eo ami. 10 Im kwon jab koloruk bwil in grep eo ami, im kwon jab aini leen bwil in grep rar wutlok; kwon likiti ñōn ro dri jeramel, im ñōn ro drua maijet: Ña Jeova ami Anij.

11 Komin jab kwot; bareinwōt komin jab kōmōn men in mon ak riōp ñōn dron. 12 Im komin jab kanōjni kin eta ilo riōp, im kananaik etan ami Anij: Ña Jeova.

13 Kwon jab kamakokoik dri turum, ak rakimi: wōnan dri jerbal en jab ber ibōm iomin aolepen boñ ñōn rantak. 14 Kwon jab kole dri roñ-jamōn, im kwon jab likit men in la-tibñil iman dri bilo; a kwon mijōk am Anij: Ña Jeova.

15 Komin jab kōmōn jab wānik ilo ekajet: kwon jab kaljiklok dri jera-mel, im kwon jab kōñiajoik eo e kajú; a ilo wānik kwon ekajete dri turum. 16 Kwon jab itoitōk einwōt juōn dri ñiremij iolapen armij ro am: im kwon bareinwōt jab jutōk jumae bōtōktōkin dri turum: Ña Jeova.

17 Kwon jab kitōtōkake dri turum: kwon <sup>1</sup>kowe wōt dri turum, im kwon jab inek bwir kin e. 18 Kwon <sup>2</sup>jab irenwōne, im kwon jab bāle ro nejín armij ro am; a kwon <sup>3</sup>yokwe dri turum einwōt kwe: Ña Jeova.

19 Komin bokake kien ko Aō. Kwon jab likit kau ko am bwe ren kaine iben kau ko ein juōn: kwon jab

jeor i jikin kallip eo am ruo wāwen ine: im bareinwōt kwon jab kōnōk nuknuk ko emwij kōmōni jen ruo wāwen men in irap, kāreik iben dron. 20 Im jabrewōt eman ej babu iben juōn kōra, dri kamakoko, emwij kalimur kake ñōn belen, im e jañin wiaik e, ak kōtlok e jen an korijer; ren kajeik irro; ren jab bōk air mour, bwe lio e jab anemkwojan. 21 Im leo en bōktok men in katok kin bwir eo an ñōn Jeova, ñōn kejem in imōn kwelok, aet, juōn jip koman men in katok kin bwir. 22 Im pris eo en kōmōn kilajrōk ñōn e kin jip koman eo, men in katok kin bwir, kin jera-wiwi eo an: im naj jeorlok jen e jerawiwi eo e ar bwir kake.

23 Im ñe komij dreloñ illoan eneo, im naj kalibwin wijki wāwen otemjej ñōn mōña, inem komin watōk leir einwōt air jab mijmij: iomin jilu yiñ ren ibemi einwōt air jab mijmij; komin jab mōña jeni. 24 A ilo yiō eo ken kemen aolepen leir e naj kwojar-jar, kin lelök nebar ñōn Jeova. 25 Im ilo yiō eo ken ka lailim, kom naj mōña leen bwe en lewoj ñōn kom an orlok: Ña Jeova ami Anij.

26 Komin jab mōña jabrewōt iben bōtōktōkin: im komin jab marmir, ak anijnij. 27 Komin jab karolul jer ko i bōrōmi, ak kokkure jer ko i kworeak ko ami. 28 Komin jab bukwe enbwinimi, kin ro re mij, im komin jab eo: Ña Jeova.

29 Kwon jab kananaik lio nejōm bwe en kōra ekijoñ; ñe ab eneo en buñ ilo lūñ, im eneo en obrōk kin nana. 30 Komin lale ran in Sabat ko Aō, im wujōke jikin kwojarjar eo Aō: Ña Jeova.

31 Komin jab oktōk ñōn ro dimōn rej ber ibeir, ak ro dri marmir; komin jab kabukot ir, in erom men in jōjōik kake: Ña Jeova ami Anij.

32 Kwon jutōk im aber iman armij e uōn bōran, im kōñiajoik turin mejen eo e lōlap, im kwon mijōk am Anij: Ña Jeova.

33 Im elañe drua maijet ej itoitōk ibemi illoan eneo ami, komin jab kōmōn nana ñōn e. 34 Drua maijet eo

ej itoitök ibemi ej ñõn kom einwõt eo e ar lotak iolapemi, im kwon yokwe e einwõt kwoj mōke yokwe yuk; bwe kom kar drua maijet ilo enen Ijpt: Ña Jeova, ami Anij.

35 Komin jab kōmōn jab wānik ilo ekajet, ilo am ken joñwe aitokōn, ak erroñ, ak ilo ken joñōk kin jābi. 36 En ibemi ken paun im men in paun re wānik, epa e jimwe, im hin e jimwe: Ña Jeova ami Anij, Eo I ar āñintok kom jen ene Ijpt. 37 Im komin lali kien ko Aō otemjej, im aolepen ekajet ko Aō, im komin kōmōnmōni: Ña Jeova.

**20** Im Jeova e ar konono ñõn Moses, im ba, 2 Bareinwõt kwon ñõn ro nejin Israel, Jabrewõt ian ro nejin Israel, ak ian ro drua maijet rej itoitök ilo enen Israel, ej lelok jen inen ñõn Molek; emol en mij: armij dri eneo ren kara kin dreka. 3 Bareinwõt, Ña I naj jumae armij eo kin turin meja, im I naj bukweelok e jen iben ro dri ailiñ ro an; bwe e ar lelok jen inen ñõn Molek, in katton Aō jikin kwojarjar, im kananaik eta e kwojarjar. 4 Im elañe ro dri eneo rej binej mejeir jen armij eo, ñe ej lelok jen inen ñõn Molek, im re jab mōn e; 5 inem I naj jumae armij eo im ro nukin kin turin meja, im naj bukweelok e kab ro otemjej rej lore ilo lūñ, im lūñ iben Molek, jen iben dri ailiñ ro air.

6 Im armij eo ej oktök ñõn ro jitōb rej kōmao ibeir, im ñõn ro dri marmir, in lor ir ilo air lūñ, I naj jumae armij eo kin turin meja, im naj bukweelok e jen dri ailiñ ro an. 7 Inem komin mōke kokwojarjar kom, im komin kwojarjar wõt; bwe Ña Jeova, ami Anij. 8 Im komin kejbarōk kien ko Aō im kōmōni: Ña Jeova eo ej kokwojarjar kom. 9 Bwe emol ren mōn e bwe en mij jabrewõt eo ej kole jemen ak jinen: emwij an kole jemen ak jinen; bōtōktōkin e naj berion.

10 Im eman eo ej lūñ iben juōn kōra, belen bar juōn eman, aet eo ej lūñ iben kōra lio belen dri turin, emol ren mōn irro, dri lūñ; bwe ren mij.

11 Im eman eo ej babu iben lio belen jemen, e ar elōklok kelwan an jemen: emol ren mij: bōtōktōkir e naj buñōt ir. 12 Im elañe juōn eman ej babu iben lio belen nejin, re naj mōn irro: rar kōmōn men in jōjōik; bōtōktōkir e naj buñōt ir. 13 Im elañe juōn eman ej babu iben eman einwõt iben kōra, irro rar kōmōn men in jōjōik: emol ren mij; bōtōktōkir e naj buñōt ir. 14 Im elañe juōn eman ej belek juōn kōra kab jinen, ej men in jōjōik: ren tili irjil kin kijeek; bwe en ejelok bwir ibemi. 15 Im elañe juōn eman ej babu iben kiru, emol ren mij: im komin mōn kiru eo. 16 Im elañe juōn kōra ej kebak ñõn kiru, im babu iman, kom naj mōn kōra eo, im kiru eo: emol irro ren mij; bōtōktōkir e naj buñōt ir.

17 Im elañe juōn eman ej bōk jein ak jātin kōra nejin jemen, ak nejin jinen, im lo an kelwan, im lio ej lo an kelwan; ej men in jok; im naj bukweelok irro iman mejen ro nejin dri ailiñ ro air: e ar elōklok kelwan an jein im jātin kōra; e naj inek bwir eo an. 18 Im elañe juōn eman ej babu iben juōn kōra ke ej bōk mōntin kōra, im ej elōklok an kelwan; e ar kakelwan lio, im lio e ar elōklok unin bōtōktōkin: im naj bukweelok irro jen iben dri ailiñ ro air. 19 Im kwon jab elōklok kelwan kōra eo jein im jātin jemōm ak jinōm; bwe e ar elōklok kelwan an ro nukin: re naj inek bwir eo airro. 20 Im elañe juōn eman ej babu iben kōra belen alap eo an, e ar elōklok kelwan an alap eo an; re naj inek bwir eo airro; ren mij im ejelok nejir. 21 Im elañe juōn eman ej bōk lio belen jein im jātin, men in e jab erreo: e ar elōklok kelwan an jein im jātin; ren mij, im ejelok nejir.

22 Inem komin bokake kien ko Aō otemjej, im aolepen ekajet ko Aō, im kōmōnmōni; bwe eneo, ijo Ij āñinlok kom bwe komin jokwe ie, en jab mwojakelok kom. 23 Im komin jab etal ilo mōntin dri ailiñ ko Ij jolok ir jen imami: bwe rar kōmōn aolepen men kein, inem I ar jōjōik ir. 24 A.

I ar ba ñõn kom, Kom naj jolit eneo air, im I naj lewoj bwe en ami, juõn ene e bwijliplip kin milk im hõnni: Ña Jeova ami Anij, Eo e ar kejenolok kom jen dri ailiñ ko. 25 Inem komin nakõtan kiru erreõ im eo e jab erreõ, im nakõtan bao erreõ im eo e jab erreõ: im komin jab mõke kõmõn kom men in jõjõik kin kiru, ak kin bao, ak kin jabrewõt men eo ej tõbõllok ion brij, eo I ar kejenoloke jen kom einwõt e jab erreõ. 26 Im komin kwojarjar ñõn Iõ: bwe Ña Jeova, I kwojarjar, im I ar kijbil kom jen dri ailiñ ko, bwe komin droõ.

27 Im juõn eman ak kõra dimõn ej kõmaõ iben, ak dri marmir, emol ren mõn ir bwe ren mij: re naj kare ir kin dreka; bõtõktõkir e naj buñõt ir.

**21** Im Jeova e ar ba ñõn Moses, Kwon konono ñõn pris ro nejn Aron, im ba ñõn ir, Ejelok armij en mõke katton e kin ro remij ian dri ailiñ ro an; 2 elañe jab kin ro nukin, eo ej ebak ñõn e, kin jinen, im kin jemen, im kin nejn man ak kõra, im kin jein ak jätin man, 3 im kin jein ak jätin kora, juõn virjin, eo ej ebak ñõn e, eo ejelok belen; kin e e maroñ in mõke katton e. 4 En jab mõke katton e, ke e juõn e utiej ian dri ailiñ ro an, bwe en mõke kananaik e. 5 Ren jab kwormåt bõrair, ak eål jer ko ilo kworeak ko air, im ren jab bukwe enbwini. 6 Ren kwojarjar ñõn air Anij, im ren jab kananaik etan air Anij; bwe jurtak ko an Jeova kõmõni kin kijeek, bred an air Anij; rej katok kake: inem ren kwojarjar. 7 Ren jab bõk juõn kõra ekijõñ, ak juõn emwij kananaik e; im ren jab bõk juõn kõra emwij jolok e jen belen: bwe leo e kwojarjar ñõn Anij, 8 Inem kwon kokwojarjar e; bwe ej letok bred an am Anij: en kwojarjar ñõn kwe; bwe Ña Jeova, eo ej kokwojarjar yuk, I kwojarjar. 9 Im kõra eo nejn jabrewõt pris, elañe ej mõke kananaik e kin an kijoñ, ej kananaik jemen; naj tile kin kijeek.

10 Im eo ej pris elap iben ro jein im jätin, emwij lutõk oil in kabit ion bõran, im ar kokwojarjar e bwe en

kõnõk nuknuk ko, en jab aleak, ak kekel nuknuk ko an; 11 bareinwõt en jab dreloñ ñõn iben ubõn eo emij, ak mõke katton e kin jemen ak jinen; 12 bareinwõt en jab drioielok jen imõn kwojarjar, ak kananaik imõn kwojarjar in Anij eo an; bwe bokrõnat in oil in kabit an Anij eo an ej ber ion: Ña Jeova. 13 Im en bõk lio belen juõn virjin. 14 En jab bõk kõra eo emij belen, ak juõn e ar jolok belen, ak kõra ej men in jõjõik, ak kõra ekijõñ; a en bõk juõn virjin jen dri ailiñ ro an bwe en belen. 15 Im en jab kananaik inen iben dri ailiñ ro an: bwe Ña Jeova eo Ij kokwojarjar e.

16 Im Jeova e ar konono ñõn Moses, im ba, 17 Kwon konono ñõn Aron, im ba, Jabrewõt eo ian ro ineõm ilo ebeben ko air, e jab wäppen enbwini, en jab druaktok bwe en letok bred an Anij eo an. 18 Bwe jabrewõt eman, e jab wäppen enbwini, en jab druaktok: juõn ebilo, ak ekirro, ak eo e benen bodin, ak eo jabrewõt elõñ jen oran emõn iben, 19 ak juõn eman e moruj neen ak pein, 20 ak eo e anekeke drin, ak juõn e wudrik, ak eo e jab wäppen mejen, ak eo e koko, ak ellen enbwini, ak erup kwõli ko an; 21 ejelok eman jen inen Aron pris eo, e jab wäppen en druaktok bwe en katok kin men in katok ko an Jeova, kõmõne kin kijeek: e jab wäppen; en jab druaktok in letok bred an Anij eo an. 22 En mõña bred an Anij eo an, jen eo e kanuij kwojarjar, im jen eo e kwojarjar: 23 men in wõt, e jamin dreloñ ñõn rõñel nuknuk eo, ak druaklok ñõn lokatok eo, kin ke e jab wäppen; bwe en jab kananaik jikin kwojarjar eo Aõ: bwe Ña Jeova eo ej kokwojarjar ir. 24 Ein drein Moses e ar konono ñõn Aron, im lõmaro nejn, im ñõn ro nejn Israel otemjej.

**22** Im Jeova e ar konono ñõn Moses, im ba, 2 Kwon konono ñõn Aron, im ñõn lõmaro nejn, bwe ren mõke kejenolok ir jen men ko re kwojarjar an ro nejn Israel, men ko rej kokwojarjari ñõn Iõ, im bwe ren

jab kananaik eta e kwojarjar: Ña Jeova. 3 Kwon ba ñōn ir, Jabrewōt eo jen aolepen ineōm ilo ebeben ko ami, ej druaklok ñōn men ko re kwojarjar, men ko ro nejin Israel rej kokwojarjari ñōn Jeova, im e jab erreō, naj bukwelok armij eo jen imaō: Ña Jeova. 4 Jabrewōt eman jen inen Aron ej dri leper, ak eor an torlok; en jab mōña jen men ko re kwojarjar, mae ien ej erreō. Im jabrewōt eo ej uñir jabrewōt men eo e jab erreō kin juōn dri mij, ak juōn armij inen etolok jen e; 5 ak jabrewōt eo ej uñir men eo e tōbōlbōl, men eo e maroñ katton e, ak juōn armij e maroñ in bōk etton jen e, jabrewōt etton iben; 6 armij eo ej uñir jabrewōt eo ein drein, e jamin erreō mae jota, im e jamin mōña jen men ko re kwojarjar, elañe e jab katutu enbwinin ilo dren. 7 Im ñe e tulok al, e naj erreō, im tokelik e naj mōña jen men ko re kwojarjar, bwe kijen. 8 E jamin mōña men eo e mij in atabuñ, ak men eo kiru ko rar kekele, bwe en katton e kake: Ña Jeova. 9 Inem ren kejbarōk nan in kaiñi eo Aō, ñe ab ren inek bwir kake, im mij ilo men eo, elañe rej kananaike: Ña Jeova eo ej kokwojarjar ir.

10 Ejelok drua maijet en mōña jen men eo e kwojarjar: juōn dri itoitōk an pris eo, ak eo ej korijer kin wōnan, en jab mōña jen men eo e kwojarjar. 11 A elañe pris eo ej wiaik jabrewōt armij, men in wia kin mōni, e naj mōña jen e; im ro rej lotak ilo mweo imōn re naj mōña jen kijen. 12 Im elañe kōra eo nejin pris ej belek juōn drua maijet, en jab mōña jen jurtak in jebōk ian men ko re kwojarjar. 13 A elañe kōra eo nejin pris, e joko belen, ak ar jolok lio, im ejelok nejin, im e ar jebōk ñōn imōn jemen, einwōt ke emōn drer, e naj mōña jen kijen jemen: a ejelok drua maijet en mōña jen e. 14 Im elañe juōn eman ej mōña jen men eo e kwojarjar im jaje kake, inem en kobaik ñōn e juōn mōtōn lailim, im en lelok ñōn pris men eo e kwojarjar.

15 Im ren jab kananaik men ko re kwojarjar an ro nejin Israel, men ko rej katok kake ñōn Jeova, 16 im ilo men in, kōmōn bwe ren inek bwir eo ej narueir, ñe rej mōña men ko air re kwojarjar; bwe Ña Jeova ej kokwojarjari.

17 Im Jeova e ar konono ñōn Moses, im ba, 18 Kwon konono ñōn Aron, im ñōn lōmaro nejin, im ñōn ro nejin Israel otemjej, im ba ñōn ir, Jabrewōt eo jen imōn Israel, ak jen ro drua maijet ilo Israel, ej lelok jurtak eo an, elañe jabrewōt ian men in kanōjniy ko air, ak ian men in lelok ko air kin mōnōnō, men ko rej lelok ñōn Jeova, men in katok kijeek; 19 bwe komin kabuñburuen, komin katok kin koman e wāppen jen kiru ko, kau, ak jip, ak got ko. 20 A komin jab katok kin jabrewōt kiru e jab wāppen: bwe e jamin men in mōnōnō kin kom. 21 Im jabrewōt eo ej katok kin men in katok ainemōn ñōn Jeova, bwe en kamol juōn muri, ak men in lelok an mōnōnō, jen kau ko, ak jip, ak got ko, en wāppen bwe en men in mōnōnō; en ejelok eberir. 22 Elañe ebilo, ak e moruj drin, ak e joko mōtōn, ak eor bir, ak elañe e koko, ak ellen enbwinin, komin jab lelok men kein ñōn Jeova, ak kōmōn ir men in katok kin kijeek ion lokatok ñōn Jeova. 23 Kau koman ak lam, ñe eor jen oran emōn iben, ak e joko mōtōn, men in kwoj maroñ in lelok jurtak in mōnōnō; a jamin bōke kin men in muri. 24 Eo erup kwōli ko an, ak eobōp, ak e moruj drin, ak e kinijniy, men in komin jab lelok ñōn Jeova; im komin jab kōmōn ein drein ilo eneo ami. 25 Bareinwōt komin jab lelok bred an ami Anij jen pein drua maijet ian men kein otemjej; bwe air kōt ej ilo ir, eor eberir: jamin bōki kin kom.

26 Im Jeova e ar konono ñōn Moses, im ba, 27 Ñe e lotak kau koman, ak jip, ak got, inem en ber iben jinen iomin jiljilimjuōn ran; ilo ran eo ken ka drualitōk, im tokelik, naj bōki, jurtak in men in katok kijeek ñōn Jeova. 28 Im elañe kau kokōra, ak



jip kokōra, komin jab mōn irro ilo juōn wōt ran. 29 Im ñe komij katok men in katok kin kamolol ñōn Jeova, komin katok kake bwe komin kabuñburuen. 30 Ilo ran eo wōt, naj kōñe: komin jab likit mōtōn ñōn ilju: Ña Jeova. 31 Kin men in, komin bokake kien ko Aō im kōmōni: Ña Jeova. 32 Im komin jab kananaik eta e kwojarjar; a naj kokwojarjar Iō iolapin ro nejin Israel: Ña Jeova eo ej kokwojarjar kom, 33 eo e ar āñintok kom jen enen Ijipt, bwe Ña In ami Anij: Ña Jeova.

**23** Im Jeova e ar konono ñōn Moses, im ba, 2 Kwon konono ñōn ro nejin Israel, im ba ñōn ir, Kwoj-kwoj ko an Jeova, ko komin kwaloki kwelok ko re kwojarjar, irkein kwoj-kwoj ko Aō. 3 Ren jerbal iomin jiljino ran: a ran eo ken ka jiljilimjuōn, ej Sabat in kakiye wōt, kwelok e kwojarjar; komin jab kōmōn jabrewōt wāwen jerbal: ej Sabat ñōn Jeova ilo moko imwemi otemjej.

4 Irkein kwoj-kwoj ko an Jeova, aet, kwelok ko re kwojarjar, ko komin kwaloki ilo ien ko air. 5 Ilo aliñ eo mokta, ilo ran eo ken ka joñoul emen ilo aliñ eo, ñe ejota, kwoj-kwoj in kijone an Jeova. 6 Im ilo ran eo ken ka joñoul lailim ilo aliñ eo, kwoj-kwoj in bred e jab uwe, ñōn Jeova: iomin jiljilimjuōn ran komin mōña bred e jab uwe. 7 Ilo ran eo mokta en ibemi juōn kwelok e kwojarjar: komin jab kōmōn jerbal in korijer. 8 A komin katok kin men in katok kōmōne kin kijeek ñōn Jeova, iomin jiljilimjuōn ran: ilo ran eo ken ka jiljilimjuōn juōn kwelok e kwojarjar; komin jab kōmōn jerbal in korijer.

9 Im Jeova e ar konono ñōn Moses, im ba, 10 Kwon konono ñōn ro nejin Israel, im ba ñōn ir, Ñe komij ber ilo eneo I naj lewoj, im naj marmir jonikōn eo an, ien eo komin bōktok tir in jomōkōj in jonikōn eo ami ñōn pris eo: 11 im en kabelbel tir eo iman Jeova, bwe En bōke kin kom: ran eo elikin ran in Sabat pris eo en kabelbele. 12 Im ran eo ñe komij kabel-

bel tir eo, komin katok kin lam koman e wāppen, ridtōn juōn yiō, men in katok kijeek ñōn Jeova. 13 Im jurtak flauo eo an en ruo mōtōn joñoul in epa in flauo kwerik, kāreike kin oil, men in katok kōmōne kin kijeek ñōn Jeova, kin bwin enno; im men in katok irak eo an, en juōn mōtōn emen in juōn hin in wain. 14 Im komin jab mōña bred, ak korn e jinmelle, ak uror rekāl, mae ran in, im kom ar bōktok jurtak an ami Anij: ej kien ñōn in drio ilo ebeben ko ami otemjej, iloan moko imwemi otemjej.

15 Im komin bwini ñōn kom jen ran eo elikin Sabat eo, jen ran eo ke kom ar bōktok tir in jurtak in belbel; en jiljilimjuōn Sabat reyu: 16 aet, ñōn ran eo elikin Sabat eo ken ka jiljilimjuōn, komin bwini limñoul ran; im komin lelok jurtak flauo ekāl ñōn Jeova. 17 Komin bōktok jen moko imwemi ruo ion bred in belbel, jen ruo mōtōn joñoul in epa: en flauo kwerik, im emwij umni kin leven, jomōkōj ñōn Jeova. 18 Im komin lelok iben bred eo, jiljilimjuōn lam re wāppen, ridtōn juōn yiō, im juōn kau koman emōn drer, im ruo jip koman: ren men in katok kijeek ñōn Jeova, iben air jurtak flauo, im air jurtak ko in irak, aet men in katok kōmōne kin kijeek, im e bwin enno ñōn Jeova. 19 Im komin katok kin juōn got koman men in katok kin jerawiwi, im ruo lam koman ridtōn juōn yiō, men in jurtak in ainemōn. 20 Im pris eo en kabelbeli iben bred in jomōkōj ko, jurtak belbel iman Jeova, iben lam ko ruo: re naj kwojarjar ñōn Jeova, im an pris eo. 21 Im ilo ran eo komin kwalok juōn nan; en juōn kwelok e kwojarjar ñōn kom; komin jab kōmōn jerbal in korijer: ej kien ñōn kom in drio iloan moko imwemi otemjej ilo ebeben ko ami.

22 Im ñe komij marmir jonikōn i eneo ami, kwon jab kanuij marmir bōul in jikin kallip eo am, im kwon jab koloruk jonikōn eo am: komin likite ñōn ro dri jeramel, im ro drua maijet: Ña Jeova ami Anij.

23 Im Jeova e ar konono ñōn Moses, im ba, 24 Kwon konono ñōn ro nejin Israel, im ba, Ilo aliñ eo ken ka jiljilimjuōn, ilo ran eo mokta ilo aliñ eo, en juōn kakiye elap ñōn kom, juōn men in kemem kin uk jilil ko, juōn kwelok e kwojarjar. 25 Komin jab kōmōn jerbal in korijer; im komin katok kin men in katok kōmōne kin kijeek ñōn Jeova.

26 Im Jeova e ar konono ñōn Moses, im ba, 27 A ran eo ken ka joñoul ilo aliñ in ken ka jiljilimjuōn, ran in kilajrōk: eo en juōn kwelok e kwojarjar ñōn kom, im komin kaiñtan ami; im komin katok kin men in katok kōmōne kin kijeek ñōn Jeova. 28 Im iomin ran eo komin jab kōmōn jabrewōt jerbal: bwe ej ran in kilajrōk, in kōmōn kilajrōk ñōn kom iman Jeova ami Anij. 29 Bwe jabrewōt armij eo e jamin kaiñtan an ilo ran eo, naj bukwelok e jen iben dri ailiñ ro an. 30 Im jabrewōt armij ej kōmōn jabrewōt wāwen jerbal ilo ran eo, I naj kokkure armij eo jen iben dri ailiñ ro an. 31 Komin jab kōmōn jabrewōt wāwen jerbal: ej kien ñōn in drio ilo ebeben ko ami, ilo moko imwemi otemjej. 32 En Sabat in kakiye wōt, im komin kaiñtan ami: ilo ran eo ken ka druatimjuōn ilo aliñ eo ñe ejota, jen jota ñōn jota, kom naj lale ami Sabat.

33 Im Jeova e ar konono ñōn Moses, im ba, 34 Kwon konono ñōn ro nejin Israel, im ba, Ilo ran eo ken ka joñoul lailim ilo aliñ in ken ka jiljilimjuōn, kwojkwoj in imōn kabero ko, iomin jiljilimjuōn ran, ñōn Jeova. 35 Ilo ran eo mokta en juōn kwelok e kwojarjar: komin jab kōmōn jerbal in korijer. 36 Iomin jiljilimjuōn ran komin katok kin men in katok kōmōne kin kijeek ñōn Jeova: ran eo ken ka drualitōk en juōn kwelok e kwojarjar ñōn kom; im komin katok kin men in katok kōmōne kin kijeek ñōn Jeova: e juōn kwelok elap; komin jab kōmōn jerbal in korijer.

37 Irkein kwojkwoj ko Jeova e ar kaiñi, im komin kwaloki kwelok ko re kwojarjar, ñōn katok kin men in

katok kijeek ñōn Jeova, katok kijeek, im jurtak flauo, juōn men in katok, im jurtak irak ko, kaju iair ilo ran eo an; 38 bareinwōt Sabat ko an Jeova, im men in lelok ko ami, im men in muri ko ami, im jurtak in mōnōnō ko ami, komin lelok ñōn Jeova.

39 A ilo ran eo ken ka joñoul lailim ilo aliñ eo ken ka jiljilimjuōn, ñe emwij ami aini leen eneo, komin lale kwojkwoj an Jeova iomin jiljilimjuōn ran: ilo ran eo mokta en kakiye elap, im ilo ran eo ken ka drualitōk en kakiye elap. 40 Im ran eo mokta komin bōk ñōn kom jen wijki ko remōn, kimjen wijki pam, ra ko jen wijki ko re killip, im jen willo ko iturin wea; im komin mōnōnō iman Jeova ami Anij iomin jiljilimjuōn ran. 41 Im komin lale e kwojkwoj ñōn Jeova, iomin jiljilimjuōn ran ilo juōn yiō: ej kien ñōn in drio ilo ebeben ko ami; komin lale men eo ilo aliñ eo ken ka jiljilimjuōn. 42 Komin jokwe ilo imōn kabero iomin jiljilimjuōn ran; ro otemjej rar lotak ilo enen Israel ren jokwe ilo imōn kabero ko; 43 bwe ebeben ko ami ren jela kin Aō kōmōn bwe ro nejin Israel re kin jokwe ilo imōn kabero ko, ke I ar āñintok ir jen enen Ijpt: Ña Jeova ami Anij. 44 Im Moses e ar kwalok ñōn ro nejin Israel kwojkwoj in kaiñi ko an Jeova.

**24** Im Jeova e ar konono ñōn Moses, im ba, 2 Kwon jiroñ ro nejin Israel bwe ren bōktok ñōn kwe oil in oliv emwij nowe im erreō, ñōn maram, ken kourur lamp ien otemjej. 3 Elikin rōñel nuknuk in jikin kwojarjar, ilōan imōn kwelok eo, Aron en kōmōne jen jota ñōn jiboñ, iman Jeova ien otemjej: en kien ñōn in drio ilo ebeben ko ami. 4 En kapoji lamp ko ilo jikin lamp erreō iman Jeova ien otemjej.

5 Im kwon bōk flauo kwerik, im umni joñoul ruo ion jen e: en ruo mōtōn in juōn epa ilo juōn ien. 6 Im kwon likiti ilo ruo lajrōk, jiljino ilo juōn lajrōk, ion tebel erreō iman Jeova. 7 Im kwon likit kaijurjur erreō ion kaju ian lajrōk ko, bwe en iben bred men in kemem, aet, men in ka-

tok kōmōne kin kijeek iman Jeova, **8** Ran Sabat otemjej en kilajrōki iman Jeova aolepen ien; en bujen nōn in drio kin ro nejin Israel. **9** Im e naj nōn Aron im lōmaro nejin; im ren kōne ilo juōn jikin e kwojarjar: bwe e kanuij kwojarjar nōn e ian men in katok ko an Jeova, kōmōne kin kijeek, ekar nōn kien e jamin joko.

**10** Im juōn eman nejin kōra dri Israel, ak jemen dri Ijīpt, e ar drioijlok iben ro nejin Israel; im leo nejin kōra in Israel e ar akwaile juōn eman dri Israel, ilo kamp eo. **11** Im leo nejin kōra in Israel e ar blaspim Āt eo, im kole; im rar āninloke nōn iben Moses. Im etan jinen Shelomit, nejin Dibrai, jen bwijin Dan. **12** Im rar likit e ilo prisōn, bwe loñin Jeova en kalikar nōn ir.

**13** Im Jeova e ar konono nōn Moses, im ba, **14** Kwon āninlok leo e ar kol, elikin kamp eo, im ro otemjej rar roñjake, ren likit peir ion bōran, inem aolepen jar eo ren kare kin dreka. **15** Im kwon konono nōn ro nejin Israel, im ba, Jabrewōt eo ej kole an Anij e naj inek an jerawiwi. **16** Im eo ej blaspim etan Jeova, emol en mij; aolepen jar eo ren kare kin dreka: drua maijet im eo druwinene, ñe ej blaspim etan Jeova, naj mōn e bwe en mij. **17** Im eo ej urōt jabrewōt armij, en mij. **18** Im eo ej mōn juōn kiru bwe en mij, en nawōnan mour kin mour. **19** Im elañe juōn armij ej kakinijnij dri turin; einwōt an kōmōn, ein drein naj kōmōn nōn e: **20** rup kin rup, mej kin mej, ñi kin ñi; einwōt an kakinijnij juōn armij, ein drein naj kōla nōn e. **21** Im eo ej mōn juōn kiru, en nawōnan: im eo ej mōn juōn armij, naj mōn e. **22** E naj juōn wōt wāwen kien ibemi, einwōt nōn drua maijet ein drein nōn druwinene: bwe Ña Jeova ami Anij. **23** Im Moses e ar konono nōn ro nejin Israel; im rar āninlok leo e ar kol ilikin kamp eo, im rar kare kin dreka. Im ro nejin Israel rar kōmōn einwōt Jeova e ar jiroñ Moses.

**25** Im Jeova e ar konono nōn Moses ion tol Sainai, im ba, **2** Kwon

konono nōn ro nejin Israel, im ba nōn ir, Ñe komij dreloñtok iloan eneo Ij lewoj, inem eneo e naj kejbārok juōn Sabat nōn Jeova. **3** Iomin jiljino yiō kwon jeor jikin kallip ko am, im iomin jiljino yiō kwon kowomlo bwil in grep eo am, im aini leen; **4** a yiō eo ken ka jiljilimjuōn, en Sabat in kakiije nōn eneo, juōn Sabat nōn Jeova: kwon jab jeor am jikin kallip, ak kowomlo:k bwil in grep eo am. **5** Eo ej mōke edrek jen jonikōn eo am, kwon jab marmire, im grep ko an bwil in grep eo am ar jab kowomlo, kwon jab aini: en yiō in kakiije nōn eneo. **6** Im Sabat an eneo e naj nōn kwe kin mōña; nōn kwe im nōn korijerōm man ak kōra, im nōn am dri jerbal, im nōn am drua maijet ej itoitōk ibōm. **7** Im nōn kau ko am, im nōn kiru rawia ilo eneo am, aolepen orlok eo an e naj nōn ir kin mōña.

**8** Im kwon bwini jiljilimjuōn Sabat in yiō nōn kwe, jiljilimjuōn alen jiljilimjuōn yiō; im re naj nōn kwe ran ko an jiljilimjuōn Sabat in yiō ko, eñoul druatinjuōn yiō. **9** Ien eo kwon jilkinlok jilil eo elaj ainiken ilo ran eo ken ka joñoul ilo aliñ eo ken ka jiljilimjuōn; ilo ran in kilajrōk kwo naj jilkinlok jilil eo ilujen aolepen eneo am. **10** Im komin kokwojarjar yiō eo ken ka limñoul, im komin kwalok anemkwoj ilujen aolepen eneo nōn ro dri ene otemjej: en juōn jubili nōn kom; im komin kejeblak jabrewōt armij nōn wāto eo an, im komin kejeblak jabrewōt armij nōn ro nukin. **11** Yiō eo ken ka limñoul en jubili nōn kom: komin jab jeor, ak marmir men ko rej mōke edrek ilo yiō eo, ak aini grep ko jen vain ko ar jab kowomloiki. **12** Bwe ej juōn jubili; en kwojarjar nōn kom: komin mōña orlok eo an jen jikin kallip eo.

**13** Iomin yiō in jubili komin kejeblak jabrewōt armij nōn wāto eo an. **14** Im elañe kwoj wiakake jabrewōt nōn dri turum, ak wiaik jen pein dri turum, kom jamin elikinjipipi dron. **15** Ekar nōn oran yiō ko elikin yiō in jubili, kwon wiaik jen dri turum, im ekar nōn oran yiō ko in leen jikin

kallip, en wiakake ñōn kwe. **16** Ekar ñōn oran yiō ko relōñ kwon kalaplok wōnan, im ekar ñōn oran yiō ko reit kwon kariklok wōnan; bwe ej wiakake ñōn kwe oran jonikōn in jikin kallip ko. **17** Im komin jab elikin-jipjipi dron; a kwon mijōk am Anij: bwe Ña Jeova am Anij.

**18** Kin men in, komin kejbārok kien ko Aō, im lale ekajet ko Aō im kōmōni; im kom naj jokwe ilo eneo, im ejelok ami uota. **19** Im eneo e naj lewoj leen, im kom naj mōña im māt, im jokwe iloa in jab uota. **20** Im elañe komij ba, Ta eo kimin mōña ilo yiō eo ken ka jiljilimjuōn? lo kimij jab jeor ak aini am orlok; **21** inem I naj jiroñ Aō jerammōn iomi ilo yiō eo ken ka jiljino, im e naj jebar leen im kabwe ñōn jilu yiō. **22** Im kwo naj jeor ilo yiō eo ken ka dualitōk, im mōña jen kabinoka eo mokta; mae yiō eo ken ka druatinjuōn, mae ien an leen ko kālo, kom naj mōña kabinoka eo mokta.

**23** Komin jab wiakake eneo ñōn in drio; bwe eneo Aō: bwe <sup>1</sup>kom drua maijet im dri itoitōk iba. **24** Im ilo aolepen eneo komij bōke, komin lelok bwe ren bar wiaik eneo. **25** Im elañe jeōm ak jātōm e jeramel, im ej wiakake jimōtōn wāto eo an, inem eo nukin ej ebak ñōn e, en itok, im wiaik eneo jein im jātīn e ar wiakake. **26** Im elañe iben juōn armij ejelok bwe en bar wiaik e, im ej mweielok im lo men ko re bwe ñōn wiaik e; **27** inem en bwini yiō ko elikin wiakake, im lelok mōtōn bwen wōnan ñōn armij eo e kar wiakake e ñōn e: im e naj jeblak ñōn wāto eo an. **28** A elañe e jab maroñ in mōke bar bōke; inem men eo e ar wiakake e naj berwōt ilo pein eo e kar wiaik e, ñōn yiō in jubili: im ilo yiō in jubili e naj ilok jen e, im armij in e naj jeblak ñōn wāto eo an.

**29** Im elañe juōn armij ej wiakake im, mweo ilo jikin kwelok eor an worwor, inem e maroñ in bar wiaik e mokta jen jemlokōn juōn yiō eyu, elikin an wiakake; iomin juōn yiō

eyu e naj maroñ in bar wiaik e. **30** Im elañe e jab bar wiaik e mokta jen jemlokōn juōn yiō eyu, inem mweo ej ber ilo jikin kwelok eor an worwor, naj kabine ñōn eo e ar wiaik e ñōn in drio, ilo ebeben ko an: e jamin jeblak jen e ilo yiō in jubili. **31** A moko an jikin kwelok ko ejelok air worwor, naj watōki iben jikin kallip ko in ene: re maroñ in bar wiaik e, im re naj jeblak ilo yiō in jubili. **32** Ijoke, jikin kwelok ko an ro dri Livai, moko an jikin kwelok ko air, ro dri Livai re maroñ in bar wiaik e jabrewōt ien. **33** Im elañe juōn ian ro dri Livai ej bar wiaik e, inem mweo imōn kar wiakake, im jikin kwelok eo an, re naj jeblak ilo yiō in jubili: bwe moko im jikin kwelok ko an ro dri Livai rej air wōt, iben ro nejin Israel. **34** A re ban wiakake jikin kallip ko wu-jen jikin kwelok ko air; rej air ñōn in drio.

**35** Im elañe jeōm im jātōm e jeramel, im e mōjino pein iman mejōm; inem kwon jibōñ e: e naj jokwe ibōm einwōt drua maijet im dri itoitōk. **36** Kwon jab bōk jen e jimair ak orlok, a kwon mijōk am Anij; bwe jeōm im jātōm en jokwe ibōm. **37** Kwon jab lelok ñōn e am mōnni kin jimair, ak lelok ñōn e ekōn ko kin orlok. **38** Ña Jeova ami Anij, eo e ar kadrioiptok kom jen ene Ijpt, bwe In lewoj ñōn kom ene Kenean, im bwe In ami Anij.

**39** Im elañe jeōm im jātōm e jeramel ibōm, im ej mōke wiakake ñōn kwe; kwon jab kejerbal e einwōt dri kamakoko. **40** En ber ibōm einwōt dri korijer kin wōnan, im einwōt dri itoitōk; en korijer ñōn kwe mae yiō in jubili: **41** ien eo e naj ilok jen ibōm, e im ro nejin iben, im e naj jeblak ñōn iben ro nukin, im ñōn wāto eo an ro jiman, e naj jeblak. **42** Bwe ir ro dri korijera, ro I ar kadrioiptok ir jen enen Ijpt: jamin wiakake ir einwōt dri kamakoko. **43** Kwo jamin kabin am iroi ion, a kwo naj mijōk am Anij. **44** Im kin dri kamakoko ro am, man im kōra, rej ibōm; kom maroñ in wiaik ro dri



kamakoko, man im kōra, jen ro dri ailñ ko iturōm. 45 Bareinwōt kom maroñ in wiaik ro nejn ro drua maijet rej itoitōk ibemi, jen ir im jen ro nukin rej ibemi, ro rar keutak ir ilo eneo ami, im re naj ami. 46 Im kom naj kōmōn ir jolit an ro nejemi eliki-mi bwe ren air; jen ir kom naj bōk ami dri kamakoko ñōn in drio: a ro jeimi im jātimi, ro nejn Israei, komin jab kabin ami iroiñ ioir, juōn ion bar juōn.

47 Im elañe juōn drua maijet ak dri itoitōk ibemi e mweielok, im jeōm im jātōm e ar jeramellok iturin, im ej mōke wiakake ñōn drua maijet eo, ak dri itoitōk ibōm, ak ñōn ro nukin drua maijet eo; 48 elikin wiakake re maroñ in bar wiaik e: juōn ian ro jein im jātīn e maroñ in bar wiaik e; 49 ak jein im jātīn jemen, ak nejn jein im jātīn jemen, e maroñ in bar wiaik e, ak jabrewōt ian ro nukin ej ebak ñōn e, e maroñ in bar wiaik e; ak elañe e mweielok e maroñ in mōke bar wiaik e. 50 Im e naj watōk iben eo e kar wiaik e, jen yiō eo ke e ar mōke wiakake e ñōn e, ñōn yiō in jubili: im wōnan an wiakake, e naj ekar ñōn oran yiō ko; ekar ñōn ien dri korijer kin wōnan, e naj ber iben. 51 Elañe elōñ yiō rej berwōt, ekar ñōn yiō kein, en bar lelok wōnan bar wiaik e jen mōnni eo e ar wiaik e kake. 52 Im elañe eiet yiō rej berwōt ñōn yiō in jubili, inem en watōk iben; ekar ñōn yiō ko an en bar lelok wōnan bar wiaik e. 53 Einwōt dri korijer kin wōnan, yiō ñōn yiō, en ber iben: en jab kabin an iroiñ ion iman mejōm. 54 Im elañe re jab bar wiaik e kin wāwen kein, inem en jeblak ilo yiō in jubili, e im ro nejn iben. 55 Bwe ro nejn Israel, rej dri korijer ñōn Iō; rej Aō dri korijer, ro I ar kadrioiptok ir jen enen Ijīpt: Ña Jeova ami Anij.

**26** Komin jab kōmōn ñōn kom ekjōp ko, im komin jab kajutōk men in e emwij jeke, ak jur dreka, im komin jab likit dreka men in e i eneo ami, bwe komin kabuñ ñōn e: bwe Ña Jeova ami Anij. 2 Komin

lale Sabat ko Aō, im wujōke jikin kwojarjar eo Aō: Ña Jeova.

3 Elañe komij etetal ilo Aō nan in kaiñi, im bokake kien ko Ao, im kōmōni; 4 inem I naj lewoj wut ko ilo ien ko air, im eneo e naj lewoj an orlok, im wijki ko in jikin kallip re naj jebar leir. 5 Im ami dreñlokwe korn e naj tōbarlok ien aini grep, im aini grep e naj tōbar ien jeor; im kom naj mōña ami bred im naj māt, im jokwe ilo eneo ami im jab uota. 6 Im I naj lewoj ainemōn ilo eneo, im kom naj babu, im ejelok e naj kemjōk kom: im I naj kōmōn bwe kiru ko re nana ren joko jen eneo, im jāji e jamin ilok ilujen eneo ami. 7 Im kom naj lujeljeli ro rej kijirāte kom, im re naj buñ imami kin jāji. 8 Im lailim iami re naj kokōk jibuki, im jibuki iami re naj kokōk joñoul tausand; im ro rej kijirāte kom re naj buñ imami kin jāji. 9 Im I naj lale kom, im I naj katimon kom, im korlok kom, im I naj kabin bujen eo Aō ibemi. 10 Im kom naj mōña ekōn eto an ber, im kom naj kadrioiptok men ko eto air ber, im najikin men ko rekāl. 11 Im I naj likit Aō imōn kabere ibemi: im Aō e jamin drike kom. 12 Im I naj etetal iolapemi, im I naj ami Anij, im kom naj ro droō. 13 Ña Jeova ami Anij eo e ar kadrioiptok kom jen enen Ijīpt, bwe komin jab air dri kamakoko; im I ar ruji alal ko in ine ko ami, im kōmōn bwe komin etal im mōbōp.

14 A elañe kom abwin eoroñ Iō, im jab kōnan bokake kien kein otemjej; 15 im elañe komij jolok nan in kaiñi ko Aō, im elañe ami ej jōjōik ekajet ko Aō, bwe komin jab kōmōn kien ko Aō otemjej, a komij kokkure bujen eo Aō; 16 bareinwōt Ña, I naj kōmōn men in ñōn kom: I naj likit men in lelñōñ iomi, kokkure im bwil, eo e naj kokkure mejemi, im kōmōn bwe ami en mōlok; im kom naj jeor bata ami ene, bwe ro rej kijirāte kom re naj kōñe. 17 Im I naj jumae kom kin turin meja, im naj jebōk kom iman ro rej kijirāte kom: ro rej kitō-

tökake kom re naj iroi j iomi; im kom naj ko ñe ejelok ej lukworkwore kom. 18 Im elañe komij jab eoroñ Iō kin men kein, inem I naj bar kajeik kom jiljilimjuōn alen kin ami jerawiwi. 19 Im I naj rupe jua in ami kajur: im I naj kōmōn ami lōñ bwe en einwōt māl, im eneo ami einwōt jinibōrōrō; 20 im kin kajur kom naj jerbāl bata; bwe eneo ami e jamin lewoj an orlok, im wiki in eneo re jamin jebar leir.

21 Im elañe komij etal jumae Iō, im jab kōnan eoroñ Iō, I naj jilkinwoj iomi jiljilimjuōn alen men in kañtan ko, ekar ñōn jerawiwi ko ami. 22 Im I naj jilkinlok kiru e awia iolapemi, eo e naj mōn ro nejimi, im kokkure kiru ko ami, im keitlok kom; im ial ko ami re naj jebeplik.

23 Im elañe kin men kein komij jab ukwelok ñōn Iō, a komij etal jumae Iō wōt; 24 inem I naj bareinwōt etal jumae kom; im I naj mōn kom, Ña wōt, jiljilimjuōn alen kin jerawiwi ko ami. 25 Im I naj bōktok jāji iomi, eo e naj kōmōn irenwōne an bujen eo; im naj kokweloklok kom iloan jikin kwelok ko ami: im I naj jilkinlok nañinmij elap ñōn ibemi; im naj ketōk kom na ilo pein dri kijirāt eo. 26 Im ñe Ij ruje bred jokwōnōmi, joñoul kōra re naj umni bred ilo juōn wōt um, im re naj lewoj bred ñōn kom kin joñōk: im kom naj mōña im jamin māt.

27 Im elañe kin aolepen men kein, komij jab eoroñ Iō, a komij etal jumae Iō; 28 inem I naj etal jumae kom ilo illu elap; im bareinwōt I naj kajeik kom jiljilimjuōn alen kin jerawiwi ko ami. 29 Im kom naj mōña kōniekin ro nejimi man, im kōniekin ro nejimi kōra kom naj mōña. 30 Im I naj kokkure jikōmi re utiej, im juokwe ami men in e einwōt al, im jolok ubōmi ion ekjōp ko ami; im Aō e naj jōjōik kom. 31 Im I naj kōmōn jikin kwelok ko ami men in jebeplik, im I naj kokkure jikin kwojarjar ko ami, im I jamin atbwini melu in men ko ami reñōj. 32 Inem I naj kōmōn eneo ami bwe en ene jemaren; im ro dri kijirāte kom, rej

jokwe iloan, re naj bwilōñ kake. 33 Im I naj kijibliklok kom ilo ailiñ ko, im I naj nuri jāji elikimi: im eneo ami e naj ene jemaren, im jikin kwelok ko ami re naj jebeplik.

34 Ien eo eneo e naj mōnōnō kake Sabat ko an, toñ an jebeplik, im komij ber ilo ene an ro dri kijirāte kom, aet, ien eo eneo e naj kakije im mōnōnō kin Sabat ko an. 35 Toñ an jebeplik, e naj kakije, aet, kakije e ar jab iben, ilo ami Sabat ko, ke kom ar jokwe ie. 36 Im kin ro iami re naj mour wōt, I naj jilkinlok barōk na ilo burueir, ilo ene ko an ro dri kijirāte ir: im ainiken bwilik ñe kōto ej bioke e naj kokōk ir; im re naj ko einwōt juōn ej ko jen jāji; im re naj buñ ñe ejelok ej lukworkwor ir. 37 Im re naj tibñil kin dron, einwōt iman jāji, ñe ejelok ej lukworkwor ir: im e naj ejelok kajur ibemi bwe komin jutōk jumae ro rej kijirāte kom. 38 Im kom naj joko ilo ene an dri ailiñ ko, im ene an ro dri kijirāte kom e naj kōñ kom. 39 Im ro matōmi re naj mōlok ilo air bwir, ilo ene ko an ro dri kijirāt; im bareinwōt ilo bwir ko an ro jimair re naj mōlok ibeir.

40 Im re naj kwalok air bwir, im bwir an ro jemeir, ilo air jerawiwi rar bwir kake nae Iō, im bareinwōt ke rar etal jumae Iō, 41 Ña I ar bareinwōt etal jumae ir, im añin ir ñōn ene an ro dri kijirāte ir: inem re naj kōtaik burueir re jab mijmij, im rej bōk kaje eo kin air kōmōn nana; 42 inem I naj kememej Aō bujen iben Jekob; im bareinwōt Aō bujen iben Aisak, im bareinwōt Aō bujen iben Ebrean, I naj kememej e; im I naj kememej eneo. 43 Eneo ke re joko jen e, e naj mōnōnō kake Sabat ko an, toñ an einwōt ene jemaren; im rej etelok jen e: im re naj bōk kaje eo kin air kōmōn nana; kin ke rar jolok ekajet ko Aō, im air e ar jōjōik kien ko Aō. 44 Mekarta, kin aolepen men eo, ñe rej ber ilo ene an ro dri kijirāte ir, I jamin jolok ir wōt. ak jōjōik ir, im kokkure ir wōt, im rupe Aō bujen ibeir; bwe Ña Jeova air Anij; 45 a kin ir I naj kememej

bujen an ro jimair, ro I ar kadioij-  
tok jen enen Ijpt iman mejen ailñ  
ko otemjej, bwe In air Anij: Ña  
Jeova.

46 Irkein nan in kaiñi ko, im eka-  
jet ko, im kien ko, Jeova e ar kō-  
mōni ikōtan im ro nejn Israel, ion  
tol Sainai kin Moses.

**27** Im Jeova e ar konono ññ Mo-  
ses, im ba, 2 Kwon konono ññ  
ro nejn Israel, im ba ññ ir, Ñe juñ  
armij ej kōmōn juñ nan in kanōjni,  
armij ro re naj ññ Jeova, ekar ññ  
am watōk. 3 Im am watōk e naj kin  
juñ eman ridtōn jen roñoul yiō ññ  
jiljinoñoul yiō, am watōk e naj lim-  
ñoul shekel silver, shekel in imōn  
kwojarjar eo. 4 Im elañe juñ kōra,  
inem am watōk e naj jilñoul shekel.  
5 Im elañe ridtōn lailim yiō ññ ro-  
ñoul, inem am watōk e naj kin juñ  
ladrik roñoul shekel, im juñ ledrik  
joñoul shekel. 6 Im elañe juñ aliñ  
ññ lailim yiō, inem am watōk e naj  
kin juñ ladrik lailim shekel silver,  
im kin juñ ledrik am watōk e naj  
jilu shekel silver. 7 Im elañe ridtōn  
jiljinoñoul im men yiō; elañe eman  
inem am watōk e naj joñoul lailim  
shekel, im kin kōra joñoul shekel. 8  
Im elañe e jeramel jen am watōk,  
inem naj likit e iman pris, im pris eo  
en watōke; ekar ññ maroñ an eo e  
ar muri, pris eo en watōke.

9 Im elañe juñ kiru, ian men ko  
armij rej lelok jurtak ññ Jeova, jab-  
rewōt eo armij rej lelok jen men eo,  
einwōt ññ Jeova, e naj kwojarjar.  
10 E jamin ukōti, ak binej jenkwōn  
kin bar juñ, eo emōn kin juñ e  
nana, ak juñ e nana kin juñ emōn:  
im elañe ej binej jenkwōn kiru kin  
kiru, inem kiru eo kab eo juñ, irro  
re naj kwojarjar. 11 Im elañe kiru  
eo juñ e jab erreo, im armij re jab  
lelok jurtak ññ Jeova kake, inem e  
naj likit kiru eo iman pris eo; 12 im  
pris eo en watōke, elañe emōn ak e  
nana: einwōt pris eo ej watōk e, e  
naj ein drein. 13 A elañe e kōnan  
bar wiaik e, inem e naj kobaik juñ  
mōtōn lailim ññ am watōk.

14 Im ñe juñ armij ej kokwojar-

jar mweo imōn, bwe en kwojarjar  
ññ Jeova, inem pris eo en watōke,  
ein drein e naj ber. 15 Im elañe eo  
e ar kokwojarjar e, e naj kōnan bar  
wiaik mweo imōn, inem e naj kobaik  
ññ e juñ mōtōn lailim in mōnni  
wōnan am watōke, inem e naj an.

16 Im elañe juñ eman ej kokwo-  
jarjar ññ Jeova mōtōn jikin kallip  
eo an, inem an watōk e naj ekar ññ  
air jeor e: jeor juñ omer in barli, e  
naj einwōt limñoul shekel in silver.

17 Elañe ej kokwojarjare jen yiō in  
jubili, ekar ññ am watōk e naj ber.

18 A elañe ej kokwojarjar jikin kal-  
lip eo an elikin jubili, inem pris eo e  
naj watōk ññ e mōnni ekar ññ mō-  
tōn yiō ko, rej berwōt ññ yiō in  
jubili; ein drein naj kariklok an wa-  
tōk. 19 Im elañe eo e ar kokwojar-

jar jikin kallip eo an e kōnan bar  
wiaik e, inem en kobaik ññ e juñ  
mōtōn lailim in mōnni wōnan am wa-  
tōke, im e naj kabin e ññ e. 20 Im  
elañe e jab kōnan bar wiaik jikin kal-  
lip eo, ak elañe emwij an wiakake  
jikin kallip eo ññ bar juñ armij,  
jamin bar wiaik e: 21 a jikin kallip  
eo, ñe ej jeblak ilo yiō in jubili, e naj  
kwojarjar ññ Jeova, einwōt juñ  
jikin kallip emwij aje; e naj iben pri-  
eo. 22 Im elañe ej kokwojarjar ññ  
Jeova juñ jikin kallip emwij an wa-  
aik e, e kar jab an jikin kallip eo;  
23 inem pris eo en watōk ññ e wō-  
nan an watōke ññ yiō in jubili: im  
e naj lelok am watōk ilo ran eo, juñ  
men e kwojarjar ññ Jeova. 24 Ilo  
yiō in jubili jikin kallip eo e naj jeblak  
ññ eo ar wiaik e jen e, aet, ññ eo  
jikin kallip e kar an. 25 Im am watōk  
en ekar ññ shekel in imōn kwojar-  
jar: shekel eo e naj roñoul gira.

26 Iben kiru ko manjien wōt, em-  
wij kōmōne manji ññ Jeova, ejelok  
armij e naj kokwojarjare; elañe kau  
koman, ak jip, ej an Jeova. 27 Im  
elañe kiru eo e jab erreo, inem en bar  
wiaik e ekar ññ am watōke. Im naj  
kobaik ññ e juñ mōtōn lailim: ak  
elañe e jab nawōnan, inem naj wia-  
kake ekar ññ am watōk.

28 Ijoke, ejelok men in jurtak, er

juõn armij ej kokwojarjare ñõn Jeova, jen aolepen men ko iben, elañe armij ak kiru, ak jikin kallip eo an, naj wiakake ak bar wiaik e: men in jur-tak otemjej re kanuij kwojarjar ñõn Jeova. 29 Ak armij in aje, eo em-wij lelok e ian armij ro, jamin bar wiaik e; emol en mij.

30 Im aolepen môtõn joñoul jen ene, elañe inen ene, ak leen wijki, rej an Jeova: e kwojarjar ñõn Jeova. 31 Im elañe juõn armij e kōnan bar wiaik jabrewõt jen môtõn joñoul eo

an, e naj kobaik ñõn e juõn môtõn lailim. 32 Im aolepen môtõn joñoul, jen bwijin kau ak jip, jabrewõt eo ej etal iomin alal, eo ken ka joñoul en kwojarjar ñõn Jeova. 33 E jamin bukot elañe emõn ak e nana, im e jamin kōrraik e: im elañe e kōnan ukõt e, inem eo im eo e kōnan kōrra kake, irro ren kwojarjar; e jamin bar wiaiki.

34 Irkein kein ko, ko Jeova e ar jiroñ Moses ñõn ro nejn Israel ion tol Sainai.



# BWINBWIN

**1** Im Jeova e ar konono ñōn Moses ilo ene jemaren an Sainai, ilo imōn kwelok eo, ran eo mokta ilo aliñ eo ken ka ruo, ilo yiō eo ken ka ruo elikin air driojtok jen enen Ijipt, im ba, **2** Kwon bukōt oran aolepen jar an ro nejin Israel, kin ro nukir im moko imōn ro jimair, ekar ñōn orair, man rōn otemjej kin bōrair; **3** jen ridtōn roñoul yiō im jima, ro otemjej re maroñ in ilen tōrinae, ilo Israel, kom-ro Aron naj bwini ir ekar ñōn jar ko air. **4** Im ibōm en juōn eman jen bwij otemjelok, jabrewōt iair jiōb an nukin ro jimair. **5** Im irkein etan man rōn re naj jutōk ibemiro. Jen Ruben: Ilaizur nejin Shedeur. **6** Jen Simeon: Shilumiel nejin Zurishadai. **7** Jen Juda: Nashon nejin Aminadab. **8** Jen Issakar: Netanel nejin Zuar. **9** Jen Zebulun: Ilaiab nejin Hilon. **10** Jen ro nejin Josep: Jen Ipreim: Elishema nejin Amihud. Jen Menassa: Gameliel nejin Pedazur. **11** Jen Benjamin: Abidan nejin Gideonai. **12** Jen Dan: Ahiezar nejin Amishadai. **13** Jen Asher: Pegiel nejin Okran. **14** Jen Gad: Ilaiesap nejin Reuel. **15** Jen Naptalai: Ehaira nejin Inan. **16** Rein ro emwij kir ir jen jar eo, iroiñ rōn in bwij ko bwijin ro jimair; rej jiōb ro in tausan ko an Israel. **17** Im Moses im Aron rar bōk man rein emwij kwalok etair: **18** im rar kokweloktok aolepen jar eo, ran eo mokta ilo aliñ eo ken ka ruo; im rar kwalok ebeben ko air ekar ñōn nukir, kin moko imōn ro jimair, ekar ñōn oran etair, jen roñoul yiō im jima, kin bōrair. **19** Einwōt Jeova e ar jiroñ Moses, ein drein e ar bwini ir i ene jemaren an Sainai.

**20** Im <sup>1</sup>ro nejin Ruben, manjen

Israel, ebeben ko air, kin nukir, kin moko imōn ro jimair, ekar ñōn oran etair, kin bōrair, man otemjej, jen roñoul yiō im jima, ro otemjej re maroñ in ilen tōrinae; **21** ro emwij bwini ir, jen bwijin Ruben, eñoul jiljino tausan limabuki.

**22** Jen <sup>1</sup>ro nejin Simeon, ebeben ko air, kin nukir, kin moko imōn ro jimair, ro emwij bwini ir, ekar ñōn oran etair, kin bōrair, man rōn otemjej jen ridtōn roñoul yiō im jima, ro otemjej re maroñ in ilen tōrinae; **23** ro emwij bwini ir, jen bwijin Simeon, limñoul druatinjuōn tausan jilu buki.

**24** Jen <sup>2</sup>ro nejin Gad, ebeben ko air, kin nukir, kin moko imōn ro jimair, ekar ñōn oran etair, jen ridtōn roñoul yiō im jima, ro otemjej re maroñ in ilen tōrinae; **25** ro emwij bwini ir, jen bwijin Gad eñoul lailim tausan jiljino buki limñoul.

**26** Jen <sup>3</sup>ro nejin Juda, ebeben ko air, kin nukir, kin moko imōn ro jimair ekar ñōn oran etair, jen ridtōn roñoul yiō im jima, ro otemjej re maroñ in ilen tōrinae; **27** ro emwij bwini ir jen bwijin Juda, jiljilimjuōnñoul emen tausan jiljino buki.

**28** Jen <sup>4</sup>ro nejin Issakar, ebeben ko air, kin nukir, kin moko imōn ro jimair, ekar ñōn oran etair, jen roñoul yiō im jima, ro otemjej re maroñ in ilen tōrinae; **29** ro emwij bwini ir, jen bwijin Issakar, limñoul emen tausan ābuki.

**30** Jen <sup>5</sup>ro nejin Zebulun, ebeben ko air, kin nukir, kin moko imōn ro jimair, ekar ñōn oran etair, jen ridtōn roñoul yiō im jima, ro otemjej re maroñ in ilen tōrinae; **31** ro emwij

bwini ir jen bwijin Zebulun, limñoul jiljilimjuōn tausan ābuki.

32 Jen <sup>1</sup>ro nejin Josep, ro nejin Ipreim, ebeben ko air, kin nukir, kin moko imōn ro jimair, ekar ñōn oran etair, jen ridtōn roñoul yiō im jima, ro otemjej re maroñ in ilen tōrinae; 33 ro emwij bwini ir jen bwijin Ipreim, eñoul tausan limabuki.

34 Jen <sup>2</sup>ro nejin Menassa, ebeben ko air, kin nukir, kin moko imōn ro jimair, ekar ñōn oran etair, jen ridtōn roñoul yiō im jima, ro otemjej re maroñ in ilen tōrinae; 35 ro emwij bwini ir jen bwijin Menassa, jilñoul ruo tausan rubuki.

36 Jen <sup>3</sup>ro nejin Benjamin, ebeben ko air, kin nukir, kin moko imōn ro jimair, ekar ñōn oran etair, jen ridtōn roñoul yiō im jima, ro otemjej re maroñ in ilen tōrinae; 37 ro emwij bwini ir, jen bwijin Benjamin, jilñoul lailim tausan ābuki.

38 Jen <sup>4</sup>ro nejin Dan, ebeben ko air, kin nukir, kin moko imōn ro jimair, ekar ñōn oran etair, jen ridtōn roñoul yiō im jima, ro otemjej re maroñ in ilen tōrinae; 39 ro emwij bwini ir, jen bwijin Dan, jiljinoñoul ruo tausan jiljilimjuōn buki.

40 Jen <sup>5</sup>ro nejin Asher, ebeben ko air, kin nukir, kin moko imōn ro jimair, ekar ñōn oran etair, jen ridtōn roñoul yiō im jima, ro otemjej re maroñ in ilen tōrinae; 41 ro emwij bwini ir, jen bwijin Asher, eñoul juōn tausan limabuki.

42 Jen <sup>6</sup>ro nejin Naphtalai, ebeben ko air, kin nukir, kin moko imōn ro jimair, ekar ñōn oran etair, jen ridtōn roñoul yiō im jima, ro otemjej re maroñ in ilen tōrinae; 43 ro emwij bwini ir, jen bwijin Naphtalai, limñoul jilu tausan ābuki.

44 Rein ro emwij bwini ir, ro Moses im Aron rar bwini, im iroi ro in Israel, joñoul ruo eman, kaju iair ñōn imōn jemen. 45 Inem ro otemjej emwij bwini ir jen ro nejin Israel, kin moko imōn ro jimair, jen ridtōn roñoul yiō im jima, ro otemjej re

maroñ in ilen tōrinae ilo Israel; 46 aet ro otemjej emwij bwini ir, jiljino buki jilu tausan limabuki limñoul.

47 A <sup>1</sup>ro dri Livai kin bwijin ro jimair, ar jab bwini ir ibeir. 48 Bwe Jeova e ar konono ñōn Moses, im ba, 49 Bwijin Livai wōt kwon jab bwini, im kwon jab bōk etair iben ro nejin Israel; 50 a kwon likit ro dri Livai ion imōn kabere in kennan, im ion men ko otemjej ilon, im ion aolepen men ko an: ren inek imōn kabere eo, im men ko otemjej ilon; im ren jerbal ñōn e, im re naj ber iturin imōn kabere eo. 51 Im ñe imōn kabere eo ej wōn-manlok, ro dri Livai ren jelate; im ñe rej kōnan kajutōk imōn kabere eo, ro dri Livai ren kajure: im armij obwilbata eo ej druaktok, en mij. 52 Im ro nejin Israel ren kajutōk im nuknuk ko air, jabrewōt armij ilo kamp eo an, im jabrewōt armij iturin flag eo an, ekar ñōn jar in tōrinae ko air. 53 A ro dri Livai ren kajur imōn kabere ko air iturin imōn kabere in kennan, bwe en ejelok illu ñōn jar an ro nejin Israel: im ro dri Livai ren lale imōn kabere in kennan eo. 54 Ein drein an ro nejin Israel kōmōn; ekar ñōn men otemjej Jeova e ar jiroñ Moses, ein drein air kōmōne.

2 Im Jeova e ar konono ñōn Moses im Aron, im ba, 2 Ro nejin Israel ren kajur im nuknuk ko air jabrewōt iair, iturin flag eo an, ebak kakōle ko an moko imōn ro jimair; ikijen imōn kwelok ren kajur moko i belakin. 3 Im ro rej kajur im i rear, ñōn tak al, naj ro an flag in kamp eo an Juda, ekar ñōn jar in tōrinae ko air: im iroi an ro nejin Juda e naj Nason, nejin Aminadab. 4 Im jar in tōrinae eo an, im ro emwij bwini ir, jiljilimjuōnñoul emen tausan jiljino buki. 5 Im ro rej kajur im ebak ñōn e, bwijin Issakar: im iroi an ro nejin Issakar e naj Netanel, nejin Zuar. 6 Im jar in tōrinae eo an, im ro emwij bwini ir, limñoul emen tausan ābuki. 7 Kab bwijin Zebulun: im iroi an ro nejin Zebulun, e naj Ilaiah, nejin Hilon. 8 Im jar in tōrinae eo an, im ro

<sup>1</sup> jap. 26. 35-37. <sup>2</sup> jap. 26. 28-32. <sup>3</sup> jap. 26. 38-41.  
<sup>4</sup> jap. 26. 42, 43 <sup>5</sup> jap. 26. 44-47. <sup>6</sup> jap. 26. 48-50.

<sup>1</sup> jap. 26. 57-64.

emwij bwini ir, limñoul jiljilimjuōn tausan ābuki. 9 Ro otemjej emwij bwini ir an kamp in Juda, jibuki drualitōkñoul jiljino tausan ābuki, ekar ñōn jar in tōrinae ko air. Rein re naj wōnmanlok mokta.

10 Irōk, naj flag an kamp eo an Ruben, ekar ñōn jar in tōrinae ko air: im iroiĵ an ro neĵin Ruben, e naj Ilai-zur, neĵin Shedeur. 11 Im jar in tōrinae eo an, im ro emwij bwini ir, eñoul jiljino tausan limabuki. 12 Im ro rej kajur im ebak ñōn e, bwijin Simeon: im iroiĵ an ro neĵin Simeon, e naj Shilumiel, neĵin Zurishadai. 13 Im jar in tōrinae eo an, im ro emwij bwini ir, limñoul druatiñjuōn tausan jilu buki: 14 kab bwijin Gad: im iroiĵ an ro neĵin Gad, e naj Ilaiesap, neĵin Reuel. 15 Im jar in tōrinae eo an, im ro emwij bwini ir, eñoul lailim tausan jiljino buki limñoul. 16 Ro otemjej emwij bwini ir an kamp in Ruben, jibuki limñoul juōn tausan ābuki limñoul, ekar ñōn jar in tōrinae ko air. Im re naj wōnmanlok ken ka ruo.

17 Inem imōn kabēr eo en wōnmanlok, im kamp an ro neĵin Livai iolapin kamp ko: einwōt air ber ilo kamp, ein drein ren wōnmanlok, jabrewōt armij ilo jikin, iben flag ko air.

18 I kabilūñ, naj flag in kamp eo an Ipreim, ekar ñōn jar in tōrinae ko air: im iroiĵ an ro neĵin Ipreim, e naj Elishema, neĵin Amihud. 19 Im jar in tōrinae eo an, im ro emwij bwini ir, eñoul tausan limabuki. 20 Im ebak ñōn e, bwijin Menassa: im iroiĵ an ro neĵin Menassa, e naj Gameliel, neĵin Pedazur. 21 Im jar in tōrinae eo an, im ro emwij bwini ir, jilñoul ruo tausan rubuki. 22 Kab bwijin Benjamin: im iroiĵ an ro neĵin Benjamin, e naj Abidan, neĵin Gideonai. 23 Im jar in tōrinae eo an, im ro emwij bwini ir, jilñoul lailim tausan ābuki. 24 Ro otemjej emwij bwini ir jen kamp eo an Ipreim, jibuki drualitōk tausan jibuki, ekar ñōn jar in tōrinae ko air. Im re naj wōnmanlok ken ka jilu.

25 Im eañ, naj flag an kamp eo an Dan, ekar ñōn jar in tōrinae ko air: im iroiĵ an ro neĵin Dan, Ahiezar, neĵin Amishadai. 26 Im jar in tōrinae eo an, im ro emwij bwini ir, jiljinoñoul ruo tausan jiljilimjuōn buki. 27 Im ro rej kajur im ebak ñōn e, bwijin Asher: im iroiĵ an ro neĵin Asher, e naj Pegiel, neĵin Okran. 28 Im jar in tōrinae eo an, im ro emwij bwini ir, eñoul juōn tausan limabuki. 29 Kab bwijin Naptalai: im iroiĵ an ro neĵin Naptalai, Ehaira, neĵin Inan. 30 Im jar in tōrinae eo an, im ro emwij bwini ir, limñoul jilu tausan ābuki. 31 Ro otemjej emwij bwini ir jen kamp eo an Dan, jibuki limñoul jiljilimjuōn tausan jiljino buki. Re naj wōnmanlok eliktata iben flag ko air.

32 Rein ro emwij bwini ir jen ro neĵin Israel kin moko imōn ro jimair: ro otemjej bwini ir jen kamp ko ekar ñōn jar in tōrinae ko air, jiljino buki jilu tausan limabuki limñoul. 33 A re jab bwini ro dri Livai iben ro neĵin Israel; einwōt Jeova e ar jiroñ Moses. 34 Ein drein ro neĵin Israel rar kōmōn; ekar ñōn men otemjej Jeova e ar jiroñ Moses, ein drein rar kajur im iben flag ko air, im ein drein rar wōnmanlok, jabrewōt iair ekar ñōn nukir, ekar ñōn moko imōn ro jimair.

**3** A rein ebeben ko an Aron im Moses, ran eo ke Jeova e ar konono ñōn Moses ion tol Sainai. 2 Im rein etan ro neĵin Aron; Nedab manĵien, im Ebaihu, Iliezar im Itamar. 3 Rein etan ro neĵin Aron, pris ro emwij kabit ir, ro e ar kokwojarjar ir bwe ren jerbal ilo jerbal an pris. 4 Im Nedab im Ebaihu rar mij iman Jeova, ke rar katok kin kijeek wan iman Jeova, ilo ene jemaren in Sainai, im ejelok neĵir: im Iliezar im Itamar rar jerbal ilo jerbal an pris iman meĵen Aron, jemeir.

5 Im Jeova e ar konono ñōn Moses, im ba, 6 Kwon kadruaktok bwijin Livai, im likit ir iman Aron, pris eo, bwe ren jerbal ñōn e. 7 Im ren lale men ko an, im an aolepen jar eo imar

imōn kwelok eo, bwe ren kōmōn jerbal an imōn kabēr eo. 8 Im ren kej-bārok men ko otemjej an imōn kwelok, im men ko an ro nejin Israel, bwe ren kōmōn jerbal an imōn kabēr eo. 9 Im kwon lelok ro dri Livai nōn Aron im nōn lōmaro nejin: emwij lelok ir nōn e kin ro nejin Israel. 10 Im kwon bwini Aron im ro nejin, im ren lale air jerbal in pris: im obwilbata eo ej druaktok, en mij.

11 Im Jeova e ar konono nōn Moses, im ba, 12 Im Nā, lo Nā, I ar bōk ro dri Livai jen ro nejin Israel, bwe ren binej jenkwōn manjir otemjej rej kablok loji iben ro nejin Israel; im ro dri Livai ren Aō: 13 bwe manji otemjej Aō; ran eo ke I ar mōn manji otemjej ilo enen Ijīpt, I ar kokwojarjar nōn Iō manji otemjej ilo Israel, man in kiru, ren Aō: Nā Jeova.

14 Im Jeova e ar konono nōn Moses ilo ene jemaren in Sainai, im ba, 15 Kwon bwini ro nejin Livai, kin moko imōn ro jimair, im nukir: man rōn otemjej jen ridtōn juōn aliñ im jima, kwo naj bwini. 16 Im Moses e ar bwini ir, ekar nōn nan eo an Jeova, einwōt ar jiroñ e. 17 Im rein ro nejin Livai, kin etair, Gershon, im Kohat, im Mirerai. 18 Im rein etan ro nejin Gershon, kin ro nukir: Libnai im Shimeai. 19 Im ro nejin Kohat kin ro nukir: Amram, Izhar, Hibron im Uzaiel. 20 Im ro nejin Mirerai kin ro nukir: Malai im Mushai. Rein ro nukin dri Livai ekar nōn moko imōn ro jimair.

21 Jen Gershon ro nukin dri Libnai, im ro nukin dri Shimeai: rein ro nukin dri Gershon. 22 Ro emwij bwini ir, ekar nōn oran man rōn otemjej, jen ridtōn juōn aliñ im jima, aet, ro emwij bwini ir, jiljilimjuōn tausan limabuki. 23 Ro nukin dri Gershon ren kajur im elikin imōn kabēr eo i kabilūñ. 24 Im iroiñ an imōn ro jimair an ro dri Gershon, e naj Ilaiesap nejin Lael. 25 Im kwanan ro nejin Gershon ilo imōn kwelok eo, lale imōn kabēr, kab im nuknuk eo, im ken kalibubu eo an, im binjen kejem in imōn kwelok, 26 im jelitōk ko an

worwor, im binjen kejem in worwor, eo ej ebake imōn kabēr, im iturin lokatok eo, im to ko an, nōn jerbal otemjej an.

27 Im jen Kohat, nukin ro dri Amram, im nukin ro dri Izhar, im nukin ro dri Hibron, im nukin ro dri Uzaiel: rein ro nukin ro dri Kohat. 28 Oran man ro otemjej, jen ridtōn juōn aliñ im jima, drualitōk tausan jiljino buki, ro rej kejbārok im lale imōn kwojarjar eo. 29 Ro nukin jen ro nejin Kohat, ren kajur im iturin imōn kabēr iroñ. 30 Im iroiñ in imōn jimair an nukin ro dri Kohat, e naj Elizapan, nejin Uzaiel. 31 Kwonair lale dipdip eo, im tebel, im jikin lamp, im lokatok ko, im jābi ko in imōn kwojarjar rej jerbal kake, im binjen, im aolepen jerbal ko an. 32 Im Iliezar nejin Aron, pris eo, en iroiñ ion iroiñ rōn an ro dri Livai, im en lale ro rej kejbārok im lale imōn kwojarjar eo.

33 Jen Mirerai nukin ro dri Malai, im nukin ro dri Mushai: rein ro nukin Mirerai. 34 Im ro emwij bwini ir, oran man rōn otemjej, jen ridtōn juōn aliñ im jima, jiljino tausan rubuki. 35 Im iroiñ an imōn ro jimair jen ro nukin Mirerai, Zuriel, nejin Abiheil: re naj kajur im iturin imōn kabēr eañ. 36 Im emwij likit nōn ro nejin Mirerai bwe ren lale rā ko an imōn kabēr, im alal ko an, im jur ko an, im batilemen ko an, im ken jerbal otemjej an, im aolepen jerbal eo an, 37 im jur ko an worwor ej kabile, im batilemeir, im drumij ko air, im to ko air.

38 Im ro rej kajur im iman imōn kabēr eo i rear, iman imōn kwelok nōn tak al, Moses, im Aron im ro nejin, ro rej kejbārok im lale imōn kwojarjar eo, kin ro nejin Israel, im drua maijet eo ej kebaklok, en mij. 39 Ro otemjej emwij bwini ir jen ro dri Livai, ro Moses im Aron rar bwini ir kin kien Jeova, ro nukir, man rōn otemjej jen ridtōn juōn aliñ im jima, roñoul ruo tausan.

40 Im Jeova e ar ba nōn Moses, Kwon bwini man rōn, manji otemjej ian ro nejin Israel, jen ridtōn juōn



aliñ im jima, im bōk oran etair. 41 Im kwo naj bōk ro dri Livai ñōn Iō, (Ña Jeova), dri binej jenkwōn manji rōn ian ro nejin Israel; im kiru ko an ro dri Livai ren binej jenkwōn manji ko ian kiru ko an ro nejin Israel. 42 Im Moses e ar bwini, einwōt Jeova e ar jiroñ e, manji otemjej an ro nejin Israel. 43 Im manji otemjej, man ro, oran etair, jen ridtōn juōn aliñ im jima, ian ro emwij bwini ir, roñoul ruo tausan rubuki jiljilimjuōnñoul jilu.

44 Im Jeova e ar konono ñōn Moses, im ba, 45 Kwon bōk ro dri Livai, dri binej jenkwōn manji rōn an ro nejin Israel, im kiru ko an ro dri Livai bwe ren binej jenkwōn kiru ko air; im ro dri Livai re naj Aō: Ña Jeova. 46 Im kin bar wiaik rubuki jiljilimjuōnñoul jilu ian manji ro ian ro nejin Israel, bwe en oran ro dri Livai, 47 kwon bōk lailim shekel jen jabrewōt iair, kin bōrair; ekar ñōn shekel in imōn kwojarjar, kwo naj bōki, (juōn shekel roñoul gira): 48 im kwon lelok mōnni eo, emwij bar wiaik kake bweir, ñōn Aron im lōmaro nejin. 49 Im Moses e ar bōk mōnni in bar wia, jen ro rar orlok jen ro emwij wiaik ir kin ro dri Livai; 50 jen manji rōn ian ro nejin Israel, e ar bōk mōnni eo, juōn tausan jilu buki jiljinoñoul lailim shekel, ekar ñōn shekel in imōn kwojarjar: 51 im Moses e ar lelok mōnni in bar wiaik, ñōn Aron im lōmaro nejin, ekar ñōn nan an Jeova, einwōt Jeova e ar jiroñ Moses.

4 Im Jeova e ar konono ñōn Moses im Aron, im ba, 2 Kominro bōk oran ro nejin Kohat jen ro nejin Livai, kin ro nukir, kin moko imōn ro jimair, 3 jen ridtōn jilñoul yiō im jima, aet ñōn ridtōn limñoul yiō, ro otemjej rej jino korijer im kōmōn jerbal eo ilo imōn kwelok. 4 Eñin jerbal an ro nejin Kohat ilo imōn kwelok, kin men ko re kwojarjar wōt: 5 ñe kamp eo ej wōnmanlok, Aron en dreloñ, kab lōmaro nejin, im ren drorlok rōñel in binjen, im kalibubu dip-  
dip in kalimur kake, 6 im en likit ion ken kalibubu, kilin raj, im en erlok-

we ion, nuknuk e blu wōt, im naj tōli ine ko an. 7 Im ion tebel in bred in kalikar, ren erlokwe nuknuk blu, im likit ion jābi ko, im jibun ko, im bol ko, im kōp ko in lutōklok kake; im bred eo e jab joko en ber icn: 8 im ren erlokwe ion juōn nuknuk kilmir, im kalibubu men in kin ken kalibubu, kilin raj, im naj tōli ine ko an. 9 Im ren bōk juōn nuknuk blu, im kalibubu jikin lamp in maram, im lamp ko an, im ken jojen melle ko an, im nien melkwarar ko an, im jābi ko in oil otemjej rej korijer ñōn e kake: 10 im ren likite iben jābi otemjej an, iloan ken kirboke, kilin raj, im ren likite ion juōn ine. 11 Im ren erlokwe nuknuk blu ion lokatok gold eo, im kalibubu e kin ken kalibubu kilin raj, im ren tōli ine ko an: 12 im ren bōk jābi otemjej in korijer, rej jerbal kake iloan imōn kwojarjar, im naj likiti iloan nuknuk blu, im kalibubu e kin ken kalibubu kilin raj, im ren likiti ion ine ko. 13 Im ren jolok brij in ubaj jen lokatok eo, im erlokwe nuknuk eoij ion: 14 im ren likit ion, jābi otemjej an, rej jerbal kake itur-in, jābi in kijeek eo; im ren erlokwe ioir, ken kalibubu kilin raj, im tōli ine ko an. 15 Im ñe emwij an Aron im ro nejin kalibubu imōn kwojarjar, im men ko otemjej an imōn kwojarjar eo, ñe e pojōk in wōnmanlok kamp eo; tokelik, ro nejin Kohat ren iten ineki: a ren jab uñiri men ko re kwojarjar, ñe rab mij. Men kein kwanon ro nejin Kohat ilo imōn kwelok eo. 16 Im kwanon Iliezar nejin Aron, pris eo, oil in maram, im kaijurjur eñōj, im jurtak flauo eo e jab joko, im oil in kabit, en lali aolepen imōn kabero eo, im men ko otemjej iloan, imōn kwojarjar im men ko an.

17 Im Jeova e ar konono ñōn Moses im ñōn Aron, im ba, 18 Kominro jab bukwelok bwijin ro nukin ro dri Kohat, jen iben ro dri Livai; 19 a ein drein komin kōmōn ñōn ir, bwe ren mour, im jab mij, ñe rej kebaklok ñōn men ko re kwojarjar wōt: Aron im lōmaro nejin ren dreloñ, im lelok ñōn jabrewōt iair jerbal eo an, im ine

eo an; 20 a ren jab dreloñ in aluij imōn kwojarjar, meñe jirik wōt ien, ñe rab mij.

21 Im Jeova e ar konono ñōn Moses, im ba, 22 Kwon bōk oran man ro nejin Gershon bareinwōt, kin moko imōn ro jimair, kin ro nukir; 23 jen ridtōn jilñoul yiō im jima, ñōn ridtōn limñoul yiō, kwon bwini ir; ro otemjej rej dreloñ in korijer, bwe ren kōmōn jermal eo iloan imōn kwelok. 24 Eñin jermal an ro nukir ian ro dri Gershon, kin korijer im inene: 25 ren inek binjen ko an imōn kabere, im imōn kwelok eo, ken kalibubu eo an, im men in kalibubu, kilin raj, ion, im binjen kejem in imōn kwelok, 26 im jelitōk ko an worwor eo, im binjen aor im kejem an worwor eo ej ber iturin imōn kabere im lokatok, im to ko air, im ken jermal in korijer ko air, im jabrewōt rej jermal kaki: ilo men in ren korijer. 27 Ekar ñōn nan in kaiñi an Aron im lōmaro nejin, e naj aolepen jermal an lōmaro nejin dri Gershon, ilo aolepen air inene, im ilo aolepen air korijer, im kom naj likit ñōn ir aolepen men ko kwonair. 28 Ein drein jermal an ro nukin lōmaro nejin Gershon iloan imōn kwelok: im air korijer e naj iomin pein Itamar, nejin Aron, pris eo.

29 Kñm ro nejin Mirerai, kwon bwini ir kin ro nukir, kin moko imōn ro jimair; 30 jen ridtōn jilñoul yiō im jima, aet ñōn limñoul yiō, kwon naj bwini ir, jabrewōt eo ej jino an korijer, bwe en kōmōn jermal an imōn kwelok eo. 31 Im ein drein jermal eo kwonair, ekar ñōn aolepen air korijer iloan imōn kwelok: rā ko an imōn kabere, im alal ko an, im jur ko an, im batilemen ko an, 32 im jur ko an worwor iturin, im batilemeir, im drumij ko air, im to ko air iben ken jermal ko air otemjej, im men in korijer ko air otemjej: im kin etair komin bwini ken jermal ko in korijer ilo ine ko air. 33 Eñin korijer an ro nukin lōmaro nejin dri Mirerai, ekar ñōn aolepen air korijer, iloan imōn kwelok, iomin pein Itamar nejin Aron, pris eo.

34 Im Moses im Aron im iroiñ ro an jar eo, ro rar bwini ro nejin Kohat kin ro nukir, im kin moko imōn ro jimair, 35 jen ridtōn jilñoul yiō im jima, ñōn ridtōn limñoul yiō, jabrewōt eo ej jino in korijer ñōn jermal, iloan imōn kwelok eo: 36 im ro emwij bwini ir kin ro nukir, ruo tausan jiljilimjuōn buki limñoul. 37 Rein ro emwij bwini ir jen ro nukir an ro dri Kohat, ro otemjej rar korijer iloan imōn kwelok, ro Moses im Aron rar bwini ir ekar ñōn nan in jiroñ an Jeova, kin Moses.

38 Im ro emwij bwini ir ian lōmaro nejin Gershon, kin ro nukir im kin moko imōn ro jimair, 39 jen ridtōn jilñoul yiō im jima ñōn ridtōn limñoul yiō, jabrewōt eo e ar jino in korijer, ñōn jermal iloan imōn kwelok, 40 ro emwij bwini ir, kin ro nukir, kin moko imōn ro jimair, ruo tausan jiljino buki jilñoul. 41 Rein ro emwij bwini ir ian ro nukir, man ro nejin Gershon, ro otemjej rar korijer iloan imōn kwelok, ro Moses im Aron rar bwini ir ekar ñōn nan in jiroñ an Jeova.

42 Im ro emwij bwini ir ian lōmaro nejin Mirerai, kin ro nukir, kin moko imōn ro jimair, 43 jen ridtōn jilñoul yiō im jima, aet ñōn ridtōn limñoul yiō, jabrewōt eo ej jino in korijer in jermal, iloan imōn kwelok eo, 44 ro emwij bwini ir kin ro nukir, jilu tausan rubuki. 45 Rein ro emwij bwini ir ian ro nukin lōmaro nejin Mirerai, ro Moses im Aron rar bwini ir, ekar ñōn nan in jiroñ an Jeova, kin Moses.

46 Ro otemjej emwij bwini ir ian ro dri Livai, ro Moses im Aron im iroiñ ro in Israel rar bwini ir, kin ro nukir, im kin moko imōn ro jimair, 47 jen ridtōn jilñoul yiō im jima, aet ñōn ridtōn limñoul yiō, jabrewōt eo e ar dreloñ in kōmōn jermal in korijer, im jermal in inene iloan imōn kwelok eo, 48 ro emwij bwini ir iair, drualitōk tausan limabuki drualitōkñoul. 49 Ekar ñōn nan in jiroñ an Jeova, Moses e ar bwini ir, jabrewōt eo ekar ñōn an korijer, im ekar ñōn inek eo an: ein drein emwij an bwini ir, einwōt Jeova e ar jiroñ Moses.

**5** Im Jeova e ar konono ñōn Moses, im ba, **2** Kwon jiroñ ro nejin Israel bwe ren kadrioiĵlok jen kampeo, dri leper otemjej, im ro otemjej eor torlok ibeir, im jabrewōt eo e jab erreo kin juōn dri mij: **3** man im kōra, komin kadrioiĵlok ir jen kamp eo, bwe ren jab katton kamp eo air, ijo Ij jokwe. **4** Im ro nejin Israel rar kōmōn einwōt, im kadrioiĵlok ir ilikin kamp eo; einwōt Jeova e ar ba ñōn Moses, ein drein ro nejin Israel rar kōmōne.

**5** Im Jeova e ar konono ñōn Moses, im ba, **6** Kwon ba ñōn ro nejin Israel, Ñe juōn eman ak kōra ej kōmōn jabrewōt jerawiwi armij rej bwir kake, im kōmōn jerawiwi nae Jeova, im eor ruōn armij eo; **7** inem en kwalok jerawiwi eo e ar kōmōne: im en kōrraik wōt kin ruōn, im kobaik ñōn e, juōn mōtōn lailim, im lelok ñōn eo eor ruōn iben. **8** A elañe ejelok nukin armij eo, e maroñ in kōrra ñōn e kin bwir eo an, men in kōrra eo kin ruōn, rej kōmōn ñōn Jeova, en an pris eo; bareinwōt jip koman in kilajrōk, ren kilajrōk kake kin e. **9** Im jabrewōt jurtak in jebōke, ian men ko re kwojarjar otemjej an ro nejin Israel, rej lelok ñōn pris eo, ren an. **10** Im men ko otemjej emwij aje an juōn armij, re naj an: men eo jabrewōt armij ej lelok ñōn pris eo, e naj an.

**11** Im Jeova e ar konono ñōn Moses, im ba, **12** Kwon konono ñōn ro nejin Israel, im ba ñōn ir, Elañe lio belen juōn eman ej jeōr im bwir nae, **13** im juōn eman ej babu iben ilo lūñ, im etino jen mejen leo belen, im re kanuij noje, im emwij kananaik lio, im ejelok dri kennan nae e, im re jab lo an kōmōn nana; **14** im elañe jītōb in kamo ej itok ñōn leo, im ej kamoik lio belen, ke emwij kananaik e: ak elañe jītōb in kamo ej itok ñōn leo, im ej kamoik lio belen, im ar jab kananaik e: **15** inem leo en āñinlok lio belen ñōn iben pris eo, im en bōktok an jurtak kin lio, juōn mōtōn joñoul epa flauo in barli; en jab lutōk oil ion, im en jab likit kaijurjur ion; bwe jurtak in flauo kin kamo, men in ka-

tok flauo in kemem, ej kakememej bwir.

**16** Im pris eo en kadruaktok lio, im likit e iman Jeova. **17** Im pris eo en bōk dren e kwojarjar ilo juōn jābi brij; im jen bōñōlñōl ilōl ilo imōn kaber, en bōk im likite iloan dren eo. **18** Im pris eo en likit kōra eo iman Jeova, im en jelate kolan bōran kōra eo, im likit jurtak flauo eo ilo pein, eo jurtak flauo kin kamo: im dren emeo ej menukol en ber ilo pein pris. **19** Im pris eo en kōmōn bwe lio en kanōjni, im e naj ba ñōn kōra eo, Elañe ejelok armij e ar babu ibōm, im kwar jab jeōr ñōn etton, ke kwoj ber iben leo beleōm, inem kwon anemkwojam jen dren emeo in, eo ej kōmōn binnikol. **20** A elañe kwar jeōr, ke kwar ber iben leo beleōm, im elañe kwoj etton, im juōn eman, e jab leo beleōm, e ar babu ibōm: **21** inem pris en kōmōn bwe kōra eo en kanōjni kin kanōjni in kol, im pris eo en ba ñōn lio, Jeova en kōmōn yuk binnikol, im men in kanōjni iben dri ailiñ ro am, ñe Jeova ej kōmōn bwe unin neōm en mōlok, im lojeōm en bōj wōt; **22** im dren in ej kōmōn binnikol e naj dreloñ iloan lojeōm, im kōmōn bwe lojeōm en bōj im unin neōm en mōlok. Im kōra eo en ba, Amen, Amen.

**23** Im pris eo en jeje kol kein ilo juōn buk, im en jeorloki ñōn ilo dren eo emeo: **24** im en kairak kōra eo dren in emeo, eo ej kōmōn kol; im dren eo ej kōmōn binnikol e naj dreloñ iloan im emeo. **25** Im pris eo en bōk jurtak flauo in kamo jen pein kōra eo, im e naj kabelbel jurtak flauo eo iman Jeova, im bōktok e ñōn lokatok eo: **26** im pris eo en roklip juōn alen jen jurtak flauo eo, einwōt men in kememej kake, im naj tile ion lokatok eo, im tokelik e naj kairak kōra eo kin dren eo. **27** Im ke emwij kairak lio kin dren eo, inem e naj ein drein, elañe ej etton, im e ar kōmōn bwir nae leo belen, dren eo ej kōmōn binnikol e naj dreloñ iloan im meo, im lojen e naj bōj, im unin neen e naj mōlok: im kōra eo e naj binnikol iben

dri ailiñ eo an. 28 Im elañe kōra eo e jab etton, a ej erreo; inem e naj anemkwojan im e naj etta.

29 Eñin kien kin kamo, ñe juōn kōra, eo ej ber iben leo belen, ej jeōr im etton; 30 a ñe jitōb in kamo ej dreloñ iloan eman, im ej kamoik lio belen, inem e naj likit lio iman Jeova, im pris eo en kōmōn ion, aolepen kien in. 31 Im man eo e naj anemkwojan jen bwir, im kōra eo e naj inek bwir eo an.

**6** Im Jeova e ar konono ñōn Moses, im ba, 2 Kwon konono ñōn ro nejin Israel, im ba ñōn ir, Ñe juōn eman ak kōra ej kōmōn an muri, muri in <sup>1</sup>Nazirait, im kejenolok e ñōn Jeova, 3 en kejenolok e jen wain im dren in karek; en irak ejelok dren emūñ in wain, ak dren emūñ in dren in karek, im en jab irak dren in grep ko, ak mōña grep, ko remorur ak remōra. 4 Iomin ran ko otemjej in kejenolok e, en jab mōña iōk kōmōne jen vain in grep, ñōn jirik.

5 Aolepen ran ko ien kejenolok e, <sup>2</sup>ejelok ken eāl en itok ion bōran: mae ien e jejit ran ko, ran ko ej mōke kejenolok e ñōn Jeova, en kwojarjar; en likit kolan bōran bwe en aitoklok.

6 Ilo aolepen ran ko ien mōke kejenolok e ñōn Jeova, en jab druaklok ñōn ubōn juōn dri mij. 7 En jab etton kin jemen ak jinen, ak kin jein im jātin, ñe re mij; bwe an mōke kejenolok e ej ion bōran. 8 Iomin ran ko otemjej ran in kejenolok e, ej kwojarjar ñōn Jeova.

9 Im elañe jabrewōt armij e mij mōkōj iturin, im ej katton bōran, men in kejenolok e; inem en eāl bōran, ilo ran in karreoik e, ran eo ken ka jiljilimjuōn e naj eāle. 10 Im ilo ran eo ken ka drualitōk, en bōktok ruo tōrtel dōv, ak ruo muli emōn drer, ñōn pris, ñōn aor in imōn kwelok: 11 im pris eo en katok kin juōn iair, men in katok kin bwir, im eo juōn men in katok kijeek, im kōmōn kilajrōk ñōn e, kin ke e ar bwir kin eo dri mij, im naj kokwojarjar bōran ran eo wōt.

12 Im en kijbil ñōn Jeova, ran ko ran in kejenolok e, im en bōktok juōn lam koman ridtōn juōn yiō, men in katok kin ruōn; a ran ko mokta re naj ran bata, bwe e ar katton an mōke kejenolok e.

13 Im eñin kien an dri Nazirait, ke euñ ran ko an kejenolok e: naj āñinlok e ñōn aor in imōn kwelok eo: 14 im en lelok ñōn Jeova jurtak eo an, juōn lam koman ridtōn juōn yiō im e wāppen, men in katok kijeek, im juōn lam kokōra ridtōn juōn yiō im e wāppen, men in katok kin jerawiwi, im juōn jip koman e wāppen, men in katok kin ainemōn, 15 im juōn iep in bred e jab uwe, kek ko jen flauo kwerik kāreiki kin oil, im kek ko re meni re jab uwe, im kabiti kin oil, im air jurtak flauo ko, im air jurtak irak ko. 16 Im pris eo en kwaloki iman Jeova, im en katok kin an men in katok kin jerawiwi im men in katok kijeek: 17 im en lelok jip koman in katok ainemōn ñōn Jeova, kab iep in bred e jab uwe; pris en bareinwōt katok kin jurtak flauo eo an, im jurtak in irak eo an. 18 Im dri Nazirait eo en eāl bōran, men in kejenolok e, i aor in imōn kwelok eo, im en bōk kolan bōran, men in kejenolok e, im likite ion kijeek eo ej iomin men in katok in ainemōn. 19 Im pris eo en bōk aieran jip koman eo, emwij kōmāte ilo dren, im juōn kek e jab uwe jen iep eo, im juōn kek e meni e jab uwe, im naj likiti ilo pein dri Nazirait, elikin an eāl bōran, men in kejenolok e; 20 im pris eo e naj kabelbel men in katok belbel iman Jeova; eñin e kwojarjar im ñōn pris eo, iben ubōn belbel im unjen ne men in jebōke: inem elikin men in, emelim an dri Nazirait irak wain.

21 Eñin kien dri Nazirait eo ej kanōjniñ, im kien jurtak eo an ñōn Jeova, kin an mōke kejenolok e, kab men eo e maroñ in bōke, einwōt muri eo e ar muri kake, ein drein en kōmōn ekar ñōn kien mōke kejenolok e.

22 Im Jeova e ar konono ñōn Moses, im ba, 23 Kwon konono ñōn Aron, im ñōn lōmaro nejin, im ba, Ein



drein komin jare ro nejin Israel: komin ba ñōn ir, 24 Jeova en kejeram-mōn yuk, im kejbārok yuk: 25 Jeova en kōmōn bwe turin mejen en romak iom, im En joi j ñōn yuk: 26 Jeova en bōk mejen iom, im lewoj ainemōn ñōn yuk. 27 Ein drein ren<sup>1</sup> likit eta ion ro nejin Israel; im I naj kejeram-mōn ir.

7 Im ilo<sup>2</sup> ran eo ke Moses e ar kam-wijlok an kajutōk imōn kabere eo, im e ar kabite im kokwojarjare, im men ko otemjej an, im lokatok kab jābi otemjej an, im e ar kabiti im kokwojarjari; 2 inem iroi ro in Israel, jiōb ro an moko imōn ro jimair, rar elok jurtak ko air. Rein iroi ro an bwij ko, rein ro rar ion ro emwij bwini ir: 3 im rar bōktok jurtak eo air iman Jeova, jiljino wāgōn eorken kalibubui, im joñoul ruo ox; juōn wāgōn jen ruo iroi, im jen kaju iair juōn ox: im rar lilok iman aor in imōn kabere eo. 4 Im Jeova e ar kono-nōn Moses, im ba, 5 Kwon bōki jen ir, bwe ren men in korijer ñōn imōn kwelok eo; im kwo najlilok ñōn ro dri Livai, ñōn kaju iair ekar ñōn jerbal in korijer eo an. 6 Im Moses e ar bōk wāgōn ko im ox ko, im lilok ñōn ro dri Livai. 7 E ar lilok ruo wāgōn im emen ox ñōn lōmaro nejin Gershon, ekar ñōn air jerbal in korijer: 8 im emen wāgōn im drualitōk ox e ar lilok ñōn lōmaro nejin Mire-rai, ekar ñōn air jerbal in korijer, iomin pein Itamar, nejin Aron, pris eo. 9 A ñōn lōmaro nejin Kohat e ar elok ejelok, bwe air jerbal in korijer ñōn imōn kwojarjar eo; rar ineke. 10 Im iroi ro rar elok jurtak in elok kin lokatok eo, ilo ran eo ke rar kabite, aet iroi ro rar elok jurtak eo air iman lokatok eo. 11 Im Jeova e ar ba ñōn Moses, Ren elok air jurtak, jabrewōt iroi ilo ran eo an, kin elok lokatok eo.

12 Im eo e ar elok jurtak eo an ran eo mokta, Nashon, nejin Aminadab, jen bwijin Juda: 13 im jurtak eo an, juōn jābi silver elap, erron jibuki jilñoul shekel, juōn jābi silver

jiljilimjuōnñoul shekel, ekar ñōn shekel in imōn kwojarjar; irko relōñ kin flauo kwerik, kāreike kin oil, ñōn jurtak flauo; 14 juōn jibun gold, joñoul shekel, elōñ kin kajurjur; 15 juōn kau koman emōn ridtōn, juōn jip koman, juōn lam koman ridtōn juōn yiō, ñōn men in katok kijeek; 16 juōn got koman, ñōn men in katok kin jerawiwi; 17 im ñōn men in katok kin ainemōn, ruo ox, lailim jip koman, lailim got koman, lailim lam koman ridtair juōn yiō: eñin jurtak eo an Nashon nejin Aminadab.

18 Ran eoken ka ruo, Netanel, nejin Zuar, iroi in Issakar, e ar elok jurtak eo an: 19 e ar elok juōn jābi silver elap, erron jibuki jilñoul shekel, juōn jābi silver jiljilimjuōnñoul shekel, ekar ñōn shekel in imōn kwojarjar: irko relōñ kin flauo kwerik, kāreiki kin oil, ñōn jurtak flauo; 20 juōn jibun gold, joñoul shekel, elōñ kin kajurjur; 21 juōn kau koman emōn ridtōn, juōn jip koman, juōn lam koman ridtōn juōn yiō, ñōn men in katok kijeek; 22 juōn got koman, ñōn men in katok kin jerawiwi; 23 im ñōn men in katok kin ainemōn, ruo ox, lailim jip koman, lailim got koman, lailim lam koman ridtōn juōn yiō: eñin jurtak eo an Netanel nejin Zuar.

24 Ran eo ken ka jilu, Ilaiaab, nejin Hilon, iroi an ro nejin Zebulun: 25 jurtak eo an juōn jābi silver elap, erron jibuki jilñoul shekel, juōn jābi silver jiljilimjuōnñoul shekel, ekar ñōn shekel in imōn kwojarjar; irko relōñ kin flauo kwerik, kāreike kin oil, ñōn jurtak flauo; 26 juōn jibun gold, joñoul shekel, elōñ kin kajurjur; 27 juōn kau koman emōn ridtōn, juōn jip koman, juōn lam koman ridtōn juōn yiō, ñōn men in katok kijeek; 28 juōn got koman, ñōn men in katok kin jerawiwi; 29 im ñōn men in katok kin ainemōn, ruo ox, lailim jip koman, lailim got koman, lailim lam koman ridtair juōn yiō: eñin jurtak eo an Ilaiaab nejin Hilon.

30 Im ran eo ken kemen, Ilaizur,

nejin Shedeur, iroiĵ an ro neĵin Ruben: 31 jurtak eo an, juĉn ĵābisilver elap, erron ĵibuki ĵilĉoul shekel, juĉn ĵābi silver ĵilĵilimjuĉnĉoul shekel, ekar ĉnĉn shekel in imĉn kwojarĵar; irko relĉn kin flauo kwerik, kĉreike kin oil, ĉnĉn jurtak flauo; 32 juĉn ĵibun gold, joĉoul shekel, elĉn kin kaiĵurĵur; 33 juĉn kau koman emĉn ridtĉn, juĉn ĵip koman, juĉn lam koman ridtĉn juĉn yiĉ, ĉnĉn men in katok kiĵeek; 34 juĉn got koman, ĉnĉn men in katok kin ĵerawiwi; 35 im ĉnĉn men in katok kin ainemĉn, ruo ox, lailim ĵip koman, lailim got koman, lailim lam koman ridtĉn juĉn yiĉ: eĉin jurtak eo an Ilaizur neĵin Shedeur.

36 Ran eo ken ka lailim, Shilumiel, neĵin Zurishadaĵ, iroiĵ an ro neĵin Simeon: 37 jurtak eo an, juĉn ĵābi silver elap, erron ĵibuki ĵilĉoul shekel, juĉn ĵābi silver ĵilĵilimjuĉnĉoul shekel, ekar ĉnĉn shekel in imĉn kwojarĵar, irko relĉn kin flauo kwerik, kĉreike kin oil, ĉnĉn jurtak flauo; 38 juĉn ĵibun gold, elĉn kin kaiĵurĵur; 39 juĉn kau koman emĉn ridtĉn, juĉn ĵip koman, juĉn lam koman ridtĉn juĉn yiĉ, ĉnĉn men in katok kiĵeek; 40 juĉn got koman, men in katok kin ĵerawiwi; 41 im ĉnĉn men in katok kin ainemĉn, ruo ox, lailim ĵip koman, lailim got koman, lailim lam koman ridtair juĉn yiĉ: eĉin jurtak eo an Shilumiel neĵin Zurishadaĵ.

42 Ran eo ken ka ĵilĵino, Ilaiesap, neĵin Deuel, iroiĵ an ro neĵin Gaĉ: 43 jurtak eo an, juĉn ĵābi silver elap, erron ĵibuki ĵilĉoul shekel, juĉn ĵābi silver, ĵilĵilimjuĉnĉoul shekel, ekar ĉnĉn shekel in imĉn kwojarĵar; irko relĉn kin flauo kwerik, kĉreike kin oil, ĉnĉn jurtak flauo; 44 juĉn ĵibun gold, joĉoul shekel, elĉn kin kaiĵurĵur; 45 juĉn kau koman emĉn ridtĉn, juĉn ĵip koman, juĉn lam koman ridtĉn juĉn yiĉ, ĉnĉn men in katok kiĵeek; 46 juĉn got koman, ĉnĉn men in katok kin ĵerawiwi; 47 im ĉnĉn men in katok kin ainemĉn, ruo ox, lailim ĵip koman, lailim got koman, lailim lam koman ridtair juĉn yiĉ: eĉin jurtak eo an Ilaiesap neĵin Deuel.

48 Ran eo ken ka ĵilĵilimjuĉn, Elishema, neĵin Amihud, iroiĵ an ro neĵin Ipreim: 49 jurtak eo an juĉn ĵābi silver elap, erron ĵibuki ĵilĉoul shekel, juĉn ĵābi silver ĵilĵilimjuĉnĉoul shekel, ekar ĉnĉn shekel in imĉn kwojarĵar; irko relĉn kin flauo kwerik, kĉreike kin oil, ĉnĉn jurtak flauo; 50 juĉn ĵibun gold, joĉoul shekel, elĉn kin kaiĵurĵur; 51 juĉn kau koman emĉn ridtĉn, juĉn ĵip koman, juĉn lam koman ridtĉn juĉn yiĉ, ĉnĉn men in katok kiĵeek; 52 juĉn got koman, ĉnĉn men in katok kin ĵerawiwi; 53 im ĉnĉn men in katok kin ainemĉn, ruo ox, lailim ĵip koman, lailim got koman, lailim lam koman ridtair juĉn yiĉ: eĉin jurtak eo an Elishema neĵin Amihud.

54 Ran eo ken ka dualitĉk, Gameliel neĵin Pedazur, iroiĵ an ro neĵin Menassa: 55 jurtak eo an, juĉn ĵābi silver elap, erron ĵibuki ĵilĉoul shekel, juĉn ĵābi silver ĵilĵilimjuĉnĉoul shekel, ekar ĉnĉn shekel in imĉn kwojarĵar; irko relĉn kin flauo kwerik, kĉreike kin oil, ĉnĉn jurtak flauo; 56 juĉn ĵibun gold, joĉoul shekel, elĉn kin kaiĵurĵur; 57 juĉn kau koman emĉn ridtĉn, juĉn ĵip koman, juĉn lam koman ridtĉn juĉn yiĉ, ĉnĉn men in katok kiĵeek; 58 juĉn got koman, ĉnĉn men in katok kin ĵerawiwi; 59 im ĉnĉn men in katok kin ainemĉn, ruo ox, lailim ĵip koman, lailim got koman, lailim lam koman ridtair juĉn yiĉ: eĉin jurtak eo an Gameliel neĵin Pedazur.

60 Ran eo ken ka druatiĵjuĉn Abidan, neĵin Gideonai, iroiĵ an ro neĵin Benjamin: 61 jurtak eo an, juĉn ĵābi silver elap, erron ĵibuki ĵilĉoul shekel, juĉn ĵābi silver, ĵilĵilimjuĉnĉoul shekel silver, ekar ĉnĉn shekel in imĉn kwojarĵar; irko relĉn kin flauo kwerik, kĉreike kin oil, ĉnĉn jurtak flauo; 62 juĉn ĵibun gold, joĉoul shekel, elĉn kin kaiĵurĵur; 63 juĉn kau koman emĉn ridtĉn, juĉn ĵip koman, juĉn lam koman ridtĉn juĉn yiĉ, ĉnĉn men in katok kiĵeek; 64 juĉn got koman, ĉnĉn men in katok kin ĵerawiwi; 65 im ĉnĉn men in katok kin ainemĉn,

ruo ox, lailim jip koman, lailim got koman, lailim lam koman ridtair juōn yiō: eñin jurtak eo an Abidan nejin Gideonai.

66 Ran eo ken ka joñoul, Ahiezar, nejin Amishadaï, iroiĵ an ro nejin Dan: 67 jurtak eo an, juōn jābi silver elap, erron jibuki jilñoul shekel, juōn jābi silver, jiljilimjuōnñoul shekel, ekar ñōn shekel in imōn kwojarjar; irko relōñ kin flauo kwerik, kāreike kin oil, ñōn jurtak flauo; 68 juōn jibun gold, joñoul shekel, elōñ kin kaijurjur; 69 juōn kau koman emōn ridtōn, juōn jip koman, juōn lam koman ridtōn juōn yiō, ñōn men in katok kijeek; 70 juōn got koman, ñōn men in katok kin jerawiwi; 71 im ñōn men in katok kin ainemōn, ruo ox, lailim jip koman, lailim got koman, lailim lam koman ridtair juōn yiō: eñin jurtak eo an Ahiezar nejin Amishadaï.

72 Im ran eo ken ka joñoul juōn, Pegiel, nejin Okran, iroiĵ an ro nejin Issakar: 73 jurtak eo an, juōn jābi silver elap, erron jibuki jilñoul shekel, juōn jābi silver, jiljilimjuōnñoul shekel, ekar ñōn shekel in imōn kwojarjar; irko relōñ kin flauo kwerik, kāreike kin oil, ñōn jurtak flauo; 74 juōn jibun gold, joñoul shekel, elōñ kin kaijurjur; 75 juōn kau koman emōn ridtōn, juōn jip koman, juōn lam koman ridtōn juōn yiō, ñōn men in katok kijeek; 76 juōn got koman, ñōn men in katok kin jerawiwi; 77 im ñōn men in katok kin ainemōn, ruo ox, lailim jip koman, lailim got koman, lailim lam koman ridtair juōn yiō: eñin jurtak eo an Pegiel nejin Okran.

78 Ran eo ken ka joñoul ruo, Ehaira, nejin Inan, iroiĵ an ro nejin Naphtalai: 79 jurtak eo an, juōn jābi silver elap, erron jibuki jilñoul shekel, juōn jābi silver, jiljilimjuōnñoul shekel, ekar ñōn shekel in imōn kwojarjar; irko relōñ kin flauo kwerik, kāreike kin oil, ñōn jurtak flauo; 80 juōn jibun gold, joñoul shekel, elōñ kin kaijurjur; 81 juōn kau koman emōn ridtōn, juōn jip koman, juōn lam koman ridtōn juōn yiō, ñōn men

in katok kijeek; 82 juōn got koman, ñōn men in katok kin jerawiwi; 83 im ñōn men in katok kin ainemōn, ruo ox, lailim jip koman, lailim got koman, lailim lam koman ridtair juōn yiō: eñin jurtak eo an Ehaira nejin Inan.

84 Eñin men in lelok an lokatok eo, ilo ran eo ke rar kabite, jen iroiĵ ro in Israel: joñoul ruo jābi silver relap, joñoul ruo jābi silver, joñoul ruo jibun gold; 85 jabrewōt jābi silver elap, erron jibuki jilñoul shekel, im jabrewōt jābi rōt eo juōn, jiljilimjuōnñoul; aolepen silveran jābi otemej, ruo tausan ābuki shekel, ekar ñōn shekel in imōn kwojarjar; 86 jibun gold ko, joñoul ruo, relōñ kin kaijurjur, erron jabrewōt iair joñoul shekel, ekar ñōn shekel in imōn kwojarjar; aolepen gold an jibun ko, jibuki roñoul shekel; 87 aolepen kau koman ñōn men in katok kijeek, joñoul ruo kau koman, jip koman ko joñoul ruo, lam koman ridtair juōn yiō, joñoul ruo, kab air jurtak flauo; im got koman ko men in katok kin jerawiwi, joñoul ruo; 88 im aolepen ox ko men in katok kin ainemōn, roñoul emen kau koman, jip koman jiljinoñoul, got koman jiljinoñoul, lam koman ridtair juōn yiō jiljinoñoul. Eñin men in lelok an lokatok eo, elikin air kabite.

89 Im ke Moses e ar dreloñ iloan imōn kwelok bwe en konono iben, inem e ar roñ Ainiken eo ej konono ñōn e jen ilōñin jikin tiriamo e ar ber ion dipdip in kalimur, jen ikōtan kerub ko ruo: im E ar konono ñōn e.

8 Im Jeova e ar konono ñōn Moses, im ba, 2 Kwon konono ñōn Aron, im ba ñōn e, Ñe kwoj tili lamp ko, lamp ko jiljilimjuōn ren romak iman jikin lamp eo. 3 Im Aron e ar kōmōn ein drein; e ar tili lamp ko, bwe ren romak iman jikin lamp eo, einwōt Jeova e ar jiroñ Moses. 4 Im eñin kōmōn an jikin lamp eo, gold emwij nowe; ñōn loñtōn, im ñōn inōk ko an, emwij nowe: ekar ñōn joñok eo Jeova e ar kwalok ñōn Moses, ein drein e ar kōmōn jikin lamp eo.

5 Im Jeova e ar konono ñon Moses, im ba, 6 Kwon bōk ro dri Livai jen iben ro nejin Israel, im karreoik ir. 7 Im ein drein am naj kōmōn nōn ir, bwe kwon karreoik ir: kwon kabō-tūktūk ioir dren in kilajrōk, im ren eāl kin ken eāl aolepen enbwinir, im ren kwoli nuknuk ko air, im mōke karreoik ir. 8 Inem ren bōk juōn kau koman emōn ridtōn, im jurtak flauo eo an, flauo kwerik, kāreike kin oil; im kwon bōk bar juōn kau koman emōn ridtōn, men in katok kin jerawiwi. 9 Im kwon kwalok ro dri Livai iman imōn kwelok eo: im kwon kokweloktok aolepen jar an ro nejin Israel: 10 im kwon kwalok ro dri Livai iman Jeova. Im ro nejin Israel, ren likit peir ion ro dri Livai: 11 im Aron en lelok ro dri Livai iman Jeova men in jurtak belbel, kin ro nejin Israel, bwe en kwonair korijer ñon Jeova. 12 Im ro dri Livai ren likit peir ion bōran kau koman ko: im kwon lelok juōn, men in katok kin jerawiwi, im eo juōn men in katok kijeek, ñon Jeova, bwe kwon kōmōn kilajrōk ñon ro dri Livai. 13 Im kwon kajutōk ro dri Livai iman Aron, im iman lōmaro nejin, im lelok ir men in jurtak belbel ñon Jeova.

14 Ein drein kwo naj kejenolok ro dri Livai jen ro nejin Israel; im ro dri Livai re naj Aō. 15 Elikin men in, ro dri Livai re naj dreloñlok im kōmōn jerbal an imōn kwelok eo: im kwo naj karreoik ir im lelok ir men in jurtak belbel. 16 Bwe emwij letok ir wōt ñon Iō jen ro nejin Israel; bwe ren binej jenkwōn ro rej kabellok loji, aet manji rōn ian ro nejin Israel otemjej, I ar bōk ir ñon iba. 17 Bwe manji rōn otemjej iben ro nejin Israel rej Aō, armij im kiru: ilo ran eo ke I ar mōn manji otemjej ilo enen Ijpt, I ar kokwojarjar ir ñon Iō. 18 Im I ar bōk ro dri Livai, im binej jenkwōn manji otemjej ian ro nejin Israel. 19 Im I ar lelok ro dri Livai ñon Aron im lōmaro nejin, jen ro nejin Israel, bwe ren kōmōn jerbal an ro nejin Israel ilōan imōn kwelok, im bwe ren kōmōn kilajrōk ñon ro

nejin Israel; bwe en ejelok nañinmij iolapin ro nejin Israel, ñe ro nejin Israel rej kebaktok ñon jikin kwojarjar eo.

20 Ein drein an Moses im Aron im aolepen jar an ro nejin Israel kōmōn ñon ro dri Livai: einwōt men otemjej Jeova e ar jiroñ Moses, kin ro dri Livai, ein drein ro nejin Israel rar kōmōn ñon ir. 21 Im ro dri Livai rar mōke karreoik ir jen jerawiwi, im rar kwoli nuknuk ko air: im Aron e ar lelok ir men in jurtak belbel iman Jeova; im Aron e ar kōmōn kilajrōk ñon ir bwe ren karreoik ir. 22 Im tokelik ro dri Livai rar dreloñlok im kōmōn jerbal eo air ilōan imōn kwelok iman Aron, im iman lōmaro nejin: einwōt Jeova e ar jiroñ Moses kin ro dri Livai, ein drein air kōmōn ñon ir.

23 Im Jeova e ar konono ñon Moses, im ba, 24 Ein drein men eo kwonan ro dri Livai: jen ridtōn roñoul lailim yiō im jima, re naj dreloñlok bwe ren lale im korijer ilo jerbal in imōn kwelok eo: 25 im jen ridtōn limñoul yiō, e naj mwij air lale jerbal eo, im e naj jokwōr air korijer, 26 a re naj korijer iben ro jeir im jātir ilōan imōn kwelok eo, in kejbārok men ko rej lali, a re jamin jerbal. Ein drein kwon kōmōn ñon ro dri Livai kin men ko kwonair.

9 Im Jeova e ar konono ñon Moses, ilo ene jemaren in Sainai, ilo aliñ eo mokta an yiō eo ken ka ruo elikin air droijotok jen enen Ijpt, im ba, 2 Bareinwōt ro nejin Israel ren lale men in kijone ilo ien eo an. 3 Ilo ran eo ken ka joñoul emen ilo aliñ in, ñe ejota, komin lale ilo ien eo an: ekar ñon kien otemjej an ran eo, im ekar ñon nan in kaini ko an, komin lale. 4 Im Moses e ar ba ñon ro nejin Israel bwe ren lale men in kijone. 5 Im rar lale men in kijone ilo aliñ eo mokta, ilo ran eo ken ka joñoul emen, ke ejota, ilo ene jemaren in Sainai: ekar ñon men otemjej Jeova e ar jiroñ Moses, ein drein an ro nejin Israel kōmōne. 6 Im jet armij, rar jab erreo kin ubōn



juōn armij emij, inem re ban lale men in kijone ilo ran eo: im rar itok nōn iman Moses im iman Aron ilo ran eo: 7 im lōmarein rar ba nōn e, Kim jab erreō kin ubōn juōn armij e mij: etke rej drebij kim, bwe kimin jab lelok jurtak an Jeova ilo ien eo an iben ro nejin Israel? 8 Im Moses e ar ba nōn ir, Komin berwōt, bwe in roñjake ta eo Jeova e naj jiroñ kin kom.

9 Im Jeova e ar konono nōn Moses, im ba, 10 Kwon konono nōn ro nejin Israel, im ba, Elañe jabrewōt iami ak ian ebeben ko ami e jab erreō kin ubōn juōn emij, ak ej ber ijo etelok, ijoke, en lale men in kijone an Jeova. 11 Ilo aliñ eo ken ka ruo, ran eo ken ka joñoul emen, ñe ejota, ren lale; ren jalele iben bred e jab uwe, im mar ko re meo: 12 ren jab likit jabrewōt mōtōn nōn ilju, im ren jab ruji juōn drin: ekar nōn aolepen kien men in kijone, ren lale. 13 A armij eo ej erreō, im e jab ber ijo etelok, elañe e jab lale men in kijone, naj bukwelok armij eo jen dri aliñ ro an; bwe e ar jab lelok jurtak an Jeova ilo ien ekar, armij eo e naj inek jerawiwi eo an. 14 Im elañe juōn drua maijet ejitotōk ibemi, im e kōnan lale men in kijone nōn Jeova; einwōt kien men in kijone, im einwōt men in kaiñi an ran eo, ein drein en kōmōne: en ibemi juōn wōt kien nōn drua maijet im nōn eo druwinene.

15 Im ilo ran eo, ke rar kajur imōn kabero eo, kōro eo e ar kalibubu imōn kabero eo, aet imōn kalimur eo: im ke ejota e ar ber ion imōn kabero eo einwōt wāwen kijeek, nōn jiboñ. 16 Im ein drein ien otemej: kōro eo e ar kalibubu e, im wāwen kijeek ilo boñ. 17 Im jabrewōt ien ke kōro eo e ar wōnliñlok jen ion im nuknuk eo, inem elikin men in, ro nejin Israel rar etal: im ilo jikin eo kōro eo e ar bwijrōk ie, ijo ro nejin Israel rar kajur im. 18 Ke Jeova e ar jiroñ, rar etal, im ke Jeova e ar jiroñ, rar kajur im: toñ wōt an kōro eo bwijrōk ion imōn kabero eo, rar berwōt ilo kamp eo. 19 Im ke kōro eo e ar berwōt ion imōn kabero iomin elōñ ran,

inem ro nejin Israel rar lali men ko an Jeova, im re jab etal. 20 Im jet ien kōro eo e ar ber ion imōn kabero etal ran; inem ekar nōn kien Jeova rar berwōt ilo jikir, im ekar nōn kien Jeova rar etal. 21 Im jet ien kōro eo e ar berwōt jen jota nōn jiboñ; im ke kōro eo e ar wōnliñlok ke ejiboñ, rar etal: ak elañe e ar berwōt iomin ran im boñ, ke kōro eo e ar wōnliñlok, rar etal. 22 Elañe ruo ran, ak juōn aliñ, ak juōn yiō, kōro eo e ar jok ion imōn kabero eo, im berwōt ion, ro nejin Israel rar berwōt ilo jikir im rar jab etal; a ke emwij bōkliñlok e, rar etal. 23 Ke Jeova e ar jiroñ, rar kajur im, im ke Jeova e ar jiroñ, rar etal: rar lale men in kaiñi an Jeova, einwōt Jeova e ar jiroñ kin Moses.

10 Im Jeova e ar konono nōn Moses, im ba, 2 Kwon kōmōn nōn yuk, ruo jilil silver; kwon kōmōni im nowe: im kwo naj kejerbal ir kin kirtok jar an armij, im ken kowōnmanlok kamp eo. 3 Im ñe rej ukwi, aolepen jar eo ren kweloktok nōn ibōm nōn kejem in imōn kwelok eo. 4 Im elañe rej uk wōt juōn, iroiñ rōn, jiōb ro an tausan ko an Israel, ren kweloktok nōn ibōm. 5 Im ñe komij jilil in kairuij, kamp ko irear ren wōnmanlok. 6 Im ñe komij jilil in kairuij alen ken ka ruo, kamp ko irōk ren wōnmanlok: re naj jilil in kairuij kin etetal ko air. 7 Im ñe emōn kokweloktok jar eo, komin jilil, a komin jab jilil in kairuij. 8 Im lōmaro nejin Aron, pris ro, ren uk jilil ko; im re naj juōn kien nōn kom in driō, ilo ebeben ko ami. 9 Im ñe komij ilen tōrinae ilo eneo ami im jumae dri kijirāt eo ej kamakokoik kom, inem komin jilil in kairuij; im naj kememej kom iman Jeova ami Anij, im naj lomoremi jen ro rej kijirāte kom. 10 Bareinwōt ilo ran koran in ami lōñliñ, im ilo kwojkwoj ko ami, im ilo jinoin aliñ ko ami, komin uk jilil ko ion ami men in katok kijeek, im ion ami men in katok kin ainemōn; im re naj men in kemem nōn kom iman ami Anij: Ña Jeova ami Anij.

11 Im ilo yiō eo ken ka ruo, ilo aliñ

eo ken ka ruo, ran eo ken ka roñoul in aliñ eo, emwij bōkliñlok kōro eo jen ilōñin imōn kabēr in kalimur. 12 Im ro nejin Israel rar wōnmanlok kin etetal ko air jen ene jemaren an Sainai; im kōro eo e ar berwōt i ene jemaren in Peran. 13 Im rar wōnmanlok mokta ekar ñōn kien Jeova kin Moses. 14 Im flag eo an kamp eo an ro nejin Juda e ar wōnmanlok mokta ekar ñōn jar in tōrinae ko air: im ion jar im tōrinae eo an, Nashon nejin Aminedab. 15 Im ion jar in tōrinae eo an bwijin ro nejin Issakar, Netanel nejin Zuar. 16 Im ion jar in tōrinae eo an bwijin ro nejin Zebulun, Ilaia nejin Hilon.

17 Im emwij jelate imōn kabēr eo; im ro nejin Gershon im ro nejin Mirerai, dri inek imōn kabēr eo, rar wōnmanlok. 18 Im flag eo an kamp eo an Ruben e ar wōnmanlok ekar ñōn jar in tōrinae ko air: im ion jar in tōrinae eo an, Ilaizur nejin She-deur. 19 Im ion jar in tōrinae an bwijin ro nejin Simeon, Shilumiel nejin Zurishadai. 20 Im ion jar in tōrinae eo an bwijin ro nejin Gad, Ilaia nejin Deuel.

21 Im ro nejin Kohat rar wōnmanlok, im rar inek imōn kwojarjar eo: im ro jet rar kajur imōn kabēr eo mae ien air tōbrōk. 22 Im flag eo an kamp eo an ro nejin Ipream e ar wōnmanlok ekar ñōn jar in tōrinae ko air: im ion jar in tōrinae eo an, Elishema nejin Amihud. 23 Im ion jar in tōrinae an bwijin ro nejin Menassa, Gameliel nejin Pedazur. 24 Im ion jar in tōrinae an bwijin ro nejin Benjamin, Abidan nejin Gideonai.

25 Im flag eo an kamp eo an ro nejin Dan, eo ej ilōkōn kamp ko otemjej, e ar wōnmanlok ekar ñōn jar in tōrinae ko air: im ion jar in tōrinae eo an, Ahiezar nejin Amishadai. 26 Im ion jar in tōrinae an bwijin ro nejin Asher, Pegiel nejin Okran. 27 Im ion jar in tōrinae an bwijin ro nejin Naphtalai, Ehaira, nejin Inan. 28 Ein wāwen drein etetal ko an ro nejin Israel, ekar ñōn jar in tōrinae ko air; im rar wōnmanlok.

29 Im Moses e ar ba ñōn Hobab, nejin Reuel, dri Midian, jemen liō belen Moses, Kimij ilok ñōn jikin eo Jeova e ar ba kake, Ña I naj lewoj ñōn kom: kwon itok ibem im kim naj kōmōn emōn ñōn yuk; bwe Jeova e ar konono emōn kin Israel. 30 Im e ar ba ñōn e, I jamin ilok; a I naj jeb-lak ñōn eneo aō, im ñōn ro nukiō. 31 Im e ar ba, Kwon jab ilok jen kim, ij akwelap ñōn yuk: bwe kin am jela toñ kajur im ilo ene jemaren, kwo naj ñōn kim einwōt mejem. 32 Im e naj ein drein, elañe kwoj ilok ibemlok, jabrewōt emōn Jeova ej kōmōn ñōn kim, kim naj kōmōn einwōt ñōn kwe.

33 Im rar wōnmanlok jen tol an Jeova iomin jilu ran; im dipdip in kalimur e ar ilok imairlok iomin jilu ran, bwe en kabukot jikin kakije ñōn ir. 34 Im kōro eo an Jeova e ar ber ilōñir ilo ran, ke rar wōnmanlok jen kamp eo.

35 Im ke dipdip eo e ar wōnmanlok, Moses e ar ba, Kwon jerkak, O Jeova, im ro rej kijirāte Yuk, ren jibliklok: im ro dri jumae Yuk, ren ko jen imam. 36 Im ke e ar kakije, e ar ba, Kwon jeb-laktok, O Jeova, ñōn joñoul tausan ko an tausan ko in Israel.

**11** Im armij ro rar einwōt <sup>1</sup> dri wanōketak, im rar konono nana i lojiliñin Jeova: im ke Jeova e ar roñjake, ebwil an illu; im kijeek an Jeova e ar urur i bwiljir, im kokkure ir ilo mōtōn kamp eo etoloktata. 2 Im armij ro rar kir ñōn Moses; im Moses e ar jar ñōn Jeova, inem kijeek eo e ar joko. 3 Im rar naetan jikin eo Tabira, bwe kijeek an Jeova e ar urur i bwiljir.

4 Im jar an <sup>2</sup> armij bōjik rar ber ibeir, rej kijoñ wōt: im ro nejin Israel rar bar jōñ, im ba, Wōn e naj letok kjer kōniek? 5 Kimij keme-mej iik ko kim ar mōña ilo Ijpt im ejelok wōnan; kukumber ko, im melōn ko, im lik ko, im ñōnion ko, im garlik ko: 6 a kiō am e mōralok; ejelok bar juōn, a manna in wōt kim

<sup>1</sup> Jap. 14. 2; 16. 11; 17. 5. <sup>2</sup> Ex. 12. 38; 1 Kor. 10. 6

maroñ in loe. 7 Im <sup>1</sup>manña e ar einwõt ine koriander, wāwen einwõt bedelium. 8 Armij ro rar ilok im aine, im iri kin ken irir, im rar nowe ilo jābi ko, im kōmāte kin dren, im kōmōn kek ko jen e; im nemen ej einwõt oil ekāl. 9 Im ke molawie ar buñ ion kamp eo ilo boñ, manña eo e ar buñ iben.

10 Im Moses e ar roñjake armij ro ke rej jōñ iben ro nukir, jabrewõt armij i kejem in mw eo imōn: im illu an Jeova e ar kanuij bwil; im Moses e ñir buruen. 11 Im Moses e ar ba ñōn Jeova, Etke Kwar kōmōn nana ñōn ña korijerōm, im etke I ar jab kabuñburuōm, im Kwoj likit inek an aolepen jar in ioō? 12 Ña I ar ettaik armij rein otemjej ke? I ar keutak ir ke, bwe Kwon ba ñōn iō, Kwon bōklok ir ion ubōm, einwõt jemen dri kakajiriri ej bōklok niñniñ, ñōn eneo Kwar kanōjnij kake ñōn ro jimair? 13 Jen ia kōniek iba bwe in lelok ñōn armij rein otemjej? bwe rej jōñ ñōn iō, im ba, Kwon letok kijem kōniek. 14 I jab maroñ in inek armij rein otemjej mōke iaō, bwe I bane ir. 15 Im elañe ein drein Am kōmōn ñōn iō, Kwon mōn iō kiōkiō bwe in mij, elañe I ar kabuñburuōm; im in jab lo aō nanatōmō.

16 Im Jeova er ar ba ñōn Moses, Kwon kokweloktok ñōn iba, jiljilim-juōññoul armij ian ridto ro an Israel, ro kwo jela bwe rej elder in armij rōn, im iroi joi; im āñintok ir ñōn imōn kwelok eo, bwe ren jutōk ijo ibōm. 17 Im I naj wōnlōlwoj im konono ibōm ijo, im I naj bōk wen Jitōb eo ej ibōm, im likit E ioir; im re naj inek men in erro an armij rōn ibōm, bwe kwon jab ineke mōke iam. 18 Im kwon ba ñōn armij rōn, Komin karreoik kom mae ilju, im kom naj mōña kōniek; bwe kom ar jōñ i lojiliñin Jeova, im ba, Wōn e naj letok kijem kōniek? bwe e kar emōn ibem ilo Ijpt: inem Jeova e naj lewoj kōniek, im kom naj mōña. 19 Kom jamin mōña iomin juōn wõt ran, ak ruo ran, ak lailim ran, ak joñoul ran, ak

roñoul ran, 20 a iomin aolepen juōn aliñ, mae ien ej walok jen bodōmi, im kom naj drike; bwe kom ar jolok Jeova eo ej ibemi, im kom ar jōñ iman, im ba, Etke kim ar drioiytok jen Ijpt? 21 Im Moses e ar ba, Armij rein ña ij ber ibeir, jiljino buki tausan dri etetal; im Kwar ba, I naj lelok ñōn ir kōniek, bwe ren mōña iomin aolepen juōn aliñ. 22 Re naj mōn jip ko im kau ko ñōn ir, bwe ren māt ke? ak naj kokweloktok iik ko otemjej i lojit ñōn ir, bwe ren mōña im māt ke? 23 Im Jeova e ar ba ñōn Moses, E karulok pein Jeova ke? kiō kwo naj lo elañe Aō in nan ñōn kwe e naj mol ke jab ke?

24 Im Moses e ar drioiylok, im kwalok ñōn armij ro nan ko an Jeova: im e ar kokweloktok jiljilim-juōññoul man rōn jen ridto ro an armij ro, im likit ir iturin imōn kwelok eo. 25 Im Jeova e ar wōnlōltok ilo kōro, im konono iben, im E ar bōk jen Jitōb eo ej iben, im likit E iben ridto ro jiljilimjuōññoul: im ke Jitōb eo e ar ber ibeir rar drikanij, a re jab bar kōmōn einwõt.

26 A ruo eman rar ber ilo kamp eo, etan juōn iairro Eldad, im etan eo juōn Midad: im Jitōb eo e ar ber ibeir, im rar ian ro emwij je ir, a rar jab etal ñōn imōn kwelok eo; im rar drikanij ilo kamp eo. 27 Im juōn likao e ar etōr im kennanek Moses, im ba, Eldad im Midad rej drikanij ilo kamp eo. 28 Im Joshua, nejin Nōn, korijeran Moses, e ar uak im ba, Aō iroi j, Moses, kwon bōprae ir. 29 Im Moses e ar ba ñōn e, Kwoj kamo kin ña ke? emōn wõt elañe armij rein otemjej an Jeova dri kanan, im Jeova en likit an Jitōb ibeir! 30 Im Moses e ar ilok ñōn kamp eo, e im ridto ro an Israel.

31 Im <sup>1</sup>juōn kōto e ar ilok jen Jeova, im bōktok bao kwel jen lojit, im drorlōlloki iturin kamp eo, e nañin joñon etal ilo juōn ran, turin ijen im ijen, rej kabol kamp eo, im e nañin ruo kubit utiejeir jen lōl. 32 Im armij ro rar jerkak iomin aolepen ran eo,

im aolepen boñ, im aolepen ran eo ken ka ruo, im aini kwel ko: eo erik an aini e ar aini joñoul omer: im rar kajerjeri iturin kamp eo ññir mōke. 33 Ke kōniek e ar ikōtan ññir wōt, mokta jen air mimi, emwij kejo illu an Jeova nae armij ro, im Jeova e ar mōn armij ro kin juōn nañinmij e kanuij lap. 34 Im rar naetan jikin eo Kibrot-hatteava, bwe ijo rar kalibwin armij ro rar mōm. 35 Jen Kibrot-hatteava rar etal ññon Hazerot: im rar jokwe i Hazerot.

**12** Im Miriam im Aron rar konono ññon Moses kin kōra eo dri Kush, eo Moses e ar belek e; bwe e ar belek juōn kōra<sup>1</sup> dri Kush. 2 Bwe rar ba, Jeova e ar konono iben Moses wōt ke? E ar jab konono ibemro bar-einwōt ke? Im Jeova e ar roñjake. 3 Ak armij eo, Moses, e<sup>2</sup> kanuij inemōn, jen armij otemjej rej ber ion mejen lōl.

4 Im Jeova e ar konono mōkōj ññon Moses, im ññon Aron, im ññon Miriam, Komjil drioijtōk ññon imōn kwelok eo. Im irjil rar drioijtōk. 5 Im Jeova e ar wōnlōltok ilo juōn kōro, im jutōk i kejem in imōn kabere eo, im kirtok Aron im Miriam; im irro rar drioijtōk. 6 Im E ar ba, Komro, komin roñjake nan ko Aō: elañe eor juōn dri kanan ibemi, Ña Jeova I naj kwalok Iō ññon e kin visōn, I naj konono iben ilo tōnak. 7 Korijera Moses e jab einwōt; e<sup>3</sup> tiljek ilo aolepen mweo imō: 8 I naj konono iben jelmae dron, im alikar wōt, im jab kin nan ko retino; im e naj lo wāwen Jeova: inem etke komro ar jab mijōk in konono nae korijera, nae Moses?

9 Im ebwil illu an Jeova nae irro; im E ar ilok. 10 Im kōro eo e ar ilok jen ion mweo; im lo, Miriam ej juōn leper, e mouj einwōt sno: im Aron e ar kalimjek Miriam, im lo, juōn leper. 11 Im Aron e ar ba ññon Moses, O aō iroi, kwon jab likit bwir iom, ij akwelap ññon yuk kin amro kōmōn men in bwebwe, im kin amro jerawiwi. 12 En jab einwōt juōn emij, ij akwelap ibōm, eo kō-

niekine joko jimōtōn ke ej walok jen lojen jinen. 13 Im Moses e ar kir ññon Jeova, im ba, Kwon kaejmour e, O Anij, ij akwelap ññon Yuk. 14 Im Jeova e ar ba ññon Moses, Elañe jemen e ar iyeloke mejen, e jamin jok kake iomin jiljilimjuōn ran ke? ren kil e ilikin kamp eo iomin jiljilimjuōn ran, im tokelik ren bar kadrelōñ e. 15 Im rar kil Miriam ilikin kamp eo iomin jiljilimjuōn ran: im armij ro rar jab etal mokta jen air bar kadrelōñ e.

16 Im tokelik armij ro rar etal jen Hazerot, im kajur im ilo ene jemaren in Peran. **13** Im Jeova e ar konono ññon Moses, im ba, 2 Kwon jilkinlok man ro bwe ren wate enen Kenean, eo Ij lelok ññon ro nejin Israel: jen jabrewōt bwijin ro jimair, komin jilkinlok juōn armij, jabrewōt iair juōn iroi, ibeir. 3 Im Moses e ar jilkinlok ir jen ene jemaren in Peran, ekar ññon nan in jiroñ an Jeova: ir otemjej, jiōb ro an ro nejin Israel. 4 Im etair rein: jen bwijin Ruben, Shamua nejin Zakur. 5 Jen bwijin Simeon, Shepat nejin Horai. 6 Jen bwijin Juda, Keleb nejin Jepunne. 7 Jen bwijin Asher, Igal nejin Josep. 8 Jen bwijin Ipreim, Hoshia nejin Nōn. 9 Jen bwijin Benjamin, Paltai nejin Rapu. 10 Jen bwijin Zebulun, Gadiel nejin Sodai. 11 Jen bwijin Josep, jen bwijin Menassa, Gadai nejin Susai. 12 Jen bwijin Dan, Amiel nejin Gemalai. 13 Jen bwijin Asher, Situr nejin Maikael. 14 Jen bwijin Naphtalai, Nabai nejin Vopsai. 15 Jen bwijin Gad, Geuel nejin Mekai. 16 Rein etan armij ro Moses e ar jilkinlok ir in wate eneo. Im Moses e ar naetan Hoshia nejin Nōn, Joshua.

17 Im Moses e ar jilkinlok ir bwe ren wate enen Kenean, im ba ññon ir, Komin etal ilo ial in rōk, im wōnlōllok ññon ene ko re utiej: 18 im komin lale ene rōt eo; im armij ro rej jokwe ijo, elañe re kajur ak mōjino, elañe relōñ ak reiet; 19 im ene rōt ijo rej ber ie, elañe emōn ak e nana; im ekijk-an iikin kwelok ko rej jokwe ie,

<sup>1</sup> Ex. 2. 21. <sup>2</sup> Matu. 11. 29. <sup>3</sup> Hib. 3. 2, 5.

<sup>1</sup> Put. 1. 22, 23.



elañe ilo kamp ko ak ilo jikin ko rabōñ; 20 im einwōt ta brij eo, elañe enimōn ak enebata, elañe eor wijki iloan, ak ejelok. Im komin beran im bōktok jen leen eneo. Ak ien eo ien an kālo jomōkōj in grep.

21 Ein drein rar wōnliñlok, im wate eneo, jen ene jemaren in Zin ñōn Rihob, ñōn mejāti in Hemat. 22 Im rar wōnliñlok jen rōk im tōbar Hibron; im Ahaiman, Shishai, im Talmai, ro nejin Enak, rar ber ijo. (A rar kalek Hibron jiljilimjuōn yiō mokta jen air kalek Zoan ilo Ijpt.) 23 Im rar itok ñōn komlōl in Eshkol, im bukwe jen ijo juōn ra im juōn wōt uror in grep ion, im rar ineke kin juōn jokwōn ikōtan ruo armij; rar bareinwōt bōktok jen pomgranet ko im jen figko. 24 Rar naetan jikin eo Eshkol, kin uror eo ro nejin Israel rar bukwe ijo.

25 Im rar jeblaktok jen air wate eneo elikin eñoul ran. 26 Im rar ilok ñōn iben Moses, im ñōn Aron, im ñōn aolepen jar an ro nejin Israel, ñōn ene jemaren Peran, ñōn Kedesh; im bōktok nan ñōn ir, im ñōn aolepen jar eo, im kwalok ñōn ir leen eneo. 27 Im rar kennanek ir, im ba, Kim ar ilok ñōn eneo kom ar jilkinlok kim ñōn e; im emol e bwijliplip kin milk im hōnni; im eñin leen. 28 Ijoke, armij ro rej jokwe ie re kajur, im eor worwor in jikin kwelok ko, im re kanuij lap; im bareinwōt kim ar lo ro nejin Enak ijo. 29 Dri Amelek rej jokwe ilo ene irōk: im ro dri Het im ro dri Jibus rej jokwe ilo tol ko; im ro dri Kenean rej jokwe iturin lojit, im iturin Jordan.

30 Im Keleb e ar kokejeklokjen armij rōn iman Moses, im ba, Jen jarōplok im bōk eneo; bwe je kanuij maroñ in bōk anjo jen ir. 31 A lōmaro re kar ilok ibenlok, re ba, <sup>1</sup>Je ban ilen jumae armij ro; bwe re kajur jen kij. 32 Im rar bōktok nan e nana, kin eneo rar wate, ñōn ro nejin Israel, im ba, Eneo kim ar dribloke im wate, e juōn ene ej kōñi armij ro ie; im armij otemjej kim ar loi ie, armij re kanuij inea. 33 Im

ijo kim ar lo inea ro, ro nejin Enak, ro jen inea ro: im <sup>1</sup>kim ar einwōt men in ujoij iman mejem, im bareinwōt iman mejear.

**14** Im aolepen jar eo rar koutiej ainikeir, im lamij; im armij ro rar jōñ boñ eo. 2 Im ro nejin Israel otemjej rar lotan Moses im Aron: im aolepen jar eo rar ba ñōn irro, E kanuij emōn elañe kim ar mij ilo enen Ijpt! ak emōn elañe kim ar mij ilo ene jemaren in! 3 Im etke Jeova ej āñintok kim ñōn enen, bwe kimin buñ kin jāji? Kōra ro belem im ajiri ro nejem re naj men in rakim: etke e jab emōnlok bwe kimin jeblak ñōn Ijpt?

4 Im rar ba ñōn dron, Jen kālet juōn kapen, im jen jeblak ñōn Ijpt. 5 Im Moses im Aron rar buñbero iman aolepen jar an ro nejin Israel. 6 Im Joshua nejin Nōn, im Keleb nejin Jepunne, ro ian ro rar wate eneo, rar kekel nuknuk ko air: 7 im rar konono ñōn aolepen jar an ro nejin Israel, im ba, Eneo kim ar driblok in wate, e juōn ene e kanuij emōn. 8 Elañe Jeova ej yokwe kij, inem E naj kadreloñ kij iloan enen, im letok ñōn kij; eneo e bwijliplip kin milk im hōnni. 9 Men in wōt, komin jab kabuñbata nae Jeova, im komin bareinwōt jab mijōk ro dri eneo; bwe rej kijer wōt: air me e joko jen ibeir, im Jeova ej iber: komin jab mijōk ir. 10 A aolepen jar eo rar ba ren kare ir kin dreka. Im aibujuij an Jeova e ar walok ilo imōn kwelok eo, ñōn ro nejin Israel otemjej.

11 Im Jeova e ar ba ñōn Moses, Ietoñ an armij rein najkejekron Iō? im ietoñ air jab liki Iō, kin kakōle ko otemjej I ar kōmōne ibeir? 12 I najmōn ir kin juōn nañinmij elap, im jolok ir jen air jolit, im kōmōn jen kwe juōn ailiñ elap im kajur jen ir.

13 Im Moses e ar ba ñōn Jeova, Inem ro dri Ijpt re naj roñjake; bwe Kwar āñintok armij rein jen ibeir ilo Am kajur; 14 im re naj ba ñōn ro dri enen. Emwij air roñ bwe Kwe

Jeova kwoj ber iolapin armij rein; im rej lo Yuk jelmae dron, im kōro eo am ej ber ilōñir, im Kwoj ilok imairlok, ilo jur kōro ilo ran, im ilo jur ki-jeek ilo boñ. 15 Kiō elañe Kwo naj mōn armij rein einwōt juōn wōt armij, inem ro dri ailiñ ko rar roñ Am buñbuñ, re naj konono im ba, 16 Kin an Jeova ban kadreloñ armij rein ilo eneo E ar kanōjniñ ñōn ir kake, E ar mōn ir ilo ene jemaren. 17 Im kiō, ij akwelap ñōn Kwe, kajur an Irojien lap, ekar ñōn Am konono, im ba, 18 Jeova e rumij an illu, im E obrōk kin tiriamo, im ej jolok bwir im jera-wiwi; im Kwo jamin kōtlok ro eor rueir, im Kwoj jibel bwir an ro jemair ñōn ro nejir ñōn ebeben eo ken ka jilu im ñōn eo ken kemen. 19 Ij akwelap ñōn Kwe, kwon jolok bwir an armij rein, ekar ñōn Am tiriamo elap, im einwōt Kwar jolok air bwir jen armij rein, jen Ijpt, aet, ñōn ien in.

20 Im Jeova e ar ba, Emwij Aō jolok air bwir, ekar ñōn am in nan: 21 a emol, einwōt Ij mour, aolepen lōl e naj obrōk kin aibujuij an Jeova; 22 <sup>1</sup>armij rein otemjej rar lo Aō aibujuij, im kakōle ko Aō, I ar kōmōnmōn ilo Ijpt im ilo ene jemaren, a rar melejoñ Iō alen kein joñoul, im rar jab eoroñ ainikiō, kin men in; 23 emol re jamin lo eneo I ar kanōjniñ kake ñōn ro jimair, ak ejelok ian ro rar kitōtōkake Iō, e najloe: 24 a korijera Keleb, bwe ein juōn jītōb eo iloan, im e ar lor Iō wōt, I naj kadreloñ e ñōn <sup>2</sup>loan eneo e ar dreloñ iloan; im inen re naj bōke. 25 Kiō ro dri Amelek im ro dri Kenean rej jokwe ilo komlōl eo: ilju komin oktōk im etal ñōn loan ene jemaren eo, ilo ial eo ñōn lomalo Ekilmir.

26 Im Jeova e ar konono ñōn Moses im ñōn Aron, im ba, 27 Ietoñ Aō kaberber Iō iben jar in e nana, ro rej lotan nae Iō? I ar roñjake lotan ko an ro nejin Israel rej lotan Iō. 28 Kwon ba ñōn ir, Einwōt Ij mour, Jeova ej ba, emol, <sup>3</sup>einwōt ami ba i lojiliñiō, ein drein I naj kōmōn ñōn

kom: 29 ubōmi re naj buñ ilo ene jemaren in; im ro otemjej emwij bwini ir iami, ekar ñōn aolepen orami, jen ridtōn joñoul yiō im jima, ro rar lotan nae Iō, 30 emol kom jamin dreloñ ilo eneo, kin e I ar kanōjniñ bwe I naj kajok kom na iloan, I jab ba kin Keleb nejin Jepunne, im Joshua nejin Nōn. 31 A ro nejemi, ro kom ar ba re naj men in rakim, I naj kadreloñ ir, im re naj jela eneo kom ar jolok e. 32 A kin kom, ubōmi re naj buñ ilo ene jemaren in. 33 Im ronejemi re naj jebwābwe ilo ene jemaren iomin eñoul yiō, im re naj inek lūñ ko ami, mae ien ubōmi re joko ilo ene jemaren. 34 Ekar ñōn oran ran ko, ke kom ar wate eneo, aet eñoul ran, ñōn jabrewōt ran juōn yiō, kom naj inek bwir ko ami, aet iomin eñoul yiō, im kom naj jela Aō inemnem. 35 Ña, Jeova, emwij Aō ba, emol, I naj kōmōn men in ñōn aolepen jar in e nana, ro rar kweloktok nae Iō; ilo ene jemaren in re naj joko, im re naj mij ie.

36 Im <sup>1</sup>armij ro, ro Moses e ar jilkinlok ir bwe ren wate eneo, ro rar jeklak im konono bwe aolepen jar eo ren wanōketak nae e, kin air bōktok nan in kobwer e nana nae eneo, 37 aet armij ro rar bōktok nan e nana kin eneo, rar mij kin nañinmij e nana iman Jeova. 38 A Joshua nejin Nōn, im Keleb nejin Jepunne, rar berwōt im mour ian armij ro rar ilen wate eneo.

39 Im Moses e ar kwalok nan kein ñōn ro nejin Israel otemjej: im armij ro, elap air jōñ. 40 Im ejiboñ wōt air jerkak, im rar wōnliñlok ñōn jeban tol eo, im ba, Lo, kim ijin, im kim naj wōnliñlok ñōn jikin eo Jeova e ar kalimur kake: bwe kim ar jera-wiwi. 41 Im Moses e ar ba, Etke komij kokkure nan in jiroñ an Jeova kiō, bwe kom jamin jerammōn? 42 Komin jab wōnliñlok, bwe Jeova e jab ibemi; bwe ro dri kijirāt kom ren jab mōn kom. 43 Bwe ijo imami ro dri Amelek im ro dri Kenean, im kom naj mij kin jāji; bwe kom ar oktōk-

lik jen ami lor Jeova, kin men in Jeova e jamin ber ibemi. 44 A rar mōkarkar im wōnliñlok ññn jeban tol eo: ijoke, dipdip in kalimur an Jeova, kab Moses, rar jab ilok jen kamp eo. 45 Inem dri Amelek rar wōnlōltok, im dri Kenean, ro rar jokwe ilo tol eo, im rar mōn ir im jebōklōltok ir, aet ññn Horma.

**15** Im Jeova e ar konono ññn Moses, im ba, 2 Kwon konono ññn ro nejin Israel, im ba ññn ir, Ñe komij tōbar enen, jikōmi im Ij lewoj ññn kom, 3 im kom kōnan kōmōn jurtak kin kijeek ññn Jeova, katok kijeek, ak men in katok, bwe komin kōmōn muri, ak jurtak in kōnan, ak ilo ami kwojkwoj in kaiñi ko, bwe komin kōmōn bwin enno ññn Jeova, jen bwi-jin kau ak jip; 4 inem, armij eo ej lelok an jurtak, en katok ññn Jeova kin jurtak flauo, juōn mōtōn juōn epa käreike kin juōn mōtōn emen in hin in oil: 5 im wain jurtak in irak, juōn mōtōn emen hin, kwon kapoje iben katok kijeek eo, ak kin katok eo, iben jabrewōt lam. 6 Ak ññn juōn jip koman, kwon kapoj jurtak flauo, ruo mōtōn emen epa in flauo kwerik, käreike kin juōn mōtōn jilu hin in oil: 7 im ññn jurtak in irak, kwon lelok juōn mōtōn jilu hin in wain, bwin enno ññn Jeova. 8 Im ñe kwoj kapoj kau koman ññn katok kijeek, ak men in katok, ilo am kōmōn men in muri, ak jurtak kin ainemōn ko ññn Jeova; 9 inem en katok iben kau koman eo, jurtak flauo, jilu mōtōn joñoul epa flauo kwerik käreike kin jibilkwon hin in oil: 10 im kwon lelok katok in irak jibilkwon hin in wain, ññn juōn jurtak kōmōne kin kijeek, bwin enno ññn Jeova.

11 Ein drein ren kōmōn ññn jabrewōt kau koman, ak ññn jabrewōt jip koman, ak ññn jabrewōt ian lam koman ko, ak kon in got ko. 12 Ekar ññn oran komij kapoji, ein drein kom naj kōmōn ññn ir otemjej ekar ññn orair. 13 Ro otemjej druwinene ren kōmōn men kein ilo wāwen in, ñe rej lelok jurtak kōmōne kin kijeek, bwin enno ññn Jeova. 14 Im elañe

juōn drua maijet ej itoitōk ibemi, ak jabrewōt eo ej ibemi ilo ebeben ko ami otemjej, im e kōnan lelok men in katok kōmōne kin kijeek, bwin enno ññn Jeova; einwōt ami kōmōn, en ein drein an kōmōn. 15 Ññn jar eo, e naj juōn wōt kien ññn kom, im ññn drua maijet eo ej itoitōk ibemi, nan in kaiñi ññn in drio ilo ebeben ko ami otemjej: einwōt kom, en ein drein drua maijet iman Jeova. 16 Juōn wōt kien, im juōn wōt nan in kaiñi ññn kom im ññn drua maijet eo ej itoitōk ibemi.

17 Im Jeova e ar konono ññn Moses, im ba, 18 Kwon konono ññn ro nejin Israel, im ba ññn ir, Ñe komij dreloñ iloa eneo Ij jilkinlok kom ññn e, 19 inem ñe komij mōña jen bred in eneo, komin lelok jurtak in jebōke ññn Jeova. 20 Jen ami iōk in bred mokta komin lelok juōn kek jurtak in jebōke: einwōt jurtak in jebōk an jikin dreñdreñ korn, ein drein kom naj jebōke. 21 Jen ami iōk in bred mokta, komin lelok ññn Jeova jurtak in jebōke ilo ebeben ko ami.

22 Im ñe komij bwir, im jab lale kien kein otemjej Jeova e ar konono kake ññn Moses, 23 aet, men otemjej Jeova e ar jiroñ kom kin Moses, jen ran eo ke Jeova e ar lewoj kien, im tokelik ilo ebeben ko ami; 24 inem en ein drein, elañe emwij kōmōne ilo jaje, im jar eo re jaje kake, inem ao-lepen jar re naj lelok juōn kau koman emōn ridtōn, men in katok kijeek, bwin enno ññn Jeova, im iben jurtak flauo eo an, im jurtak in irak eo an, ekar ññn kien, im juōn got koman, men in katok kin jerawiwi. 25 Im pris eo en kōmōn kilajrōk ññn ao-lepen jar an ro nejin Israel, im e naj joko bwir eo air; bwe rar bwir kake, im rar bōktok air jurtak, men in katok kōmōne kin kijeek ññn Jeova, im airmen in katok kin jerawiwi iman Jeova, kin air kar jebwābwe: 26 im naj jolok bwir an ao-lepen jar an ro nejin Israel, kab drua maijet eo ej itoitōk ibei; bwe ao-lepen armij rar kōmōne ilo jaje.

27 Im elañe juōn armij ej bwir ilo jaje, inem en lelok got kokōra ridtōn

juōn yiō, men in katok kin jerawiwi. 28 Im pris eo en kōmōn kilajrōk ñōn armij eo e jebwābwe, ñe ej bwir kin an jaje, iman Jeova, bwe en kōmōn kilajrōk ñōn e; im enaj joko an bwir. 29 E naj juōn wōt kien ibemi ñōn eo ej kōmōn jabrewōt ilo jaje, ñōn eo druwinene ian ro nejin Israel, im ñōn eo drua maijet ej itoitōk ibeir. 30 A armij eo ej kōmōn jabrewōt ilo jualōñlōñ, elañe druwinene ak drua maijet, armij eo ej blaspim Jeova; im naj bukwelok armij eo jen dri aliñ ro an. 31 Kin an kejekron nan an Jeova, im kokkure kien, naj bukwelok wōt armij eo; an bwir e naj buñ ion.

32 Im ke ro nejin Israel rar ber ilo ene jemaren, rar lo juōn armij ke ej ae kani ilo ran in Sabat. 33 Im ro rar loe ke ej ae kani, rar āñintok e ñōn iben Moses im Aron, im ñōn aolepen jar eo. 34 Im rar likit e ilo prisōn, bwe jañin ba ta eo naj kōmōn ñōn e. 35 Im Jeova e ar ba ñōn Moses, Emol en mij armij eo: aolepen jar eo ren kare kin dreka ilikin kamp eo. 36 Im aolepen jar eo rar āñinlok e ilikin kamp eo, im rar kare kin dreka, im e mij; einwōt Jeova e ar jiroñ Moses.

37 Im Jeova e ar konono ñōn Moses, im ba, 38 Kwon konono ñōn ro nejin Israel, im jiroñ ir bwe ren kōmōnmōn albok ko ilo tōreren nuknuk ko air ilo ebeben ko air, im bwe ren likit ion albok in jabrewōt tōreren juōn areliñ blu: 39 im e naj ñōn kom juōn albok, bwe komin kalimjeke, im kememej kien ko otemjej an Jeova, im bokaki; im bwe komin jablor mejemi im buruōmi, men ko kom kin lūñ kaki; 40 bwe komin kememej im bokaki kien ko Aō otemjej, im komin kwojarjar ñōn ami Anij. 41 Ña Jeova ami Anij, eo e ar āñinlok kom jen enen Ijpt, bwe In ami Anij: Ña Jeova ami Anij.

**16** A <sup>1</sup>Kora, nejin Izhar, nejin Kohat, nejin Livai, iben Detan im Ebairam, ro nejin Ilaiaab, im On, nejin Pilet, ro nejin Ruben, rar āñin armij: 2 im rar jutōk iman Moses,

iben jet ian ro nejin Israel, rubuki limñoul iroiñ an jar eo, emwij kirtok ir ñōn kwelok eo, armij re buñbuñ; 3 im rar kweloktok nae Moses im nae Aron, im re ba ñōn irro, Komijro mōkarkar in bōk elap ñōn komro, bwe aolepen jar re kwojarjar, jabrewōt iair, im Jeova ej ber iolapir: inem etke komij mōke koutiej kom jen jar eo an Jeova?

4 Im ke Moses e ar roñ nan in, e buñbero: 5 im e ar konono ñōn Kora im ñōn aolepen jar eo an, im ba, Ñe ejiboñ Jeova e naj bakajen wōn ro An, im wōn eo e kwojarjar, im E naj kadruaktok e ñōn iben: aet, eo Eñ kālete E naj kadruaktok ñōn iben. 6 Komin kōmōn men in: komin bōk senser ko ami, Kora, im aolepen jar eo an; 7 im komin likit kijeek ilo ir, im likit kaijurjur ioir iman Jeova ilju; im armij eo Jeova ej kālete, ej kwojarjar: komij mōkarkar in bōk elap ñōn kom, komeo ro nejin Livai. 8 Im Moses e ar ba ñōn Kora, Komin roñjake, komeo ro nejin Livai: 9 ej juōn men erik ibemi ke, bwe Anij in Israel e ar kejenolok kom jen jar an Israel, in kadruaktok kom ñōn iturin, bwe komin kōmōn jerbāl in imōn kabber an Jeova, im jutōk iman jar eo im korijer ñōn ir; 10 im bwe E ar kadruaktok yuk, im ro jeōm im jātōm otemjej ro nejin Livai ibōm? im komij kabukot jerbāl in pris bareinwōt ke? 11 Kin men in, kwe, im aolepen jar eo am, komij kweloktok <sup>1</sup>jumae Jeova: ak Aron ej einwōt ta, bwe <sup>2</sup>komij wanōketak ñōn e?

12 Im Moses e ar jilkinlok bwe en kirtok Detan im Ebairam ro nejin Ilaiaab; im rar ba, Kim jamin wōnliñwoj; 13 ej juōn men erik bwe kwar āñintok kim jen eneo e bwijliplip kin milk im hōnni, bwe kwon mōn kim ilo ene jemaren, a kwoj mōke kōmōn yuk juōn iroiñ iom bareinwōt ke? 14 Bar juōn, kwar jab āñintok kim ñōn loan juōn ene e bwijliplip kin milk im hōnni, im kwar jab letok ñōn kim jolit in jikin kallip ko, im bwil in grep ko: kwo naj itiki



mejen armij rein ke? kim jamin wōnlifwoj.

15 Im Moses e kanuij illu, im e ar ba nōn Jeova, Kwon jab bōk jurtak eo air: I ar jab bōk jen ir juōn ass, ak I ar jab kejjorran jabrewōt iair.

16 Im Moses e ar ba nōn Kora, Kwe im aolepen jar eo am komin ber iman Jeova, kwe, im ir, im Aron, ilju: 17 im jabrewōt armij en bōk senser eo an, im likit kajjurjur ion, jabrewōt iami en bōktok iman Jeova senser eo an, rubuki limñoul senser; bareinwōt kwe, im Aron, jabrewōt an senser. 18 Im rar bōk jabrewōt iair, senser eo an, im rar likit kijeek ilo ir, im likit kajjurjur ion, im jutōk iturin kejem in imōn kwelok, iben Moses im Aron. 19 Im Kora e ar kokweloktok aolepen jar eo nae ir, nōn kejem in imōn kwelok eo: im aibujuij an Jeova e ar walok nōn aolepen jar eo.

20 Im Jeova e ar konono nōn Moses im nōn Aron, im ba, 21 Komin mōke kejenolok kom jen iben jar in, bwe In mōn ir ilo būkkinkwōle. 22 Im irro rar buñbero, im ba, O Anij, Anij an jitōb ro an armij ro otemjej, juōn armij en bwir, im Kwo naj illu iben aolepen jar eo ke? 23 Im Jeova e ar konono nōn Moses im ba, 24 Kwon konono nōn jar eo, im ba, Komin ilok jen iturin imōn Kora, Detan im Ebairam.

25 Im Moses e ar jutōk im ilok nōn iben Detan im Ebairam; im ridto ro an Israel rar lor e. 26 Im e ar konono nōn jar eo, im ba, Komin ilok, ij akwelap nōn kom, jen moko an armij rein re nana, im komin jab uñir jabrewōt ian men ko air, ñe kom ab joko ilo jerawiwi ko air otemjej. 27 Ein drein rar ilok jen iturin imōn kaber an Kora, Detan im Ebairam, jen ijoko otemjej: im Detan im Ebairam rar drioiptok im jutōk ilo kejem in im nuknuk ko air, kab kōra ro beleir, im ro nejir man, im ajiri ro nejir. 28 Im Moses e ar ba, Kin men in kom naj jela bwe Jeova e ar jilkinwoj iō bwe in kōmōn men kein otemjej; bwe I ar jab kōmōne kin aō mōke bebe.

29 Elañe armij rein rej mij ilo atabuñ, ak elañe naj kōmōn nōn ir einwōt kōmōn nōn armij otemjelok; inem Jeova e ar jab jilkinwoj iō. 30 A elañe Jeova ej kōmōn juōn menekāl, im lōl ej walōñi loñin im warōñlok ir, im aolepen men ko air, im rej wōnlōllok im mour nōn Hedis; inem kom naj jela bwe armij rein rar kejekron Jeova.

31 Inem ke emwij an konono nan kein otemjej, brij eo rej jutōk ion e ar bello; 32 im lōl e ar walōñi loñin, in warōñlok ir, in ro nukir, im armij otemjej iben Kora, im men ko otemjej air. 33 Ein drein ir, im aolepen ro ibeir, rar wōnlōllok ke rej mour wōt nōn loan Hedis: im ekilik lōl ioir, im rar mij jen iben jar eo. 34 Im ro dri Israel otemjej iturir rar ko kin air lamij; bwe rar ba, Ñe ab lōl en warōñlok kim. 35 Im kijeek e ar walok jen Jeova, im kōñi man ro rubuki limñoul, ro rar lelok kajjurjur eo.

36 Im Jeova e ar konono nōn Moses im ba, 37 Kwon ba nōn Iliezar nejin Aron, pris eo, bwe en kwotōke senser ko jen ilo urur eo, im kwon kiji-bliklok kijeek eo, ijueo; bwe re kwojarjar, 38 aet, senser ko an ro rar jerawiwi nae air mour; im ren nowi im kōmōnmōn mōtōn ko re meni, ken kalibubu lokatok eo: bwe rar lilok iman Jeova, inem re kwojarjar; im re naj juōn kakōle nōn ro nejin Israel. 39 Im Iliezar, pris eo, e ar bōk senser jinibōrōrō ko, men ko ro re joko kin kijeek rar lilok, im rar nowi ir ken kalibubu lokatok eo, 40 bwe ren men in kememej nōn ro nejin Israel, bwe ejelok obwilbata, eo e jab inen Aron, en druaktok bwe en tile kajjurjur iman Jeova; bwe en jab einwōt Kora, im einwōt jar eo iben: einwōt Jeova e ar ba nōn e kin Moses.

41 A ran eo ilju aolepen jar an ro nejin Israel rar wanōketak nae Moses im nae Aron, im ba, Kom ar mōn armij ro dron Jeova. 42 Im ke jar eo e ar kweloktok nae Moses, im nae

Aron, rar reilok ñōn imōn kwelok eo: im lo, kōro eo e ar kalibubu e, im ai-bujui an Jeova e ar walok. 43 Im Moses im Aron rar itok ñōn imōn kwelok eo. 44 Im Jeova e ar konono ñōn Moses, im ba, 45 Komin ilok jen iben jar eo, bwe In kokkure ir ilo būkkinkwōle. Im rar buñbero. 46 Im Moses e ar ba ñōn Aron, Kwon bōk senger eo am, im likit kijeek iloan jen lokatok eo, im likit kaijurjur ion, im bōklok mōkōj ñōn jar eo, im kōmōn kilajrōk ñōn ir: bwe eor illu e ar ilok jen Jeova; emwij an jino nañinmij e nana. 47 Im Aron e ar bōk einwōt an Moses ba, im etōrlōk ñōn ilo bwil-jin jar eo; im lo, emwij an walok nañinmij eo iben armij ro: im e ar likit kaijurjur ion, im e ar kōmōn kilajrōk ñōn armij ro. 48 Im e ar jutōk ikōtan ro remij im ro remour; im e jemlok nañinmij eo. 49 Ak ro rar mij kin nañinmij eo, joñoul emen tausan jiljilimjuōn buki, bareinwōt ro rar mij kin men eo ruōn Kora. 50 Im Aron e ar jeblak ñōn iben Moses ñōn kejem in imōn kwelok eo; im e bwij-rōk nañinmij eo.

17 Im Jeova e ar konono ñōn Moses, im ba, 2 Kwon konono ñōn ro nejin Israel, im bōk jen ir ājib ko, juōn ñōn jabrewōt imōn jimair, jen iroi j ro otemjej ekar ñōn imōn ro jimair, joñoul ruo ājib: kwon jeje etan jabrewōt armij ilo ājib eo an. 3 Im kwon jeje etan Aron ilo ājib eo an Livai; bwe e naj juōn wōt ājib ñōn jabrewōt jiōb an moko imōn ro jimair. 4 Im kwon likiti iloan imōn kwelok iman men in kalimur eo, ijo Ij wōnmae yuk ie. 5 Im enaje in drein, armij eo Ij kālete, ājib eo an e naj nar: im I naj kajemlok jen imaō wanōketak ko an ro nejin Israel, rej lotan yuk kake. 6 Im Moses e ar konono ñōn ro nejin Israel; im iroi j otemjej rar lelok ñōn e ājib ko air, juōn jen jabrewōt iroi j, ekar ñōn moko imōn ro jimair, aet, joñoul ruo ājib; im ājib eo an Aron e ar ber iben ājib ko air. 7 Im Moses e ar likit ājib ko iman Jeova, iloan imōn men in kalimur eo.

8 Im ran eo ilju, Moses e ar dreloñ-lok iloan imōn men in kalimur eo; im lo, ājib eo an <sup>1</sup>Aron jen imōn Livai e ar nar, im kwalok nar ko an, im inōk ko, im amond ko rekālo. 9 Im Moses e ar bōktok aolepen ājib ko jen iman Jeova ñōn ro nejin Israel otemjej: im rar kalimjeki, im bōk jabrewōt iair ājib eo an. 10 Im Jeova e ar ba ñōn Moses, Kwon bar likit ājib eo an Aron iman men in kalimur eo, bwe en berwōt juōn kakōle nae ro nejin dri kabata; bwe kwon kajemlok wanōketak ko air nae Iō, bwe ren jab mij. 11 Ein drein an Moses kōmōn: einwōt Jeova e ar jiroñ e, ein drein e ar kōmōne.

12 Im ro nejin Israel rar konono ñōn Moses, im ba, Lo kim mij, kim joko wōt, kim otemjej joko. 13 Jabrewōt eo ej kebaklok, eo ej kebaklok ñōn imōn kabere an Jeova, emij: kimin otemjej mij ke?

18 Im Jeova e ar ba ñōn Aron, Kwe im lōmaro nejōm, im ro nukin jemōm ibōm, kom naj inek jerawiwi an imōn kwojarjar eo; im kwe, kab ro nejōm ibōm, kom naj inek bwir an jermal in pris eo ami. 2 Im ro jeōm im jātōm bareinwōt, bwijin Livai, bwijin jemōm, kwon kadruaktok ir, bwe ren koba ibōm, im korijer ñōn kwe: a kwe im lōmaro nejōm ibōm, kom naj ber iman imōn men in kalimur eo. 3 Im ren lali men ko am, im aolepen Mweo: a ren jab kebak ñōn jābi ko an imōn kwojarjar, ak ñōn lokatok eo, bwe ren jab mij, ir ak kom. 4 Im re naj koba ibōm, im kejbārok imōn kwelok eo, kin aolepen jermal an Mweo: im juōn obwilbata en jab druakwoj ñōn ibemi. 5 Im komin lala imōn kwojarjar eo, im lokatok eo; bwe en ejelok bar illu ion ro nejin Israel. 6 Im Na, lo, Na, I ar bōk ro nejin jeōm im jātōm, dri Livai, jen iben ro nejin Israel: rej men in lelok ñōn kom, jurtak ñōn Jeova, bwe ren kōmōn jermal an imōn kwelok eo. 7 Im kwe im ro nejōm ibōm, komin kejbārok jermal in pris, ñōn men ko otemjej an lokatok eo,

im ñōn men eo iloan rōñel; im kom naj korijer. Ij lewoj ñōn kom jerbal in pris, men in korijer in letok: im armij eo obwilbata ej kebaktok, en mij.

8 Im Jeova e ar ba ñōn Aron, Im Ña wōt I ar lewoj jerbal in lali jurtak in jebōke ko Aō, aet, men ko re kwojarjar otemjej an ro nejn Israel; ñōn kwe I ar liwōj, bwe emwij kabityuk, im ñōn ro nejōm man, einwōt ami kij ñōn in drio. 9 Eñin en am ian men ko re kanuij kwojarjar, kejenoloke jen kijeek eo: men in jurtak otemjej air, aet, jurtak flauo otemjej air, im aolepen men in katok kin jerawiwi ko air, im men in katok otemjej air kin ruōn, ko rej letok ñōn Iō, re naj kanuij kwojarjar ñōn kwe im ñōn ro nejōm man. 10 Einwōt men ko re kanuij kwojarjar, kwo naj mōña jeni; man ro otemjej ren mōña jeni: e naj kwojarjar ñōn kwe. 11 Im eñin am; jurtak in jebōke jen men in lelok eo air, aet, jurtak belbel ko otemjej an ro nejn Israel; I ar liwoj ñōn kwe im ñōn ro nejōm man im kōra ibōm, einwōt ami kij ñōn in drio; ro otemjej rereo iloan mweo imōm, re naj mōña jen e. 12 Aolepen mōtōn oil emōntata: im mōtōn marmir in grep emōntata, im jen korn, jomōkōj ko air rej lelok ñōn Jeova, I ar liwoj ñōn kwe. 13 Jomōkōj in leen rekālo an men otemjej ilo eneo air, rej bōktok ñōn Jeova, re naj am; ro otemjej rereo, iloan mweo imōm re naj mōña jene. 14 Jabrewōt men in aje ñōn Jeova ilo Israel, e naj am. 15 Jabrewōt eo ej kabellek loji, jen kōniek otemjej rej lelok ñōn Jeova, e lañe armij ak kiru, e naj am: ijoke, manjien armij kwo naj wiaik wōt, im men in lotak mokta an kiru re jabereo, kwo naj wiaik e. 16 Im men ko men in wiaik iair jen ridtōn juōn aliñ, kwo naj wiaiki, ekar ñōn am watōk, kin lailim shekel, shekel an imōn kwojarjar, (eñin roñoul gira). 17 A manjien kau, ak manjien jip, ak manjien got, kwo jamin wiaiki; re kwojarjar: kwo naj kabōtūktūk bōtōktōkir ion lokatok eo, im naj tile

kioeo jeni juōn jurtak kōmōne kin kijeek, bwin enno ñōn Jeova. 18 Im kōniekir e naj am, einwōt ubōn belbel im unjen ne anbijmaroñ e naj am. 19 Im aolepen men in katok in jebōke an men ko re kwojarjar, ro nejn Israel rej lilok ñōn Jeova, I ar lewoj ñōn kwe, im ñōn ro nejōm man im kōra ibōm, einwōt ami kij in drio: ej bujen salt ñōn in drio iman Jeova ñōn kwe im ñōn ro ineōm ibōm. 20 Im Jeova e ar ba ñōn Aron, E naj ejelok jolit ñōn kwe ilo eneo air, im e naj ejelok am ajenkij ibeir: Ña am ajenkij im am jolit iben ro nejn Israel.

21 Im lo, I ar lelok ñōn ro nejn Livai, mōtōn ken ka joñoul otemjej ilo Israel, air jolit, wōnan air jerbal rej jerbal kake, aet, jerbal an imōn kwelok eo. 22 Im jen ien in ro nejn Israel re jamin kebaklok imōn kwelok eo, ñe rab ineklok air bwir im mij. 23 A ro dri Livai re naj kōmōn jerbal an imōn kwelok, im re naj inek bwir eo air: e naj juōn kien ñōn in drio ilo ebeben ko ami otemjej; im iben ro nejn Israel e naj ejelok jolit ibeir. 24 Bwe mōtōn eo ken ka joñoul an ro nejn Israel, rej letok jurtak in jebōke ñōn Jeova, I ar lelok ñōn ro dri Livai air jolit: kin men in, I ar ba ñōn ir, E naj ejelok air jolit iben ro nejn Israel.

25 Im Jeova e ar konono ñōn Moses, im ba, 26 Bar juōn, kwon konono ñōn ro dri Livai, im ba ñōn ir, Ñe komij bōk jen ro nejn Israel mōtōn joñoul eo I ar lewoj ñōn kom jen ir, ami jolit, inem kom naj lelok jen e jurtak in jebōke, ñōn Jeova, juōn mōtōn joñoul jen mōtōn joñoul eo. 27 Im ami jurtak in jebōke naj watōke ñōn kom, einwōt korn jen jikin dreñdreñ, im einwōt wain jen ken joniōk grep. 28 Ein dreñ kom naj bareinwōt lelok jurtak in jebōke ñōn Jeova, jen mōtōn joñoul otemjej ami, komij bōki jen ro nejn Israel; im jen e kom naj lelok jurtak in jebōke an Jeova ñōn Aron, pris eo. 29 Jen men in lelok otemjej ñōn kom, komin lelok jabrewōt jurtak in jebōke ñōn Jeova,

jen men otemjej remōntata iair, aet, mōtōn e kwojarjar jen e. 30 Kin men in, kwon ba nōn ir, Ne komij jebōk mōtōn emōntata jen e, inem naj watōki nōn ro dri Livai einwōt orlok an jikin dreñdreñ, im einwōt orlok an ken joniōk grep. 31 Im kom naj kōñe ilo jabrewōt jikin, kom im ro nukimi: bwe ej wōnami, men in wōnami kin ami korijer ilo imōn kwelok eo. 32 Im kom naj inek ejelok jerawiwi kake, ñe emwij ami jebōk jen e mōtōn emōntata: im komin jab katton men ko re kwojarjar an ro nejin Israel, bwe komin jab mij.

**19** Im Jeova e ar konono nōn Moses im nōn Aron, im ba, 2 Eñin nan in kaiñi an kien eo Jeova e ar jiroñ, im ba, Kwon konono nōn ro nejin Israel, bwe ren āñintok nōn ibōm, juōn kau kokōra, e mōrar, emōn ridtōn, e wāppen, im ejelok ine e nañin ber ion. 3 Im komin lelok e nōn Iliezar, pris eo, im en āñinlok e nōn ilikin kamp eo, im juōn e naj mōn e iman mejen: 4 im Iliezar, pris eo, en bōk jen bōtōktōkin kin juōn arrin pein, im en kabōtūktūk e nōn iman imōn kwelok, jiljilimjuōn alen. 5 Im juōn en tile kau eo iman mejen: kilin, im kōniekin, im bōtōktōkin, im toeōkin, en tile: 6 im pris eo e naj bōk mōtōn aik, im hissop, im kolan jip kilmir, im naj julok na ilo kijeek eo ej tile kau eo. 7 Inem pris eo en kwoli nuknuk ko an, im katutu enbwinin ilo dren, im tokelik en dreloñ iloan kamp eo, im pris eo e jamin erreo mae jota. 8 Im eo ej tile, en kwoli nuknuk ko an kin dren, im katutu enbwinin ilo dren, im jamin erreo mae jota. 9 Im juōn armij erreo en aini brij in ubaj an kau eo, im likite ilo jikin erreo ilikin kamp eo; im naj kejbārok e nōn jar an ro nejin Israel, bwe en nōn dren in jab erreo: ejmen in katok kin jerawiwi. 10 Im eo ej aini brij in ubaj an kau eo, en kwoli nuknuk ko an, im jamin erreo mae jota: im men in e naj juōn kien nōn ro nejin Israel, im nōn druā maijet eo ej itoitōk ibeir, nōn in drio.

11 Eo ej uñire ubōn juōn dri mij, e

jamin erreo iomin jiljilimjuōn ran: 12 armij eo en mōke karreoik e kake ilo ran eo ken ka jilu, im ilo ran eo ken ka jiljilimjuōn e naj erreo: a elañe e jab mōke karreoik e ilo ran eo ken ka jilu, e jamin erreo ilo ran eo ken ka jiljilimjuōn. 13 Jabrewōt eo ej uñir ubōn juōn dri mij, im e jab mōke karreoik e, armij eo ej kananaik imōn kabēr an Jeova; im naj bukwelok armij eo jen Israel: kin air jab kabōtūktūk e kin dren eo nōn jab erreo, e jab erreo; an jab erreo ej berwōt ion.

14 Eñin kien nōn juōn armij emij iloan juōn im nuknuk: jabrewōt eo ej dreloñ iloan mweo, im jabrewōt eo ej iloan mweo, e jamin erreo iomin jiljilimjuōn ran. 15 Im jabrewōt jābi ejelok mejen, elañe jañin lukwoj mejen ion e jab erreo. 16 Im jabrewōt eo ilo melaj, im ej uñir juōn emwij mōn e kin jāji, ak ubōn dri mij, ak drin armij, ak juōn lūp, e jamin erreo iomin jiljilimjuōn ran. 17 Im nōn ro dri jab erreo ren bōk jen brij in ubaj in men in katok kin jerawiwi eo rar tile, im ren likit dren ej torlok iben ilo juōn jābi: 18 im juōn armij erreo en bōk hissop in katutu e ilo dren eo, im kabōtūktūk e ion mweo, im ion jābi otemjej, im ion armij ro rar ber ie, im ion eo e ar uñir dri eo, ak armij eo ar mōn e, ak ubōn dri mij, ak lūp eo: 19 im dri erreo en kabōtūktūk ro re jab erreo ilo ran eo ken ka jilu, im ilo ran eo ken ka jiljilimjuōn: im ilo ran eo ken ka jiljilimjuōn e naj karreoik e; im e naj kwoli nuknuk ko an, im mōke katutu e ilo dren, im e naj erreo ñe ejota.

20 A armij eo e jab erreo, im e jamin mōke karreoik e, naj bukwelok armij eo jen bwiljin jar eo, bwe emwij an kananaik imōn kwojarjar an Jeova: jañin kabōtūktūk e kin dren eo nōn jab erreo; e jab erreo. 21 Im e naj kien nōn in drio: im eo ej kabōtūktūk kin dren eo nōn jab erreo, en kwoli nuknuk ko an; im eo ej uñire dren eo nōn jab erreo e jamin erreo mae jota. 22 Im jabrewōt men eo dri jab erreo ej uñire, e jab

erreo; im armij eo ej uñir men eo, e jamin erreo mae jota.

**20** Im ro nejin Israel, aet, aolepen jar eo, rar itok ñõn ene jemaren Zin ilo alañ eo mokta: im armij ro rar jokwe i Kedesh; im Miriam emij ijo, im rar kalibwin e ijo.

**2** Im <sup>1</sup> ejelok dren limen jar eo; im rar kweloklok nae Moses im nae Aron. **3** Im armij ro rar akwaile Moses, im konono, im ba, E naj kar emõn wõt elañe kim ar mij ke ro jeõm im jätim rar mij iman Jeova! **4** Im etke komro ar añintok jar an Jeova ñõn loan ene jemaren in, bwe kimin mij ie, kim im kiru ko am? **5** Im etke komro ar kamakokoik kim bwe kimin wõnliñlok jen Ijpt, in añintok kim ñõn jikin in e nana? e jab enen ine, ak fig ko, ak vain ko, ak pomgranet ko; im bareinwõt ejelok dren in irak. **6** Im Moses im Aron rar ilok jen iben jar eo ñõn kejem in imõn kwelok eo, im buñbero: im aibujuij an Anij e ar walok ñõn irro. **7** Im Jeova e ar konono ñõn Moses, im ba, **8** Kwon bõk jokwõn eo, im kokweloctok jar eo, kwe im Aron jeõm, im komin konono ñõn dreka eo iman mejeir, bwe en kaiobip drenin; im kwon bõctok ñõn ir dren jen dreka eo; ein drein kwo naj lelok limeir ñõn jar eo im kiru ko air. **9** Im Moses e ar bõk jokwõn eo jen iman Jeova, einwõt E ar jiroñ e.

**10** Im Moses im Aron rar kokweloctok jar eo iman dreka eo, im e ar ba ñõn ir, Kemin roñjake kiõ, komeo dri kabata; kimin bõkwoj ñõn kom dren jen dreka in ke? **11** Im Moses e ar kwotõke pein, im e ar dreñlokwe dreka eo ruo alen kin jokwõnõn: im elap an <sup>2</sup> dren iobip, im jar eo rar irak, im kiru ko air. **12** Im Jeova e ar ba ñõn Moses im Aron, Kin amiro jab tõmak Iõ, bwe komin kokwojarjar Iõ ilo mejen ro nejin Israel, inem komro jamin añinlok jar in ñõn loan eneo I ar lelok ñõn ir. **13** Irkein dren ko in Meriba; kin ke ro nejin Israel rar akwaile Jeova, im E ar kwojarjar ilo ir.

**14** Im Moses e ar jiliklok jen Kedesh ñõn kiñ in Idõm, Ein drein jätõm Israel ej ba, Kwo jela iñtan otemjej e ar walok ñõn kim: **15** ekijkan ro jimam rar wõnliñlok ñõn Ijpt, im eto air jokwe ilo Ijpt; im ro dri Ijpt rar kejjorran kim im ro jimam: **16** im ke kim ar kir ñõn Jeova, e ar roñ aini-kem, im E ar jilkintok juõn enjel im añintok kim jen Ijpt: im lo, kim ber i Kedesh, juõn jikin kwelok i tõrerer eo am etoloktata. **17** Ij akwelap ñõn yuk, kwon kõtlok bwe kimin driblok ene e am: kim jamin driblok jikin kallip ak bwil in grep, im kim jamin irak dren jen aibij ko; kim naj etallok ilo ial an kiñ; kim jamin jeõrlok ñõn anbijmaroñ ak ñõn anmiñ, mae ien am kijon tõrerer eo am. **18** Im Idõm e ar ba ñõn e, Kwo jamin driblok iõ, ñe I ab iwiw nae yuk kin jãji. **19** Im ro nejin Israel rar ba ñõn e, Kim naj wõnliñlok ilo ial elap; im elañe kim naj irak jen dren eo am, ña im kiru ko ão, inem I naj lewoj wõnan: men in wõt, im kim jamin kõmõn jabrewõt bar jet, kwon likit bwe in driblok kin neem. **20** Im e ar ba, Kwo jamin driblok. Im Idõm e ar drioiçtok nae e kin elõñ armij, im kin pein e kajur. **21** Ein drein Idõm e ar abwin lelok ñõn Israel juõn ial ilujen tõrerer eo an: kin men in Israel e ar jeõrlok jen e.

**22** Im rar etal jen Kedesh: im ro nejin Israel, aolepen jar eo, rar itok ñõn tol Hor. **23** Im Jeova e ar konono ñõn Moses im Aron ilo tol Hor, i tõrerer ene Idõm, im ba, **24** naj ain Aron ñõn iben ro jiman; bwe e jamin dreloñ ilo eneo I ar lelok ñõn ro nejin Israel, kin ke komro ar kõtõrei Aõ in nan iturin dren ko an Meriba. **25** Kwon bõk Aron im Iliezar nejin, im añinlok irro ñõn tol Hor; **26** im wutik nuknuk ko an jen Aron, im kanuknuk Iliezar nejin kake; im naj ain Aron ñõn iben ro jiman, im e naj mij ijo. **27** Im Moses e ar kõmõn einwõt Jeova e ar jiroñ e: im rar wõnliñlok ion tol Hor iman mejen aolepen jar eo. **28** Im Moses e ar wutik nuknuk ko an jen Aron, im



kanuknuk Iliezar kake; im Aron e ar mij ie i jabōn tol eo: im Moses im Iliezar rar wōnlōltok jen jabōn tol eo. 29 Im ke aolepen jar eo rar lo bwe emij Aron, rar jōñōt Aron iomin jilñoul ran, aet, aolepen imōn Israel.

**21** Im dri Kenear, eo kiñ in Erad, eo e ar jokwe i Rōk, e ar roñ kin an Israel itok ilo ial an ro dri wate; im e ar tōrinaek Israel, im bōk jet iair dri jebokwe. 2 Im Israel e ar kōmōn juōn muri nōn Jeova, im ba, Elañe Kwoj letok armij rein ilo peiō, inem I naj kajebeplok wōt jikin kwelok ko air. 3 Im Jeova e ar eoroñ ainiken Israel, im lelok ro dri Kenear nōn ir; im rar kokkure wōt ir im jikin kwelok ko air: im naetan jikin eo Horma.

4 Im rar etal jen tol Hor ilo ial nōn lomalo Ekilmir, bwe ren kabol ene Idōm, im armij ro rar kanuij ōbwer kin ial eo. 5 Im armij ro rar konono nae Anij im nae Moses, Etke kom ar āñintok kim jen enen Ijpt bwe kimin mij ilo ene jemaren? bwe ejelok bred, im ejelok dren? im kimij kiril kin bred in e nana. 6 Im Jeova e ar jilkinlok serpent kijeek ko ilo bwiljin armij ro, im rar kij armij ro; im elōñ armij in Israel rar mij. 7 Im armij rar itok nōn iben Moses, im ba, Kim ar jerawiwi bwe kim ar konono nae Jeova im nae yuk; kwon jar nōn Jeova, bwe En bōklok serpent ko jen ibem. Im Moses e ar jar kin armij ro. 8 Im Jeova e ar ba nōn Moses, Kwon <sup>1</sup>kōmōnmōn juōn serpent kijeek, im leliñloke ion jurōn flag: inem jabrewōt eo emwij kije, ñe ej kalimjeke, e naj mour. 9 Im Moses e ar kōmōnmōn juōn <sup>2</sup>serpent jen jinibōrōrō, im e ar likite iman jurōn flag eo: inem elañe serpent e ar kije jabrewōt armij, ñe ej reilok nōn serpent jinibōrōrō eo ej mour.

10 Im ro nejin Israel rar etal, im kajur im i Obot. 11 Im rar etal jen Obot, im rar kajur im i Iye-abarim, ilo ene jemaren iman Moab, nōn tak al. 12 Jen ijo rar etal, im kajur im i komlōl in Zired. 13 Jen ijo rar

etal im kajur im i jabueo i river Arnon, eo ej ilo ene jemaren, ej itok jen tōreren ro dri Amor: bwe Arnon ej tōreren Moab, ikōtan Moab im ro dri Amor. 14 Kin men in, emwij ba ilo buk in tōrinae ko an Jeova, Vahab ilo Supha, im komlōl ko in Arnon eo, 15 im tōreren komlōl ko, rej mōllok nōn kabijuknen Ar, im atartar ion tōreren Moab. 16 Im jen ijo rar etal nōn Bier: eñeo aibij eo Jeova e ar ba nōn Moses kake, Kwon kokweloktok armij ro, im I naj lelok dren nōn ir. 17 Inem Israel e ar al al in: Kwon jiōblok, O aibij; komin al nōn e: 18 aibij eo iroi ro rar kōbi je, eo bwirōk ro an armij rar kōbi je, kin septer, im kin jokwōnair. Im jen ene jemaren rar etal nōn Mattana; 19 im jen Mattana nōn Nahiel; im jen Nahiel nōn Bemot; 20 im jen Bemot nōn komlōl eo ej ilo melaj in Moab, nōn jabōn Pisga, eo ej reilōllok nōn ene jemaren.

21 Im Israel e ar jilkinlok dri jilik nōn Saihon, kiñ an ro dri Amor, im ba, 22 Kwon kōtlok iō bwe in driblok ene e am: kim jamin jeōr nōn jikin kallip, ak ilo bwil in grep; kim jamin irak dren jen aibij ko: kim naj etal ilo ial an kiñ, mae ien kimij elā jen tōreren eo am. 23 Im Saihon e abwin kōtlok Israel bwe en driblok tōreren: a Saihon e ar kokweloktok armij otemjej dron, im ilok nae Israel ilo ene jemaren, im itok nōn Jehaz; im e ar tōrinaek Israel. 24 Im Israel e ar mōn e kin mejen jāji, im bōk eneo an jen Arnon nōn Jabbok, aet, nōn ro nejin Amon; bwe tōreren ro nejin Amon e bin. 25 Im Israel e ar bōk aolepen jikin kwelok kein: im Israel e ar jokwe ilo jikin kwelok otemjej am dri Amor, ilo Heshbon, im ilo jikin kwelok ko otemjej iturin. 26 Bwe Heshbon e kar jikin kwelok an Saihon, kiñ an ro dri Amor, eo e ar tōrinaek kiñ in Moab eo mokta, im e ar bōk aolepen eneo an jen pein, aet, nōn Arnon. 27 Kin men in, ro rej konono ilo jabōn kennan rej ba, Komin itok nōn Heshbon, jikin kwelok an Saihon,

ren kalek im kabin e: **28** bwe kijeek e ar ilok jen Heshbon, urur jen jikin kwelok an Saihon: e ar kōñi Ar an Moab, iroi ro an jikin kwelok ko re utiej in Arnon. **29** Wo ñōn kwe, Moab! Kom joko wōt, armij ro an Kimosh: e ar lelok ro nejin einwōt dri ko, im ro nejin kōra ilo jebokwe; ñōn Saihon kiñ an ro dri Amor. **30** Kim ar libon ir; Heshbon e jebeplek wōt ñōn Daibon, im kim ar kokkure ñōn Nopa, eo ej tōbar Mediba. **31** Ein drein Israel e ar jokwe ilo enean ro dri Amor. **32** Im Moses e ar jilkinlok im wate Jezer; im rar bōk jikin kwelok ko an, im rar ubakelok ro dri Amor rar ber ie.

**33** Im rar jeōr im wōnliñlok ilo ial ñōn Beshan: im Og kiñ in Beshan e ar ilen jumae ir, e im armij ro dron otemjej, bwe ren tōrinae i Edreai. **34** Im Jeova e ar ba ñōn Moses, Kwon jab mijōke: bwe I ar lelok e ilo peōm, im aolepen ro dron, im eneo an; im kwo naj kōmōn ñōn e einwōt kwar kōmōn ñōn Saihon kiñ an ro dri Amor, eo e ar jokwe i Heshbon. **35** Ein drein rar mōn e, im ro nejin man, im armij ro dron otemjej, mae ien e torlok bōk ñōn e: im rar bōk eneo an.

**22** **1** Im ro nejin Israel rar etal, im kajur im ilo ene emōn biken an Moab, i Jordan jabueo ikijen Jeriko.

**2** Im Belak nejin Zippor e ar lo men otemjej Israel e ar kōmōn ñōn ro dri Amor. **3** Im Moab e ar kanuij lelñōñ kin armij ro, bwerelōñ: im Moab e ar kanuij inebata kin ro nejin Israel. **4** Im Moab e ar ba ñōn ridto ro an Midian, Kiō jar in e naj kōñi men ko otemjej iturer, einwōt juōn ox ej kōñi ujoij in melaj. Ak Belak nejin Zippor ej kiñ in Moab ien eo. **5** Im e ar jilkinlok ro dri jilik ñōn iben Beleam nejin Bior, ñōn Pitor, eo iturin River eo, ñōn ene an ro nejin armij ro mōtōn, im kirtok e, im re ba, Lo, juōn jarlipju e ar itok jen Ijpt: lo, rej kalibubu mejen lōl, im rej berwōt ikijiō. **6** Inem kiō ij akwelap ñōn yuk, kwon iten kole armij rein jen iō; bwe re kanuij kajur jen ña:

bwelen I naj maroñ in bōk anjo bwe in mōn ir, im ubakelok ir jen enin; bwe I jela bwe eo kwoj kejerammōn e e jerammōn, im eo kwoj kole e jerata.

**7** Im ridto ro an Moab, im ridto ro an Midian rar ilok, im men ko wōnan anijnij ilo peir; im rar ilok ñōn iben Beleam, im ba ñōn e nan ko an Belak. **8** Im e ar ba ñōn ir, Komin kiki iji boñinin, im I naj bōkwoj ñōn korn nan, einwōt Jeova e naj konono ñōn iō: im iroi ro an Moab rar ber iben Beleam. **9** Im Anij e ar itok ñōn iben Beleam, im ba ñōn e, Wōn lōmarein ibōm? **10** Im Beleam e ar ba ñōn Anij, Belak nejin Zippor, kiñ in Moab, e ar jilkintok ir ñōn iba, im ba, **11** Lo, armij ro re mottok jen Ijpt, rej kalibubu mejen lōl: inem kwon iten kole ir jen iō: bwelen I naj maroñ in tōrinaek ir im I naj kokōk ir. **12** Im Anij e ar ba ñōn Beleam, Kwon jab ilok ibeirluk; kwon jab kole armij ro; bwe re jerammōnwōt. **13** Im Beleam e ar jerkak ke ejiboñ, im e ba ñōn iroi ro an Belak, Komin ilok ñōn eneo ami; bwe Jeova e abwin kōtlok bwe in ilok ibemilok. **14** Im iroi ro in Moab rar jutōk im ilok ñōn iben Belak, im ba, Beleam e ar abwin itok ibemtuk.

**15** Im Belak e ar bar jilkinlok iroi rōn, relōñ im rājimjim jen ro mokta. **16** Im rar ilok ñōn iben Beleam, im ba ñōn e, Ein drein Belak, nejin Zippor, ej ba, Ij akwelap ñōn yuk bwe ejelok men en bōprae am itok ñōn iba: **17** bwe I naj koutiej yuk ñōn nebar e kanuij lap, im jabrewōt eo kwoj ba ñōn iō I naj kōmōne: inem ij akwelap bwe kwon itok im kole armij rein jen iō. **18** Im Beleam e ar uak im ba ñōn ro korijeran Belak, Elañe Belak e naj letok mweo imōn eobrōk kin silver im gold, I ban ilok jen nan eo an Jeova aō Anij, im kōmōn erik ak elap jen e. **19** Inem kiō, ij akwelap, komin berwōt iji boñinin bareinwōt, bwe in jela ta eo Jeova e naj bar konono ñōn iō. **20** Im Anij e ar itok ñōn iben Beleam ilo boñ, im ba ñōn e, Elañe armij ro rar iten kir yuk, kwon

jutōk im ilok ibeirlōk; a nan eo wōt I naj ba ñōn yuk, men eo kwo naj kōmōne.

21 Im <sup>1</sup> Bealeam e ar jerkak ke ejiboñ, im e ar likit eran jijōt ion ass eo an, im ilok iben iroi ro in Moab. 22 Im ebwil illu an Anij kin an ilok; im enjel ōn Jeova e ar jutōk ilo ial, bwe en jumae e. Ak e ar uwe ion ass eo an, im lōmaro ruo dri korijeran iben. 23 Im ass eo e ar lo enjel ōn Jeova ke ej jutōk ilo ial, im ilo pein jāji eo emwij nuri; im ass eo e ar jeōr jen ial, im ilok ilo melaj: im Bealeam e ar dreñlokwe ass eo, bwe en kajeōr e ñōn ial eo. 24 Im enjel ōn Jeova e ar jutōk ilo juōn ial e airik, ikōtan bwil in grep ko, juōn worwor i anbijmaroñ im juōn i anmiñ. 25 Im ass eo e ar lo enjel ōn Jeova, im e ar jeōr ñōn juōn worwor, im e ar kabij neen Bealeam ilo worwor eo: im e ar bar dreñlokwe. 26 Im enjel ōn Jeova e ar bar wōnmanlok, im jutōk ilo juōn jikin e airik, ijo e ban jeōr ñōn anbijmaroñ ak anmiñ. 27 Im ass eo e ar lo enjel ōn Jeova, im e ar babu iomin Bealeam: im Bealeam e kanuij illu, im e ar dreñlokwe ass eo kin jokwōnōn. 28 Im Jeova e ar walōñi loñin ass eo, im e ar ba ñōn Bealeam, Ta eo I ar kōmōne ñōn kwe, kin am kar dreñlokwe iō alen jilu? 29 Im Bealeam e ar ba ñōn ass eo, Kin am kajirere kake iō: emōn elañe e kar juōn jāji ilo peiō, bwe kiō I naj kar mōn yuk. 30 Im ass eo e ar ba ñōn Bealeam, Ta I jab am ass, eo kwar uwe ion iomin aolepen ien am mour ñōn ranin ke? I kin kōmōn einwōt ñōn kwe ke? Im e ar ba, Jab.

31 Inem Jeova e ar kabellek mejen Bealeam, im e ar lo enjel ōn Jeova ej jutōk ilo ial, im ilo pein jāji emwij nuri; im e ar mōjir, im buñbero. 32 Im enjel ōn Jeova e ar ba ñōn e, Etke kwar dreñlokwe am ass alen kein jilu? Lo, I ar itok dri jumae yuk, bwe ial eo am ej ankeke iman meja: 33 im ass eo e ar lo Iō, im jeōr jen Iō alen kein jilu; elañe e ar jab jeōr jen Iō, emol I naj kar mōn yuk, im

kejbārok an mour. 34 Im Bealeam e ar ba ñōn enjel eo, I ar jerawiwi; bwe I ar jab jela bwe kwoj jutōk ilo ial jumae iō: inem kiō, elañe e jab buñburoñ, I naj jeblaklok. 35 Im enjel ōn Jeova e ar ba ñōn Bealeam, Kwon ilok iben armij ro lok; a nan eo wōt Ij ba ñōn yuk, kwo naj konono. Ein drein Bealeam e ar ilok iben iroi; ro an Belak.

36 Im ke Belak e ar roñ bwe e mottok Bealeam, e ar ilen wōnmae e ñōn jikin kwelok an Moab, eo ej i tōreren Arnon, eo ej ilo mōtōn tōreren etoloktata. 37 Im Belak e ar ba ñōn Bealeam, I ar jab jilkinwoj im akwelap bwe kwon itok ke? etke kwar jab itok ñōn iba? I jab maroñ in koutiej yuk ñōn nebar ke? 38 Im Bealeam e ar ba ñōn Belak, Lo, emwij aō itok ñōn ibōm: eor ke kajur iba bwe in ba jabrewōt? nan eo Anij ej likit i loñiō, I naj konono. 39 Im Bealeam e ar ilok ñōn iben Belak, im irro rar ilok ñōn Kiriāt-huzot. 40 Im Belak e ar katok kin ox ko im jip ko, im e ar jilkinlok ñōn Bealeam im ñōn iroi ro iben.

41 Inem ke ejiboñ, Belak e ar bōk Bealeam, im āñinliñlok e ñōn jikin ko re utiej an Beal, im jen ijo e ar lo mōtōn jar eo etoloktata.

**23** 1 Im Bealeam e ar ba ñōn Belak, Kwon kalek ñōn iō iji jiljilimjuōn lokatok, im kapoj ñōn iō iji jiljilimjuōn kau koman im jiljilimjuōn jip koman. 2 Im Belak e ar kōmōn einwōt Bealeam e ar ba; im Belak kab Bealeam rar katok ion jabrewōt lokatok juōn kau koman im juōn jip koman. 3 Im Bealeam e ar ba ñōn Belak, Kwon jutōk iturin am men in katok kijeek, im I naj ilok: bwelen Jeova e naj iten wōnmae iō; im jabrewōt men Ej kwalok ñōn iō, I naj kennanek yuk kake. Inem e ar wōnliñlok ion juōn jabōn tol e majaj. 4 Im Anij e ar wōnmae Bealeam: im e ar ba ñōn E, Emwij aō kapoj jiljilimjuōn lokatok, im I ar katok kin juōn kau koman im juōn jip koman ion jabrewōt lokatok. 5 Im Jeova e ar likit nan i loñin Bealeam, im ba,

Kwon jeblak ñōn Belak, im ein drein am naj konono. 6 Im e ar jeblak ñōn iben, im lo, ej jutōk iturin men in katok kijeek eo an, e im aolepen iroi ro in Moab. 7 Im e ar kwotōke wan joñōk eo an im ba,

Jen Eram Belak e ar āñintok iō, kiñ in Moab, jen tol ko i rear: kwon itok, kwon kole Jakob jen iō, im kwon itok, im kejeiokiok Israel.

8 Ekijkan aō naj kole ro Amij e ar jab kole ir? im ekijkan aō naj kejeiokiok ro Anij e ar jab kejeiokiok ir?

9 Bwe jen jabōn dreka ko ij lo e, im jen tol ko ij reilok ñōn e: lo, e juōn jar ej jokwe mōke ian, im jamin watōke iben ro dri ailliñ ko.

10 Wōn e maroñ in bwini bōñōlñōl an Jakob, ak jela oran juōn mōtōn emen an Israel? Ña in mij mij eo an dru wānik, im jemlokōn aō mour en einwōt eo an! 11 Im Belak e ar ba ñōn Bealeam, Ta eo kwar kōmōn ñōn ña? I ar bōk yuk bwe kwon kole ro dri kijirāt iō, im kwar jare wōt ir. 12 Im e ar uak im ba, In jab lale bwe in konono men eo Jeova ej likit i loñō ke?

13 Im Belak e ar ba ñōn e, Ij akwelap, kwon itok iba ñōn bar juōn jikin ijo kwo naj maroñ in lo ir; kwo naj lo wōt ro retoloktata; kwo jamin lo ir otemjej: im kwon kole ir ijo jen iō. 14 Im e ar āñinlok e ñōn melaj in Zopim, ñōn jabōn Pisga, im e ar kalek jiljilimjuōn lokatok, im katok kin juōn kau koman im juōn jip koman ion jabrewōt lokatok. 15 Im e ar ba ñōn Belak, Kwon jutōk iji iturin men in katok kijeek, ke ij wōnmae Jeova ijueo. 16 Im Jeova e ar wōnmae Bealeam, im likit nan i loñin, im ba, Kwon jeblak ñōn iben Belak, im ein drein am naj ba. 17 Im e ar itok ñōn iben, im lo, ej jutōk iturin men in katok kijeek eo an, im iben iroi ro in Moab. Im Belak e ar ba, Ta eo Jeova e ar konono? 18 Im e ar kwotōke wan joñōk eo an, im ba,

Kwon jutōk, Belak, im roñjake; kwon eoroñ iō, kwe nejin Zippor:

19 Anij e jab juōn armij, bwe En

riōp, ak nejin armij, bwe En ukwelok: E ar konono, im E jamin kōmōn ke? ak E ar ba, im E jamin kamole ke?

20 Lo, emwij jiroñ iō bwe in kejerammōn: im E ar kejerammōn, im I ban ukot e.

21 E ar jab lo bwir ilo Jakob; im E ar jab lo ankeke ilo Israel; Jeova an Anij ej iben, im lamij an juōn kiñ ej ibeir.

22 Anij ej kadrioi tok i: jen Ijpt; iben, kajure einwōt kau koman e awia.

23 Emol ejelok marmir nae Jakob; im ejelok anijnij nae Israel: kiō re naj ba kin Jakob im Israel, Ta eo Anij e ar kōmōnmōne!

24 Lo, armij ro rej jerkak einwōt laion kokōra, im einwōt laion ej mōke kwotōke: e jamin babu mae ien ej kōñi men in jibwe, im irak bōtōktōk-in ro emwij mōn ir. 25 Im Belak e ar ba ñōn Bealeam, Kwon jab jare ir ñōn jirik, ak kole ir ñōn jirik. 26 A Bealeam e ar uak im ba ñōn Belak, I ar jab kenannek yuk im ba, Men otemjej Jeova ej konono, men eo emōn in kōmōne ke?

27 Im Belak e ar ba ñōn Bealeam, Kwon itok, I naj āñinlok yuk ñōn bar juōn jikin; bwelen e naj kabuñburuen Anij bwe kwon kole ir ijo jen iō. 28 Im Belak e ar āñinlok Bealeam ñōn jabōn Pior, ej reilōllok ñōn ene jemaren. 29 Im Bealeam e ar ba ñōn Belak, Kwon kalek ñōn iō iji jiljilimjuōn lokatok, im kapoj ñōn iō jiljilimjuōn kau koman im jiljilimjuōn jip koman. 30 Im Belak e ar kōmōn einwōt Bealeam e ar ba, im katok kin juōn kau koman im juōn jip koman ion lokatok

**24** otemjej. 1 Im ke Bealeam e ar lo bwe e mōñōñ Jeova in kejerammōn Israel, e ar jab ilok, einwōt ien ko jet, in wōnmae marmir ko, a e ar mejek ene jemaren. 2 Im Bealeam e ar bōk mejen, im lo Israel ej jokwe ekar ñōn bwijin; im Jitōb ñōn Anij e ar itok ion. 3 Im e ar kwotōke wan joñōk eo an, im ba,

Bealeam nejin Bior ej ba, im leo e ar kilik mejen, ej ba,

4 Ej ba, Eo ej roñjake nan ko an

Anij, eo ej lo visōn an eo Ekajur potata, ej buñ, ak e bellok wōt mejen:

5 E nañin emōn moko imōm, O Jakob, imōn kabere ko am, O Israel!

6 Einwōt komlōl ko re jerer, einwōt jikin kallip ko iturin river, einwōt alos ko Jeova e ar kallip, einwōt wijk aiik ko iturin dren ko.

7 Dren e naj torlok jen bōkā ko an, im inen e naj ilo dren ko relōñ, im kiñ eo an, e naj utiej jen Egag, im ailiñ in kin eo an, naj koutiej e.

8 Ijari ej kadrioiptok e jen Ijpt; iben, kajur einwōt eo an kau koman e awia: e naj kōñi ro dri ailiñ ko rej kijirāte, im e naj ruji dri ko driir ilo mōtōn ko, im wākare ir kin mōri in libon ko an.

9 E ar kumwil, e ar babu einwōt laion, im einwōt laion kokōra; wōn e naj kworuj e? En jerammōn jabrewōt eo ej jare yuk, im en jerata jabrewōt eo ej kole yuk.

10 Im ebwil illu an Belak nae Be-  
eam, im e ar kaitak pein iben dren;  
im Belak e ar ba ñōn Beeam, I ar  
kirtok yuk bwe kwon kole ro dri kijirāte iō, im lo, kwar jare ir alen kein jilu. 11 Kin men in, kiō, kwon ko ñōn jikōm: I kar bebe in koutiej yuk ilo nebar elap; a, lo, Jeova e ar drebij yuk jen am utiej. 12 Im Beeam e ar ba ñōn Belak, I ar jab bareinwōt ba ñōn ro am dri jilik, ro kwar jilkintok ñōn iba, im ba, 13 Elañe Belak e kōnan letok mweo imōn e obrōk kin silver in gold, I ban elā jen nan in Jeova, bwe in kōmōn men eo emōn ak e nana ilo aō bebe: nan eo Jeova ej konono, eñeo I naj ba ke? 14 Inem kiō, lo, ij ilok ñōn iben dri ailiñ ro aō: itok, im I naj kajelaik yuk ta eo jar en re naj kōmōn ñōn ro drom ilo ran ko reliktata. 15 Im e ar kwotōke wan joñōk eo an, im ba,

Beeam nejin Bior ej ba, im armij eo e ar kilik mejen, ej ba;

16 E ba, eo ej roñjake nan ko an Anij, im e jela meletlet an Eo Eutiejtata, eo ej lo visōn an Eo Ekajur potata, ej buñ, ak e bellok wōt mejen:

17 Ña ij loe, a jab kiō; ij reilok

ñōn e, a jab ebak: juōn iju e naj walok jen Jakob, im juōn septer e naj liñlok ilo Israel, im naj wākari bōul ko an Moab, im naj kokkure ro nejin jeurur otemjej.

18 Im Idōm e naj an, Sier bareinwōt e naj an, ro re kar kijirāte; ke Israel ej kōmōn beran.

19 Im juōn jen Jakob e naj iroi elap, im e naj kokkure mōtōn ej berwōt jen jikin kwelok eo.

20 Im e ar reilok ñōn Amelek, im kwotōke wan joñōk eo an, im ba, Amelek e kar eo mokta ian ro dri ailiñ ko a jemlokōn e naj itok ñōn kokkure.

21 Im e ar reilok ñōn dri Ken eo, im kwotōke wan joñōk eo an, im ba, Ekajur am jikin jokwe, im el eo am, ej ilo juōn dreka.

22 Ijoke, Ken e naj jebeplok, mae ien Asshur e naj āñinlok yuk dri jebokwe.

23 Im e ar kwotōke wan joñōk eo an, im ba, Eokwe, wōn e naj mour, ñe Anij e naj kōmōn men in?

24 A wa ko re naj itok jen ene Kittim, im re naj kaiñtan Asshur, im kaiñtan Iber; im e naj bareinwōt jok wōt.

25 Im Beeam e ar jutōk im jeblak ñōn jikin; im Belak e ar bareinwōt ilok ilo ial eo an.

**25** Im Israel e ar jokwe i Shittim; im armij rar <sup>1</sup>jino in lūñ iben kōra ro nejin Moab: 2 bwe rar kirtok armij ro ñōn katok ko an ekjōp ko air; im armij rar mōña, im barikrik jen anij ko air. 3 Im Israel e ar koba iben Beal-pior: im ebwil illu an Jeova nae Israel. 4 Im Jeova e ar ba ñōn Moses, Kwon bōk iroi otemjej an armij rōn, im totoik ir ñōn Jeova iomin al, bwe illu ebwil an Jeova en maroñ in jeōr jen Israel. 5 Im Moses e ar ba ñōn ro dri ekajet an Israel, Jabrewōt iami en mōn armij ro an ro rar koba iben Beal-pior.

6 Im lo, juōn ian ro nejin Israel e ar itok, im āñintok ñōn iben ro jein im jātin, juōn kōra dri Midian iman mejen Moses, im iman mejen aolepen



jar eo an ro nejin Israel, ke rar jōñ iturin kejem in imōn kwelok eo. 7 Im ke Pinehas, nejin Iliezar, nejin Aron, e ar loe, e ar jutōk jen bwiljin jar eo, im bōk juōn mōri ilo pein; 8 im e ar lor armij in Israel eo illoan mweo im nuknuk, im wākari irro, armij in Israel, im kōra eo, im re jimor bijlok. Ein drein emwij kajemlok nañinmij eo jen ro nejin Israel. 9 Im ro rar mij kin nañinmij eo, roñoul emen tausan.

10 Im Jeova e ar konono ñōn Moses, im ba, 11 Pinehas, nejin Iliezar, nejin Aron pris eo, e ar kajeōr Aō illu jen ro nejin Israel, bwe e ar kamo kin Aō kamo ibeir, inem I ar jab kokkure ro nejin Israel ilo Aō kamo. 12 Kin men in, kwon ba, Lo, Ña Ij lelok ñōn e, Aō bujen in ainemōn: 13 im e naj iben, im iben inen elikin, bujen jerbal in pris ñōn in drio; bwe e ar kamo kin an Anij, im e ar kōmōn kilajrōk kin ro nejin Israel.

14 Ak etan armij in Israel, ar mōn e, eo ar mōn e iben kōra eo dri Midian, Zimrai, nejin Selu, juōn iroi an mweo imōn ro jimair iben ro dri Simeon. 15 Im etan kōra eo, dri Midian, emwij mōne, Kozbai, nejin Zur; e ar jiōb an mweo imōn ro jimair ilo Midian.

16 Im Jeova e ar konono ñōn Moses, im ba, 17 Komin kejjorran ro dri Midian im jebōk ir; 18 bwe rej kejjorran kom kin mon ko air, rar mone kom ilo men eo an Pior, im ilo men eo an Kozbai, nejin iroi in Midian, jātir kora, eo emwij mōn e ilo ran eo ran in nañinmij kin men eo i Pior.

**26** Inem elikin nañinmij eo, Jeova e ar konono ñōn Moses im ñōn Iliezar nejin Aron pris, im ba, 2 Komin bukot oran aolepen jar an ro nejin Israel, jen ridtōn roñoul yiō im jima, ekar ñōn ro nukin jimair, ro otemjej re maroñ in ilen tōrinae ilo Israel. 3 Im Moses im Iliezar, pris eo, rar konono ibeir, i melaj ko an Moab, iturin Jordan, ebake Jeriko, im ba, 4 Komin bwini armij ro jen ridtōn roñoul yiō im jima; einwōt Jeova e ar jiroñ Moses im ro nejin

Israel, ro rar drioihtok jen enen Ijpt.

5 Ruben, manjien Israel; man ro nejin Ruben: jen Henok, nukin ro dri Henok; jen Pallu, nukin ro dri Pallu; 6 jen Hezron, nukin ro dri Hezron; jen Karmai, nukin ro dri Karmai. 7 Rein ro nukin ro dri Ruben; im ro emwij bwini ir, eñoul jilu tausan jiljilimjuōn buki jilñoul. 8 Im man ro nejin Pallu: Ilaiab. 9 Im man ro nejin Ilaiab: Nemuel, im Detan, im Ebairam. Rein ro Detan im Ebairam, ro jar eo rar kirtok ir, ro rar akwaile Moses im Aron iben jar eo an Kora, ke rar akwaile Jeova, 10 im lōl e ar walōñi loñin im warōñlok ir iben Kora, ke jar eo rar mij; ien eo kijeek e ar kōñi rubuki limñoul armij, im ir juōn kakōle. 11 Ijoke, ro nejin Kora rar jab mij.

12 Man ro nejin Simeon, ekar ñōn ro nukir: jen Nemuel, nukin ro dri Nemuel; jen Jemin, nukin ro dri Jemin: jen Jekin, nukin ro dri Jekin; 13 jen Zira, nukin ro dri Zira; jen Shaul, nukin ro dri Shaul. 14 Rein ro nukin ro dri Simeon, roñoul ruo tausan rubuki.

15 Man ro nejin Gad, ekar ñōn ro nukir: jen Zipon, nukin ro dri Zipon; jen Haggai, nukin ro dri Haggai; jen Shunai, nukin ro dri Shunai; 16 jen Oznai, nukin ro dri Oznai; jen Irai, nukin ro dri Irai: 17 jen Erod, nukin ro dri Erod; jen Arelai, nukin ro dri Arelai. 18 Rein man ro nukin ro nejin Gad, ekar ñōn ro emwij bwini ir, eñoul tausan limabuki.

19 Man ro nejin Juda: Er im Onan; im Er kab Onan rar mij ilo enen Kean. 20 Im man ro nejin Juda ekar ñōn ro nukir: jen Shila, nukin ro dri Shila; jen Pirez, nukin ro dri Pirez; jen Zira, nukin ro dri Zira. 21 Im man ro nejin Pirez: jen Hezron, nukin ro dri Hezron; jen Hemul, nukin ro dri Hemul. 22 Rein ro nukin Juda, ekar ñōn ro nukir emwij bwini ir, jiljilimjuōnñoul jiljino tausan limabuki.

23 Man ro nejin Issakar, ekar ñōn ro nukir: jen Tola, nukin ro dri Tola;

jen Puva, nukin ro dri Puva; 24 jen Jeshub, nukin ro dri Jeshub; jen Shimron, nukin ro dri Shimron. 25 Rein ro nukin Issakar, ekar ñõn ro emwij bwini ir, jiljinoñoul emen tausau jilu buki.

26 Man ro nejin Zebulun, ekar ñõn ro nukir: jen Sired, nukin ro dri Sired; jen Ilon, nukin ro dri Ilon; jen Jaleel, nukin ro dri Jaleel. 27 Rein ro nukin ro dri Zebulun, ekar ñõn ro emwij bwini ir, jiljinoñoul tausau limabuki.

28 Man ro nejin Josep ekar ñõn ro nukir: Menassa im Ipreim. 29 Man ro nejin Menassa: jen Mekir, nukin ro dri Mekir; im Mekir e ar keutak Giliad: jen Giliad, nukin ro dri Giliad. 30 Rein man ro nejin Giliad; jen Jezer, nukin ro dri Jezer; jen Hilek, nukin ro dri Hilek; 31 im jen Asriel, nukin ro dri Asriel; im jen Shikem, nukin ro dri Shikem; 32 im jen Shemaida, nukin ro dri Shemaida; im jen Hiper, nukin ro dri Hiper. 33 Im Zelothead, leo nejin Hiper, ejelok nejin eman, a ro nejin kōra wōt: im etan kōra ro nejin, Zelothead, Mala, im Noa, Hogla, Milka, im Tirza. 34 Rein ro nukin Menassa; im ro emwij bwini ir, limñoul ruo tausau jiljilimjuōn buki.

35 Rein man ro nejin Ipreim, ekar ñõn ro nukir; jen Shutila, nukin ro dri Shutila; jen Biker, nukin ro dri Biker; jen Tehan, nukin ro dri Tehan. 36 Im rein man ro nejin Shutila: jen Iran, nukin ro dri Iran. 37 Rein ro nukin man ro nejin Ipreim, ekar ñõn ro emwij bwini ir, jilñoul ruo tausau limabuki. Rein man ro nejin Josep ekar ñõn ro nukir.

38 Man ro nejin Benjamin, ekar ñõn ro nukir; jen Bila, nukin ro dri Bila; jen Ashbel, nukin ro dri Ashbel; jen Ehairam, nukin ro dri Ehairam; 39 jen Shepupam, nukin ro dri Shepupam; jen Hupam, nukin ro dri Hupam. 40 Im man ro nejin Bila, Ard im Neeman: jen Ard, nukin ro dri Ard; jen Neeman, nukin ro dri Neeman. 41 Rein man ro nejin Benjamin, ekar ñõn ro nukir; im ro

emwij bwini ir eñoul lailim tausau jiljino buki.

42 Rein man ro nejin Dan, ekar ñõn ro nukir: jen Shuham, nukin ro dri Shuham. Rein ro nukin Dan ekar ñõn ro nukin. 43 Aolepen ro nukin dri Shuham, ekar ñõn ro emwij bwini ir, jiljinoñoul emen tausau ābuki.

44 Man ro nejin Asher, ekar ñõn ro nukir: jen Imna, nukin ro dri Imna; jen Ishvai, nukin ro dri Ishvai; jen Biraia, nukin ro dri Biraia. 45 Jen man ro nejin Biraia: jen Hiber, nukin ro dri Hiber; jen Malkiel, nukin ro dri Malkiel. 46 Im etan kōra eo nejin Asher, Sera. 47 Rein ro nukin man ro nejin Asher, ekar ñõn ro emwij bwini ir, limñoul jilu tausau ābuki.

48 Man ro nejin Naptalai, ekar ñõn ro nukir: jen Jaziel, nukin ro dri Jaziel; jen Gunai, nukin ro dri Gunai; 49 jen Jizer, nukin ro dri Jizer; jen Shillem, nukin ro dri Shillem. 50 Rein ro nukin Naptalai, ekar ñõn ro nukir; eñoul lailim tausau ābuki.

51 Rein ro emwij bwini ir ian ro nejin Israel, jiljino buki juōn tausau jiljilimjuōn buki jilñoul.

52 Im Jeova e ar konono ñõn Moses, im ba, 53 Naj ajej eneo ñõn rein, men in jolit ekar ñõn oran etair. 54 Ñõn ro relōñ, kwo naj lelok jolit elaplok, im ñõn ro reit, kwo naj lelok jolit eriklok: ñõn jabrewōt ekar ñõn ro emwij bwini ir, naj lelok jolit eo an. 55 Ijoke, naj ajej eneo kin kakōle: ekar ñõn etan bwij ko an ro jimair re naj bōk air jolit. 56 Kin kakōle naj ajej air jolit ñõn ro relōñ im ñõn ro reit.

57 Im rein ro emwij bwini ir ian ro dri Livai, ekar ñõn ro nukir: jen Gershon, nukin ro dri Gershon; jen Kohat, nukin ro dri Kohat; jen Mirerai, nukin ro dri Mirerai. 58 Rein nukin ro dri Livai: nukin ro dri Libnai, nukin ro dri Hibron, nukin ro dri Malai, nukin ro dri Mushai, nukin ro dri Kora. Im Kohat e ar keutak Amram. 59 Im etan lio belen Amram, Jokebed, kōra nejin Li-

vai, eo e ar lotak ññn Livai ilo Ijpt: im e ar keutak ññn Amram, Aron im Moses, kab Miriam jeir kōra. 60 Im ññn Aron, ar lotak Nedab, im Ebaihu, Iliezar im Itamar. 61 Im Nedab im Ebaihu rar mij, ke rar katok kin kijeek emo ññn Jeova. 62 Im ro emwij bwini ir, roñoul jilu tausan, jabrewōt eman jen ridtōn juōn aliñ im jima: bwe rar jab bwini ir iben ro nejin Israel, kin ke rar jab lelok air jolit iben ro nejin Israel.

63 Rein ro Moses, im Iliezar pris eo, rar bwini ir; ro rar bwini ro nejin Israel i ene emōn biken in Moab, ebake Jordan, iturin Jeriko. 64 A<sup>1</sup> ibeir, ejelok juōn armij ian ro Moses im Aron, pris eo, rar bwini ir, ke rar bwini ro nejin Israel i ene jemaren an Sainai. 65 Bwe Jeova e ar ba kin ir, Emol re naj mij ilo ene jemaren. Im ejelok juōn armij iair e ar berwōt, a Keleb nejin Jepunne, im Joshua nejin Nōn.

**27** Inem limaro nejin Zelothead, nejin Hiper, nejin Giliad, nejin Mekir, nejin Menassa, ian nukin ko an Menassa nejin Josep, rar kebaktok; im irkein etan kōra ro nejin: Mala, Noa, im Hogla, im Milka, kab Tirza. 2 Im rar jutōk iman Moses, im iman Iliezar pris eo, im iman iroi ro an aolepen jar eo, iturin kejem in imōn kwelock, im ba, 3 Jemem e ar mij ilo ene jemaren, im e jab juōn ian jar eo rar kweloktok nae Jeova ilo jar eo an Kora: a e ar mij ilo jerawiwie eo an; im ejelok nejin eman. 4 Etke ren bōk etan jemem jen iben ro nukin, ke ejelok nejin eman? Komin letok ññn kim juōn jolit iben nukin jemem. 5 Im Moses e ar kwalok bebe eo air ññn Jeova.

6 Im Jeova e ar konono ññn Moses, im ba, 7 E jime nan ko an limaro nejin Zelothead; emol kwo naj lelok ññn ir juōn jolit iben no nukin jemem; im kwo naj lelok ññn ir jolit eo an jemem. 8 Im kwo naj konono ññn ro nejin Israel, im ba, Elañe juōn iman emij, im ejelok nejin

eman, inem komin lale bwe an jolit en ilok ññn lio nejin. 9 Im elañe ejelok nejin kōra, inem komin lelok jolit eo an ññn ro jein im jātīn. 10 Im elañe ejelok jein im jātīn, inem komin lelok jolit eo an ññn ro jein im jātīn jemen. 11 Im elañe ejelok jein im jātīn jemen, inem komin lelok jolit eo an ññn nukin eo ej ebak ññn e, ian ro nukin, im e naj an: im men in e naj kien ekajet ññn ro nejin Israel, einwōt Jeova e ar jiroñ Moses.

12 Im Jeova e ar ba ññn Moses, Kwon wōnliñlok ilo tol en Abarim, im lale eneo I ar lelok ññn ro nejin Israel. 13 Im ñe emwij am lale, kwo naj koba iben ro jimam, einwōt Aron jeōm e ar koba; 14 bwe komro ar jumae nan eo Aō, ilo ene jemaren Zin, ilo akwail an jar eo, bwe komin kokwojarjar Iō, iturin dren ko, iman mejeir. (Dren kein dren ko an Meriba, i Kedesh, ilo ene jemaren Zin.)

15 Im Moses e ar konono ññn Jeova, im ba, 16 Jeova, Anij an jītōb ññn armij otemjej, En likit juōn armij ion jar eo, 17 eo e maroñ in drioi dreloñ imair, im eo e naj maroñ in kadrioi im kadreloñ ir; bwe jar an Jeova en jab einwōt jip ko ejelok air sheperd. 18 Im Jeova e ar ba ññn Moses, Kwon bōk Joshua nejin Nōn, juōn eman Jitōb ej ber iloan, im likit peōm ion; 19 im kwon likit e iman Iliezar pris eo, im iman aolepen jar eo; im lelok ññn e nan in kaiñ iman mejeir. 20 Im kwon likit mōtōn am utiej ion, bwe aolepen jar an ro nejin Israel ren bokake. 21 Im e naj jutōk iman Iliezar pris eo, eo e naj kajitōk ññn e kin ekajet in Urim iman Jeova: kin nan eo an, re naj drioi, im kin an in nan, re naj dreloñ, e kab ro nejin Israel otemjej iben, aet aolepen jar eo. 22 Im Moses e ar kōmōn einwōt Jeova e ar jiroñ e; im e ar bōk Joshua, im likit e iman Iliezar pris eo, im iman aolepen jar eo: 23 im e ar likit pein ion, im lelok ññn e nan in kaiñ, einwōt Jeova e ar konono kin Moses.

**28** Im Jeova e ar konono ññn Moses, im ba, 2 Kwon jiroñ

ro nejin Israel, im ba ñōn ir, Aō jurtak, kijiō, men in letok ko Aō kōmōni kin kijeek, bwin enno ñōn Iō, komin lale im letok ilo ien ko air. 3 Im kwon ba ñōn ir, Eñin men in lelok kōmōne kin kijeek, eo kom naj lelok ñōn Jeova: lam ko koman ridtair juōn yiō im re wāppen, ruo ilo juōn ran, men in katok kijeek, ran otemjej. 4 Juōn lam kom naj lelok ñe ejiboñ, im lam eo juōn ñe ejota; 5 im juōn mōtōn joñoul in juōn epa flauo kwerik, jurtak flauo, emwij käreike kin juōn mōtōn emen in juōn hin oil emōntata. 6 Ej men in katok kijeek ien otemjej, eo ar kaiñe ilo tol Sainai, bwin enno, jurtak kōmōne kin kijeek ñōn Jeova. 7 Im jurtak irak eo an, naj juōn mōtōn emen in juōn hin, ñōn juōn lam: iloan jikin e kwojarjar kwo naj lutōklok jurtak irak dren e kajur ñōn Jeova. 8 Im lam eo juōn kwo naj katok kake ñe ejota: einwōt katok flauo ke ejiboñ, im einwōt jurtak irak eo an, kwo naj lelok, men in lelok kōmōne kin kijeek, bwin enno ñōn Jeova.

9 Im ilo ran in Sabat, ruo lam koman, ridtair juōn yiō, re wāppen, im ruo mōtōn joñoul in juōn epa flauo kwerik, jurtak flauo, käreike kin oil, im jurtak irak eo an: 10 eñin men in katok kijeek ilo jabrewōt ran in Sabat, bareinwōt men in katok kijeek ien otemjej, im jurtak irak eo an.

11 Im ilo jinoin aliñ ko ami, komin katok kin men in katok kijeek ñōn Jeova: ruo kau koman emōn ridtair, im juōn jip koman, jiljilimjuōn lam koman ridtair juōn yiō re wāppen; 12 im jilu mōtōn joñoul in juōn epa flauo kwerik, jurtak flauo, käreike kin oil, iben jabrewōt kau koman; im ruo mōtōn joñoul in flauo kwerik, jurtak flauo, käreike kin oil, iben jip koman eo; 13 im juōn mōtōn joñoul flauo kwerik, käreike kin oil, jurtak flauo iben jabrewōt lam; ñōn men in katok kijeek, bwin enno, men in lelok, kōmōne kin kijeek ñōn Jeova. 14 Im jurtak irak ko air, jibilkwon in juōn hin wain, iben juōn kau koman, im juōn mōtōn jilu iben

jip koman eo, im juōn mōtōn emen in juōn hin iben juōn lam: eñin men in katok kijeek ilo jabrewōt aliñ, ilo aolepen aliñ ko an yiō eo. 15 Im juōn got koman men in katok kin jerawiwi ñōn Jeova; re naj bareinwōt lelok men in katok kijeek ien otemjej, im jurtak irak eo an.

16 Im ilo aliñ eo mokta, ilo ran eken ka joñoul emen ilo aliñ eo, men in kijone an Jeova. 17 Im ilo ran eo ken ka joñoul lailim ilo aliñ in, en juōn kwojkwoj: iomin jiljilimjuōn ran ren mōña bred e jab uwe. 18 Ilo ran eo mokta, en juōn kwelok e kwojarjar: komin jab kōmōn jerbal in korijer; 19 a komin lelok jurtak kōmōne kin kijeek, men in katok kijeek ñōn Jeova: ruo kau koman emōn ridtair, im juōn jip koman, im jiljilimjuōn lam koman ridtair juōn yiō; im ren wāppen ñōn kom; 20 im jurtak flauo eo air, flauo kwerik, käreike kin oil: jilu mōtōn joñoul komin lelok iben juōn kau koman, im ruo mōtōn joñoul iben jip koman eo; 21 juōn mōtōn joñoul kwon lelok iben jabrewōt lam, ian lam ko jiljilimjuōn; 22 im juōn got koman men in katok kin jerawiwi, bwe komin kōmōn kilajrōk ñōn kom. 23 Komin lelok men kein, bareinwōt men in katok kijeek eo ñe ejiboñ, eo ej katok kijeek ien otemjej. 24 Ein drein komin lelok jabrewōt ran, iomin ran ko jiljilimjuōn, kijen jurtak eo kōmōne kin kijeek, bwin enno ñōn Jeova: naj lelok bareinwōt men in katok kijeek eo ien otemjej, im jurtak irak eo an. 25 Im ilo ran eo ken ka jiljilimjuōn, komin kōmōn kwelok e kwojarjar; komin jab kōmōn jabrewōt jerbal in korijer.

26 Bareinwōt ilo ran in jomōkōj ko, ñe komij lelok juōn jurtak flauo ekāl ñōn Jeova, ilo ami kwojkwoj in wik ko, en ibemi juōn kwelok e kwojarjar; komin jab kōmōn jabrewōt jerbal in korijer; 27 a komin lelok juōn katok kijeek bwin enno ñōn Jeova: ruo kau koman emōn ridtair, juōn jip koman, jiljilimjuōn lam koman ridtair juōn yiō; 28 im jurtak

flauo eo air, flauo kwerik, käreike kin oil, jilu mōtōn joñoul iben jabrewōt kau koman, ruo mōtōn joñoul iben jip koman eo, 29 juōn mōtōn joñoul iben jabrewōt lam, ian lam ko jiljilimjuōn; 30 juōn got koman, bwe en kōmōn kilajrōk ñōn kom. 31 Bareinwōt men in katok kijeek eo ien otemjej, im jurtak flauo eo an, komin lilok, (ren wāppen ñōn kom), im jurtak irak ko air.

**29** Im ilo aliñ eo ken ka jiljilimjuōn, ilo ran eo mokta ilo aliñ eo, en ibemi juōn kwelok e kwojarjar; komin jab kōmōn jerbal in korijer: ran eo ran in uk jilil ko ñōn kom. 2 Im komin lelok men in katok kijeek, bwin enno ñōn Jeova: juōn kau koman emōn ridtōn, juōn jip koman, jiljilimjuōn lam koman ridtair juōn yiō im re wāppen; 3 im jurtak flauo eo air, flauo kwerik, käreike kin oil, jilu mōtōn joñoul iben kau koman eo, ruo mōtōn joñoul iben jip koman eo, 4 im juōn mōtōn joñoul iben jabrewōt ian lam ko jiljilimjuōn; 5 im juōn got koman men in katok kin jerawiwi, bwe en kōmōn kilajrōk ñōn kom; 6 bareinwōt men in katok kijeek an aliñ ekāl, im jurtak flauo eo an, men in katok kijeek eo ej ien otemjej, im jurtak flauo eo an, im jurtak irak ko air, ekar ñōn kien eo air, bwin enno, jurtak kōmōne kin kijeek ñōn Jeova.

7 Im ilo ran eo ken ka joñoul, in aliñ in ken ka jiljilimjuōn, en ibemi juōn kwelok e kwojarjar; im komin kaiñtan ami: komin jab kōmōn jabrewōt wāwen jerbal; 8 a komin lelok katok kijeek ñōn Jeova, bwin enno: juōn kau koman emōn ridtōn, juōn jip koman, jiljilimjuōn lam koman ridtair juōn yiō; ren wāppen ñōn kom; 9 im jurtak flauo eo air, flauo kwerik, käreike kin oil, jilu mōtōn joñoul ñōn kau koman eo, ruo mōtōn joñoul ñōn jip koman eo, 10 juōn mōtōn joñoul ñōn jabrewōt ian lam ko jiljilimjuōn: 11 juōn got koman men in katok kin jerawiwi; bareinwōt men in katok kin jerawiwi in kilajrōk, im men in katok kijeek an ran

otemjej, im jurtak flauo ko air, im jurtak irak ko air.

12 Im ilo ran eo ken ka joñoul lai-lim an aliñ eo ken ka jiljilimjuōn, en ibemi juōn kwelok e kwojarjar; komin jab kōmōn jerbal in korijer, im komin lale juōn kwojkwoj ñōn Jeova iomin jiljilimjuōn ran: 13 im komin lelok men in katok kijeek, jurtak kōmōne kin kijeek bwin enno, ñōn Jeova; joñoul jilu kau koman emōn ridtair, ruo jip koman, joñoul emen lam koman ridtair juōn yiō; re wāppen; 14 im jurtak flauo eo air, flauo kwerik, käreike kin oil, jilu mōtōn joñoul iben jabrewōt kau koman, ian kau koman ko joñoul jilu, ruo mōtōn joñoul iben jabrewōt jip koman, ian jip koman ko ruo, 15 im juōn mōtōn joñoul, iben jabrewōt ian lam ko joñoul emen; 16 im juōn got koman men in katok kin jerawiwi; bareinwōt men in katok kijeek an ran otemjej, jurtak flauo eo an, im jurtak irak eo an.

17 Im ran eo ken ka ruo komin lelok joñoul ruo kau koman, emōn ridtair, ruo jip koman, joñoul emen lam koman ridtair juōn yiō, re wāppen; 18 im jurtak flauo eo air, im jurtak irak ko air, iben kau koman ko, iben jip koman ko, im iben lam ko, ekar ñōn orair, einwōt kien eo; 19 im juōn got koman men in katok kin jerawiwi; bareinwōt men in katok kijeek an ran otemjej, im jurtak flauo eo an, im jurtak irak ko air.

20 Im ilo ran eo ken ka jilu, joñoul juōn kau koman, ruo jip koman, joñoul emen lam koman ridtair juōn yiō, re wāppen; 21 im jurtak flauo eo air, im jurtak irak ko air, ñōn kau koman ko, ñōn jip koman ko, im ñōn lam ko, ekar ñōn orair, einwōt kien eo; 22 im juōn got koman men in katok kin jerawiwi; bareinwōt men in katok kijeek an ran otemjej, im jurtak flauo eo an, im jurtak irak eo an.

23 Im ilo ran eo ken kemen, joñoul kau koman, ruo jip koman, joñoul emen lam koman ridtair juōn yiō, re wāppen; 24 jurtak flauo eo air, im



jurtak irak ko air, ñōn kau koman ko, ñōn jip koman ko, im ñōn lam ko, ekar ñōn orair, einwōt kien eo; 25 im juōn got koman men in katok kin jerawiwi; bareinwōt men in katok kijeek an ran otemjej, jurtak flauo eo an, im jurtak irak eo an.

26 Im ilo ran eo ken ka lailim, druatiujuōn kau koman, ruo jip koman, joñoul emen lam koman ridtair juōn yiō, re wāppen; 27 im jurtak flauo eo air, im jurtak irak ko air, iben kau koman ko, iben jip koman ko, im iben lam ko, ekar ñōn orair, einwōt kien eo; 28 im juōn got koman men in katok kin jerawiwi; bareinwōt men in katok kijeek an ran otemjej, im jurtak flauo eo an, im jurtak irak eo an.

29 Im ilo ran eo ken ka jiljino, drualitōk kau koman, ruo jip koman, joñoul emen lam koman ridtair juōn yiō, re wāppen; 30 im jurtak flauo eo air, im jurtak irak ko air, iben kau koman ko, iben jip koman ko, im iben lam ko, ekar ñōn orair, einwōt kien eo; 31 im juōn got koman men in katok kin jerawiwi; bareinwōt men in katok kijeek an ran otemjej, jurtak flauo eo an, im jurtak irak eo an.

32 Im ilo ran eo ken ka jiljilimjuōn, jiljilimjuōn kau koman, ruo jip koman, joñoul emen lam koman ridtair juōn yiō, re wāppen; 33 im jurtak flauo eo air, im jurtak irak ko air, iben kau koman ko, iben jip koman ko, im iben lam ko, ekar ñōn orair, einwōt kien eo; 34 im juōn got koman men in katok kin jerawiwi; bareinwōt men in katok kijeek an ran otemjej, jurtak flauo eo an, im jurtak irak eo an.

35 Im ilo ran eo ken ka drualitōk, e naj ibemi juōn kwelok e kwojarjar: komin jab kōmōn jerbāl in korijer; 36 a komin lelok men in katok kijeek, jurtak kōmōne kin kijeek, bwin enno ñōn Jeova: juōn kau koman, juōn jip koman, jiljilimjuōn lam ridtair juōn yiō, re wāppen; 37 jurtak flauo eo air, im jurtak irak ko air, iben kau koman ko, iben jip koman ko, im iben lam ko, ren ekar ñōn orair, ein-

wōt kien eo; 38 im juōn got koman men in katok kin jerawiwi; bareinwōt men in katok kijeek an ran otemjej, im jurtak flauo eo an, im jurtak irak eo an.

39 Irkein kom naj lelok ñōn Jeova ilo ami kwojkwoj in kaiñi, bareinwōt ami muri ñōn Anij, im ami jurtak ko men in yokwe, ñōn ami men in katok kijeek, im ami jurtak flauo ko, im ami jurtak irak ko, im jurtak in aine-mōn ko. 40 Im Moses e ar kenanek ro nejin Israel, ekar ñōn men otemjej Jeova e ar jiroñi Moses.

**30** Im Moses e ar konono ñōn ji-ōb ro an bwij ko an ro nejin Israel, im ba, Eñin men eo Jeova e ar kaiñi. 2 Ñe juōn eman ej kōmōn an muri ñōn Jeova, ak kanōjni in lukwoj an kin bujen, en jab riōp kin an in nan; en kōmōn einwōt nan otemjej rar walok jen loñin. 3 Bareinwōt ñe juōn kōra ej kōmōn an muri ñōn Jeova, im mōke lukwoj e kin bujen, im ber ilo mweo imōn jemen, im emōn ridtōn, 4 im jemen ej roñjake muri eo an, im bujen eo e ar lukwoj an kake, im jemen ej ikōñ jen e; inem aolepen muri ko an re naj bin, im jabrewōt bujen e ar lukwoj an kake, e naj bin. 5 A elañe jemen ej bōpraek e ilo ran eo ej roñjake, ejelok ian muri ko an, ak ejelok ian bujen ko e ar lukwoj an kake, e naj bin: im Jeova e naj jolok an bwir bwe jemen e ar bōprae.

6 Im elañe emwij an belek juōn eman, ke muri ko an rej ber ion, ak nan ko re jāmōr jen tien, e ar lukwoj an kake, 7 im leo belen ej roñjake, im ej ikōñ jen e ilo ran eo ke ej roñjake; inem muri ko an re naj bin, im bujen ko e ar lukwoj an kake, re naj bin. 8 A elañe leo belen ej bōpraek e ilo ran eo ke ej roñjake, inem ej kajitokjen muri eo ej ber ion, im nan e jāmōr jen tien, e ar lukwoj an kake: im Jeova e naj jolok an bwir.

9 A muri an kōra e joko belen, ak an kōra emwij jolok belen, jabrewōt men eo e ar lukwoj an kake, e naj bin nae e. 10 Im elañe e ar kōmōn an

muri ilo mweo imōn leo belen, ak lukwoj an kin bujen in kanōjnij, 11 im leo e ar roñjake, im e ar ikōñ jen e, im jab bōpraek e; inem muri ko an otemjej re naj bin, im jabrewōt bujen e ar lukwoj an kake, e naj bin. 12 A elañe leo belen e ar kajitokjeir, ilo ran eo ke e ar roñjake, inem jabrewōt nan e ar walok jen loñin, kin kanōjnij ko an, ak kin bujen eo an, e jamin bin: leo belen e ar kajitokjeir; im Jeova e naj jolok an bwir.

13 Jabrewōt muri ñōn Anij, im jabrewōt kanōjnij kin lukwoj im kaiñtan an, leo belen e maroñ in kabine, ak leo e maroñ in kajitokjen. 14 A elañe leo ej ikōñ jen e, jen ran ñōn ran, inem ej kabin muri ko otemjej an, ak bujen ko otemjej an, rej ber ion: emwij an kabini, bwe e ar ikōñ jen e ilo ran eo ke e ar roñjake. 15 A elañe leo ej kajitokjeir elikin an roñjake, inem e naj inek bwir eo an lio. 16 Irkein kien ko Jeova e ar jiroñ Moses, ikōtan juōn eman im lio belen, ikōtan jemen in nejin kōra, ke emōn ridtōn, im ej ber iloan imōn jemen

**31** Im Jeova e ar konono ñōn Moses, im ba, 2 Kwon irenwōne ñōn ro nejin Israel kin ro dri Midian: tokelik re naj kobaik yuk ñōn ro jiaman. 3 Im Moses e ar konono ñōn armij rōn, im ba, Komin kapojōk jet armij iami ñōn tōrinae, bwe ren tōrinaek Midian, im kōmōn irenwōne an Jeova nae Midian. 4 Jen jabrewōt bwij, juōn tausan, jen bwij otemjej, komin jilkinlok ñōn tōrinae eo. 5 Ein drein rar lelōk jen tausan ko an Israel, juōn tausan jen jabrewōt bwij, joñoul ruo tausan re pojōk ñōn tōrinae. 6 Im Moses e ar jilkinlok ir, juōn tausan jen juōn bwij, ñōn tōrinae eo, ir kab Pinehas nejin Iliezar pris eo, ñōn tōrinae eo, im jābi ko an imōn kwojarjar im jilil in kairuij ko ilo pein. 7 Im rar tōrinaek Midian, einwōt Jeova e ar jiroñ Moses; im rar mōn man rōn otemjej. 8 Im mōn kiñ ro an Midian iben ro jet, Ivi, im Rikem, im Zur, im Hur, im Riba, kiñ ro lailim an Midian: rar

bareinwōt mōn kin jāji Beleam, nejin Bior. 9 Im ro nejin Israel rar kaje-bokweik kōra ro dri Midian, im ajiri ro nejir; im kau ko air otemjej, im bwij ko air otemjej, im aolepen mweik ko air, rar rakimi. 10 Im jikin kwelok ko air, jikir ijo rar jokwe, kab im nuknuk ko air otemjej, rar tile kin kijeek. 11 Im rar bōk aolepen men in rakim, armij kab kiru. 12 Im rar bōktok ro dri jebokwe, im men in rakim, ñōn iben Moses im Iliezar pris eo, im ñōn jar an ro nejin Israel, ñōn jikin kwelok ko i ene emōn biken i Moab, iturin Jordan ikijen Jeriko.

13 Im Moses, im Iliezar pris eo, im iroi ro otemjej an jar eo, rar ilen wōnmae ir ilikin kamp eo. 14 Im Moses e ar illu iben ro reutiej ilo jar in tōrinae eo, kapen ro an tausan ro im buki ro, ro rar jeblaktok jen jermal in tōrinae eo. 15 Im Moses e ar ba ñōn ir, Kom ar kejbārok kōra ro otemjej remour ke? 16 Lo, rein, kin bebe an Beleam, rar kōmōn bwe ro nejin Israel rar bwir nae Jeova ilo bebe eo an Bior, im ein drein nañinmij eo e ar ber iben jar eo an Jeova. 17 Kin men in, komin mōn jabrewōt ladrik ian ajiri ro, im mōn jabrewōt kōra e ar jela eman kin an babu iben. 18 A ledrik ro otemjej ro re jañin jela eman kin air babu iben, komin kejbārok ir im remour ñōn kom mōke. 19 Im komin jokwe ilikin kamp eo iomin jiljilimjuōn ran: jabrewōt eo e ar mōn juōn armij, im jabrewōt eo e ar uñir dri mij, komin mōke karreo kom ilo ran eo ken ka jilu, im ilo ran eo ken ka jiljilimjuōn, kom kab dri jebokwe ro ami. 20 Im kin jabrewōt nuknuk, im men ko rar kōmōn jen kilin kiru, im aolepen men in kōmōn jen kolan got, im men ko otemjej rar kōmōn jen wijki, komin karreo kom kaki.

21 Im Iliezar pris eo, e ar ba ñōn ro dri tōrinae, ro rar ilen tōrinae, Eñin kien eo Jeova e ar jiroñ Moses: 22 ijoke, gold, im silver, im jinibōrōrō, im māl, im jinibor, im led, 23 men otemjej re maroñ berwōt ilo ki-

jeek, komin karreoiki kin kijeek, inem e naj erre; ijoke, ren karreoiki kin dren eo ñõn jab erre: im jabrewõt eo e ban ber ilo kijeek, kom naj karreoike kin dren. 24 Im komin kwoli nuknuk ko ami ilo ran eo ken ka jiljilimjuõn, im kom najerre; im tokelik kom naj dreloñtok iloan kamp eo.

25 Im Jeova e ar konono ñõn Moses, im ba, 26 Kwon bukot oran men in rakim rar bõktok, armij im kiru, kwe im Iliezar pris eo, im jiõb ro an moko imõn ro jimair an jar eo; 27 im komin ajej men in rakim ko ilo ruo mõtõn: ñõn man ro rar jela tõrinae, ro rar ilen tõrinae, im aolepen jar eo. 28 Im komin bõk owõj, ñõn Jeova jen ro rar ilen tõrinae: juõn ian limabuki, ian armij, im kau ko, im ass ko, im bwijin jip im got ko: 29 komin bõki jen mõtõn eo air, im lelok ñõn Iliezar pris eo, bwe en jurtak in jebõke an Jeova. 30 Im jen mõtõn an ro nejin Israel, komin bõk juõn ian limñoul, ian armij ro, im kau ko, im ass ko, im bwijin jip im got ko otemjej, im komin lilok ñõn ro dri Livai, ro rej kejbãrok imõn kabere an Jeova. 31 Im Moses im Iliezar pris eo, rar kõmõn einwõt Jeova e ar jiroñ Moses.

32 Ak men in rakim ko, eor jen men in rakim ro dri tõrinae rar bõki, jiljino buki jiljilimjuõnñoul lailim tausan jip, 33 im jiljilimjuõnñoul ruo tausan ox, 34 im jiljinoñoul juõn tausan ass, 35 im jilñoul ruo tausan armij, kõra ro re jañin jela man kin babu iben. 36 Im jibilkwon, kij an ro rar ilen tõrinae, oran jilu buki jilñoul jiljilimjuõn tausan limabuki jip: 37 im owõj eo an Jeova jen jip ko, jiljino buki jiljilimjuõnñoul lailim. 38 Im ox ko jilñoul jiljino tausan; owõj an Jeova jen ir, jiljilimjuõnñoul ruo. 39 Im ass ko jilñoul tausan limabuki; owõj an Jeova jen ir, jiljinoñoul juõn. 40 Im armij ro joñoul jiljino tausan; owõj an Jeova, jilñoul ruo armij. 41 Im Moses e ar lelok owõj eo, jurtak in jebõke an Jeova, ñõn Iliezar pris eo, einwõt Jeova e ar jiroñ Moses.

42 Im jen jibilkwon eo an ro nejin Israel, eo Moses e ar kijbil jen ro rar tõrinae, 43 (ak kij eo an jar eo, jilu buki jilñoul jiljilimjuõn tausan limabuki jip, 44 im jilñoul jiljino tausan ox, 45 im jilñoul tausan limabuki ass, 46 im joñoul jiljino tausan armij), 47 aet, jen mõtõn an ro nejin Israel, Moses e ar kajuju jen limñoul, armij im kiru, im e ar lilok ñõn ro dri Livai, ro rar kejbãrok imõn kabere an Jeova; einwõt Jeova e ar jiroñ Moses.

48 Im ro reutiej ion tausan ko an jar in tõrinae, kapen ro an tausan ko, im kapen ro an buki ko, rar druaklok ñõn Moses; 49 im rar ba ñõn Moses, Kim, ro dri korijerõm, ar bwini ro dri tõrinae, ro kim ar lale ir, im ejelok juõn iame joko. 50 Im kim ar bõktok jurtak ñõn Jeova, jabrewõt men eo jabrewõt armij e ar bõk, inek ko gold, lukjen ne ko, im lukoñ pã ko, luko in sil ko, drere ko, im marmar ko, bwe kimin kõmõn kilajrõk ñõn am iman Jeova. 51 Im Moses im Iliezar pris eo, rar bõk gold eo jen ibeir, inõk ko otemjej emwij kõmõni. 52 Im aolepen gold eo jurtak in jebõke, rar lelok ñõn Jeova, jen iben kapen ro an tausan ko, im kapen ro an buki ko, joñoul jiljino tausan jiljilimjuõn buki limñoul shekel. 53 (Bwe ro dri tõrinae rar bõk men in rakim, jabrewõt armij ñõn e mõke.) 54 Im Moses im Iliezar pris eo, rar bõk gold jen kapen in tausan ko, im buki ko, im bõktok e ñõn iloan imõn kwelok eo, bwe en men in kemem ñõn ro nejin Israel iman Jeova.

32 Kiõ iben ro nejin Ruben im iben ro nejin Gad e kanuij lõñ kiru, kau, jip im got: im ke rar lo ene Jezer, im ene Giliad, bwe, lo, jikin ekar ñõn kiru ko; 2 ro nejin Ruben im ro nejin Gad rar item konono ñõn Moses, im ñõn Iliezar pris eo, im ñõn iroj ro an jar eo, im ba, 3 Aterot, im Daibon, im Jezer, im Nimra, im Heshbon, im Iliela, im Sibam, im Nibo, im Bion, 4 eneo Jeova e ar mõn iman jar in Israel, juõn ene emõn ñõn kiru ko; im eor kiru ibem, ro dri korijerõm.

5 Im rar ba, Elaŋe kim ar lo joiŋ iman mejōm, ren letok ene in nōn kim ro dri korijerōm, im en am; kwon jab aŋinlok kim im elā jen Jordan.

6 Im Moses e ar ba nōn ro nejin Gad im nōn ro nejin Ruben, Ro jeōmi im jātōmi ren ilen tōrinae im komij jijōt wōt ijin ke? 7 Im etke komij kabwer buruen ro nejin Israel jen air elālok nōn eneo Jeova e ar letok nōn ir? 8 Ein drein ro jimami rar kōmōn ke I ar jilkinlok ir jen Kedesh Barnia, bwe ren wate eneo. 9 Bwe ke rar wōnliŋlok nōn komlōl Eshkol, im lo eneo, rar kabwer buruen ro nejin Israel, bwe ren jab dreloŋ ilo eneo Jeova e ar lelok nōn ir. 10 Im e ar bwil illu an Jeova ilo ran eo, im E ar kanōjniŋ, im ba, 11 Emol ejelok juōn ian armij ro rar wōnliŋtok jen Ijpt, ridtōn roŋoul yiō im jima, e naj lo eneo I ar kanōjniŋ kake nōn Ebrean, nōn Aisak, im nōn Jakob; kin air jab lor Iō wōt; 12 I jab ba kin Keleb nejin Jepunne dri Keniz, im Joshua nejin Nōn; bwe rar lore wōtJeova. 13 Im e ar bwil illu an Jeova nae Israel, im E ar kōmōn bwe ren jebwābwe im itoitōk ilo ene jemaren iomin eŋoul yiō, mae ien aolepen ebeben eo, ro rar kōmōn nana iman mejen Jeova, re joko. 14 Im lo, kom ar binej jenkwon ro jememi, armij re nana im re lōŋlok, bwe komin kalaplok wōt illu elap an Jeova nae Israel. 15 Bwe elaŋe kom jeorlok jen ami lor E, E naj bar likit ir na ilo ene jemaren; im kom naj kakkure armij rein otemjej.

16 Im rar druaklok nōn e, im ba, Kim naj kōmōnmōn worwor in jip, nōn kiru ko am, im jikin kwelok ko nōn ajiri ro nejem: 17 a kim naj pojōk, im ken tōrinae ibem, bwe kimin ilok iman ro nejin Israel, mae ien am naj aŋinlok ir nōn jikir: im ajiri ro nejem re naj jokwe ilo jikin kwelok ko re bin, kin ke ro dri enin rej berwōt. 18 Kim jamin jeblak nōn moko imwem, mae ien ro nejin Israel, jabrewōt iair, rej bōk air jolit. 19 Bwe kim jamin jolit ibeir i Jordan jabueo im manlok; kin ke am jolit e ar buŋ nōn kim i rear in Jordan.

20 Im Moses e ar ba nōn ir, Elaŋe komij kōmōn men in, elaŋe komij bōk ken tōrinae ko ami, im ilok iman Jeova nōn tōrinae eo, 21 im jabrewōt iami, an ken tōrinae iben, ej elā jen Jordan iman Jeova, mae ien an lujeljelilok ro dri kijirāte jen iman, 22 im rej bōk anjo jen dri eneo iman Jeova; inem tokelik kom naj jeblak, im ejelok ruōmi iman Jeova, im iman Israel; im eŋin e naj ami jolit iman Jeova. 23 A elaŋe kom jab kōmōn einwōt, lo, kom ar jerawiwi nae Jeova; im komin kanuij jela bwe ami jerawiwi e naj lo kom. 24 Komin kalek jikin kwelok ko nōn ajiri ro nejōmi, im worwor ko nōn jip ko ami; im kōmōn men eo e ar walok jen loŋimi. 25 Im ro nejin Gad, im ro nejin Ruben rar konono nōn Moses, im ba, Kim dri korijerōm, naj kōmōn einwōt aō iroiŋ ej jiroŋ kim. 26 Ajiri ro nejem, kōra ro belem, bwij ko am, im kiru ko otemjej, re naj ber ijo ilo jikin kwelok ko an Giliad; 27 a kim, dri korijerōm, naj elālok, jabrewōt armij e pojōk nōn tōrinae, iman Jeova, nōn tōrinae, einwōt aō irioiŋ ej ba.

28 Ein drein Moses e ar jiroŋ kin ir nōn Iliezar pris eo, im Joshua nejin Nōn, im nōn jiōb ro in moko imōn ro jimair an bwijin ro nejin Israel. 29 Im Moses e ar ba nōn ir, Elaŋe ro nejin Gad im ro nejin Ruben rej elā ibemi jen river Jordan, jabrewōt armij e pojōk nōn torinae, iman Jeova, im rej bōk anjo jen eneo imami; inem kom naj lelok nōn ir ene Giliad bwe en air: 30 a elaŋe re jab kōnan elālok ibemi, im pojōk nōn tōrinae, ren bōk air kij ibemi ilo ene Kenean. 31 Im ro nejin Gad, im ro nejin Ruben, rar uak im ba, Einwōt Jeova e ar ba nōn kim, dri korijerōm, ein drein kim naj kōmōn. 32 Kim naj elālok, im pojōk nōn tōrinae, iman Jeova, nōn enen Kenean, im kij eo, am jolit, e naj ibem i rear in Jordan.

33 Im Moses e ar lelok nōn ir, nōn ro nejin Gad, im nōn ro nejin Ruben, im nōn jibilkwon bwijin Menassa, nejin Josep, enen Saihon kiŋ in dri Amor, im enen Og kiŋ in Beshan,

eneo iben jikin kwelok ko an, im tō-  
 reren ko air, aet, jikin kwelok ko im  
 eneo iturir. 34 Im ro nejin Gad rar  
 kalek Daibon, im Aterot, im Aroer,  
 35 im Atrot-shopan, im Jezer, im  
 Jogbiha, 36 im Bet-nimra, im Beth-  
 heran: jikin kwelok ko eor air wor-  
 wor, im worwor ko ñōn jip ko. 37  
 Im ro nejin Ruben rar kalek Hesh-  
 bon, im Iliela, im Kiriатеim, 38 im  
 Nibo, im Beal-mion, (emwij ukot et-  
 airro,) im Sibma: im rar lelok etair  
 ein juōn ñōn jikin kwelok ko rar ka-  
 leki. 39 Im ro nejin Mekir, leo nejin  
 Menassa, rar ilok ñōn Giliad, im ra-  
 kimi, im kobajlok ro dri Amor rar ber  
 ie. 40 Im Moses e ar lelok Giliad  
 ñōn Mekir nejin Menassa; im e ar  
 jokwe ie. 41 Im Jeir, leo nejin Me-  
 nassa, e ar ilok im rakimi jikin kwe-  
 lok ko an, im e ar naetair Havot-je-  
 ir. 42 Im Noba e ar ilok im rakimi  
 Kinat, im jikin kwelok ko redrik wu-  
 jen, im naetan Noba, einwōt etan.

**33** Irkein etetal ko an ro nejin  
 Israel, ke rar drioiĵlok jen enen  
 Iĵipt, kin jar in tōrinae ko air, iomin  
 pein Moses im Aron. 2 Im Moses e  
 ar jeje air drioiĵlok ekar ñōn etetal ko  
 air, kin kien Jeova: im irkein etetal  
 ko air, ekar ñōn air drioiĵlok. 3 Im  
 rar etal jen Ramisis ilo aliñ eomokta,  
 ran eo ken ka joñoul lailim an aliñ eo;  
 ran eo ilju elikin kwoĵkwoĵ in kijone,  
 ro nejin Israel rar drioiĵlok kin pā  
 eutieĵ, iman mejen dri Iĵipt otemjeĵ,  
 4 ke ro dri Iĵipt rar kalibwin manjier  
 otemjeĵ, ro Jeova e ar mōn ir iolapir:  
 bareinwōt Jeova e ar kōmōn ekajet  
 ion ekjōp ko air.

5 Im ro nejin Israel rar etal jen Ra-  
 nisis im kajur im i Sōkkot. 6 Im rar  
 etal jen Sōkkot im kajur im i Itam,  
 eo i tōreran ene jemaren. 7 Im rar  
 etal jen Itam im jeblak ñōn Pai-he-  
 hairot, eo ej iman Beal-zipon: im rar  
 kajur im iman Migdol. 8 Im rar etal  
 jen iman Hehairot, im etal ilujen lo-  
 malo eo ñōn ene jemaren: im rar etal  
 iomin jilu ran ilo ene jemaren Itam, im  
 rar kajur im i Mera. 9 Im rar etal  
 jen Mera, im tōbar Ilim: im i Ilim jo-  
 ñoul ruo unin dren, im jiljilimjuōn-

ñoul wijki pam; im rar kajur im ijo.  
 10 Im rar etal jen Ilim, im kajur im  
 ebak lomalo Ekilmir. 11 Im rar etal  
 jen lomalo Ekilmir, im kajur im ilo  
 ene jemaren in Sin. 12 Im rar etal  
 jen ene jemaren Sin, im kajur im i  
 Dopka. 13 Im rar etal jen Dopka  
 im kajur im i Alush. 14 Im rar etal  
 jen Alush, im kajur im i Repidim, ijo  
 ejelok dren limen armij ro. 15 Im  
 rar etal jen Repidim, im kajur im i  
 ene jemaren in Sainai. 16 Im rar  
 etal jen ene jemaren Sainai, im kajur  
 im i Kibrot-hatteava. 17 Im rar etal  
 jen Kibrot-hatteava, im kajur im i  
 Hazirot. 18 Im rar etal jen Hazirot,  
 im kajur im i Ritma. 19 Im rar etal  
 jen Ritma, im kajur im i Rimmon-  
 pirez. 20 Im rar etal jen Rimmon-  
 pirez, im kajur im i Libna. 21 Im  
 rar etal jen Libna, im kajur im i Ri-  
 sa. 22 Im rar etal jen Risa, im ka-  
 jur im i Kiheleta. 23 Im rar etal  
 jen Kiheleta, im kajur im i tol Shiper.  
 24 Im rar etal jen tol Shiper, im ka-  
 jur im i Hareda. 25 Im rar etal jen  
 Hareda, im kajur im i Makilot. 26  
 Im rar etal jen Makilot im kajur im i  
 Tehat. 27 Im rar etal jen Tehat, im  
 kajur im i Tira. 28 Im rar etal jen  
 Tira, im kajur im i Mitka. 29 Im  
 rar etal jen Mitka, im kajur im i  
 Hashmona. 30 Im rar etal jen  
 Hashmona, im kajur im i Mosirot.  
 31 Im rar etal jen Mosirot, im ka-  
 jur im i Bene-jeakan. 32 Im rar  
 etal jen Bene-jeakan, im kajur im  
 i Hor-hagigdad. 33 Im rar etal  
 jen Hor-hagigdad, im kajur im i  
 Jotbata. 34 Im rar etal jen Jotba-  
 ta, im kajur im i Abrona. 35 Im  
 rar etal jen Abrona, im kajur im i  
 Izion-giber. 36 Im rar etal jen  
 Izion-giber, im kajur im ilo ene je-  
 maren Zin, (eñin Kedesĵ). 37 Im  
 rar etal jen Kedesĵ, im kajur im i tol  
 Hor, i tōreran enen Idom.

38 Im Aron, pris eo, e ar wōnliñ-  
 lok ilo tol Hor, kin kien Jeova, im  
 mij ijo, ilo yiō eo ken ka eñoul, jen  
 ien eo ro nejin Israel rar drioiĵtok  
 jen enen Iĵipt, ilo aliñ eo ken ka lai-  
 lim, ran eo mokta ilo aliñ eo. 39 Im



ridtōn Aron jibuki roñoul jilu yiō, ke e ar mij ilo tol Hor.

40 Im dri Kenean, kiñ in Erad, eo e ar jokwe irōk ilo enen Kenean, e ar roñ kin an ro nejin Israel itok.

41 Im rar etal jen tol Hor, im kajur im i Zalmona. 42 Im rar etal jen Zalmona, im kajur im i Punon. 43 Im rar etal jen Punon, im kajur im i Obot. 44 Im rar etal jen Obot, im kajur im i Iye-abarim, i tōreran Moab. 45 Im rar etal jen Iyim, im kajur im i Daibon-gad. 46 Im rar etal jen Daibon-gad, im kajur im i Almon-diblateim. 47 Im rar etal jen Almon-diblateim, im kajur im i tol ko in Abarim, iman Nibo. 48 Im rar etal jen tol ko in Abarim, im kajur im ilo ene emōn biken an Moab, ebak Jordan, iturin Jeriko. 49 Im rar kajur im ebak ñōn Jordan, jen Bet-jeshimot ñōn Ebel-shittim, ilo ene emōn biken an Moab.

50 Im Jeova e ar konono ñōn Moses ilo ene emōn biken an Moab, iturin Jeriko, im ba, 51 Kwon konono ñōn ro nejin Israel, im ba ñōn ir, Ñe komij elā jen Jordan ñōn enen Kenean, 52 inem komin ubakelok dri ene otemjej imami, im kokkure dreka air otemjej men in e, im kokkure men in e ko air re unlok, im kokkure jikin ko air reutiej : 53 im kom naj bōk eneo im jokwe ie ; bwe I ar lewoj eneo ñōn kom, ami jolit. 54 Im kom naj bōk eneo, ami jolit, kin kakōle, ekar ñōn ro nukimi; ñōn ro relōñ komin lelok jolit elaplok, im ñōn ro reit komin lelok jolit eriklok : ijo jabrewōt kakōle ej buñ ñōn juōn armij, eñeo e naj an ; einwōt bwij ko bwijin ro jimami, kom naj bōk ami jolit. 55 A elañe kom jab kōnan ubakelok ro dri eneo jen imami, inem ro iair komij likit ir bwe ren berwōt, re naj <sup>1</sup> einwōt men ko rekōñ ilo mejemi, im einwōt kälklik ko ilo katōmi, im re naj kejjorran kom ilolan eneo ijo komij jokwe. 56 Im men in e naj walok, einwōt I ar lemnok in kōmōn ñōn ir, ein drein I naj kōmōn ñōn kom.

<sup>1</sup> Josh. 23. 13.

34 Im Jeova e ar konono ñōn Moses, im ba, 2 Kwon jiroñ ro nejin Israel, im ba ñōn ir, Ñe komij dreloñ ilo enen Kenean, (eñin eneo e naj walok ñōn kom ami jolit, aet, enen Kenean, ekar ñōn belakin), 3 inem ami mōtōn irōk e naj jen ene jemaren Zin, iturin Idom, im ami tōreran irōk e naj jen jabōn lomalo Jā-tōk irear; 4 im ami tōreran e naj jeōr ñōn rōk, jen wōnliñlok an Akrab-bim, im ilok ñōn Zin; im e naj drioi-jlok irōk jen Kedesh-barnia; im e naj ilok ñōn Hezar-addar, im ilok ñōn Azmon; 5 im tōreran e naj jeōr jen Azmon ñōn river erik an Ijpt, im jemlokōn naj i lomalo.

6 Im ami tōreran i kabilūñ, naj lomalo elap im tōreran: eñin e naj ami tōreran i kabilūñ.

7 Im eñin e naj ami tōreran eañ: jen lomalo elap komin kalikar ñōn kom tol Hor; 8 jen tol Hor kom naj kakōle ñōn mejāti in Hemat; im jemlokōn e naj i Zidad; 9 im tōreran eo e naj ilok ñōn Zipron, im jemlokōn e naj i Hezar-inan : eñin e naj ami tōreran eañ.

10 Im kom naj kakōle ami tōreran irear jen Hezar-inan ñōn Shipam; 11 im tōreran e naj wōnlōllok jen Shipam ñōn Ribla, i rear jen Ein; im tōreran e naj wōnlōllok, im e naj ilok ñōn turin lomalo Kineret i rear; 12 im tōreran e naj wōnlōllok ñōn Jordan, im jemlokōn e naj i lomalo Jā-tōk. Eñin e naj ami ene ekar ñōn belakin.

13 Im Moses e ar jiroñ ro nejin Israel, im ba, Eñin eneo kom naj jolit kin kakōle ko, eo Jeova e ar jiroñ in lelok ñōn bwij ko druatimjuōn, im ñōn bwij eo jibilkwon: 14 bwe bwijin ro nejin Ruben ekar ñōn moko imōn ro jimair, im bwijin ro nejin Gad ekar ñōn moko imōn ro jimair, im jibilkwon bwijin Menassa, rar bōk air jolit: 15 bwij ko ruo, im bwij eo jibilkwon rar bōk air kij irear in Jordan, ikijen Jeriko im irear, ñōn tak al.

16 Im Jeova e ar konono ñōn Moses, im ba, 17 Āt kein etan armij : eo

re naj ajej eneo ñōn kom, ami jolit: Iliezar pris eo, im Joshua nejin Nōn. 18 Im kom naj bōk juōn iroi jēn jabrewōt bwij, bwe en ajej eneo men in jolit. 19 Im āt kein etan armij ro: jēn bwijin Juda, Keleb nejin Jēpunne. 20 Im jēn bwijin ro nejin Simeon, Shemuel nejin Amihud. 21 Jēn bwijin Benjamin, Elidad nejin Kislōn. 22 Im jēn bwijin ro nejin Dan, juōn iroi jēn, Bukkai nejin Joglai. 23 Jēn ro nejin Josep: jēn bwijin ro nejin Menassa, juōn iroi jēn, Hannaiel nejin Ipod. 24 Im jēn bwijin ro nejin Ipreim, juōn iroi jēn, Kemuel nejin Shiptan. 25 Im jēn bwijin ro nejin Zebulun, juōn iroi jēn, Ilizepan nejin Parnak. 26 Im jēn bwijin ro nejin Issakar, juōn iroi jēn, Paltiel nejin Azzan. 27 Im jēn bwijin ro nejin Asher, juōn iroi jēn, Ehahud nejin Shelomai. 28 Im jēn bwijin ro nejin Naptalai, juōn iroi jēn, Pedehel nejin Amihud. 29 Rein ro Jeova e ar jiroñ ir bwe ren ajej jolit eo ñōn ro nejin Israel ilo enen Kenean.

**35** Im Jeova e ar konono ñōn Moses ilo ene emōn biken an Moab, iturin Jordan ikijen Jeriko, im ba, 2 Kwon jiroñ ro nejin Israel, bwe ren lelok ñōn ro dri Livai jēn jolit ko, air jikin kwelok ko bwe ren jokwe ilo ir; im wāto ko iturin jikin kwelok ko, komin lelok ñōn ro dri Livai. 3 Im jikin kwelok ko ren air bwe ren jokwe ie; im wujen ko air ñōn kau im jip ko air, im ñōn mweiuk ko mweiier, im ñōn kiru ko air otemjej. 4 Im wujen jikin kwelok ko komij lelok ñōn ro dri Livai, naj drilpen juōn tausan kubit jēn worwor in jikin kwelok, ijoko otemjej. 5 Im kom naj joñwe ilikin jikin kwelok, irear ruo tausan kubit, im irōk ruo tausan kubit, im i kabilūñ ruo tausan kubit, im eañ ruo tausan kubit, jikin kwelok eo eolap. Men in e naj ñōn ir, wujen jikin kwelok ko. 6 Im jikin kwelok ko komij lelok ñōn ro dri Livai, naj <sup>1</sup> jiljino jikin kwelok in kone, kom naj lelok ñōn ro dri kalanwōtwōt bwe en ko ñōn e: im bareinwōt,

komin lelok eñoul ruo jikin kwelok. 7 Jikin kwelok otemjej komij lelok ñōn ro dri Livai, naj eñoul dualitōk jikin kwelok; irkein kom naj lelok kab ijoko wujeir. 8 Im kin jikin kwelok ko komij lelok jēn ko an ro nejin Israel, jēn ro relōñ, komin bōk elōñ; im jēn ro reit, komin bōk eit: jabrewōt ekar ñōn men in jolit eo an, en lelok jēn jikin kwelok ko an ñōn ro dri Livai.

9 Im Jeova e ar konono ñōn Moses, im ba, 10 Kwon konono ñōn ro nejin Israel, im ba ñōn ir, Ñe komij elā jēn Jordan ilo enen Kenean, 11 Inem komin kejenolok jikin kwelok ko bwe ren jikin kwelok in kone ñōn kom, bwe dri kalanwōtwōt, eo ej mōn jabrewōt kin lanwōtwōt, en ko ñōn e. 12 Im jikin kwelok ko re naj ñōn kom jikin kone jēn dri kwi, bwe dri kalanwōtwōt en jab mij mokta jēn an jutōk iman jar eo kin ekajet. 13 Im jikin kwelok ko komij lelok, naj ñōn kom jiljino jikin kwelok in kone. 14 Komin lelok jilu jikin kwelok irear in Jordan, im komin lelok jilu jikin kwelok ilo enen Kenean; ren jikin kwelok in kone. 15 Jikin kwelok kein jiljino, kin kone naj ñōn ro nejin Israel, im ñōn drua maijet, im dri itoitōk ibeir; im jabrewōt eo ej mōn juōn armij kin lanwōtwōt, en maroñ in ko ñōn e.

16 A elañe e ar mōn e kin māl, bwe en mij, inem ej dri uror: emol dri uror en mij. 17 Im elañe e ar wure kin juōn dreka ilo pein, juōn e maroñ in mij kake, einwōt bwe en mij, ej dri uror: emol dri uror en mij. 18 Ak elañe e ar dreñlokwe kin alal ilo pein, juōn e maroñ in mij kake, einwōt bwe en mij, ej dri uror: emol dri uror en mij. 19 Dri kwi kin bōtōktōk en mōn dri uror: ñe ej wōnmae e, en mōn e. 20 Im elañe e ar wakari kin kijirāt, ak kare ke ej kebao, einwōt bwe en mij, 21 ak ilo kijirāt e ar jekanunōk e kin pein, einwōt bwe en mij; emol eo e ar jekanunōk en mij: ej dri uror; dri kwi kin bōtōktōk, en mōn dri uror, ñe ej wōnmae.

22 Elañe e ar wakare mōkōj im e  
171

ar jab kijirāte, ak kare kin jabrewōt, im jab kebao, 23 ak kin jabrewōt dreka, juōn e maroñ in mij kake, im ar jab loe, ak jolok e na ion, einwōt bwe en mij, a e jab dri kijirāte, im e ar jab bukot an jorran; 24 inem jar eo en ekajet ikōtan dri mōn, im dri kwi kin bōtōktōk, ekar ñōn kien kein; 25 im jar eo e naj kōtlōk dri mōn armij, jen pein dri kwi kin bōtōktōk, im jar eo e naj kajebak e ñōn jikin kwelok in kone, ijo e ar ko ñōn e: im e naj jokwe ie ñōn ter eo pris elap emij, eo re kar kabit e kin oil e kwo-jarjar. 26 A elañe dri kalanwōtwōt eo ej ilok jen tōreren jikin kwelok in kone eo an jabrewōt ien, im e kar kone, 27 im dri kwi kin bōtōktōk ej lo e ilikin belakin jikin kwelok in kone, im dri kwi kin bōtōktōk ej mōn dri kalanwōtwōt eo, e naj ejelok ru-ōn kin bōtōktōk. 28 Bwe emōn en kar ber iloan jikin kwelok in kone eo an, mae ien pris elap emij: a elikin mij an pris elap, dri kalanwōtwōt en jeblak ñōn enen jolit eo an.

29 Im men kein re naj kien ekajet ñōn kom, ilo ebeben ko ami ilo moko imwemi otemjej. 30 Jabrewōt eo ej urōte jabrewōt armij, ren mōn dri uror eo kin loñin ro dri kennan: a juōn wōt dri kennan e jamin liakelōk jabrewōt armij bwe en mij. 31 Bareinwōt komin jab bōk wōnan mour an dri uror, eo eor ruōn bwe en mij; a emol en mij. 32 Im komin jab bōk wōnan eo e ar ko ñōn jikin kone eo an, bwe en jeblaktok im jokwe ilo ene, mae ien an mij pris eo elap. 33 Ein drein komin jab kananaik eneo komij ber ie: bwe bōtōktōk ej kananaik ene; im re ban jolok ru-ōn ene kin bōtōktōk emwij katorlok e iloan, elañe jab kin bōtōktōkin eo e ar katorlok e. 34 Im komin jab kananaik eneo komij jokwe ie, eo Ña ij ber iolapin: bwe Ña, Jeova, Ij jokwe ilo bwiljin ro nejin Israel.

**36** Im jiōb ro an moko imōn ro jimair jen nukin ro nejin Giliad, nejin Mekir, nejin Menassa, jen ro nukin ro nejin Josep, rar druak-

tok, im konono iman Moses, im iman iroi ro, jiōb ro an moko imōn ro jimair an ro nejin Israel: 2 im rar ba. Jeova e ar jiroñ aō iroi bwe en lelok eneo ñōn jolit kin kakōle ñōn ro nejin Israel: im Jeova e ar jiroñ aō iroi bwe en lelok men in jolit an Zelothead, jeim im jātem, ñōn ro nejin kōra. 3 Im elañe rej belek jabrewōt nejin man jen bwij ko jet bwijin Israel, inem ren bōk air jolit jen jolit an ro jimam, im naj kobaik e ñōn jolit an bwij eo rej ber ibeir: ein drein re naj bōk e jen jolit eo am. 4 Im ñe yiō in jubili an ro nejin Israel, inem air jolit re naj kobaike ñōn jolit an bwij eo juōn, rej ber iben, ein drein naj bōk air jolit jen jolit an bwij eo bwijin ro jimam.

5 Im Moses e ar jiroñ ro nejin Israel einwōt nan an Jeova, im ba, Bwij eo an ro nejin Josep e jime an konono. 6 Eñin men eo Jeova ej jiroñ kin kōra ro nejin Zelothead, im Eba, Ren belek jabrewōt eo re kōnan; a ilo nukin bwijin jemeir wōt ren belele. 7 Ein drein ejelok jolit en ilok jen juōn bwij ñōn bar juōn; bwe bwij ko an ro nejin Israel ren edrep, jabrewōt iair, ñōn jolit eo an bwijin ro jiman. 8 Im jabrewōt nejin kōra, eor an jolit ilo jabrewōt bwijin ro nejin Israel, en belek juōn jen nukin bwijin jemen, bwe men in jolit an jiman en iben jabrewōt eman ian ro nejin Israel. 9 Ein drein ejelok jolit en ilok jen juōn bwij ñōn bar juōn; bwe bwij ko an ro nejin Israel, jabrewōt iair, en edrep ñōn men in jolit eo an.

10 Einwōt Jeova e ar jiroñ Moses, ein drein ro nejin kōra nejin Zelothead rar kōmōne: 11 bwe Mala, Tirza, im Hogla, im Milka, kab Noa, kōra ro nejin Zelothead rar belek ro nejin lōmaro jein ak jātīn jemeir. 12 Rar belele ilo nukin ro nejin Menassa, nejin Josep; im air jolit e ar berwōt ilo bwijin nukin jemeir.

13 Irkein kien ko, im ekajet ko, Jeova e ar jiroñ kin Moses ñōn ro nejin Israel i ene emōn biken an Moab iturin Jordan ikijen Jeriko.

# DUTERONOMI

**1** Irkein nan ko Moses e ar ba ñōn aolepen Israel irear in Jordan ilo ene jemaren, i Araba ikijen Sup, ikōtan Peran im Topel, im Leban, im Hazerot, im Dai-zehab. **2** Joñon etal joñoul juōn ran jen Horeb, ilo ial an tol Sier ñōn Kedesh-barnia. **3** Im ilo <sup>1</sup>yiō eo ken ka eñoul, ilo aliñ eo ken ka joñoul juōn, ilo ran eo mōkta in aliñ eo, Moses e ar konono ñōn ro nejīn Israel, <sup>2</sup>ekar ñōn men ko otemjej Jeova e ar lelok ñōn e, kien ko air; **4** elikin an <sup>3</sup>mōn Saihon kiñ an ro dri Amor, eo e ar jokwe i Heshben, im Og kiñ in Beshan, eo e ar jokwe i Ashterot i Edreai. **5** Irear in Jordan ilo enen Moab, Moses e ar jino in kwalok kien in, im ba, **6** Jeova ar Anij e <sup>4</sup>ar konono ñōn kij i Horeb, im ba: E bwe ami jokwe ilo tol in: **7** komin jeōr im etal, im ilok ñōn ene eutiej an ro dri Amor, im ñōn ene ko otemjej iturin, ilo Araba, ilo ene eutiej, im ilo ene etā, im irōk, im iturin lojit, ene an ro dri Kenean, im Lebanon, ñōn river eo elap, river Upretis. **8** Lo, emwij Aō likit eneo imami: komin dreloñ im bōk eneo Jeova e ar kanōjnij kake ñōn ro jimami, ñōn Ebream, ñōn Aisak, im ñōn Jakob, bwe en lelok ñōn ir im ñōn ineir elikir.

**9** Im I ar konono ñōn kom ien eo, im ba, Ña I ban inek kom mōke iaō: **10** Jeova ami Anij e ar korlok kom, im lo, ranin komij einwōt iju ko ilōñ kin ami lōñ. **11** Jeova, Anij an ro jimami, En korlok kom juōn tausan alen jen kiō, im kejerammōn kom, einwōt E ar kalimur ñōn kom. **12** Ekijkan aō mōke maroñ in inek ami jorran, im ami ine, im ami akwail?

**13** <sup>1</sup>Komin bōk ñōn kom armij ro re meletlet, im dri jelalokjen, im dri buñbuñ, ekar ñōn bwij ko ami, im I naj kairoij ir iomi. **14** Im kom ar uak iō im ba, Men eo kwar konono kake, emōn kimin kōmōne. **15** Inem I ar bōk jiōb ro an bwij ko ami, ro re meletlet, im re buñbuñ, im I ar kōmōn ir bōrōmi, kapen in tausan ko, im kapen in buki ko, im kapen in limñoul ko, im kapen in joñoul ko, im dri kabwijrōk, ekar ñōn bwij ko ami. **16** Im I ar jiroñ ro ami ekajet ilo ien eo, im ba, Komin roñjake men ko men in akwail ikōtan ro jeōmi im jātōmi, im komin ekajet jime ikōtan juōn armij im jein im jātin, im drua maijet eo ej ber iben. **17** Komin jab kaljiklok armij ilo ekajet; komin roñjake ro redrik im ro relap, einwōt juōn; komin jab mijōk mejen armij; bwe an Anij ekajet eo: im men in ekajet eo ebin ñōn kom, komin bōktok ñōn iō, im I naj roñjake. **18** Im I ar jiroñ kom men ko otemjej emōn komin kōmōne.

**19** Im jar etal jen Horeb, im driblok aolepen ene jemaren eo elap im men in lelñōñ, eo kom ar loe, ilo ial ñōn ene eutiej an ro dri Amor, einwōt Jeova aruij Anij e ar jiroñ kij: im jar itok ñōn Kedesh-barnia. **20** Im I ar ba ñōn kom, Emwij ami itok ñōn ene eutiej an ro dri Amor, eo Jeova aruij Anij ej letok ñōn kij. **21** Lo, Jeova ami Anij e ar likit eneo imami: komin wōnliñlok im bōke, einwōt Jeova, Anij an ro jimami, E ar konono ñōn kom; komin jab mijōk, ak lokjenami. **22** Im <sup>2</sup>kom ar druaktok ñōn iba, jabrewōt iami, im ba, Jen jilkinlok armij imar, bwe ren wate eneo ñōn kij, im bōktok ñōn kij nan kin

<sup>1</sup> Bwin. 33. 38.  
<sup>4</sup> Bwin. 10. 11-13.

<sup>2</sup> jap. 4. 1. 2.

<sup>3</sup> Bwin. 21. 24. 25.

<sup>1</sup> Ex. 18. 21. <sup>2</sup> Bwin. 13. 1-3.

ial eo jen wōnliñlok ie, im kin jikin kwelok ko jej ilok ñōni. 23 Im men eo ej kabuñburuō; im I ar bōk joñoul ruo armij iami, ejeju wōt jen bwij: 24 im rar jeōr im wōnliñlok ilo tol eo, im ilok ñōn komlōl Eshkol, im wate. 25 Im rar bōk jen leen eneo ilo peir, im bōklōltok ñōn kij, im bōk-tok nan, im ba, Eneo, Jeova aruij Anij ej letok ñōn kij, emōn wōt.

26 Ijoke, <sup>1</sup>kom ar jab kōnan wōnliñlok, a kom ar kabata nae kien Jeova ami Anij: 27 im kom ar wanōketak ilo moko imwemi, im ba, Kin an Jeova kijirāte kij, E ar kadrioihtok kij jen enen Ijpt, bwe En ketōke kij ñōn pein ro dri Amor, bwe ren mōn kij. 28 Je naj wōnliñlok ia? ro jeer im jāter rar kaunlok buruer kin air ba, Armij ro relap im re aitok jen kij; jikin kwelok ko relap wōt im re utiej ñōn lōñ; im bareinwōt kim ar lo ro nejin ro dri Enak ijo. 29 Ien eo I ar ba ñōn kom, Komin jab lelñōñ, ak mijōk ir. 30 Jeova ami Anij, Eo ej ilok imami, E naj tōrinae ñōn kom, einwōt E ar kōmōn ñōn kom i Ijpt iman mejemi, 31 im ilo ene jemaren, ijo kom ar lo ekijkan <sup>2</sup>Jeova, ami Anij, E ar bōk kom, einwōt juōn eman ej bōk ladrik eo nejin, ilo aolepen ial eo ijo kom ar etal ie, mae ien ami itok ñōn ijin. 32 Ijoke, ilo men in kom ar jab tōmak Jeova ami Anij, 33 <sup>3</sup>Eo e ar ilok imami, bwe En kabukot jikin kajur moko imwemi, kin kijeek ilo boñ, bwe En bakajen ial eo komin etal ie, kin kōro ilo ran.

34 Im Jeova e ar roñjake ainiken nan ko ami, im E ar illu, <sup>4</sup>im E ar kanōjnij, im ba, 35 Emol ejelok juōn ian armij rein an ebeben in e nana, e naj lo ene emōn, eo I ar kanōjnij bwe In lelok ñōn ro jimami, 36 ak Keleb wōt, nejin Jepunne; e najloe; im I naj lelok ñōn e <sup>5</sup>eneo e ar jure, im ñōn ro nejin, bwe e ar lor wōt Jeova. 37 Bareinwōt, <sup>6</sup>Jeova e ar illu iba kin kom, im ba, <sup>7</sup>Bareinwōt kwe, kwo jamin dreloñlok ijo: 38 Joshua

nejin Nōn, eo ej jutōk imam, e naj dreloñlok ijo: kwon kaberan e; bwe eo e naj kōmōn bwe Israel en jolit eneo. 39 Bareinwōt, <sup>1</sup>ajiri ro nejem, ro kom ar ba re naj men in rakim, im ro nejem, ro re jaje emōn ak nana ranin, re naj dreloñlok ijo, im ñōn ir I naj lelok bwe en air jolit. 40 A kin kom, komin jeōr im etallok ñōn ene jemaren, ilo ial ñōn lomalo Ekilmir.

41 Inem kom ar uak, im ba ñōn iō, Kim ar jerawiwi nae Jeova, kim naj wōnliñlok im tōrinae, einwōt men otemjej Jeova am Anij e ar jiroñ kim kake. Im kom, jabrewōt iami, kom ar lukwoj ami ken tōrinae, im mōkarkar in wōnliñlok ñōn eneo eutie. 42 Inem Jeova e ar ba ñōn iō, Kwon ba ñōn ir, Komin jab wōnliñlok, ak tōrinae; bwe Ña, I jab ber ibemi; ñe kom ab joko iman ro dri kijirāte kom. 43 Ein drein I ar konono ñōn kom, im kom ar jab eoroñ iō; ak kom ar kabata nae kien Jeova, im kom ar mōkarkar im wōnliñlok ilo eneo eutie. 44 Im <sup>2</sup>ro dri Amor, ro rar jokwe ilo ene eutie, rar drioihtok nae kom, im lujeljeli kom, einwōt bi ko, im jolōllok kom ilo Sier, aet, ñōn Horma. 45 Im kom ar jeblaktok im jōñ iman Jeova; a Jeova e ar jab eoroñ ainikemi, ak roñjake kom. 46 Ein drein kom ar berwōt i Kedesh iomin elōñ ran, ekar ñōn ran ko kom ar jokwe ijo.

2 Inem jar jeōr, im etallok ilo ene jemaren ilo ial ñōn lomalo Ekilmir, einwōt Jeova e ar ba ñōn iō; im jar etal iturin tol Sier elōñ ran. 2 Im Jeova e ar konono ñōn iō, im ba, 3 E bwe ami etal iturin tol in: komin jeōr niñalok. 4 Im kwon jiroñ armij ro, im ba, Kom naj driblok tōreren ro jeimi im jātōmi, ro nejin Iso, ro rej jokwe ilo Sier; im re naj mijōk kom. Inem komin kanuij lale kom; 5 komin jab akwaile ir; bwe I jamin lewoj ñōn kom mōtōn eneo eneir, jab ridtōn lobiren ne; bwe emwij Aō lelok tol Sier ñōn ro nejin Iso bwe en air. 6 Kom naj wiaik kije-

<sup>1</sup> Bwin. 14. 1-4. <sup>2</sup> Jerb. 13. 18. <sup>3</sup> Bwin. 9. 15. 23. <sup>4</sup> Bwin. 14. 23-30. <sup>5</sup> Josh. 14. 9. <sup>6</sup> Bwin. 20. 12. <sup>7</sup> Bwin. 27. 13.

<sup>1</sup> Bwin. 14. 3, 31. <sup>2</sup> Bwin. 14. 45.



mi jen ir kin mōnni, bwe komin mō-  
ña; im kom naj wiaik dren jen ir kin  
mōnni, limemi. 7 Bwe Jeova, ami  
Anije ar kejerammōn kom ilo aolepen  
jerbal in peimi: E ar jela ami etal  
ilujen ene jemaren in elap: iomin  
eñoul yiō kein, Jeova ami Anij e ar  
ber ibemi; ejelok ami aikwij. 8 Ein  
drein jar elā jen ro jeer im jāter, ro  
nejin Iso, ro rej jokwe ilo Sier, jen  
ial an Araba, jen Ilat, im Izion-gi-  
ber.

Im jar jeōr im etal ilo ial an ene je-  
maren an Moab. 9 Im Jeova e ar ba  
ñōn iō, Komin jab kejjorran Moab, im  
jab tōrinaek ir; bwe I jamin lewoj  
jen enen, bwe en ami; bwe emwij Aō  
lelok Ar ñōn ro nejin Lot, bwe en air.  
10 (Ro dri Emim rar jokwe ijo mok-  
ta, armij ro relap, im relōñ, im re  
aitok, einwōt ro nejin Enak: 11 rej  
likit rein Ripeim, einwōt ro dri Enak;  
a ro dri Moab rar naetair Emim. 12  
Ro dri Hor; bareinwōt rar jokwe ilo  
Sier mokta, a ro nejin Iso rar kobaj  
ir; im rar mōn ir imair, im jokwe ilo  
jikir; einwōt Israel e ar kōmōn ilo  
eneo e ar bōk bwe en an, eo Jeova e  
ar lelok ñōn e). 13 Inem komin jer-  
kak, im elā jen wea Zired. Im jar  
elā jen wea Zired. 14 Im ilo ran ko  
jar itok jen Kedesh-barnia, mae ien  
jar elā jen wea Zired, jilñoul dru-  
atimjuōn yiō; mae ien ebeben an ro  
dri tōrinae otemjej rar joko jen ilujen  
kamp eo, einwōt Jeova e ar kanōjni  
ñōn ir. 15 Bareinwōt, pein Jeova e  
ar jumae ir, im kokkure ir jen ilujen  
kamp eo, mae ien re joko otem joko.

16 Ein drein ke dri tōrinae otemjej  
rar joko im mij jen iben armij ro, 17  
inem Jeova e ar konono ñōn iō, im  
ba, 18 Ranin kom naj elā jen Ar, tō-  
reren Moab: 19 im ñe komij kebak-  
lok ijo ikijen ro nejin Amon, komin  
jab kejjorran ir, im jab akwaile ir;  
bwe I jamin lewoj jen enen ro nejin  
Amon bwe en ami; bwe emwij Aō le-  
lok ñōn ro nejin Lot bwe en air. 20  
(Bareinwōt rej likite enen dri Ri-  
peim: ro dri Ripeim rar jokwe ie  
mokta; a ro dri Amon rej naetair dri  
Zamzumim, 21 armij relap, im relōñ,

im re aitok, einwōt ro dri Enak; a  
Jeova e ar kokkure ir imair; im rar  
binej jenkwair, im jokwe ilo jikir;  
22 einwōt E ar kōmōn kin ro nejin  
Iso, ro rej jokwe ilo Sier, ke E ar kok-  
kure ro dri Hor jen imair; im rar bi-  
nej jenkwair, im jokwe ilo jikir ñōn  
ien in. 23 Im dri Avim, ro rar  
jokwe ilo jikin kwelok ko redrik ñōn  
Geza, ro dri Kaptor, rar drioiytok jen  
Kaptor, im kokkure ir, im jokwe ilo  
jikir). 24 Komin jerkak, etallok, im  
elā jen komlōl in Arnon: lo, I ar lewoj  
ilo peimi, Saihon dri Amor, kiñ in  
Heshbon, im eneo an; komin jino in  
bōke, im tōrinaek e. 25 Ranin I naj  
jino in likit kokomak kin kom im mi-  
jōk kin kom ion dri ailiñ ko, ro rej  
ber iomin aolepen lōñ, ro re naj roñ-  
jake nan kin kom, im re naj wuririr,  
im iñtan kake kom.

26 Im I ar jilkinlok ro dri jilik jen  
ene jemaren in Kidmot, ñōn Saihon  
kiñ in Heshbon, im nan ko nan in  
inimōn ibeir, im ba, 27 Kwon likit  
bwe in etal ilujen ene ne am: I naj  
etal ilo ial elap, I jamin jeōrlōk ñōn an-  
bijmaroñ ak anmiñ. 28 Kwo naj  
wiakake ekōn kin mōnni bwe in mō-  
ña; im letok dren kin mōnni bwe in  
irak: men in wōt, in driblok kin neiō;  
29 einwōt ro nejin Iso rej jokwe i  
Sier, im ro dri Moab rej jokwe i Ar,  
rar kōmōn ñōn iō; mae ien eo ij elā  
jen Jordan, ñōn eneo Jeova am Anij  
ej letok ñōn kim. 30 A Saihon, kiñ  
in Heshbon e ar jab kōnan bwe jen  
elā jen e; bwe Jeova ami Anij e ar  
kabin an, im kōmōn bwe buruen en  
bōt, bwe En maroñ in kōtlok e ñōn  
peimi, einwōt ranin. 31 Im Jeova e  
ar ba ñōn iō, Lo, emwij Aō jino in  
ketok Saihon im eneo an imam: kwon  
jino in bōke, bwe kwon jolit eneo an.  
32 Inem Saihon e ar drioiytok nae  
kij, e im ro dron otemjej, ñōn tōri-  
nae i Jehaz. 33 Im Jeova aruij Anij  
e ar ketōke imar; im jar mōn e, im  
ro nejin, im armij ro dron otemjej.  
34 Im jar bōk jikin kwelok ko an  
otemjej ilo ien eo, im kanuij kokkure  
jabrewōt jikin kwelok ijo eor armij,  
e torlok bok, ejelok juōn jar likite:

35 kiru kowōt jar bōk men in rakim nōn kij, im mweiuk ko men in rakim jen jikin kwelok ko, jar bōki. 36 Jen Aroer, eo ej i tōreran komlōl in Arnon, im jen jikin kwelok eo ilo komlōl, aet nōn Giliad, ejelok juōn jikin kwelok re utiej jen kij; Jeova aruij Anij e ar ketōk aolep imar: 37 men in wōt, kom ar jab kebaklok nōn enen ro nejin Amon; aolep iturin river Jabbok, im jikin kwelok ko ilo ene eutie, im ijo jabrewōt Jeova ar Anij e ar bōprae kij.

3 Inem <sup>1</sup>jar jeōr im wōnliñlok ilo ial nōn Beshan: im Og kiñ in Beshan, e ar droiojtok nae kij, e im ro dron otemjej, nōn tōrinae i Edreai. 2 Im Jeova e ar ba nōn ir, Kwon jab mijōk e; bwe emwij Aō lewoj e im ro dron otemjej, im enen, na ilo peim; im kwo naj kōmōn nōn e einwōt kwar kōmōn nōn Saihon kiñ an ro dri Amor, eo e ar jokwe i Heshbon. 3 Ein drein Jeova aruij Anij e ar letok ilo peer Og bareinwōt, kiñ in Beshan, im ro dron otemjej: im jar kokkure e nōn ien eo e torlok bok. 4 Im jar bōk aolepen jikin kwelok ko an ilo ien eo; ejelok juōn jikin kwelok jar jab bōk jen ir; jiljinoñoul jikin kwelok, aolepen enen Argob, ailiñ an Og ilo Beshan. 5 Jikin kwelok kein otemjej, eor air worwor utiej, kab aor ko, im alal ko; bareinwōt elōñ jikin kwelok ejelok air worwor. 6 Im jar kanuij kokkure ir, einwōt jar kōmōn nōn Saihon kiñ in Heshbon, im jar kanuij kokkure jikin kwelok otemjej eor armij ilo ir, kab kōra im ajiri rōn. 7 A aolepen men in rakim jen jikin kwelok ko, jar bōk nōn kij einwōt men in rakim. 8 Im ien eo jar bōk eneo jen pein ruo kiñ an ro dri Amor, rar ber irear jen Jordan, jen komlōl an Arnon nōn tol Hermon. 9 (Hermon eo ro dri Saidon rej naetan Sirion, im ro dri Amor rej naetan Sinir); 10 jikin kwelok ko otemjej an ene emōn biken, im aolepen Giliad, im aolepen Beshan nōn Salika im Edreai, jikin kwelok ko an ailiñ in Og kiñ in Beshan.

11 (Bwe Og wōt, kiñ in Beshan, e ar berwōt jen matōn ro dri Ripeim: lo, aowej eo an, aowej māl; e jab ber i Rabba an ro nejin Amon ke? aitokōn druatimjuōn kubit, im drilpen emen kubit, ekar nōn kubit in armij).

12 Im jar bōk enin ien eo: jen Aroer, eo ej iturin komlōl in Arnon, im jibilkwon ene eutie an Giliad, im jikin kwelok ko an, I ar lelok nōn ro dri Ruben im nōn ro dri Gad: 13 Im mōtōn Giliad ej berwōt, im aolepen Beshan, ailiñ in Og, I ar lelok nōn jibilkwon bwijin Menassa; aolepen enen Argob, aet aolepen Beshan. (Rej naetan eneo enen dri Ripeim. 14 Jeir nejin Menassa e ar bōk aolepen Argob, nōn tōreran ro dri Gishur im ro dri Meaka, im naetair, aet Beshan, einwōt etan, Hevot-jeir, nōn ranin.) 15 Im I ar lelok Giliad nōn Mekir. 16 Im nōn ro dri Ruben, im nōn ro dri Gad, I ar lelok Giliad nōn komlōl in Arnon, lukwon komlōl eo, im tōreran, aet nōn river Jabbok, eo i tōreran ro nejin Amon; 17 Araba bareinwōt, im Jordan kab tōreran, jen Kinneret nōn lomalo eo i Araba, lomalo Jātōk, i tōreran Pisga irear.

18 Im I ar jiroñ kom ilo ien eo, im ba, Jeova ami Anij e ar lewoj enin bwe en ami: kom naj elā, <sup>1</sup>im ken tōrinae ko ami ibemi, iman ro jeemi im jātōmi ro nejin Israel, armij otemjej dri beran. 19 A kōra ro belemi, im ajiri ro nejemi, im kiru ko ami, (I jela bwe elōñ kiru ibemi), re naj berwōt illoan jikin kwelok ko ami, ko emwij aō lewoj, 20 mae ien Jeova ej lelok kakiije nōn ro jeimi im jātōmi, einwōt nōn kom, im rej bōk eneo Jeova ami Anij ej lelok nōn ir, i rilikin Jordan: <sup>2</sup>inem kom naj jeb-lak, jabrewōt iami, nōn eneo an, eo emwij aō lewoj. 21 Im I ar jiroñ Joshua ien eo, im ba, Mejōm rar lo men otemjej Jeova ami Anij e ar kōmōn nōn kiñ rein ruo: ein drein Jeova e naj kōmōn nōn ailiñ kein otemjej komij ilok nōni. 22 Komin jab mijōk ir: bwe Jeova ami Anij, Eo ej tōrinae kin kom.

<sup>1</sup> Bwln. 21. 33-35.

<sup>2</sup> Josh. 4. 12, 13. <sup>3</sup> Josh. 22. 4.

23 Im I ar akwelap ñōn Jeova, ilo ien eo, im ba, 24 O Jeova, Anij, Kwar jino in kwalok ñōn korijerōm Am lapen, im peōm e kajur: bwe anij ōt ej ber ilo lōñ ak ilo lōl, im ej maroñ in kōmōn jerbal ko im men ko re kajur einwōt men ko Am? 25 Kwon kōtlok iō bwe in elā, ij akwelap ñōn yuk, im lo eneo emōn i Jordan jabueo, tol eo emōn, im Lebanon. 26 A Jeova e ar illu iba kin kom, im E ar jab eoroñ iō; im Jeova e ar ba ñōn iō, Emwij; kwon jab bar ba ñōn lō kin men in. 27 Kwon wōnliñlok ñōn jabōn Pisga, im tor mejōm i kabilūñ, im eañ, im irōk, im irear, im aluij kin mejōm; bwe <sup>1</sup>kwo jamin elā jen Jordan in. 28 A kwon jiroñ Joshua, im kaberan e, im kakajur e; bwe <sup>2</sup>e naj elā iman armij rein, im e naj kajolit ir eneo kwo naj loe. 29 Ein drein jar berwōt ilo komlōl eo ikijen Bet-pior.

4 Im kiō, O Israel, kwon eoroñ kien ko im ekajet ko ij katakin kom, bwe komin kōmōni, bwe komin mour, im dreloñlok im bōk eneo Jeova, Anij an ro jimami ej lewoj. 2 Komin jab kobaik ñōn nan eo ij jiroñ kom, im komin jab bōk jen e, bwe komin bokake kien ko an Jeova ami Anij, ij jiroñ kom kake. 3 Mejemi rar lo ta eo Jeova e ar kōmōn kin Beal-pior; bwe Jeova ami Anij e ar kokkure jen ibemi, armij otemjej rar lor Beal-pior. 4 A komeo, kom ar edrep ñōn Jeova ami Anij, komij mour wōt, jabrewōt iami ñōn ranin. 5 Lo, emwij aō katakin kom kien ko im ekajet ko, einwōt Jeova aō Anij e ar jiroñ iō, bwe en ein drein ami kōmōn ilo bwiljin eneo ijo komij dreloñlok in bōke. 6 Inem komin kejbāroki im kōmōni; bwe men in ami meletlet im jelalokjen iman mejen dri ailiñ ko, ro re naj roñjake kien kein, im re naj ba, Emol dri ailiñ in relōñ, armij re meletlet im jelalokjen. 7 Bwe ailiñ ōt elap eo iben juōn anij ebak ñōn ir, einwōt Jeova aruij Anij jabrewōt ien ke jej kir ñōn E? 8 Im ailiñ ōt elap eo iben kien ko im eka-

jet ko re wānik, einwōt aolepen kien in, eo ij kwalok ñōn kom ranin?

9 Men in wōt, kwon lale, im kanuij kejbārok am, ñe kwo ab meloklok men ko mejōm rar loi, im ñe rab joko jen buruōm ran ko otemjej in am mour; a kwon kwalok ñōn ro nejōm im ñōn ro jibwōm; 10 ran eo ke kwar jutōk iman Jeova ami Anij i Horeb, ke Jeova e ar ba ñōn iō, Kwon koweloktok armij ro, im naj kōkaroñjake ir nan ko Aō, bwe ren jela mijōk lō ran ko otemjej rej mour ion lōl, im bwe ren katakin ro nejir. 11 Im kom ar druaktok im jutōk iturin tol eo; im tol eo e ar urur kin kijeek ñōn lukwon lōñ, im eor marok, im kōro, im marok jiliñliñ. 12 Im Jeova e ar konono ñōn kom, jen bwiljin kijeek eo: im kom ar roñjake ainiken nan ko, a kom ar lo ejelok wāwen; kom ar roñjake ainiken wōt. 13 Im E ar kwalok ñōn kom bujen eo An, eo E ar jiroñ kom bwe komin kōmōne, aet, <sup>1</sup>kien ko joñoul; im E ar jei ilo ruo tebel dreka. 14 Im Jeova e ar jiroñ iō ilo ien eo bwe in katakin kom kien ko im ekajet ko, bwe komin kōmōni ilo eneo ijo komij ela in bōke.

15 Inem komin kanuij kejbārok kom; bwe kom ar lo ejelok wāwen ilo ran eo ke Jeova e ar konono ñōn kom i Horeb, jen bwiljen kijeek eo; 16 ñe kom ab kananaik kom, im kōmōn ñōn kom men in e rej jekjek ilo jabrewōt wāwen, man ak kōra, 17 wāwen jabrewōt kiru ej ber ion lōl, wāwen jabrewōt bao eor pein ej kāk i mejatoto, 18 wāwen jabrewōt men eo ej tōbōlbōl ion brij, wāwen jabrewōt iik ej ber ilo dren eo iomin lōl; 19 im ñe kwo ab kwotōke mejōm ñōn lōñ, im ñe kwoj lo al im aliñ im iju ko, aolepen jarlipju in lōñ, komij jeōrlōk im kabuñ ñōn ir, im korijer ñōn ir, men ko Jeova am Anij e ar ajejlok ñōn ro dri ailiñ otemjej iomin aolepen lōñ. 20 A Jeova e ar bōk kom, im kadrioi tok kom jen iloan ubaj māl eo, jen Ijpt, bwe komin ber ñōn E, ro dri ailiñ, An jolit, einwōt ranin. 21 Bar juōn, Jeova e ar illu ñōn iō

kin kom, im E ar kanōjnij bwe I jamin elā jen Jordan, im I jamin dreloñlok ilo eneo emōn, eo Jeova am Anij ej lewoj: 22 a I naj mij ilo enin, I jamin elā jen Jordan; a kom naj elā, im bōk eneo emōn. 23 Komin kanuij kejbārok kom ñe kom ab meloklok bujen an Jeova ami Anij, eo E ar kōmōn ibemi, im komij kōmōn ñōn kom men in e jekjek ilo wāwen jabrewōt men eo Jeova am Anij e ar bōprae jen kom. 24 Bwe Jeova ami Anij <sup>1</sup>ej kijeek urur, Anij ekamo.

25 Ñe kwoj keutak ro nejōm, kab ro jibwōm, im eto ami ber ilo eneo im komij mōke kananaik kom, im kōmōn men in e ilo wāwen jabrewōt, im kōmōn nana iman mejen Jeova ami Anij in kakōtōtōik E; 26 ranin ij kir ñōn lōñ im lōl bwe ren kennan nae kom, bwe kom naj joko otem joko jen eneo komij elā jen Jordan in bōke; kom jamin kalōñlok ran ko ami ion, a naj kanuij kokkure kom. 27 Im Jeova e naj kijibliklik kom ñōn iben ro dri ailiñ ko, im kom naj eit wōt ilo ailiñ ko, ijo Jeova e naj tellok kom ñōn e. 28 Im ijo kom naj dri korijeran anij ro jet, iltan pein armij, alal im dreka, ko re jab lo, ak roñ, ak mōña, ak ātbwin. 29 A ijo kom naj kabukot Jeova ami Anij, im kom naj lo E elañe kom naj bukot E kin aolepen buruemi im kin aolepen ami. 30 Ñe komij ber ilo iñtan, im men kein otemjej rar iwiw iomi, ilo ran ko elik kom naj jeblak ñōn Jeova ami Anij, im kom naj eoroñ ainiken: 31 bwe Jeova ami Anij ej Anij in tiriamo; E jamin likjōp jen kwe, ak kokkure yuk, ak meloklok bujen eo E ar kanōjnij kake ñōn ro jimam.

32 Ak kwon kajitōk kiō kin ran ko re motlok, ko mokta jen kwe, elikin ran eo ke Anij e ar kōmōnmōn armij ion lōl, im jen juōn jabōn lōñ ñōn jabōn eo juōn, elañe e kar jabrewōt men einwōt men in elap, ak rar roñjake ke? 33 Ro <sup>2</sup>dri ailiñ ko rar roñjake ainiken Anij ke ej konono jen bwiljin kijeek, einwōt kwar roñjake, im mour ke? 34 A Ānij e ar kajeoñ

in ilen bōk ñōn E juōn ailiñ jen bwiljin bar juōn ailiñ, kin melejoñ ko, im kakōle ko, im men in bwilōñ ko, im kin tōrinae, im kin pein e kajur im erlok, im kin kaiñtan ko relap, einwot aolepen men ko Jeova ami Anij e ar kōmōn ñōn kom, ilo Ijpt, iman mejōm ke? 35 Emwion kwalok men in ñōn kwe, bwe kwon jela bwe Jeova ej Anij; im <sup>1</sup>ejelok bar juōn ijilokin. 36 E ar kōkaroñjake yuk ainiken jen lōñ, bwe En katakin yuk: im ion lōl E ar kwalok ñōn yuk An kijeek elap; im kwar karoñjake nan ko An jen bwiljin kijeek eo. 37 Im kin An yo-kwe ro jimam, E ar kālet ineir elikir, im kadrioijtōk yuk kin An ber ibōm, kin An kajur elap, jen Ijpt; 38 im lujeljelilok jen imam, ro dri ailiñ ko relap im re kajur jen kwe, bwe En kadreloñ yuk, im lewoj eneir, ami jolit, einwōt ranin. 39 Inem kwon jela ranin, im likit e na ilo buruōm, bwe Jeova ej Anij in lōñ im ion lōl; ejelok bar juōn. 40 Im kwon kejbārok kien ko An, im nan in kaiñi ko An, ko Ej jiroñ yuk kake ranin, bwe en emōn ibōm, im iben ro nejōm elikōm, im bwe <sup>2</sup>kwon kaitoklok ran ko am ion eneo Jeova am Anij ej lewoj, ñōn in drio.

41 Inem Moses <sup>3</sup>e ar kejenolok jilu jikin kwelok i rear in Jordan ñōn tak al; 42 bwe dri kalanwōtwōt armij en ko ñōni, eo ej mōn dri turin kin lanwōtwōt, im e ar jab kijirāte ilo ien mokta; im ñe ej ko ñōn juōn ian jikin kwelok kein, en mour: 43 aet, Bizer, ilo ene jemaren, ilo ene emōn biken, ñōn ro dri Ruben; im Remot ilo Giliad, ñōn ro dri Gad; im Golan ilo Beshan, ñōn ro dri Menassa.

44 Im eñin kien eo Moses e ar kwalok ñōn ro nejin Israel: 45 kein nan in kennan ko, im nan in kaiñi ko, im ekajet ko, ko Moses e ar ba ñōn ro nejin Israel, ke rar drioijtōk jen Ijpt, 46 irear jen Jordan, ilo komlōl eo ikijen Bet-pior, ilo enen Saihon kiñ an ro dri Amor, eo e ar jokwe i Heshbon, eo Moses im ro nejin Israel rar mōne ke rar drioijtōk jen Ijpt. 47 Im rar

<sup>1</sup> Hlb. 12. 29. <sup>2</sup> jap. 6. 24.<sup>3</sup> Mark 12. 32. <sup>2</sup> Ex. 23. 26. <sup>3</sup> jap. 19. 2-13.



bōk enen bwe en air, im enen Og kiñ in Beshan, kiñ ro ruo an rodri Amor, rar ber irear jen Jordan nōn tak al: 48 jen Aroer, eo ej i tōreren komlōl in Arnon, aet, nōn tol Saion (eo Hermon), 49 im aolepen Araba irear jen Jordan, aet, nōn lomalo eo i Araba, iturin Pisga.

5 Im Moses e ar kir nōn aolepen ro dri Israel, im ba nōn ir, O Israel, komin karoñjake kien im ekajet ko ij ba i lojiliñemi ranin, bwe komin katak im lale in kōmōni. 2 Jeova ar Anij e ar kōmōn bujen iber i Horeb. 3 Jeova e ar jab kōmōn bujen in iben ro jimar, a iber, aet kij, ro otemjej jej ber ijin im mour ranin. 4 Jeova e ar konono ibemi jelmae dron, ilo tol eo jen bwiljin kijeek eo, 5 (I ar jutōk ikōtami im Jeova ran eo, in kwalok nōn kom nan an Jeova: bwe kom ar lelñon kin kijeek eo, im kom ar jab wōnliñlok ilo tol eo), im E ba,

6 <sup>1</sup>Na Jeova am Anij eo e ar āñintok yuk jen enen Ijipit, jen imōn kamakoko eo.

7 En ejelok bar anij rōn ibōm ijilokiō.

8 Kwon jab kōmōnmōn im jekjek ekjōp nōn yuk, ak jabrewōt men in e wāwen men ko ilōñ, ak ilōl iomin, ak ilo dren iomin lōl: 9 kwon jab barikrik jen ir, ak jerbal nōn ir; bwe Na Jeova am Anij, Anij ekamo, im Ij jibel nana an ro jemeir ion ro nejir, im ion ebeben eo ken ka jilu im ken kemen ian ro rej kijirāte Iō; 10 im Ij kwalok joiñ nōn tausan ro ian ro rej yokwe Iō, im bokake kien ko Aō.

11 Kwon jab ba bata etan Jeova am Anij: bwe Jeova e jamin ba ejelok ruōn eo ej ba bata etan.

12 Kwon kememej ran in Sabat, bwe kwon kokwojarjare, einwōt Jeova am Anij e ar jiroñ yuk. 13 Iomin jiljino ran kwon jerbal, im kōmōnmōn jerbal ko otemjej am; 14 a ran eo ken ka jiljilimjuōn, juōn Sabat nōn Jeova am Anij: ilo ran eo kwon jab jerbal nōn jirik, jab kwe, jab nejōm man, jab nejōm kōra, jab korijerōm man, jab korijerōm kōra, jab

ox eo am, jab ass eo am, ak jabrewōt am kiru, jab am drua maijet eo ej ilo kejem ko am; bwe korijerōm man im kōra ren kakije einwōt bar kwe. 15 Im kwon kememej bwe kwar dri korijer ilo enen Ijpt, im Jeova am Anij e ar kadrioiytok yuk jen ijo kin peinekajur im erlok: kin men in Jeova am Anij e ar jiroñ yuk bwe kwon kejbārok ran in Sabat.

16 Kwon kibleie nōn jemōm im jinnōm, einwōt Jeova am Anij e ar jiroñ yuk; bwe en eto ran ko am, im bwe en emōn ibōm ilo eneo Jeova am Anij ej lewoj.

17 Kwon jab uror.

18 Im kwon jab lūñ.

19 Im kwon jab kwot.

20 Im kwon jab kennan nan in riōp nae dri turum.

21 Im <sup>1</sup>kwon jab ankwonak belen dri turum; im kwon jab kōnake imōn dri turum, jikin kallip ko an, ak korijeran man, ak korijeran kōra, ak ox eo an, ak ass eo an, ak men eo jabrewōt an dri turum.

22 Nan kein Jeova e ar ba nōn aolepen jar eo ami, ilo tol eo, jen bwiljin kijeek, kōro, im marok jiliñliñ, kin ainiken elap: im E ar kobaik ejelok. Im <sup>2</sup>E ar jei ilo ruo tebel dreka, im litok nōn iō. 23 Im kom ar roñjake ainiken jen bwiljin marok, ke tol eo e ar urur kin kijeek, kom ar kebaktok nōn iba, aet, jiōb ro an bwij ko ami, im ridto ro ami; 24 im kom ar ba, Lo, Jeova am Anij e ar kwalok nōn kim An aibujuij im lapen, im kim ar roñjake ainiken jen bwiljen kijeek: kim ar lo ranin bwe Anij ej konono iben juōn armij im ej mour wōt. 25 Inem, kin men in, etke kimin mij? bwe kijeek in elap e naj kokkure kim: elañe kimij bar roñjake ainiken Jeova am Anij, inem kim naj mij. 26 Bwe wōn eo jen kōniek otemjej, e nañin roñjake ainiken Anij emour, ke Ej konono jen bwiljin kijeek, einwōt kim, im e ar mour wōt? 27 Kweo kwon kebaklok, im karoñjake jabrewōt men eo Jeova am Anij ej ba: inem kwon kwalok



**n**ñon kim jabrewõt men eo Jeova am Anij ej konono; im kim naj roñjake, im kômõne.

**28** Im Jeova e ar roñjake ainiken nan ko ami, ke kom ar konono nñon iõ; im Jeova e ar ba nñon iõ, I ar roñjake ainiken nan ko an armij rein, ko rar konono nñon kwe: emõn air ba nan otemjej rar konono kake. **29** O, e nañin emõn elañe buru eo iloir bwe ren mijõk lõ, im bokake kien otemjej Aõ, ien otemjej, bwe en emõn ibeir, im iben ro nejir indrio! **30** Kwon ilen ba nñon ir, Komin jeblak nñon moko imwemi. **31** A kwe, kwon jutõk ijin iba, im I naj konono nñon yuk aolepen kien eo, im nan in kaiñi ko, im ekajet ko, kwo naj katakin ir kake, bwe ren bokake ilo eneo Ij lelok nñon ir bwe en air. **32** Inem komin lale, im kômõn einwõt Jeova ami Anij ej jiroñ kom: komin jab jeõrlõk jen e nñon anbijmaroñ ak anmiñ. **33** Komin etal ilo aolepen ial eo Jeova ami Anij e ar jiroñ kom, bwe komin mour, im bwe en emõn ibemi, im bwe komin kaitoklok ami mour ilo eneo kom nak bõke.

**6** Inem eñin kien eo, im nan in kaiñi ko, im ekajet ko, Jeova ami Anij e ar jiroñ bwe in katakin kom kake, bwe komin kômõni ilo eneo komij elãlok in bõke; **2** bwe kwon mijõk Jeova am Anij, bwe kwon bokake kien ko An otemjej, im nan in kaiñi ko An, ij jiroñ yuk, im nejõm, im jibwõm, iomin ran ko otemjej in am mour; im bwe en lõñ ran ko am. **3** Inem, O Israel, kwon eoroñ, im lale bwe kwon kômõne; be en emõn ibõm, im bwe komin kanuij orlok, einwõt Jeova, Anij an ro jimam e ar kalimur nñon kwe, ilo juõn ene e bwijliplip kin milk in hõnni.

**4** <sup>1</sup> Kwon eoroñ, O Israel: Jeova ar Anij, E wõt Jeova: **5** im kwon yokwe Jeova am Anij kin aolepen buruõm, im kin aolepen am, im kin aolepen am kajur. **6** Im nan kein, ij jiroñ yuk ranin, ren ilo buruõm; **7** im kwon kanuij katakin ro nejõm kaki, im kwon konono kaki ñe kwoj jijõt ilo mweo imõm, im ñe kwoj etetal ilo ial,

im ñe kwoj babu, im ñe kwoj jerkak. **8** Im kwon lukwoji juõn kakõle ion peõm, im ren ber ikõtãn mejõm. **9** Im kwon jei ilo jurõn kejem ilo mweo imõm, im ilo aor ko am.

**10** Im ñe Jeova am Anij ej añinlok yuk nñon loan eneo E ar kanõjniñ kake nñon ro jimam, nñon Ebream, nñon Aisak, im nñon Jakob, bwe En lewoj, <sup>1</sup> jikin kwelok ko relap im remõn, kwar jab kaleki, **11** im moko re obrõk kin mweiuk otemjej remõn, ko kwar jab kobrõki, im aibij dreka, ko kwar jab jeki, bwil in grep ko, im wijki oliv, ko kwar jab kalibwini, im kwo naj mõña im mât; **12** inem kwon lale ñe kwo ab meloklok Jeova, Eo e ar añintok yuk jen enen Ij ipt, jen imõn kamakoko. **13** Kwon mijõk Jeova am Anij; im korijer nñon E, im kwon kanõjniñ kin etan. **14** Komin jab lor anij ro jet, jen anij ro an ro dri ailiñ ko rej ber iturõmi, **15** bwe Jeova am Anij ilo bwiljõm Ej Anij ekamo; ñe ab illu an Jeova am Anij en bwil nae yuk, im En kokkure yuk jen mejen lõl.

**16** Komin <sup>2</sup> jab melejoñ Jeova ami Anij, einwõt ami kar melejoñ E i Massa. **17** Komin kanuij bokake kien ko an Jeova ami Anij, im nan in kennan ko An, im nan in kaiñi ko An, E ar jiroñ yuk kake. **18** Im kwon kômõn men eo ejime im emõn iman mejen Jeova; bwe <sup>3</sup> kwon jerammõn, im bwe kwon dreloñ im bõk eneo emõn, eo Jeova e ar kanõjniñ kake nñon ro jimam, **19** bwe En iunlok ro otemjej rej kijirãte yuk jen imam, einwõt an Jeova ba.

**20** Ñe leo nejõm ej kajitõk ibõm ilo ien ko rej itok, im ba, Ta melemen nan in kennan ko, im kien ko, im ekajet ko Jeova ar Anij e ar jiroñ yuk kake? **21** inem kwon ba nñon leo nejõm, Kim ar dri kamakoko an Pero i Ij ipt: im Jeova e ar añintok kim jen Ij ipt kin pein e kajur; **22** im Jeova e ar kwalok kakõle ko im men in bwilõñ ko, relap im rerro, ion Ij ipt, ion Pero, im ion aolepen nukin iman mejem; **23** im E ar añintok kim jen

<sup>1</sup> Matu 22. 37.

<sup>1</sup> Josh. 24. 13. <sup>2</sup> Matu 4. 7. <sup>3</sup> Jap. 4. 20.

ijo, bwe En kadreion kim im letok enin E ar kanōjnij kake nōn ro jimar. 24 Im Jeova e ar jiroñ kim bwe jen kōmōn kien kein otemjej, im mijōk Jeova ar Anij, nōn ar jerammōn ien otemjej, bwe En kejbārok kij je mour, einwōt ranin. 25 Im e naj men in wānik iber, elañe jej bokake aolepen kien in iman Jeova ar Anij, einwōt An jiroñ kij.

7 Ñe Jeova am Anij ej kadreloñ yuk iloan eneo kwoj ilok nōn e bwe kwon bōke, im Ej jolok elōñ dri ailiñ ko imam, dri Het, im dri Girgas, im dri Amor, im dri Kenean, im dri Periz, im dri Hiv, im dri Jibus, <sup>1</sup>jiljilimjuōn ailiñ ko relap im rekajur jen kwe; 2 im ñe Jeova am Anij ej ketōk ir imam, im kwoj mōn ir; inem kwon kokkure ir kin torlok bok: kwon jab kōmōn jabrewōt bujen ibeir, ak tiriamokake ir; 3 im kwon jab kōmōn belele ibeir; kwon jab lelok lio nejōm nōn leo nejin, im kwon jab bōk lio nejin nōn leo nejōm. 4 Bwe e naj kajeōr nejōm man jen an lor Iō, bwe en korijer nōn anij ro jet: ein drein naj bwil illu an Jeova nae yuk, im E naj mōkōj An kokkure yuk. 5 A en ein drein ami kōmōn nōn ir: komin jolōllok lokatok ko air, im ruji jur dreka ko air, im juokwe air Ashira, im tili men in e men in jekjek ko air kin kijeek.

6 Bwe kwe dri ailiñ ro kwojarjar nōn Jeova am Anij; Jeova am Anij e ar kålet yuk bwe kwondriloabjen nōn E wōt, jen dri ailiñ ko otemjej rej ion mejen lōl. 7 Jeova e ar jab yokwe kom, ak kålet kom kin ami lōñ, jen jabrewōt dri ailiñ; bwe kom ar eittata ian dri ailiñ otemjej: 8 a kin an Jeova yokwe kom, im bwe En kejbārok nan in kanōjnij eo E ar kanōjnij nōn ro jimami, Jeova e ar kadrioijslok kom kin pein e kajur, im wiak kom jen imōn kamakoko, jen pein Pero kiñ in Ijpt. 9 Kin men in komin jela bwe Jeova am Anij, E Anij, Anij e tiljek, Eo ej kejbārok bujen im tiriamo iben ro rej yokwe E, im bokake kien ko An, nōn juōn tausand

eeben, 10 im Ej nawōnan ro rej kijirāte iman mejeir, bwe En kokkure ir: E jamin kejeroñ nōn eo ej kijirāte, a E naj kōlla wōnan iman mejen. 11 Kin men in, kwon bokake kien eo, im nan in kaiñi ko, im ekajet ko ij jiroñ yuk ranin, bwe kwon kōmōni.

12 Im e naj ein drein, kin ami eoroñ ekajet kein, im bokake, im kōmōni, Jeova ami Anij e naj lale ibōm bujen eo, im tiriamokake eo E ar kanōjnij kake nōn ro jimam: 13 im E naj yokwe yuk, im kejerammōn yuk, im korlok yuk; E naj bareinwōt kejerammōn leen enbwinōm, im leen eneo am, am korn, im wain, im oil, orlok an kau ko am, im kon ko an bwij ko am, ilo eneo E ar kanōjnij kake nōn ro jimam bwe En lewoj. 14 Naj kejerammōn yuk jen ro dri ailiñ otemjej: im e naj ejelok ewar ibōm, ak iben kiru ko am. 15 Im Jeova e naj bōklok jen kwe nañinmij otemjej; im E naj likit ion ejelok ian nañinmij ko an Ijpt, ko kwo jela kake, a E naj likit ion ro rej kijirāte yuk. 16 Im kwon kokkure ro dri ailiñ otemjej Jeova am Anij ej kōtlok nōn yuk; mejōm en jab tiriamokake: im kwon jab korijer nōn anij ro air; bwe men eo <sup>1</sup>e naj juōn jen nōn kwe.

17 Elañe kwoj ba ilo buruōm, Ro dri ailiñ kein relōñ jen ña; ekijkan aō maroñ in kadrioijslok ir? 18 kwon jab mijōk ir: kwon kememej wōt ta eo Jeova am Anij e ar kōmōn nōn Pero, im nōn aolepen Ijpt; 19 melejoñ ko relap mejōm rar loi, im kakōle ko, im men in bwilōñ ko, im pein ekajur im erlok, kin eo Jeova am Anij e ar kadrioijslok yuk: ein drein Jeova am Anij e naj kōmōn nōn dri ailiñ ko otemjej kwoj mijōk ir. 20 Bareinwōt Jeova am Anij e naj jilkinlok loñ hornet ilo bwiljir, mae ien ro rej berwōt, im tilekek, re naj joko imam. 21 Kwon jab lelñōñ kin ir; bwe Jeova am Anij ej ilo bwiljōm, Anij elap im kokomak. 22 Im Jeova am Anij e naj jolok ro dri ailiñ ko imam, jet im bar jet: kwo jamin kokkure ir mōkōj, ñe ab kiru ko rawia

<sup>1</sup> Jerb. 13. 19.<sup>1</sup> Ez. 33. 33.

ren orlok iom. 23 A Jeova am Anij e naj ketōk ir imam, im naj kejjorran ir kin jorran elap, mae ien re joko. 24 Im e naj ketōk kiñ ro air na ilo peōm, im kwon kōmōn bwe etair ren joko iomin lōñ: ejelok armij e naj maroñ jutōk jumae yuk, mae ien am naj kokkure ir. 25 Men in e ko jekjek an anij ro air, komin tili ilo kijeek: kwon jab ankwonak silver ak gold ko kilir, ak bōk e ñōn ibōm, ñe ab liktoik yuk kake; bwe ej men in jōjōik iben Jeova am Anij. 26 Im kwon jab bōktok na ilo mweo imōm men in jōjōik, im erom men in aje einwōt: kwon kanuij jōjōik e, im kwon drike otem drike; bwe ej men in aje.

8 Aolepen kien eo ij jiroñ yuk kake ranin, komin lale im kōmōne, bwe <sup>1</sup>komin maroñ in mour, im orlok, im dreloñlok im bōk eneo Jeova e ar kanōjni kake ñōn ro jimami. 2 Im <sup>2</sup>kememej aolepen ial eo Jeova am Anij e ar tel yuk ie iomin yiō kein eñoul, ilo ene jemaren, bwe En kōtaik yuk im melejoñ yuk bwe En jela ta eo ilo buruōm, elañe kwo naj bokake kien ko ke, jab ke. 3 Im E ar kōtaik yuk, im kōtlok yuk ñōn kwuli, im E ar najirik yuk kin manna, eo kwar jaje kake, im ro jimam rar jaje kake; bwe En kajelaik yuk bwe <sup>3</sup>armij e jab mour kin bred wōt, a kin men eo jabrewōt ej walok jen loñin Jeova, armij ej mour. 4 <sup>4</sup>Nuknuk ko am rar jab irami iom, im neōm e ar jab bōjlok, iomin yiō kein eñoul. 5 Im kwon kalomōnlokjen ilo buruōm, bwe einwōt juōn armij ej kajeik nej, in drein Jeova am Anij ej kajeik yuk. 6 Im kwon bokake kien ko an Jeova am Anij, bwe kwon etal ilo ial ko An, im mijōk E. 7 Bwe Jeova am Anij ej kadreloñ yuk na iloan juōn ene emōn, enen wea ko, enen unin dren ko im aibij ko, rej jurutōk ilo komlōl ko im tol ko; 8 enen wit im barli, im vain ko im wijki fig ko, im pomgranet ko; enen wijki oliv ko im hōnni; 9 eneo ijo kwo naj mōña bred im kabeno, kwo jamin aikwij jabrewōt iloan; juōn ene dreka ko an māl, im

jen tol ko an kwo maroñ in kōbij jini-bōrōrō. 10 Im kwo naj mōña im māt, im kwo naj kamōnōnōik Jeova am Anij, kin ene emōn E ar lewoj.

11 Lale <sup>1</sup>kwar meloklok Jeova am Anij, im kwo jab bokake kien ko an, im ekajet ko An, ij jiroñ yuk kake ranin: 12 ñe ab mwijin am mōña im māt, im kwar kalek moko remōn, im jokwe iloir; 13 im kiru ko im bwij ko am rej orlok, im elōñlok am silver im gold, im e orlok men otemjej ibōm; 14 inem buruōm e utiejlok, im kwoj meloklok Jeova am Anij, Eo e ar āñintok yuk jen enen Ijpt, jen imōn kamakoko; 15 Eo e ar tel yuk ilujen ene jemaren eo elap im men in lel-ñōñ, ijo eor serpent kijeek im marebep ko, im ene emōra ijo ejelok dren; Eo e ar bōktok ñōn kwe dren jen dreka rōl; 16 Eo e ar najirik yuk ilo ene jemaren kin manna, eo ro jimami rar jaje kake; bwe En kōtaik yuk, im bwe En melejoñ yuk, im kōmōn emōn ñōn yuk ilo jemlokōn: 17 im ñe kwo ab ba ilo buruōm, Aō maroñ, im kajur an peiō e ar bōk ñōn iō mweiuk kein. 18 A kwon kememej Jeova am Anij, bwe <sup>2</sup>Eo ej lewoj maroñ in bōk mweiuk ko; bwe En kabin bujen eo E ar kanōjni kake ñōn ro jimam, einwōt ranin. 19 Im e naj ein drein, elañe kwoj meloklok Jeova am Anij, im lor anij ro jet, im korijer ñōn ir, ij kennan nae yuk ranin, bwe kom naj joko otem joko. 20 Einwōt ro dri ailiñ ko Jeova ej kōmōn bwe ren jok, imam, ein drein kom naj joko: kin ami abwin eoroñ ainiken Jeova ami Anij.

9 O Israel, kwon roñjake: kwo naj elā jen Jordan ranin, im dreloñlok im kobajlok dri ailiñ ko relap im kajur jen yuk, jikin kwelok ko air relap im eor air worwor re utiej ñōn lōñ, 2 armij ro re killip im aitok, ro nejin dri Enak, ro kwo jela kajeir, im kin ir kwar roñ air ba, Wōn e maroñ in jutōk nae ro nejin Enak? 3 Inem kwon jela ranin, bwe Jeova am Anij eo ej elālok imam, einwōt kijeek e urur; E naj kokkure ir, im E naj kō-

<sup>1</sup>Jap. 4. 1. <sup>2</sup>eon 16. <sup>3</sup>Luk 4. 4. <sup>4</sup>Jap. 29. 5.

<sup>1</sup>Jap. 4. 9. <sup>2</sup>Ken. 10. 22.

taik ir imam, im kokkure ir mōkōj, einwōt Jeova e ar ba nōn yuk. 4 Kwon jab konono ilo buruōm, elikin an Jeova am Anij iunlok ir jen imam, im ba, Kin aō wānik Jeova e ar kadreloñtok iō bwe in bōk enin; bwe kin nana an ro dri ailiñ kein, Jeova ej kadrioiĵlok ir jen imam. 5 Jab kin am wānik, ak kin buruōm ejime, kwoj dreloñ in bōk eneo air; a kin nana an ro dri ailiñ kein Jeova am Anij ej kadrioiĵlok ir jen imam, im bwe En kabn nan eo Jeova e ar kanōjniĵ kake nōn ro jimam, nōn Ebream, im nōn Aisak, im nōn Jakob.

6 Inem kwon jela, Jeova am Anij e jab lewoj enin emōn bwe kwon bōke kin am wānik; bwe kwe dri ailiñ e bin kenwam. 7 Kwon kememej, kwon jab meloklok, ekijkan kwar kakōtōtōik Jeova am Anij nōn illu ilo ene jemaren: jen ran eo ke kwardrioiĵtok jen enen Iĵipt mae ien am itok nōn iĵin, kom dri kabata nae Jeova. 8 Bareinwōt i Horeb, kom ar kakōtōtōik Jeova nōn illu, im Jeova e ar illu nōn kom bwe En kokkure kom. 9 Ke I ar wōnliñlok ilo tol eo bwe in bōk te-  
 2el dreka ko, aet, tebel ko an bujen eo Jeova e ar kōmōn ibemi, ien eo I ar ber ilo tol eo iomin eñoul ran im eñoul boñ; I ar jab mōña bred ak irak dren. 10 Im Jeova e ar letok ruo tebel dreka emwiĵ jeje icn kin arrin Jeova; im ilo ir emwiĵ jeje ekar nōn nan ko otemjej Jeova e ar ba kake nōn kom, ilo tol eo, jen bwiljin kijeek, ilo ran eo, ran in ami kwelok. 11 Im i jemlokōn eñoul ran im eñoul boñ, Jeova e ar letok tebel dreka ko ruo, aet, tebel ko in bujen eo. 12 Im Jeova e ar ba nōn iō, <sup>1</sup>Kwon jutōk im mōkōjĵlōlok jen iĵin; bwe armij ro drom, ro kwar āñintok ir jen Iĵipt rar mōke kananaik ir; rar jeōrlōk mōkōj jen iāl eo I ar jiroñ ir kake; rar kōmōn nōn ir men in e unlok. 13 Bar juōn, Jeova e ar konono nōn iō, im ba, Emwiĵ Aō lale armij rein, im lo, rej armij ekijñeñi kenwair: 14 kwon jab iłtok, bwe In kokkure ir, im jeōrlōk etair jen iomin lōñ kure; im I naj kōmōn jen kwe juōn ei-

liñ, elap im kajur jen ir. 15 Inem I ar oktōk im wōnłōłtok jen tol eo, im tol eo e ar urur kin kijeek: im tebel ko ruo an bujen rar ber ilo pāroraike. 16 Im I ar reilok, im lo, kom ar jera-  
 wiwi nae Jeova ami Anij; kom ar kōmōn nōn kom kon in kau unlok: kom ar jeōrlōk mōkōj jen iāl eo Jeova e kar jiroñ kom kake. 17 Im I ar bōk tebel ko ruo, im I ar ĵulōłlok ir jen pāroraike, im I ar rupi iman mejemi. 18 Im <sup>1</sup>I ar buñbero iman Jeova, einwōt mokta, eñoul ran im eñoul boñ; I ar jab mōña bred ak irak dren; kin aolepen ami jerawiwi kom ar jerawiwi kake, ilo ami kōmōn nana iman mejen Jeova, in katōtōtōik E nōn illu. 19 Bwe <sup>2</sup>I ar mijōk illu ebwil, eo Jeova e ar illu nae kom kake, nōn kokkure kom. A Jeova e ar eoroñ iō ien eo bareinwōt. 20 Im Jeova e ar kanuij illu iben Aron nōn kokkure e: im I ar jar kin Aron bareinwōt, ien eo. 21 Im I ar bōk ami men in jerawiwi, kon in kau eo kom ar kōmōne, im tile ilo kijeek, im ĵure, im kanuij nowe, mae ien e kwerik einwōt bōñōlñōl; im I ar jolok bōñōlñōl eo ilo wea eo e ar torlōłlok jen tol eo.

22 Im i Tabira, im Massa, im i Kibrot-hateava, kom ar kakōtōtōik Jeova nōn illu. 23 Im ke Jeova e ar ĵilkinlok kom jen Kedesh-barnia, im ba, Komin wōnliñlok im bōk eneo I ar lewoj nōn kom; ien eo kom ar kabata nae kien Jeova ami Anij, im kom ar jab tōmak E, im jab eoroñ ainiken. 24 <sup>3</sup>Kom ar dri kabata nae Jeova jen ran eo I ar jela kom.

25 Ein drein I ar buñbero iman Jeova iomin eñoul ran im eñoul boñ, kin ke Jeova e ar ba E naj kokkure kom. 26 Im I ar jar nōn Jeova, im ba, O Jeova Anij, kwon jab kokkure ro Am dri ailiñ im Am jolit, eo Kwar wiaik e kin Am lapen, im kwar kadrioiĵtok e jen Iĵipt kin peōm ekajur. 27 Kwon kememej ro dri korijerōm, Ebream, Aisak, im Jakob; Kwon jab reilok nōn bōt an jar in, ak nōn bwir eo air, ak nōn jerawiwi eo air, 28 ñe

<sup>1</sup> Ex. 32. 7. 8.<sup>2</sup> Hīb. 12. 21. <sup>3</sup> eon 7.

ab eneo Kwar ānintok kim jene, ren ba, Kin an Jeova jab maroñ in ānintok ir ñōn eneo E ar kalimur ñōn ir kake, im kin An kijirāte ir, E ar kadrioiytok ir bwe en kokkure ir ilo ene jemaren. 29 Ijoke, rej Am dri ailīñ im Am jolit, eo Kwar kadrioiytok e kin Am kajur elap, im kin peōm erlok.

**10** Ien eo Jeova e ar ba ñōn iō, Kwon <sup>1</sup>jekjek ñōn yuk ruo tebel einwōt ko mokta, im kwon wōñliñtok ñōn iba ilo tol in, im kōmōn ñōn yuk juōn dipdip wijki. 2 Im I naj jeje ilo tebel ko, nan ko rar ber ilo tebel ko mokta, ko kwar rupi, im kwo naj likiti ilo dipdip eo. 3 Ein drein I ar kōmōn juōn dipdip jen wijki akesia, im jekjek ruo tebel dreka, einwōt ko mokta, im wōñliñtok ilo tol eo, tebel ko ruo ilo peiō. 4 Im E ar jeje ilo tebel ko einwōt men in jeje mokta, kien ko joñoul, ko Jeova e ar konono ñōn kom ilo tol eo, jen bwiljin kijeek eo ilo ran in kwelok : im Jeova e ar litok ñōn iō. 5 Im I ar oktōk im wōñlōltok jen tol eo, im likit tebel ko iloan dipdip eo I ar kōmōne; im rej ber ijo, einwōt Jeova e ar jiroñ iō. 6 (Im ro nejin Israel rar etallok jen Bearot Bene-jeakan ñōn Mosira. Aron e ar mij ijo, im rar kalibwin e ie; im Iliezar nejin, e ar kōmōn jermal in pris ke ej binej jenkwōn. 7 Jen ijo rar etallok ñōn Gudgoda; im jen Gudgoda ñōn Jotbata, ene an wea ko in dren. 8 Ien eo Jeova e ar kejenolok bwij eo an Livai, bwe en inek dipdip in bujen eo an Jeova, bwe en jutōk iman Jeova in korijer ñōn E, im kamōnōñik ilo etan, ñōn ranin. 9 Kin men in, ejelok kij ak men in jolit iben Livai, iben ro jein im jātīn; Jeova an jolit, einwōt Jeova ami Anij e ar ba ñōn e.) 10 Im I ar ber ilo tol eo, einwōt ien eo mokta, eñoul ran in eñoul boñ : im Jeova e ar eoroñ iō ien eo bareinwōt; Jeova e ar jab kōnan kokkure yuk. 11 Im Jeova e ar ba ñōn iō, Kwon jerkak im etallok iman mejen armij ro; im rendreloñlok im bōk eneo, eo I ar kanōjnij kake ñōn ro jimair bwe In lelok ñōn ir.

12 Im kiō, Israel, ta eo Jeova am Anij ej kajitōk ibōm, elañe jab bwe kwon mijōk Jeova am Anij, im etal ilo ial ko An, im bwe kwon yokwe E, im korijer ñōn Jeova am Anij, kin aolepen buruōm, im kin aolepen am, 13 bwe kwon bokake kien ko an Jeova, im nan in kaiñi ko An, ko ij jiroñ yuk kake ranin ñōn am jerammōn ? 14 Lo, an Jeova am Anij lōñ, im lōñ in lōñ ko, lōl kab men otemjej illoan. 15 Men in wōt, Jeova e ar buñburuen kin ro jimami bwe En yokwe ir, im E ar kālet ineir elikir, aet, kom, jen ro dri ailīñ otemjej, einwōt ranin. 16 Kin men in, komin mijmij kilin buruōmi, im en jab kijñeñi kenwami. 17 Bwe Jeova ami Anij, ej Anij in anij rōn, im Iroiñ in iroiñ rōn, Anij laplap, dri kajur, im Eo dri kokomak, Eo e jab kaljiklok armij, ak bōk wōnan. 18 Ej kōmōn ekajet kin ro āta-jinemjen im lio e joko belen, im kin An yokwe drua maijet Ej lelok ñōn e kijen im nuknuk ko an. 19 Inem komin yokwe drua maijet eo; bwe kom ar drua maijet ilo enen Ijpt. 20 Kwon mijōk Jeova am Anij; kwon jermal ñōn E; im edrep ñōn E, im kwon kanōjnij kin etan. 21 Ej am men in nebar, Ej am Anij, Eo e ar kōmōn kin kom men kein relap im men in lelōñ ko, mejōm rar loi. 22 Ro jimam <sup>1</sup>rar wōñlōllok ñōn Ijpt, jiljilimjuōnñoul armij; im kiō Jeova ami Anij e ar kōmōn yuk einwōt iju ko ilōñ kin ami lōñ.

**11** Kin men in, kwon yokwe Jeova am Anij, im lala An men in lewoj, im bokake kien ko An, im ekajet ko An, im nan in kaiñi ko An, ien otemjej. 2 Im komin jela ranin : bwe I jab konono iben ro nejemi ro rar jab jela, im rar lo kaje eo jen Jeova, ami Anij, lapen, pein ekajur, im pein erlok, 3 im kakōle ko An, im men in kōmōn ko An, ko E ar kōmōni ilujen Ijpt ñōn Pero kiñ in Ijpt, im ñōn aolepen enen; 4 im ta eo E ar kōmōn ñōn jar in tōrinae in Ijpt, ñōn ors ko air, im ñōn jariat ko air; ekijkan E ar <sup>2</sup>kōmōn dren in lomalo Ekil-

<sup>1</sup> Ex. 34. 1<sup>1</sup> Jen. 46. 27. <sup>2</sup> Ex. 14. 28.



mir bwe en tore ir, ke rar lukwor-  
kwoz kom, im ekjikan Jeova e ar kok-  
kure ir ñon ranin; 5 im ta eo E ar  
kōmōn ñon kom ilo ene jemaren, mae  
ien ami itok ñon ijin; 6 im ta eo E  
ar kōmōn ñon Detan im Ebairam, ro  
nejin Ilaia, nejin Ruben; ekjikan  
lōl e ar walōñi loñin im waroñlok ir,  
im ro nejir, im moko imweir, im men  
ko otemjej remour rar lor ir, i bwi-  
ljin ro nejin Israel otemjej: 7 a me-  
jemi rar lo aolepen jerbal ko relap an  
Jeova, ko E ar kōmōni.

8 Kin men in, komin bokake aole-  
pen kien in ij jiroñ yuk ranin, bwe  
komin kajur, im dreloñ im bōk eneo,  
komij elālok in bōke; 9 im bwe ko-  
min maroñ in kaitoklok ran ko ami ilo  
eneo, Jeova e ar kanōjnij kake ñon ro  
jimami bwe En lelok ñon ir im ñon  
ineir, juōn ene e bwijlip kin milk  
im hōnni. 10 Bwe eneo, kwoj dre-  
loñ ie in bōke, e jab einwōt enen Ijpt  
eo kom ar itok jen e, ijo kwar kallip  
am ine, im kaimlolo e kin neōm, ein-  
wōt ubatōk in men ko rejedrek; 11 a  
eneo kwoj elālok in bōke, ene in tol  
ko im komlōl ko, im ej jorme dren in  
wut jen lōñ, 12 juōn ene Jeova am  
Anij ej lale: mejen Jeova am Anij ej  
lale ien otemjej, jen jinoñ yiō, im  
ñon jemlokōn yiō.

13 Im elañe komij eoroñ kien ko  
aō Ij jiroñ kom ranin, bwe komin  
yokwe Jeova ami Anij, im korijer  
ñon E kin aolepen buruōmi, im aole-  
pen ami, 14 I naj lewoj wut an eneo  
ami, ilo ien eo an, wut mokta, im wut  
eliktata, bwe kwon maroñ in ain am  
korn, im am wain ekāl, im am oil. 15  
Im I naj lewoj ujoij ilo melaj ko am,  
ñon kiru ko am, im kwo naj mōña im  
māt. 16 Komin lale mōk ñe rab  
kabwir buruemi, im komij jeōrlōk im  
korijer ñon anij ro jet, im kabuñ ñon  
ir; 17 im ejo illu an Anij nae kom, im  
Ej kil lōñ bwe en ejelok wut, im eneo  
en jab jebar leen; im komij joko mō-  
kōj jen eneo emōn Jeova ej lewoj.

18 Kin men in komin likit nan kein  
aō ilo buruōmi im ilo ami; im komin  
lukwoj e einwōt kakōle ion peōm, im

ren ber ikōtan mejemi. 19 Im kō-  
min katakin ro nejemi kake, im ko-  
nono kake ñe kwoj jijōt ilo mweo  
imōm, im ñe kwoj etal ilo ial, im ñe  
kwoj babu, im ñe kwoj jerkak. 20  
Im kwon jei ilo jurōn kejem in mweo  
imōm, im ilo aur ko am; 21 bwe ran  
ko ami ren orlok, im ran ko an ro ne-  
jem, ion eneo Jeova e ar kanōjnij  
kake ñon ro jimami bwe En lelok ñon  
ir, einwōt ran ko an lōñ ko ilōñin lōl.  
22 Bwe elañe komij kanuij bokake  
aolepen kien in ij jiroñ yuk, bwe  
kwon kōmōne, in yokwe Jeova ami  
Anij, in etal ilo ial ko An, im edrep  
ñon iben; 23 inem Jeova e naj lul-  
jelilok aolepen dri ailñ kein jen  
imam, im kom naj kobajlok ro dri  
ailñ relap im re kajur jen kom. 24  
Jabrewōt jikin ijo lobiren neōm e  
naj jure, e naj am: jen ene jemaren  
in Lebanon, jen river eo, river Upre-  
tis, aet, ñon lomalo i rilik, e naj ami  
tōreran. 25 Ejelok juōn armije naj  
maroñ in jutōk imam: Jeova ami  
Anij e naj likit mijōk kom im lelñioñ  
kin kom ion aolepen eneo kom naj  
jure, einwōt E ar ba ñon kom.

26 Lo, ij kwalok ñon kom ranin  
jerammōn im jerata: 27 jerammōn,  
elañe komij eoroñ kien ko an Jeova  
ami Anij, ko ij jiroñ kom kake, ran-  
in; 28 im jerata, elañe kom jab eo-  
roñ kien ko an Jeova ami Anij, a kom  
jeōrlōk jen ial eo ij ba ñon kom ranin,  
im lor anij ro jet, kom jañin jela ka-  
jeir. 29 Im ñe Jeova am Anij ej ka-  
dreloñ yuk ilo eneo kwoj ilen bōk e,  
kwon likit kejerammōn ilo tol Geri-  
zim, im kejerata ilo tol Ibal. 30 Re  
jab i Jordan jabueo, elikin ial ñon tu-  
lok al, ilo ene an ro dri Kenean, ro rej  
jokwe ilo Araba, ikijen Gilgal, iturin  
wijki ok ko in Morike? 31 Bwe kom  
naj elā jen Jordan in dreloñ in bōk  
eneo Jeova ami Anij ej lewoj, im kom  
naj bōke im jokwe iloan. 32 Im ko-  
min lale im bokake kien ko otemjej,  
im ekajet ko otemjej, ij likiti imami  
ranin.

12 Irkein kien ko im ekajet ko  
komin lale im bokake ilo eneo

Jeova Anij an ro jimam, E ar lewoj ñōn yuk in bōke, ran otemjej komij jokwe ion lōl. 2 Komin kōkkure wōt jikin otemjej ijo ro dri ailiñ ko kom naj binej jenkwair rar korijer ñōn anij ro air, ilo tol kore utiej, im ilo tol ko redrik, im iomin jabrewōt wijki e māroro: 3 im komin rupilōllok lokatok ko air, im rupi ilo mōtōn ko jur dreka ko air, im tile Ashira ko air, kin kijeek; im komin juokwe men in e jekjek an anij ro air; im komin bikajoik ir jen jikin eo. 4 En jab ein drein ami kōmōn ñōn Jeova ami Anij. 5 Ak ñōn jikin eo Jeova e naj kålet jen bwijimi otemjej, bwe En likit etan ie, aet, mweo imōn, komin kabukot e, im komin ilok ñōn e; 6 im ñōn ijo komin bōktok ami men in katok kijeek, im men in jurtak ko ami, im ami mōtōn joñoul ko, im jurtak in jebōke an peōmi, im ami men in muri, im ami men in lelok kin mōnōnō, im manjen kau im jip ak got ko ami: 7 im ijo komin mōña iman Jeova ami Anij, im komin mōnōnō ilo men otemjej komij likit peōmi ñōn e, kom im ro nukumi, kin men eo Jeova am Anij e ar kejerammōn yuk kake. 8 Komin jab kōmōn einwōt men otemjej jej kōmōne iji ranin, jabrewōt armij einwōt ejime ilo mejen; 9 bwe kom jañin itok ñōn kakije eo im men in jolit eo, eo Jeova am Anij ej lewoj. 10 A ñe komij elā jen Jordan, in jokwe ilo eneo Jeova am Anij ej lewoj am jolit, im Ej lewoj ñōn kom kakije, jen ro otemjej dri kijirāt kom iturōmi, einwōt bwe kom ber im jab uota; 11 ien eo, jikin eo Jeova ami Anij e naj kålet bwe En likit etan ie, ñōn ijo komin bōktok men otemjej ij jiroñ kom kake: ami men in katok kijeek, ami men in jurtak, ami mōtōn joñoul ko, men in jebōke an peōmi, im aolepen ami men in muri re aurōk, komij kalimur kake ñōn Jeova. 12 Im kom naj mōnōnō iman Jeova ami Anij, komeo, im ro nejimi man im kōra, im korijerami man im kōra, im dri Livai iloan kejem ko am, bwe ejelok an kij ak jolit ibemi. 13 Kwon lale mōk, im jab katok am katok kijeek ilo ji-

kin otemjej komij loi; 14 a ilo jikin eo Jeova e naj kålet e, ilo juōn ian bwijemi, ijo kwon katok kin am men in katok kijeek, im ijo kwon kōmōn men otemjej ij jiroñ yuk.

15 Ijoke, kwo maroñ in mōn im mōña kōniek iloan kejem ko otemjej am, einwōt am kōnan, ekar ñōn jerammōn eo an Jeova am Anij, eo e ar lewoj: ro dri erreō im dri jab erreō re maroñ in mōña jen e, einwōt kiru gezel im hart. 16 Men in wōt, <sup>1</sup>komin jab mōña bōtōktōk eo; kwon lutōklok e ion lōl einwōt dren. 17 Kwon jab mōña iloan kejem ko am, mōtōn joñoul in am korn, ak am wain ekāl, ak am oil, ak manji ko jen kau ko am, ak jen jip ak got ko am, ak jabrewōt ian muri ko am kwoj kalimur kake, ak men in lelok kin mōnōnō, ak men in lelok in jebōke an peōm; 18 a kwon mōña men kein iman Jeova am Anij, ilo jikin eo Jeova am Anij e naj kålet e, kwe im nejōm man im kōra, im korijerōm man im kōra, im dri Livai eo ej ber ilo kejem ko am: im kwon mōnōnō iman Jeova am Anij, kin men otemjej kwoj likit peōm ion. 19 Kwon lale mōk, im jab illok jen dri Livai ilo aolepen ien eo kwoj mour ilo enen.

20 Ñe Jeova am Anij ej kalaplok am belakin, einwōt E ar kalimur ñōn kwe, im kwoj ba, I naj mōña kōniek, bwe am e badur; kwo maroñ in mōña kōniek, einwōt am kōnan otemjej. 21 Elañe jikin eo Jeova am Anij e naj kälete bwe En likit etan ie, e kanuij etolok jen kwe, inem kwon mōn jen kau ko am, im jen jip ak got ko am, ko Jeova am Anij e ar lewoj, einwōt I ar jiroñ yuk; im kwon mōña iloan kejem ko am einwōt am kōnan otemjej. 22 Einwōt rej mōña kiru gezel im kiru hart, ein drein kwon mōña jen e: dri erreō im dri jab erreō ren jimor ailmaroñi. 23 Men in wōt, kwon lale im jab mōña bōtōktōk: bwe bōtōktōk mour eo; im kwon jab mōña mour eo iben kōniekin. 24 Kwon jab kōñe; kwon lutōklok e ion bri; einwōt dren. 25 Kwon jab kōñe;

bwe en emōn ibōm, im iben ro nejōm elikōm ñe kwoj kōmōn men eo e jime ilo mejen Jeova. 26 Am men ko re kwojarjar wōt, im men in muri ko am, kwon bōki im ilok ñōn jikin eo Jeova e naj kālete; 27 im kwon katok kin am men in katok kijeek, kōniek im bōtōktōk, ion lokatok an Jeova am Anij; im kwon mōña kōniek eo. 28 Kwon lale, im eoroñ nan kein otemjej ij jiroñ yuk, bwe en emōn ibōm, im ihen ro nejōm elikōm in drio ñe kwoj kōmōn men in emōn im jime ilo mejen Jeova am Anij.

29 Ñe Jeova am Anij ej bukwelok ro dri ailiñ ko jen imam, ijo kwoj dreloñlok im binej jenkwair, im emwij am bōke, im jokwe ilo eneo air; 30 kwon lale mōk bwe ren jab liktoik yuk, bwe kwon lor ir, elikin kokkure ir jen imami; im bwe kwon jab kajitōk kin anij ro air, im ba, Ekijkan ro dri ailiñ kein rej korijer ñōn anij ro air? ein drein I naj bar kōmōn. 31 Kwon jab kōmōn einwōt ñōn Jeova am Anij: bwe jabrewōt men in jōjōik ñōn Jeova, men ko Ej drike, rar kōmōñ ñōn anij ro air; bwe rej tili bareinwōt ro nejir man im kōra ilo kijeek ñōn anij ro air.

32 Jabrewōt men eo ij jiroñ yuk, men eo kwon lale im kōmōne: kwon jab kobaik ñōn e, ak bōk jen e.

**13** <sup>1</sup>Elañe ej walok i bwiljōm juōn dri kanan, ak juōn dri tōnak tōnak ko, im ej lewoj juōn kakōle ak men in bwilōñ, 2 im kakōle eo ak men in bwilōñ eo ej walok, men eo e ar konono kake ñōn yuk, im ba, Jen lor anij ro jet, ro kwar jaje kake, im jen korijer ñōn ir; 3 kwon jab eoroñ nan ko an dri kanan eo, ak an eo dri tōnak tōnak ko: bwe Jeova am Anij ej melejoñ yuk, bwe En jela elañe kwoj yokwe Jeova am Anij kin aolepen buruōm ke jab ke. 4 Komin lor Jeova am Anij, im mijōk E, im lale kien ko An, im bokake ainiken, im komin korijer ñōn E, im edrep ñōn E. 5 Im dri kanan eo ak dri tōnak tōnak ko, en mij, bwe e ar konono kabata nae Jeova ami Anij, eo e ar kadrioi-

tok kom jen enen Ijpt, im wiaik yuk jen imōn kamakoko, bwe en kal yuk jen ial eo Jeova am Anij e ar jiroñ yuk bwe kwon etal ie. En ein drein am jolok nana jen lo bwiljōm.

6 Elañe <sup>1</sup>jeōm im jātōm man, nejin jinōm, ak nejōm man ak kōra, ak lio belōm, jitenburu an ubōm, ak jerōm. ej einwōt am, ej karel yuk ilo etino, im ba, Jen ilen jermal ñōn anij ro jet, ro kwar jaje kake, kwe, im ro jimam; 7 ian anij ro an ro dri ailiñ ko iturōm, im rebake yuk ak retolok jen yuk, jen juōn jabōn lōl ñōn jabōn eo juōn; 8 kwon jab bōk ñōn buruen, ak eoroñ e; mejōm en jab tiriamokake, ak kwon jab kenlok e, ak noje: 9 a emol kwon mōne; peōm en ion mokta in mōne, im tokelik pein armij otemjelok. 10 Im kwon kare kin dreka, bwe en mij, bwe e ar kajeoñ in karel yuk jen Jeova am Anij, eo e ar kadrioiytok yuk jen enen Ijpt, jen iloan imōn kamakoko eo. 11 Im aolepen Israel e naj roñjake, im lelñōñ, im jamin bar kōmōn jabrewōt nana einwōt ilo bwiljōm.

12 Elañe kwoj roñjake air ba kin juōn ian jikin kwelok ko am, ko Jeova am Anij ej liwoj ñōn yuk in jokwe ie, im rej ba, 13 Jet armij re nana rar drioiylok jen bwiljōm, im rar karel ro dri jikin kwelok eo air, im ba, Kwon ilem korijer ñōn anij ro jet, ro kom jañin jela kajeir; 14 inem kwon jitōk, im kabukot, im kanuij kajitōk; im lo, elañe emol, im tūñtūñ in alikar, bwe rej kōmōn men in jōjōik in i bwiljōm, 15 inem kwon kanuij mōn ro dri jikin kwelok eo kin mejen jāji, im torlok bok, im men otemjej rej ber iloan, im kiru ko, kin mejen jāji. 16 Im kwon aini men in rakim ko an, iolapin ial eo an, im kwon kaloki, jikin kwelok eo, im aolepen men in rakim otemjelok, ñōn Jeova am Anij: im e naj juōn be ñōn in drio; ren jab bar kaleke. 17 Im ejelok mōtōn men in aje eo en edrep ñōn peōm; bwe Jeova en maroñ in oktōk jen an illu ebwil, im tiriamokake yuk, im kwalok joij ñōn yuk, im korlok yuk einwōt E ar kanōjniy kake



nōn ro jimam; 18 ñe kwoj eoroñ aini-ken Jeova am Anij, im bokake kien ko an otemjej, ko ij jiroñ yuk ranin, bwe kwon kōmōn men eo ejime ilo mejen Jeova am Anij.

**14** Kom ro nejin Jeova ami Anij: komin jab mōke bukwe kom, ak jolok kol ko jen ikōtan ātōm kin ro remij. 2 Bwe kwe <sup>1</sup>dri ailiñ e kwojarjar nōn Jeova am Anij, im Jeova e ar kālet yuk bwe kwon juōn ailiñ nōn E wōt, ian ailiñ otemjej ion mejen lōl.

3 Kwon jab mōña jabrewōt men in jōjōik. 4 Irkein kiru ko kom maroñ in mōña: ox, jip, im got, 5 hart, im gezel, im robōk, im got awia, im paigarg, im antelop, im shamoi. 6 Im jabrewōt kiru ej kijbil aki, im aki e jibil ilo ruo, im ej meme kijen alen ruo, ian kiru ko, eo komin mōña. 7 Ijoke, irkein ian ko rej meme kijeir alen ruo, ak e jibil aki, komin jab mōña: kamel, her, im kone, kin ke rej meme kijeir alen ruo, a e jab jibil akir, re jab erreō nōn kom. 8 Im pig, bwe e jibil akin, a e jab meme kijen alen ruo, e jab erreō nōn kom; komin jab mōña kōniekir, im ubeir komin jab uñire.

9 Irkein komin mōña ian men otemjej rej ber ilo dren ko: jabrewōt eo eor pein, im ruo kilin, kom maroñ in mōña; 10 im jabrewōt eo ejelok pein ak ruo kilin, komin jab mōña; e jab erreō nōn kom.

11 Jen bao ko otemjej rerreo kom maroñ in mōña. 12 A irkein men ko komin jab mōña: igōl, im gir igōl, im ospre, 13 im glid, im falkon, im kait ekar nōn wāwen, 14 im jabrewōt reven ekar nōn wāwen, 15 im ostrij, im hak in boñ, im keār, im hak ekar nōn wāwen, 16 im jínurij erik, im jinurij elap, im jinurij eo eor an drun, 17 im pelikan, im vōltur, im kormorant, 18 im stork, im heron ekar nōn wāwen, im hopoi, im bāt. 19 Im men otemjej rej kāki kab tōbōlbōl, re jab erreō nōn kom: komin jab mōña. 20 Kom maroñ in mōña bao otemjej rerreo.

<sup>1</sup> Jap. 7. 6.

21 Komin jab mōña jabrewōt men eo ej mij in atabuñ: kom maroñ in lelok nōn drua maijet eo iloan kejem eo am, bwe en mōña; a kwo maroñ in wiakaki nōn juōn dri ailiñ: bwe kwe dri ailiñ e kwojarjar nōn Jeova am Anij. Kwon jab kōmāt kon in got ilo dren in etin jinen.

22 Kwon lelok mōtōn joñoul jen aolepen orlok an ine eo am, eo ej walok jen jikin kallip yiō nōn yiō. 23 Im kwon mōña iman Jeova am Anij, ilo jikin eo E naj kālet in likit etan ie, mōtōn ken ka joñoul in am korn, in am wain ekāl, im am oil, im manji ko, elañe kau, ak jip, ak got; bwe kwon maroñ in jela mijōk Jeova am Anij ien otemjej. 24 Im elañe e aitōk am ial, im kwo jab maroñ in inek e, kin ke etolok jikin eo jen kwe, eo Jeova am Anij ej kālet e bwe En likit etan ie, ñe Jeova am Anij ej kejerammōn yuk; 25 inem kwon ukot e nōn mōnni, im lukwoj mōnni eo ilo peōm, im etallok nōn jikin eo Jeova am Anij e naj kālet e: 26 im kwon lelok mōnni eo wōnan jabrewōt men eo kwo kōnan, ox, ak jip, ak wain, ak dren ekajur, ak jabrewōt eo am ej kajitōk ibōm kake; im kwon mōña ijo iman Jeova am Anij, im kwon lōñliñ, kwe, im ro nukum. 27 Im dri Livai, iloan kejem ko am, kwon jab illok jen e; bwe ejelok an kij ak jolit einwōt kwe.

28 Im ien otemjej ñe e jemlok jilu yiō, kwon bōktok aolepen mōtōn joñoul in am orlok ilo yiō eo, im kabinoke iloan kejem ko am: 29 im dri Livai, kin ke ejelok an kij ak jolit ibōm, im drua maijet eo, im ro atajinemjen, im lio e joko belen, ro rej iloan kejem ko am, re naj itok, im mōña im māt; bwe Jeova am Anij en kejerammōn yuk, ilo jerbal otemjej in peōm, eo kwoj kōmōne.

**15** Ien otemjej ñe e jemlok jilji-limjuōn yiō kwon kōmōn juōn kōtlok. 2 Im eñin wāwen kōtlok eo: jabrewōt dri kamuri en kōtlok men eo e ar kamuri dri turin kake; en jab kajitōk e jen dri turin ak jen jein ak jātin: bwe emwij kwalok kōtlok eo

an Jeova. 3 Kwo maroñ in kajitōk e jen drua maijet: a jabrewōt men eo am iben eo jeōm ak jātōm, peōm en kōtlok e. 4 Ijoke, e naj ejelok dri jeramel ibōm, (bwe emol Jeova e naj kejerammōn yuk ilo eneo Jeova am Anij ej lewoj men in jolit bwe en am), 5 men in wōt, elañe kwoj kanuij eoroñ ainiken Jeova am Anij, bwe kwon bokake aolepen kien in ij jiroñ yuk ranin. 6 Bwe Jeova am Anij e naj kejerammōn yuk, einwōt e ar kalimur ñōn yuk: im kwo naj kamuri elōñ dri ailiñ ko, a kwo jamin muri; im kwo naj iroiñ ion ro dri ailiñ, a re jamin iroiñ iom.

7 Elañe jabrewōt dri jeramel ibōm, juōn ian ro jeōm im jātōm, iloan kejem ko ar., ilo eneo Jeova am Anij ej lewoj, kwon jab kabin buruōm, ak elokwoj peōm jen jeōm im jātōm dri jeramel; 8 a emol kwon erlokwe peōm ñōn e, im emol kwon lelok ñōn e im kabwe aikwij eo an. 9 Kwon lale bwe en ejelok lemnok e nana ilo buruōm, im kwo ba, Yiō ken ka jiljilimjuōn, yiō in kōtlok, ehak wōt; im mejōm ej nana nae jeōm im jātōm dri jeramel, im ejelok am lelok; im ej kir ñōn Jeova nae yuk, im e naj am jerawiwi. 10 Kwon lelok wōt ñōn e, im buruōm en jab buromōj ñe kwoj lelok; bwe kin men in Jeova am Anij e naj kejerammōn yuk, ilo am jerbal otemjej, im ilo jabrewōt eo kwoj likit peōm ñōn e. 11 Bwe ro dri jeramel re jamin joko jen eneo am: kin men in, ij jiroñ yuk, im ba, Kwon erlokwe wōt peōm ñōn eo jeōm im jātōm, ñōn am dri aikwij, im ñōn am dri jeramel, ilo eneo am.

12 Elañe emwij wiakake ñōn kwe, jeōm im jātōm dri Hibru man ak kōra, im ej korijer ñōn kwe iomin jiljino yiō; inem ilo yiō eo ken ka jiljilimjuōn kwon kōtlok e jen kwe. 13 Im ñe kwoj kōtlok e jen kwe, kwon jab kōtlok e im ejelok iben: 14 kwon wujleplik ñōn e, jen am bwijin jip ak got, im jen am jikin dreñdreñ korn, im jen am ken joniōk wain; einwōt Jeova am Anij e ar kejerammōn yuk, ein drein kwon lelok ñōn e.

15 Im kwon kememej bwe kwar dri kamakoko ilo enen Ijpt, im bwe Jeova am Anij e ar wiaik yuk: kin men in ij jiroñ yuk men in ranin. 16 Im elañe ej ba ñōn yuk, I jab kōnan drioiplik jen ibōm; kin an yokwe yuk im ro nukum, kin ke emōn an ber ibōm; 17 inem kwon bōk juōn ñin edrel, im il lojiliñin ñōn aor, im e naj korijer ñōn kwe in drio. Im kwon kab kōmōn einwōt ñōn korijerōm kōra. 18 En jab einwōt juōn men ebin ñōn kwe, ñe kwoj kōtlok e jen yuk; bwe ñōn wōnan ruo am dri jerbal e ar korijer ñōn kwe iomin jiljino yiō: im Jeova am Anij e naj kejerammōn yuk ilo men otemjej kwoj kōmōne.

19 <sup>1</sup> Manji otemjej koman rar lotak jen bwij ko am, kwon kokwojarjar e ñōn Jeova am Anij: kwon jab kejerbal majien am kau, im kwon jab mijbar manjien jip eo am. 20 Kwon kōñe iman Jeova am Anij, ilo yiō otemjej, ilo jikin eo Jeova e naj kålet e, kwe im ro nukum. 21 Im elañe e jab wäppen, elañe e bilo ak kirro, jabrewōt notan, kwon jab katok kake ñōn Jeova am Anij. 22 Kwon kōñe iloan kejem ko am: ro rerreo im ro re jab erre, ren jimor ailmaroñe, einwōt gezel ak hart. 23 Men in wōt, kwon jab mōña bōtōktōkin; kwon lutōklok e ion brij einwōt dren.

**16** Kwon <sup>2</sup> lale aliñ Ebib, im kejbārok kwojkwoj in kijone ñōn Jeova am Anij; bwe ilo aliñ Ebib Jeova am Anij e ar kadrioiptok yuk jen Ijpt, ilo boñ. 2 Im kwon katok kin men in kijone ñōn Jeova am Anij, kin kau ko, ak jip, ak got ko, ilo jikin eo Jeova e naj kålet bwe en likit etan ie. 3 Kwon jab mōña bred e uwe iben; iomin jiljilimjuōn ran kwon mōña bred e jab uwe iben, aet, bred in jorran; bwe kwar drioiptok jen Ijpt ilo kijorur: bwe kwon maroñ in kememej ran eo kwar drioiptok jen Ijpt, ran otemjej in am mour. 4 Im ren jab lo jabrewōt leven ibōm i aolepen ene ko am, iomin jiljilimjuōn ran; im ejelok mōtōn kō-

<sup>1</sup> Ex. 13. 2. <sup>2</sup> Ex. 12. 2.



niek eo, kwoj katok kake ran eo mokta ñe ejota, en berwõt aolepen boñ mae jiboñ. 5 Kwon jab katok kin men in kijone iloan jabrewõt kejem ko am, ko Jeova am Anij ej lewoj; 6 a ilo jikin eo Jeova am Anij e naj kälet e, bwe En likit etan ie, ijo kwon katok kin men in kijone, ñe ejota, ñe e tulok al, ien eo ke kwar drioiptok jen Ijpt. 7 Im kwon umne, im kõñe ilo jikin eo Jeova am Anij e naj kälet e: im ñe ejiboñ, kwon oktök im jeblak ññ moko imwemi. 8 Iomin jiljino ran kwon mõña bred e jab uwe; im ilo ran eo ken ka jiljilimjuõn, e naj juõn kwelok e kwojarjar ññ Jeova am Anij; kwon jab kõmõn jabrewõt jerbal ilo ran eo.

9 Kwon <sup>1</sup> bwini ññ yuk jiljilimjuõn wik: jen ien eo ñe kwoj jino in likit sikel ññ korn e jutök, kwon jino in bwini jiljilimjuõn wik. 10 Im kwon lale kwojkwoj in wik ko ññ Jeova am Anij, kin juõn owõj in katok kõnan ilo peõm, eo kwon lelok, einwõt Jeova am Anij ej kejerammõn yuk: 11 im kwon lõñliñ iman Jeova am Anij, kwe im nejõm man im kõra, im korijerõm man im kõra, im dri Livai iloan kejem ko am, im drua maijet, im eo atajinemjen, im kõra eo e joko belen, ro rej ilo bwiljimi ilo jikin eo Jeova am Anij e naj kälet e bwe En likit etan ie. 12 Im kwon kememej bwe kwar dri kamakoko ilo Ijpt: im kwon lale im bokake kien kein.

13 Kwon <sup>2</sup> lale kwojkwoj in imõn kaber ko iomin jiljilimjuõn ran, elikin am aini jen jikin dreñdreñ korn eo am, im jen am ken joniök wain: 14 im kwon lõñliñ ilo am kwojkwoj, kwe, im nejõm man im kõra, im korijerõm man im kõra, im dri Livai, im drua maijet, im eo e atajinemjen, im kõra eo e joko leo belen, ro rej iloan kejem ko am. 15 Iomin jiljilimjuõn ran kwon lale kwojkwoj nõñ Jeova am Anij, ilo jikin eo Jeova am Anij e naj kälet e; bwe Jeova am Anij e naj kejerammõn yuk ilo am orlok otemjej, im ilo aolepen jerbal in peõm, im kwon lõñliñ wõt. 16 Jilu

alen ilo juõn yiõ, man ro otemjej am ren walok iman Jeova am Anij ilo jikin eo E naj kälet e: ilo kwojkwoj in bred e jab uwe, ilo kwojkwoj in wik ko, im ilo kwojkwoj in imõn kaber ko; im ren jab walok iman Jeova im ejelok kwonair: 17 jabrewõt eman en lelok einwõt an maroñ, ekar ññ jerammõn an Jeova am Anij, eo E ar lewoj.

18 Kwon kõmõn iroi in ejaket ro, im ro dri kabwjrök, ilo kejem ko am otemjej, ko Jeova am Anij ej lewoj, ekar ññ bwij ko am; im ren ekajet armij ro kin ekajet jime. 19 Kwon jab kankeke ekajet: kwon jab kabwilo lok mejen armij: kwon jab bök wõnan kankeke ekajet; bwe wõnan ej kabilo mejen ro dri meletlet, im kankeke nan ko an ro re wānik. 20 Kwon lor men eo e wānik wõt, bwe kwon mour, im jolit eneo Jeova am Anij ej lewoj.

21 Kwon jab kalibwin juõn Ashira jen jabrewõt wāwen wijki, iturin lokatok an Jeova am Anij, eo kwoj kalek ññ yuk. 22 Kwon jab kajutök jur dreka; men eo Jeova am Anij ej dike.

**17** Kwon <sup>1</sup> jab katok ññ Jeova am Anij kin juõn ox, ak jip, e jab wāppen; bwe men in men in jōjōik ññ Jeova am Anij.

2 Elañe rej lo i bwiljõm, iloan jabrewõt ian kejem ko am, Jeova am Anij ej lewoj, man ak kõra, eo ej kõmõn men eo e nana iman mejen Jeova am Anij, eo ej kokkure bujen eo An, 3 im e ar ilem korijer ññ anij ro jet, im kabuñ ññ ir, ak ññ al, ak ññ al-iñ, ak jabrewõt ian jarlipju in lõñ, eo I ar jab jiroñ kake, 4 im rej kennanek yuk men in, im kwar roñjake; inem kwon kanuij kajitök kake; im lo, elañe emol, im men eo e alikar, bwe ein drein kõmõn men in jōjōik ilo Israel, 5 inem kwon āñintok man ak kõra eo, eo e ar kõmõn men in e nana, ññ kejem ko am, aet, man eo ak kõra eo, im kwon kare ir kin dreka bwe ren mij. 6 Kin loñin ruo dri kennan, ak jilu dri kennan, ren mõn eo drier

mij; ren jab mōn e kin loñin juōn wōt dri kennan. 7 Pein ro dri kennan ren ion bwe ren mōn e, im tokelik pein armij ro otemjej. Ein drein kwon ka-toanlok nana in jen lo bwiljem.

8 Elañe ej walok ñōn kwe men in ekajet e kanuij bin, ikōtan imajaj in bōtōktōk, im bōtōktōk, ikōtan imajaj in nan im nan, im ikōtan imajaj in ubrare im ubrare, men ko men in ak-wail iloan kejem ko am; inem kwon jutōk im ilok ñōn jikin eo Jeova am Anij e naj kālet e; 9 im kwon ilok ñōn iben pris ro, dri Livai, im ñōn iben dri ekajet eo ej ber ilo ran ko: im kwon kajitōk; im ren kwalok ñōn yuk nan in ekajet. 10 Im kwon kōmōn ekar ñōn nan in ekajet, eo rej kwalok ñōn yuk jen jikin eo Jeova e naj kālet e; im kwon lale im kōmōn ekar ñōn men otemjej rej katakin yuk kake: 11 ekar ñōn wāwen kien eo rej katakin yuk, im ekar ñōn ekajet eo rej ken-nanek yuk, kwon kōmōn; kwon jab jeōrlōk jen nan in ekajet eo re naj kwalok ñōn yuk, ñōn anbijmaroñ ak ñōn anmiñ. 12 Im armij eo ej tōr-kielel, im jab eoroñ pris eo ej jutōk in korijer ijo iman Jeova am Anij, ak dri ekajet eo, armij eo en mij: im kwon jolok nana eo jen Israel. 13 Im armij otemjej ren roñjake, im mijōk, im jab bar kōmōn tōrkielel.

14 Ne emwij am dreloñlok iloan eneo Jeova am Anij ej lewoj im kwoj bōke, im jokwe iloan, im kwoj ba, 1 I naj kairoij juōn kiñ ioō, einwōt ro dri ailiñ otemjej rej ituriō; 15 kwon kairoij kiñ iom, eo Jeova am Anij ej kālet e: juōn ian ro jeōm im jātōm kwon kairoij e iom: kwon jab kairoij iom juōn drua maijet, eo e jab jeōm im jātōm. 16 Men in wōt, en jab korlok ors ñōn e mōke, ak kejeblak armij ro ñōn Ijīpt, bwe en korlok ors ko; bwe Jeova e ar ba ñōn yuk, Kom jamin bar jeblaklok ilo ial eo. 17 Im en jab korlok belen ñōn e, bwe buruen en jab jeōrlōk: im en jab kanuij korlok ñōn e silver im gold.

18 Im ñe ej jijōt ion tron in ailiñ eo an, en jeje ñōn e kien in ilo juōn

buk, jen buk eo ej iman pris ro, dri Livai: 19 im en ber iben, im en kono-no ie ran otemjej in mour eo an; bwe en maroñ in jela mijōk Jeova an Anij, bwe en bokake nan ko otemjej an kien in im nan in kaiñi kein bwe en kōmōni; 20 bwe en jab utiej buruen jen ro jein im jātīn, im en jab jeōrlōk jen kien eo ñōn anbijmaroñ ak anmiñin: bwe en kaitoklok ran ko an ilo ailiñ eo an, e im ro nejin, iolapin Israel.

**18** Pris ro, dri Livai, aet, aoopen bwijin Livai, e naj ejelok air kij ak jolit iben Israel: re naj mōña jur-tak ko an Jeova, kōmōne kin kijeek, im jolit eo An. 2 Im e naj ejelok air jolit iben ro jeir im jātīr: Jeova ej air jolit, einwōt E ar ba ñōn ir. 3 Im men in e naj owōj ñōn pris ro jen armij rōn, jen ro rej katok, elañe kin ox ak jip, ren lelok ñōn pris eo, aieran, im jeb ko ruo, im turōk eo. 4 Jomōkōj ko in am korn, im am wain ekāl, im am oil, im kol ko mokta jen am jip, kwon lelok ñōn e. 5 Bwe Jeova am Anij e ar kālet e jen bwij ko am otemjej, bwe en jutōk im korijer ilo etan Jeova, e im ro nejin, ñōn in drio.

6 Im elañe juōn dri Livai ej itok jen jabrewōt ian kejem ko am, jen aoopen Israel, ijo ej jokwe, im ej itok ilo aoopen an kōnan, ñōn jikin eo Jeova e naj kālet e; 7 inem e naj korijer ilo etan Jeova an Anij, einwōt ro jein im jātīn, dri Livai, rej kōmōne, ro rej jutōk ijo iman Jeova. 8 Ren bōk kijeir drit wōt juōn, bareinwōt tokjen wiakake jolit eo an.

9 Ne emwij am dreloñlok ilo eneo Jeova am Anij ej lewoj, kwon jab katak in kōmōn einwōt men in jōjōik ko an ro dri ailiñ ko. 10 Ren jab lo ibōm jabrewōt eo ej kōmōn bwe nejin man ak kōra en dribuk kijeek, ak juōn ej anijni, ak juōn ej marmir, ak juōn ej drikanij, ak juōn ej kōmao iben dimon ro, 11 ak juōn ej bebe iben anij dri komao iben, ak juōn dri meletlet ilo nana, ak dri aneep. 12 Bwe jabrewōt eo ej kōmōn men rōt kein, ej men in jōjōik ñōn Jeova: im

kin men in jōjōik kein, Jeova am Anij ej ubakelok ir imam. 13 Kwon wāp-pen iben Jeova am Anij. 14 Bwe ro dri ailiñ kein, ro kwoj kobajlok ir, rej eoroñ ro rej kōmōn ainij, im ro rej drikanij; ak kin kwe, Jeova am Anij e ar jab kamelim am kōmōn einwōt.

15 Jeova am Anij <sup>1</sup>e naj kajutōk juōn Dri Kanan jen bwiljōm, juōn ian ro jeōm im jātōm, einwōt ña; kwon eoroñ E; 16 ekar ñōn men ko otemjej kwar kōnan jen Jeova am Anij i Horeb, ilo ran in kwelok eo, im kwar ba, In jab bar roñjake ainiken Jeova aō Anij, im in jab bar lo kijeek in elap, in drio, bwe in jab mij. 17 Im Jeova e ar ba ñōn iō, Emōn air konono ilo men eo rar ba. 18 I naj kajutōk ñōn ir juōn Dri Kanan, jen iben ro jeir im jātir, einwōt kwe; im I naj likit nan ko Aō i loñin, im E naj ba ñōn ir men otemjej I naj jiroñ E kake. 19 Im <sup>2</sup>e naj ein drein, jabrewōt eo e jab eoroñ nan ko Aō, ko E naj konono ilo eta, I naj kajitōkin e.

20 A dri kanan eo ej ba juōn nan e wajōjō ilo eta, eo I ar jab jiroñ e bwe en ba, ak ej konono ilo etan anij ro jet, dri kanan eo en mij. 21 Im elañe kwoj ba ilo buruōm, Ekijkan am naj jela nan eo Jeova e ar jab ba? 22 ñe juōn dri kanan ej konono ilo etan Jeova, elañe nan eo e jab jejit, ak walok ein drein, Jeova e ar jab ba men eo: dri kanan eo e ar wajōjō in ba, kwon jab mijōk e.

**19** Ñe Jeova am Anij ej bukwelok ro dri ailifi ko, eneo air Jeova am Anij ej lewoj, im kwoj binej jenkwair, in jokwe ilo jikin kwelok ko air, im ilo moko imweir; 2 kwon kejenolok jilu jikin kwelok ñōn kwe, ilo bwiljin eneo am, eo Jeova am Anij ej lewoj bwe en am. 3 Kwon kapojōk ñōn yuk ial eo, im ajej tōreren eneōm, eo Jeova am Anij ej kajolit yuk kake, ilo jilu mōtōn, bwe dri kalanwōtwōt armij en maroñ in ko ñōn ijo.

4 Im eñin wāwen dri kalanwōtwōt, eo e naj kone im mour: jabrewōt eo ej mōn dri turin kin lanwōtwōt, im e ar jab kijirāte ilo ien ko mokta; 5 ein-

wōt ke juōn eman ej ilok ñōn bukwōn wijki im jekjek kani, im pein ej jajaike ilil bwe en juok juōn wijki, im māl eo ej jekarlok jen jurōn, im ej jek dri turin, einwōt bwe en mij; en ko ñōn juōn ian jikin kwelok kein im mour: 6 ñe ab dri irenwōne kin bōtōktōk en lukworkwor dri kalanwōtwōt eo ke ebwil buruen, im tōbar e, kin an aitok ial eo, im mōn e bwe en mij; ak e jab tellokin mij, bwe e ar jab kijirāte ilo ien ko mokta. 7 Kin men in, ij jiroñ yuk, im ba, Kwon kejenolok jilu jikin kwelok ñōn yuk. 8 Im elañe Jeova am Anij ej kalaplok tōreren eneo am, einwōt E ar kanōjnij ñōn ro jimam, im Ej lewoj aolepen eneo E ar kalimur kake ñōn ro jimam; 9 elañe kwoj bokake aolepen kien in im kōmōne, eo ij jiroñ yuk kake ranin bwe kwon yokwe Jeova am Anij, im etal ilo ial ko An in drio; inem kwon kobaik bar jilu jikin kwelok ñōn kwe, eorlok jen kein jilu: 10 bwe ren jab katorlok dran, ejelok ruōn, ilo bwiljin eneo am, eo Jeova am Anij ej lewoj, juōn jolit, im bōtōktōk ej ber ion.

11 A elañe jabrewōt armij ej kijirāte dri turin, im kebao, im jutōk nae e, im mōn e bwe en mij, im ej ko ñōn juōn ian jikin kwelok kein; 12 inem ridto ro an jikin kwelok eo an, ren jilkinlok, im āñintok e jen ijo, im ketōk e ñōn pein dri irenwōne kin bōtōktōk, bwe en mij. 13 Mejōm en jab tiriamokake, a kwon jab katorlok bōtōktōk ejelok ruōn jen Israel, bwe en emōn ibōm.

14 <sup>1</sup>Kwon jab ikir melan wāto an dri turum, eo ridto ro mokta rar likite, ilo am jolit, eo kwoj likite ilo eneo Jeova am Anij ej lewoj bwe en am.

15 Juōn dri kennan en jab jutōk nae juōn armij kin jabrewōt nana, ak kin jabrewōt jerawiwi, ilo jabrewōt bwir ej bwir kake: i loñin ruo dri kennan, ak i loñin jilu dri kennan, naj kabin men eo. 16 Elañe dri kennan e jab wānik ej jutōk nae jabrewōt armij in kennan nae e kin kō-

<sup>1</sup> Jerb. 3. 22; Jon 1. 21, 25. <sup>2</sup> Jerb. 3. 23; Hib. 12. 25.

<sup>1</sup> Matu 18. 16.

mōn e jab jime, 17 inem armij ro ruo, eor akwail ikōtairro, ren jutōk iman Jeova, iman pris ro, im iman ro dri ekajet rej ber ilo ran ko; 18 im ro dri ekajet ren kanuij kajitōk: im lo, elañe dri kennan eo ej dri kennan riōp, im e ar kennan riōp nae jein im jātin; 19 inem komin kōmōn nōn e einwōt e ar lemnok in kōmōn nōn jein im jātin: ein drein kwon jolok nana jen lo bwiljōm. 20 Im ro rej berwōt re naj roñjake, im mijōk, im re jamin bar kōmōn jabrewōt nana einwōt ilo bwiljōm. 21 Im mejōm en jab tiriamokake; mour en wōnan mour, 1mej kin mej, ñi kin ñi, pā kin pā, ne kin ne.

**20** Ñe kwoj ilen tōrinaek ro dri kijirāte yuk, im lo ors ko, im jariat ko, im armij ro relōñ jen kwe, kwon jab mijōk ir; bwe Jeova am Anij ej ber ibōm, Eo e ar āñintok yuk jen enen Ijpt. 2 Im ñe kwoj kebaklok tōrinae eo, pris eo en druaktok im konono nōn armij ro, 3 im naj ba nōn ir, Komin roñjake, O Israel, komij kebaklok ranin in tōrinaek ro dri kijirāte kom: buruemi ren jab kijelok; komin jab mijok, ak wuririr, ak lelñōñ kin ir; 4 bwe Jeova am Anij eo ej ilok ibōmlok, bwe En tōrinae kin kwe, nae ro dri kijirāte yuk, bwe En lomoren yuk. 5 Im iroijs ro ren konono nōn armij ro, im ba, Ewi juōn armij e ar kalek im ekāl im e jañin lelok? en ilok im jeblak nōn mweo imōn, ñe e ab mij ilo tōrinae im bar juōn armij ej lelok e. 6 Im ewi juōn armij e ar kallip bwil in grep, im e jañin mōña jen leen? en ilok im jeblak nōn mweo imōn, ñe e ab mij ilo tōrinae, im bar juōn armij ej mōña leen. 7 Im ewi juōn eman im eor an kalimur iben juōn kōra, im e jañin bōke? en ilok im jeblak nōn mweo imōn, ñe e ab mij ilo tōrinae, im bar juōn ej bōke. 8 Im kapen ro re naj bar konono nōn armij ro, im ren ba, Ewi juōn armij e bikōt, im buruen e lōlbwijeje? en ilok im jeblak nōn mweo imōn, ñe ab kokwer buruen ro jein im jātin kin e. 9 Im ñe

emwij an iroijs ro konono nōn armij rōn, inem ren likit kapen in tōrinae, ro dri tel armij ro.

10 Ñe kwo naj druaklok nōn juōn jikin kwelok bwe kwon tōrinaek e, inem kwon kwalok ainemōn nōn e. 11 Im elañe ej uak ilo ainemōn, im kabbellok nōn kwe, inem armij otemjej rej ber ie, re naj owōj nōn kwe, im re naj korijer nōn kwe. 12 Im elañe e jab kōnan mirik yuk, a e kōnan tōrinaek yuk, inem kwon nitbwile: 13 im ñe emwij an Jeova am Anij ketōk e ilo peōm, kwon mōn jabrewōt eman iloan kin mejen jāji: 14 a kōra rōn, im ajiri, im kiru ko, im men otemjej iloan jikin kwelok eo, aet, aolepen mweiuk ko an, kwon bōk nōn kwe, einwōt men in rakim; im kwon mōña jen men in rakim jen ro dri kijirāte yuk, eo Jeova am Anij e ar lewoj. 15 Kwon kōmōn ein drein nōn jikin kwelok otemjej re kanuij etolok jen kwe, ko re jab ian jikin kwelok ko an ailiñ kein. 16 A jen jikin kwelok ko an ro dri ailiñ kein, ko Jeova am Anij ej lewoj am jolit, kwon jab kejbārok mour an jabrewōt men eo ej menono; 17 a kwon torlok bok: dri Het, dri Amor, dri Kenean, dri Periz, dri Hiv, im dri Jibus; einwōt Jeova am Anij e ar jiroñ yuk; 18 bwe ren jab katakin yuk bwe kwon kōmōn ekar nōn men in jōjōik ko air otemjej, ko rar kōmōni nōn anij ro air; ein drein kom naj kar bwir nae Jeova ami Anij.

19 Ñe eto am nitbwile juōn jikin kwelok, ilo am tōrinaek e im bōke, kwon jab kokkure wijki ko an ilo am jeki kin ilil; bwe kwoj marōñ in mōña jeni, im kwon jab juokwi; bwe wijki in melaj armij ke, bwe kwon nitbwile? 20 Wijki ko wōt kwo jela bwe re jab ken ekōn, kwon kokkure im juokwi; im kwon kalek me ko nae jikin kwelok eo ej tōrinaek yuk, mae ien an buñ.

**21** Elañe rej lo juōn e mijijak ilo eneo Jeova am Anij ej lewoj bwe en am, ej babu ilo melaj, im e jab alikar wōn eo e ar mōn e. 2 inem ridto ro am im dri ekajet ro am, ren



drioiĵtok, im ren joŝe ñōn jikin kwelok ko iturin eo emwiĵ mōne: **3** im jikin kwelok eo ej ebaktok ñōn armij eo emwiĵ mōn e, aet, ridto ro an jikin kwelok eo, ren bōk juōn kau kokōra emōn ridtōn, jen bwijin kau ko, eo re jaŝin kajerbal e, im eo e jaŝin ibere ilo ine; **4** im ridto ro an jikin kwelok eo ren aŝinlōllok kau kokōra eo ñōn juōn komlōl, ijo eor dren etorlok, im ijo re jab tiblōle ak jeor, im ruje kenwan kau kokōra ilo komlōl eo. **5** Im pris ro nejn Livai ren kebake; bwe Jeova am Anij e ar kălet ir in korijer ñōn E, im bwe ren kejeram-mōn ilo etan Jeova; im ekar ñōn air in nan naj jemlokōn akwail otemjej im jebōk otemjej. **6** Im ridto ro otemjej an jikin kwelok eo ebaktok ñōn armij eo e mijijak, ren amini peir ilōñin kau kokōra eo emwiĵ ruje kenwan, ilo komlōl eo; **7** im ren uak im ba, Peer rar jab katorlok dran in, im mejer rar jab loe. **8** O Jeova, kwon jolok bwir jen Israel, ro dri ailiñ Am, ro Kwar wiaik ir, im Kwon jab likit bwe dran ejelok ruōn en berwōt i bwiljin Israel, ro dri ailiñ Am. Im naj jolok jen ir bwir kin dran eo ejelok ruōn. **9** Ein drein kwon katoanlok dran ejelok ruōn jen ilo bwiljōm, ñe kwoj kōmōn men eo e jime iman mejen Jeova.

**10** Ñe kwoj ilen tōrinaek ro dri kijirāte yuk, im Jeova am Anij ej lewoj ir ilo peōm, im kwoj aŝinlok ir dri jebokwe, **11** im kwoj lo iben ro dri jebokwe juōn kōra edreo, im kwoj yokwe, im kōnan bōke belōm; **12** inem kwon aŝintok e ñōn kabijuknōm; im e naj eāl bōran, im bukwe akin; **13** im e naj wutik nuknuk in jebokwe jen e, im e naj berwōt ilo mweo imōm, im joñōt jemen im jinen iomin aolepen juōn aliñ: inem tokelik kwon ilok ñōn iben, im kwon belen, im en belōm. **14** Im elañe kwo jab mōnōnō kake, inem kwon kōtlok e bwe en ilok ijo e kōnan; kwon jab wiakake kin mōnni, kwon jab kōmōn ñōn e einwōt dri kamakoko, bwe emwiĵ am kōtaik e.

**15** Elañe iben juōn eman ruo belen, juōn e jitenburu im juōn e jab yokwe,

im irro rar keutak ro nejir ñōn e, eo e jitenburu im eo e jab yokwe; im elañe manji man, nejn lio e jab yokwe; **16** inem ilo ran eo ñe ej kōmōn bwe ro nejn man ren jolit men ko an, en jab kwotōk etan leo nejn lio e jitenburu, jen leo nejn lio e jab yokwe, eo manji emol; **17** a en kamol nejn lio e jab yokwe, manji, im lelok ñōn e ruo mōtōn men otemjej iben; bwe e jinoin an kajur; men ko rekar ñōn manji, an wōt.

**18** Elañe iben jabrewōt armij juōn nejn man e ankeke im bōt, eo e jab kōnan bokake ainiken jemen, ak ainiken jinen, im, meñe rej kajeik e, e jab eoroñ ir; **19** inem jemen im jinen ren jibwe, im aŝinlok e ñōn ridto ro an jikin kwelok eo an, im ñōn kejem in jikin kwelok eo an; **20** im ren ba ñōn ridto ro an jikin kwelok eo an, Lein nejim e bōt im ankeke, e jab kōnan bokake ainikem; e broklip im dri karek. **21** Im man ro otemjej an jikin kwelok eo an, ren kare kin dreka bwe en mij: ein drein kwon jolok nana jen bwiljōm; im aolepen ro dri Israel re naj roñjake, im mijōk.

**22** Elañe juōn armij e ar kōmōn nana tellokin mij, inem rej mōn e, im kwoj totoik e ilo wijki; **23** <sup>1</sup>ubōn en jab ber ilo wijki aolepen boñ, a kwon kalibwin e ran eo wōt; bwe eo emwiĵ totoik e, <sup>2</sup>ej binnikol an Anij; bwe kwon jab kananaik eneo Jeova am Anij ej lewoj am jolit.

**22** Kwon jab lo ox ak ĵip an jeōm im jātōm jebwābwe, im tilekek jen e: emol kwon kajeblak e ñōn jeōm im jātōm. **2** Im elañe jeōm im jātōm e jab ebake yuk, ak kwo jaje kajen, inem kwon aŝintok e ñōn kabijuknōm, im en ber ibōm mae ien eo jeōm im jātōm ej kabukot e, inem kwon bar lelok ñōn e. **3** E naj ein drein am kōmōn kin ass eo an; e naj ein drein am kōmōn kin nuknuk ko an; ein drein am naj kōmōn kin jabrewōt men eo e joko an jeōm im jātōm, ke e joko jen e, im kwar loe: kwon jab tilekek jen e. **4** Kwon jab lo ass ak ox an jeōm im jātōm, ñe emwiĵ an buñ ilo



ial, im tilekek jen e: emol kwon jibōñ an bar kajutōk e.

5 Juōn kōra en jab kōnōk nuknuk an man rōn, im man en jab kōnōk ko an kōra; bwe jabrewōt eo ej kōmōn men rōt kein, ej men in jōjōik nōn Jeova am Anij.

6 Elaņe el in bao ej imam bōjik ilo ial, ilo jabrewōt wijki ak ion brij, im eor kon ak lip, im jinen ej beroani lip ko ak kon ko, kwon jab bōk jinen kab kon ko: 7 kwon kōtlok wōt jinen, a kwo maroñ in bōki kon ko nōn kwe; bwe en emōn ibōm, im bwe kwon maroñ in kaitoklok ran ko am.

8 Ñe kwoj kalek im ekāl, kwon kōmōn worwor in kejenwan, bwe kwon jab naruōn mweo imōm ilo bōtōktōk, elaņe juōn armij ej buñ jen ijo.

9 Kwon jab jeor ruo wāwen ine ilo am bwil in grep, ñe ab aolepen leen en men in aje, ine eo emwij am jeor e, im leen bwil in grep eo. 10 Kwon jab tiblōl kin juōn ox im juōn ass iben dron. 11 Kwon jab kōnōk nuknuk emwij kāreike, kolan jip im linen emwij eji.

12 Kwon kōmōn albok i tōreran ko emen in nuknuk eo am, eo kwoj kalibubu yuk kake.

13 Elaņe jabrewōt man ej bōk be-  
en, im babu iben, im drike, 14 im kinaklok e kin men ko renana, im kananaik etan, im ba, I ar bōk kōra in, im ke I ar kebake, I ar jab lo kakōle ko an virjin iben: 15 inem jemen im jinen jiroñ eo ren bōk im kwalok kakōlen virjin an jiroñ eo nōn ridto ro i kejem an jikin kwelok eo; 16 im jemen jiroñ eo e naj ba nōn ridto ro, I ar lelok nejiō kōra nōn armij in belen, im ej drike; 17 im lo, emwij an kinaklok e kin men ko renana, im e ar ba, I ar jab lo iben ne-  
jōm kōra kakōlen virjin; ak irkein kakōlen virjin an lio nejem. Im ren erlokwe nuknuk eo iman ridto ro in jikin kwelok eo. 18 Im ridto ro an jikin kwelok eo ren bōk armij eo im kajeik e; 19 im ren bōk jen e jibuki shekel in silver, im lilok nōn jemen jiroñ eo, bwe e ar kajkur juōn virjin in Israel: im en belen; en jab jolok e

ran ko otemjej an. 20 A elaņe emol men eo, im rar jab lo kakōlen virjin iben jiroñ eo; 21 inem ren āñinlok jiroñ eo nōn kejem in imōn jemen, im man ro an jikin kwelok eo ren kare kin dreka, bwe en mij, bwe e ar kōmōn men in bwebwe ilo Israel, im e ar kijoñ iloan mweo imōn jemen; ein drein kwon jolok nana jen bwiljōm.

22 Elaņe <sup>1</sup>rej lo juōn eman ej babu iben juōn kōra eo emwij an belek juōn eman, inem irro ren mij, leo, kab lio: ein drein kwon jolok nana jen Israel.

23 Elaņe juōn eman ej lo juōn jiroñ eo emwij an kalimur nōn leo e naj an, iloan jikin kwelok, im ej babu iben; 24 inem kwon āñinlok irro nōn kejem in jikin kwelok eo, im komin kare irro kin dreka bwe ren mij; jiroñ eo kin an jab kar lami, ke iloan jikin kwelok; im leo kin an kananaik lio belen dri turin: ein drein kwon jolok nana jen bwiljōm.

25 A elaņe man eo ej lo jiroñ eo emwij an kalimur nōn leo e naj an. i melaj, im man eo ej kamakokoik lio im babu iben; inem leo wōt, en mij: 26 a kwon jab kōmōn jabrewōt nōn jiroñ eo; ejelok ruōn jiroñ eo bwe en mij: bwe einwōt ñe juōn armij ej jutōk nae dri turin im mōn e, ein drein men in; 27 bwe leo e ar loe ilo melaj, jiroñ eo emwij an kalimur, e ar lami, im e kar ejelok dri lomoren.

28 Elaņe juōn eman ej lo juōn jiroñ ej virjin, im jañin kalimur kake, im ej jibwe, im babu iben, im rej lo irro; 29 inem leo e ar babu iben en lelok nōn jemen jiroñ eo limñoul shekel silver, im lio e naj belen, kin ke e ar kananaik e; en jab jolok e iomin ran ko otemjej an.

30 Juōn eman en jab bōk lio belen jemen, im en jab babu iben lio.

**23** Eo emwij kakiniñij kwoli ko an, ak bukwelok jububen, en jab dreloñ iloan jar an Jeova.

2 Juōn ejelok jemen en jab dreloñ iloan jar an Jeova; aet, nōn eboben eo ken ka joñoul, ejelok mōtōn en dreloñ iloan jar an Jeova.

3 Juōn dri Amon, ak dri Moab, en jab dreloñ iloaan jar an Jeova; aet, ñōn ebeben eo ken ka joñoul, ejelok mōtair en dreloñ iloaan jar an Jeova in drio: 4 bwe rar jab wōnmae kom kin bred im dren ilo ial, ke kom ar drioiytok jen Ijipt, im bwe rar kajerbal <sup>1</sup>Beleam nejin Bior jen Pitor in Mesopotemia, bwe en kole yuk. 5 Mekarta, Jeova am Anij e ar jab eoroñ Beleam, a Jeova am Anij e ar ukot menukol eo ñōn jerammōn ñōn yuk, bwe Jeova am Anij e ar yokwe yuk. 6 Kwon jab kabukot air aine-mōn ak jerammōn, ran ko otemjej am ñōn in drio.

7 Kwon jab jōjōik dri Idom; bwe jeōm: kwon jab jōjōik dri Ijipt; bwe kwar drua maijet ilo eneo an. 8 Ro nejin, rej lotak ñōn ir, ilo ebeben eo ken ka jilu, re maroñ in dreloñ iloaan jar an Jeova.

9 Ñe kwoj drioiylok ilo kamp nae ro dri kijirāte yuk, ien eo kwon kej-bārok yuk jen men ko renana otem-jej. 10 Elañe ej ibemi jabrewōt eman, ej etton kin men eo ej walok jen e ilo boñ, inem en drioiylok jen kamp eo, en jab dreloñ iloaan kamp eo: 11 a ñe ejota, en tutu ilo dren; im ñe e tulok al en dreloñ iloaan kamp eo. 12 En ibōm juōn jikin bareinwōt elikin kamp eo, jikin tilo, bwe kwon drioiylok ñōn e: 13 im en ibōm juōn ken kōb iben ken tōrinae ko am; im ñe kwoj jijōt ijo, kwon kōbij mokta, im kwon oktōk im kalibubu men eo ej walok jen yuk: 14 bwe Jeova am Anij ej etal ilo bwiljin kamp eo am, bwe En lomoren yuk, im ketōk ro dri kijirāte yuk imam; kin men in, kamp eo am en kwojarjar, bwe En jab lo jabrewōt men e jokdrer ibōm, inem jeōr jen yuk.

15 Kwon jab ketōk ñōn karo eo an dri korijer eo e ar ko jen karo eo ñōn kwe: 16 en jokwe ibōm, i bwiljōm, ilo jikin eo e naj kālet e, iloaan juōn ian kejem ko am, ijo e kōnan: kwon jab kamakokoik e.

17 En ejelok kōra ekijoñ ian kōra ro nejin Israel, im ejelok dri Sodom

ian ro nejin man nejin Israel. 18 Kwon jab bōktok wōnan kōra ekijoñ, ak wōnan kiru roror, na iloaan imōn Jeova am Anij, kin jabrewōt nan in muri: bwe men kein ruo men in jōjōik ñōn Jeova am Anij.

19 Kwon jab kamuri jeōm im jātōm kin jimair; elañe mōnni, ak ekōn, ak bwen jabrewōt eo rej lelok kin jimair. 20 Kwo maroñ kamuri drua maijet kin jimair; a kwon jab kamuri jeōm im jātōm kin jimair, bwe Jeova am Anijen kejerammōn yuk ilo menotem-jej, kwoj likit peōm ñōn e, ilo eneo kwoj ilok ñōn e bwe kwon bōke.

21 Ñe <sup>1</sup>kwoj kalimur kin juōn muri ñōn Jeova am Anij, kwon jab rumij ilo am kōla: bwe emol Jeova am Anij e naj kajitōkin yuk kake; im e naj jerawiwi ñōn yuk. 22 A elañe kwo jab muri, e naj ejelok am jerawiwi. 23 Men eo e ar walok jen loñōm, kwon lale im kōmōne; einwōt am kalimur ñōn Jeova am Anij, jurtak in mōnōnō, eo kwar kalimur kin loñōm.

24 Ñe kwoj dreloñ iloaan bwil in grep an dri turum, inem kwo maroñ in mōña grep ko im māt, einwōt am kōnan; a kwon jab likit jabrewōt ilo am jābi. 25 Ñe kwoj dreloñ ilo bwiljin korn ej jutōk an dri turum, kwo maroñ in loti uror ko kin peōm; a kwon jab kamōkit juōn sikel ñōn korn ej jutōk an dri turum.

**24** Ñe juōn eman ej bōk kōra, im belele iben, inem elañe e jab mōnōnō kake, kin an lo ilo e jabrewōt men eo e jakkar, en <sup>2</sup>jeje ñōn e nan in kōtlok, im lelok na ilo pein, im kadrioiylok e jen mweo imōn. 2 Im ñe emwij an lio drioiylok jen mweo imōn, e melim an ilen beleg bar juōn. 3 Inem elañe leo belen ken ka ruo ej drike, im jeje ñōn e nan in kōtlok, im lelok na ilo pein, im kadrioiylok e jen mweo imon; ak elañe leo ken ka ruo ej mij, eo e ar beleg e; 4 leo belen mokta, eo e ar jolok e, emo an bar bōk e belen, elikin kananaik e; bwe men in men in jōjōik iman Jeova: im kwon jab kabwir eneo, Jeova am Anij ej lewoj am men in jolit.

<sup>1</sup> Pit. 2. 15.<sup>1</sup> Matu 5. 33. <sup>2</sup> Matu 5. 31.

5 Ñe juõn eman ej bõk belen ekāl, en jab ilok iben jar in tōrinae, im ren jab kajerbal e kin jabrewõt jerbal: en anemkwojan i kabijuknen iomin juõn yiõ, im en kainemõn lio belen, eo e ar bõke.

6 Ejelok armij en bõk ken irir, ak dreka in irir ilõñ, ken kabin muri; bwe ej bõk kabwebwen mour bwe en kabin muri.

7 Elañe emwij lo juõn eman ej kwoti jabrewõt ian ro jein im jätin ro nejin Israel, im ej kõmõn ñõn e einwõt dri kamakoko, ak elañe ej wiakake; inem dri kwot eo en mij: ein drein kwon jolok nana jen bwil-jõm.

8 Kwon lale ilo nañinmij in leper, im kanuij bokake im kõmõn ilo men otemjej einwõt pris ro dri Livai rej katakin yuk: einwõt I ar jiroñ ir, ein drein komin lale im kõmõne. 9 Kwon kememej ta eo Jeova am Anij e ar kõmõn <sup>1</sup>ñõn Miram ilo ial eo ke kom ar drioiytok jen Ijpt.

10 Ñe kwoj kamuri dri turum ilo jabrewõt muri, kwon jab dreloñ ilo mweo imõn, bwe kwon bõktok ken kabin muri jen e. 11 Kwon jutõk inabij, im armij eo kwoj kamuri, en bõk inabiytok ken kabin muri ñõn yuk. 12 Im elañe e jeramel, kwon jab kiki kake ken kabin muri eo; 13 emol kwon lelok ñõn e ken kabin muri eo, ñe e tulok al, bwe en kiki ilo nuknuk eo an, im kejerammõn yuk: im men in e naj men in wānik ibõm, iman Jeova am Anij.

14 Kwon jab kamakokoik dri kori-jerõm, eo kwoj kajerbal e, eo e jeramel im aikwij, elañe e juõn ian ro jeõm im jätõm, ak ian ro drua maijet rej ber ilo eneõm, ro iloan kejem ko am: 15 ilo ran eo an, kwon lelok ñõn e wõnan an jerbal, im al en jab tulok ion, (bwe e jeramel, im buruen e kanuij kõnan); ñe e ab kir ñõn Jeova nae yuk, inem e naj jerawiwi ñõn yuk.

16 En jab mij ro jemeir kin ro nejir, ak en jab mij ro nejir kin ro jemeir: ren mõn jabrewõt armij kin jerawiwi eo an.

17 Kwon jab kankeke ekajet an drua maijet, ak an eo e atajinemjen, ak bõk nuknuk ko an kõra e joko belen, ken kabin muri; 18 a kwon kememej bwe kwar dri kamakoko ilo Ijpt, im Jeova am Anij e ar lomoren yuk jen ijo: kin men eo ij jiroñ yuk in kõmõn men in.

19 Ñe kwoj marmir am jonikõn ilo jikin kallip eo am, im kwar meloklok juõn tir ilo jikin kallip eo, kwon jab bar ilen bõktok: en berwõt ñõn drua maijet, im ñõn dri atajinemjen, im ñõn kõra eo e joko belen; bwe en maroñ kejerammõn yuk ilo jerbal otemjej an peõm. 20 Ñe kwoj komji am wijki oliv, kwon jab komji ra ko an alen ruo: en berwõt ñõn drua maijet, ñõn dri atajinemjen, im kõra eo e joko belen. 21 Ñe kwoj aini grep ko jen am bwil in grep, kwon jab koloruk e; en berwõt ñõn drua maijet, ñõn dri atajinemjen, im kõra eo e joko belen. 22 Im kwon kememej bwe kwar dri kamakoko ilo enen Ijpt: inem ij jiroñ yuk bwe kwon kõmõn men in.

**25** Elañe eor akwail ikõtan armij ro, im rej itok ñõn ekajet, im dri ekajet rej ekajet ir; inem ren kowānik ro re jime im liakelok ro dri nana. 2 Im elañe eo dri nana eor ruõn ñõn dreñlok, dri ekajet eo en kababu e, im ren dreñlokwe iman mejen, ekar ñõn nana eo an, im ren bwini. 3 En lelok <sup>1</sup>eñoul dribitbit, im jab elā jen e; ñe ab kalõñlok im kanuij elā jen joñõn kin elõñ dribitbit, inem jeõm im jätõm en einwõt armij wan ibõm.

4 Kwon <sup>2</sup>jab taur loñin ox ñe ej juri korn.

5 Elañe jimjān jimjāten rej jokwe iben dron, im e mij juõn im ejelok nejin man, lio belen eo e mij en jab belek juõn drua maijet: <sup>3</sup>jein im jätin leo belen en dreloñ ñõn iben, im belek e, im kõmõn kwonan jein im jätin leo belen ñõn e. 6 Inem, eo manji ej keutak, en binej jenkwõn ilo etan jein im jätin e mij, bwe etan en jab joko jen Israel. 7 Im elañe armij eo e

<sup>1</sup> Bwin. 12. 10.

<sup>2</sup> 2 Kor. 11. 24. <sup>3</sup> 1 Kor. 9. 9. <sup>3</sup> Luk 20. 28.

jab kōnan bōk lio belen jein im jātin, inem lio belen jein im jātin en wōnliñ-lok nōn kejem, nōn ridto ro, im en ba, Jein im jātin leo beliō, ej abwin in kejerkak etan nōn jein im jātin, ilo Israel; e jab kōnan kōmōn kwonan jein im jātin leo beliō nōn ña. 8 Inem ridto ro an jikin kwelok eo an, ren kir e, im konono iben: im elañe ej jutōk im ba, I jab kōnan bōke; 9 inem lio belen jein im jātin en itok nōn iben, iman mejen ridto rōn, im jelate juj jen neen, im en iyeloke turin mejen; im en uak im ba, Ein drein ren kōmōn nōn armij eo e jab kōnan kalek mweo imōn jein im jātin. 10 Im ren likit etan ilo Israel, Imōn eo emwij jelate juj eo an.

11 Ñe man rōn rej akwaile dron, im lio belen juōn iair ej kebaklok bwe en lomoren leo belen jen pein leo ej mōn e, im ej erlokwe pein im jibwe jebatan; 12 inen kwon jebōk pein, mejōm en jab tiriamo kake.

13 En jab or men in paun kaju wā-weir ilo bōjo eo am, juōn elap im juōn erik. 14 En jab ilo mweo imōm jābi joñōk kaju wāweir, juōn elap im juōn erik. 15 En ibōm juōn men in paun ejime im e wānik; en ibōm juōn jābi joñōk e jime im e wānik: bwe ran ko am ren aitoklok ilo eneo Jeova am Anij ej lewoj. 16 Bwe ro otemjej rej kōmōn men rōt kein, aet, ro otemjej rej kōmōn jab wānik, rej men in jōjōik, nōn Jeova am Anij.

17 Kwon kememej ta Amelek e ar komōn nōn yuk iturin ial, ke kom ar drioijtok jen Ijpt; 18 ekijkan e ar wōnmae yuk ilo ial, im e ar mōn ro ilokōn, ro otemjej rar mōjino ilikōm ke kwar barōk im mōk; im e ar jab mijōk Anij. 19 Kin men in, ñe emwij an Jeova am Anij lewoj kakije jen ro dri kijirāt otemjej iturōm, ilo eneo Jeova am Anij ej lewoj men in jolit bwe en am, ien eo kwon jeorlok ememej Amelek jen iomin lōñ ko; kwon jab meloklok e.

**26** Im ñe emwij am dreloñ na ilo eneo Jeova am Anij ej lewoj am men in jolit, im kwoj bōke, im jokwe ie, 2 inem kwon bōk jen jomō-

kōj in aolepen leen brij, eo kwoj bōk-tok jen eneo Jeova am Anij ej lewoj; im kwon likite ilo juōn iep, im kwon ilok nōn jikin eo Jeova am Anij ej kålet e bwe En likit etan ie. 3 Im kwon ilok nōn iben pris eo ej ilo ran ko, im ba nōn e, Ña ij kwalok ranin nōn Jeova am Anij, bwe emwij aō itok nōn eneo Jeova e ar kanōjniy kake nōn ro jimar, bwe En letok nōn kij. 4 Im pris eo en bōk iep eo jen peōm, im en likit e iman lokatok an Jeova am Anij. 5 Im kwon uak im ba iman Jeova am Anij, Juōn dri Siria, dri jeb-wābwe, jema; im e ar wōnlōllok nōn Ijpt, im e ar dri itoitōk ijo, reit; im e ar edrek ijo nōn juōn ailiñ, elap, e katur im relōñ. 6 Im ro dri Ijpt rar kañtan kim, im kejjoran kim, im likit iom kamakoko ebin: 7 im kim ar kir nōn Jeova Anij an ro jimam, im Jeova e ar eoroñ ainikem, im lo am iñtan, im am jermal elap, im air kamakokoik kim; 8 im Jeova e ar kadrioijtok kim jen Ijpt kin pein e katur im erlok, im kin men in lelōñ ko relap wōt, im kin kakōle ko, im men in bwilōfi ko; 9 im E ar kadrelōñtok kim ilo jikin in, im e ar letok enin, ene e bwijliplip kin milk im hōnni. 10 Im kiō, lo, emwij aō bōktok jomōkōj in leen brij, eo Kwe, O Jeova, kwar letok nōn iō. Im kwon likite iman Jeova am Anij, im kabuñ iman Jeova am Anij, 11 im kwon mōnōnō ilo aolepen emōn, eo Jeova am Anij e ar lewoj, im nōn ro nukum, kwe, im ro dri Livai, im drua maijet eo ej ber ilo bwiljōm.

12 Ñe kwoj kamwijlok am kōmōn mōtōn joñoul an aolepen mōtōn joñoul, in am lōñlok ilo yiō eo ken ka jilu, eo yiō in kōmōn mōtōn joñoul, ien eo kwon lelok nōn dri Livai, nōn drua maijet, nōn eo atajinemjen, im ñāñ lio e joko belen, bwe ren maroñ in mōña iloan kejem ko am, im māt. 13 Im kwon ba iman Jeova am Anij, Emwij aō kadrioijlok men ko re kwojarjar jen mweo imō, im bareinwōt I ar lelok nōn drua maijet, nōn eo atajinemjen, im nōn lio e joko belen, ekar nōn aolepen Am kien, eo Kwar



jiroñ iō: I ar jab kakkure jabrewōt ian kien ko Am, im I ar jab melokloki: 14 I ar jab mōña jeni ilo aō buromōj, im I ar jab jolok jeni kin aō jab erreō, im I ar jab lelok jabrewōt jeni kin ro dri mij: I ar eoroñ ainiken Jeova aō Anij; I ar kōmōn einwōt men otemjej Kwar jiroñ iō. 15 Kwon rellōltok jen kabijuknōm e kwojarjar, jen lōñ ko, im kejeramōn ro am dri ailiñ, dri Israel, im brij eo Kwar letok nōn kim, einwōt Kwar kanōjnij kake nōn ro jimam, eneo e bwijliplip kin milk im hōnni.

16 Ranin Jeova am Anij ej jiroñ yuk bwe kwon kōmōn kien kein, im ekajet kein: inem kwon lali im kōmōni kin aolepen buruōm, im kin aolepen am. 17 Emwij am kwalok bwe Jeova ej am Anij ranin, im bwe kwon etal ilo ial ko An, im bokake nan in kaiñi ko An, im kien ko An, im ekajet ko An, im eoroñ ainiken: 18 Im Jeova e ar kwalok yuk ranin ro dri ailiñ rekar nōn E mōke, einwōt An kalimur nōn kwe, bwe kwon bokake kien ko an otemjej; 19 im bwe En koutiej yuk jen ro dri ailiñ otemjej E ar kōmōnmōni, ilo nebar, im ilo āt, im ilo aibujuij; im bwe kwon ro dri ailiñ e kwojarjar nōn Jeova am Anij, einwōt E ar ba.

**27** Im Moses, kab ridto ro an Israel, rar jiroñ armij ro, im ba, Komin bokake aolepen kien in emwij aō jiroñ kom ranin. 2 Im ran eo ñe komij elā jen Jordan nōn eneo Jeova am Anij ej lewoj, kwon kajutōk nōn yuk dreka relap, im kalibubui kin iawewe: 3 im kwon jeje ioir nan ko otemjej an kien in, ñe emwij am elālok; bwe kwon maroñ in dreloñ ilo eneo Jeova am Anij ej lewoj, juōn ene e bwijliplip kin milk im hōnni, einwōt Jeova Anij an ro jimam E ar kalimur nōn yuk. 4 Im ñe emwij am elā jen Jordan, komin kajutōk dreka kein, ko ij jiroñ kom kake ranin, ilo tol Ibal, im kwon kalibubui kin iawewe. 5 Im kwon kalek ijo juōn lokatōk nōn Jeova am Anij, lokatōk dreka: kwan jab kwotōke ken jerbal māl ioir. 6 Kwon kalek lokatōk an Jeova

am Anij kin dreka re jab jekjek; im kwon lelok ion men in katok kijeek ko nōn Jeova am Anij: 7 im kwon katok kin jurtak in ainemōn ko, im mōña ijo; im kwon lōñliñ iman Jeova am Anij. 8 Im kwon jeje ilo dreka nan ko otemjej an kien, im alikar wōt.

9 Im Moses kab pris ro, dri Livai, rar konono nōn aolepen Israel, im ba, Komin ikōñ, im eoroñ, O Israel: ranin kwoj dri ailiñ an Jeova am Anij. 10 Kin men in, kwon bokake ainiken Jeova am Anij, im kōmōn kien ko An, im ekajet ko An, ko ij jiroñ yuk ranin.

11 Im Moses e ar kowe armij ro ilo ran eo, im ba, 12 Rein ren jutōk ilo tol Gerizim bwe ren kejerammōn armij rōn, ñe emwij ami elā jen Jordan: 1 Simeon, im Livai, im Juda, im Issakar, im Josep, im Benjamin. 13 Im rein ren jutōk ilo tol Ibal bwe ren kol: Ruben, Gad, im Asher, im Zebulun, Dan, im Naphtalai. 14 Im ro dri Livai ren uak, im ba nōn ro dri Israel otemjej, im elap ainikeir,

15 En lia armij eo ej kōmōn men in e jekjek ak unlok, men in jōjōik nōn Jeova, iltan pein dri kōmōnmōn, im kajutōk e ilo etino. Im aolepen armij ren uak im ba, En ein drein.

16 En lia eo ej kejekron jemen ak jinen. Im aolepen armij ren ba, En ein drein.

17 En lia eo ej ikir melan wāto an dri turin. Im aolepen armij ren ba, En ein drein.

18 En lia eo ej kejebwābweik dri bilo jen ial. Im aolepen armij ren ba, En ein drein.

19 En lia eo ej kankeke ekajet an drua maijet, eo e atajinemjen, ak lio e joko belen. Im aolepen armij ren ba, En ein drein.

20 En lia eo ej babu iben lio belen jemen, bwe e ar elōklok kelwan jemen. Im aolepen armij ren ba, En ein drein.

21 En lia jabrewōt eo ej babu iben jabrewōt wāwen kiru. Im aolepen armij ren ba, En ein drein.



22 En lia eo ej babu iben jein im jätin kōra, nejin jemen ak jinen. Im aolepen armij ren ba, En ein drein.

23 En lia eo ej babu iben jinen lio belen. Im aolepen armij ren ba, En ein drein.

24 En lia eo ej mōn dri turin ilo etino. Im aolepen armij ren ba, En ein drein.

25 En lia eo ej bōk wōnan mōn jabrewōt eo ejelok ruōn. Im aolepen armij ren ba, En ein drein.

26<sup>1</sup> En lia eo e jab kamol nan ko an kien in, bwe en kōmōni. Im aolepen armij ren ba, En ein drein.

**28** Im e naj ein drein, elañe kwoj kanuij eoroñ ainiken Jeova am Anij, bwe kwon bokaki nan ko otemjej ij jiroñ yuk ranin, inem Jeova am Anij e naj koutiej yuk jen ro dri ailiñ otemjej ilo lōl : 2 im jerammōn kein otemjej re naj itok iom, im tōbar yuk, elañe kwo naj eoroñ ainiken Jeova am Anij. 3 Kwo naj jerammōn ilo jikin kwelok, im kwo naj jerammōn ilo jikin kallip eo. 4 E naj jerammōn leen enbwinōm, im leen mweo imōm, im leen kiru ko am, an kau ko am orlok, im kon ko an bwijin jip eo am. 5 E naj jerammōn iep eo am, im jābi in iōk eo am. 6 Kwo naj jerammōn ñe kwoj dreloñ, im kwo naj jerammōn ñe kwoj drioijslok.

7 Jeova e naj kōmōn kin ro dri kijirāt rej jutōk nae yuk, bwe ren joko imam : re naj drioijslok nae yuk ilo juōn ial, im re naj ko jen imam ilo jiljilimjuōn ial. 8 Jeova e naj kejerammōn yuk ilo imōn korn ko am, im ilo men otemjej kwoj kajeoñwe kin peōm; im E naj kejerammōn yuk ilo eneo Jeova am Anij ej lewoj. 9 Jeova e naj kabin yuk juōn ailiñ e kwojarjar ñōn E mōke, einwōt E ar kanōjnij ñōn yuk; elañe kwoj bokake kien ko an Jeova am Anij, im etal ilo ial ko An. 10 Im ro dri ailiñ otemjej in lōl re naj lo bwe naetōm kin etan Jeova; inem re naj mijōk yuk. 11 Im Jeova e naj korlok yuk ñōn emōn, ilo leen enbwinōm, im ilo leen kiru ko am, im ilo leen mweo imōm, ilo eneo

Jeova e ar kanōjnij ñōn ro jimam bwe En lewoj. 12 Jeova e naj kabellok ñōn kwe men eo kabinokōn ilōñ, bwe En kajir wōt wut ñōn eneōm ilo ien eo an, im bwe En kejerammōn aolepen jerbāl in peōm: im kwo naj lelok ñōn elōñ ro dri ailiñ im kamuri ir, im kwo jamin muri kemem ibeir. 13 Im Jeova e naj likit yuk jōbbar, im jab jeblok; im kwo naj ilōñ wōt, im kwo jamin ilōl; elañe kwo naj eoroñ kien ko an Jeova am Anij, ko ij jiroñ yuk ranin, bwe kwon bokaki im kōmōni, 14 im kwo jab jeorlok jen jabrewōt ian nan ko ij jiroñ yuk ranin, ñōn anbijmaroñ, ak ñōn anmiñ, bwe kwon lor anij ro jet im korijer ñōn ir.

15 A elañe kwo jab kōnan eoroñ ainiken Jeova am Anij, bwe kwon bokake im kōmōn kien ko otemjej An, im ekajet ko An, ij jiroñ yuk ranin, inem jerata otemjej kein re naj itok iom im re naj tōbar yuk. 16 Kwo naj lia ilo jikin kwelok, im ilo jikin kallip. 17 E naj lia am iep, im am jābi in iōk. 18 E naj lia leen enbwinōm, im leen mweo imōm, orlok an kau ko am, im kon ko an bwij ko am. 19 Kwo naj lia ñe kwoj dreloñ, im kwo naj lia ñe kwoj drioijslok.

20 Jeova e naj jilkinwoj iom, kejerata, jorran, im enoik, ilo men otemjej kwoj likit peōm ion bwe kwon kōmōn, mae ien emwij kokkure yuk, im ñōn ter eo kwoj joko mōkōj; kin nana an kōmōn ko am, kwar illok jen Iō kake. 21 Jeova e naj kōmōn bwe nañinmij elap en edrep ñōn kwe mae ien emwij An kokkure yuk jen eneo kwoj dreloñlok ie in bōke. 22 Jeova e naj mōn yuk kin nañinmij eo ej kōñ menono, im nañinmij in bwil, im kōniek ebwil, im bwil elap, im kin jāji, im kin kamōnōknōk, im kin le; im re naj lujeljeli yuk mae ien am jebeplok. 23 Im lōñ ko ilōñin bōrōm re naj jinibōrōrō, im lōl iomōm e naj māl. 24 Jeova e naj kōmōn wut in eneo am bōñōlñōl: jen lōñ e naj wōñlōltok iom, mae ien an kokkure yuk.

25 Jeova e naj kōmōn bwe ren mōn yuk iman ro dri kijirāte yuk; kwo naj drioijslok nae ir ilo juōn ial, im

<sup>1</sup> Gal. 3. 10.

naj ko ilo jiljilimjuōn ial jen imair : im kwo naj jekarto jekartōk ilo ailiñ otemjej in lōl. 26 Im ubōm e naj ki-jen bao ko otemjej in mejatoto, im ñōn kiru ko in lōl ; e naj ejelok dri ubakelok ir. 27 Jeova e naj mōn yuk kin wōt in Ijipt, im kin linōp ko, im kin skōrvi, im kin drimum, nañinmij ko re ban kemour yuk jeni. 28 Jeova e naj mōn yuk kin uriekak, im kin bilo, im kin lokjenam ; 29 im kwo naj jatol bōjik ñe e loliñ al, einwōt dri bilo ej tolum ilo marok, im kwo jamin jerammōn ilo ial ko am : im re naj kamakokoik im rakimi yuk ien otemjej, im e naj ejelok dri lomoren yuk. 30 Im kwo naj kalimur kake lio belōm, im bar juōn e naj babu iben : kwo naj kalek juōn im, a kwo jamin jokwe iloan : kwo naj kallip bwil in grep, a kwo jamin bōk leen. 31 Re naj mōn ox eo am iman mejōm, a kwo jamin mōña mōtōn : re naj bōk am ass kin kajur jen iman mejōm, im jamin bar lewoj : re najlelok jip ko am ñōn ro dri kijirāte yuk, im e naj ejelok ibōm bwe en lomoren yuk. 32 Naj lelok ro nejōm man im kōra ñōn ro dri ailiñ jet ; im mejōm re naj rei bōjik, im mōk toñ kin oñkake ir iomin aolepen ran : im e naj ejelok kajur ilo peōm. 33 Leen mweo imōm, im jerbal ko am otemjej, dri ailiñ eo kwo jaje kake, e naj kōñi ; im re naj kamakokoik im kabij yuk ien otemjej ; 34 inem kwo naj uriekak kin men ko kwoj loi. 35 Jeova e naj mōn yuk ilo bukwiōm, kab ilo neōm, kin wōt e metōk, kwo ban mour jen e, jen lobiren neōm ñōn moñōm.

36 Jeova e naj āñinlok yuk, im kiñ eo kwo naj koutiej e iom, ñōn juōn ailiñ kwar jaje kaje, kwe ak ro jimam ; im ijo kwo naj korijer ñōn anij ro jet, wijki im dreka. 37 Im kwo naj men in bwilōñ, im juōn jabōn kenan, im juōn nan in kajirere, iben ro dri ailiñ otemjej, ijo Jeova e naj āñinlok yuk ñōn e. 38 Kwo naj bōklok elōñ ine ñōn jikin kallip, im naj aini jirik wōt ; kin ke lokōs ej kōñe. 39 Kwo naj kallip bwil in grep ko, im naj lala, a kwo jamin irak jen wain

eo, ak aini grep ko ; bwe likakrōk eo e naj kōñi. 40 E naj or wijki oliv ibōm, ilo ene ko am otemjej, a kwo jamin kabit yuk kin oil eo ; bwe am wijki oliv e naj ebuñbuñ leen. 41 Kwo naj keutak ro nejōm man im kōra, a re jamin am ; bwe re naj ilok ñōn jebokwe. 42 Wijki otemjej am, im aolepen leen brij eo am, lokōs e naj bōki. 43 Drua maijet eo ej i bwiljōm, e naj utiejlok wōt jen kwe ; a kwe kwo naj drorōklōllok. 44 E naj muri kememi yuk, im kwo jamin kamuri e : e naj jōbbar im kwo naj jeblok. 45 Jerata kein otemjej re naj itok iom, im naj lukworkwor yuk, im naj jibwe yuk, mae ien kwoj jebeplok ; bwe kwar jab eoroñ ainiken Jeova am Anij, bwe kwon bokake kien ko An, im ekajet ko E ar jiroñ yuk kake : 46 im re naj iom juōn kakōle, im juōn men in bwilōñ, im ion ineōm ñōn in drio.

47 Kin ke kwar jab korijer ñōn Jeova am Anij ilo lōñliñ, ilo mōnōnō in buruōm, kin men ko otemjej am relōñlok. 48 Kin men in, kwo naj korijer ñōn ro dri kijirāte yuk, ro Jeova e naj jilkinlok ir nae yuk, ilo kwuli, im maro, im ilo kelwan, im ilo aikwij ko otemjelok : im E naj likit ine māl ion kenwam, mae ien emwij An kejebeblok yuk. 49 Jeova e naj āñinlok nae yuk juōn ailiñ jen ijo etolok, jen jabōn lōl, einwōt igōl ejkāki ; juōn ailiñ kwo jamin jela ainikeir : 50 ro dri ailiñ ro re jememe, im re jamin kaljiklok ridto rōn, ak kwalok joij ñōn ro redrik, 51 im re naj mōña leen kiru ko am, im leen mweo imōm, mae ien emwij kokkure yuk ; bareinwōt e jamin likit ñōn yuk korn, wain ak oil, orlok an kau ko am, ak kon ko an bwijin got im jip ko am, ñōn ter eo e naj kōmōn bwe kwon jebeplok. 52 Im re naj nitbwile yuk iloan kejem ko am otemjej, mae ien worwor ko am re utiej im re kajur, ko kwar liki, rej buñlōllok ilo aolepen eneo am ; im e naj nitbwile yuk iloan kejem ko am otemjej, ilo aolepen eneo, eo Jeova am Anij e ar lewoj. 53 Im kwo naj kōñ leen en-

bwinōm, kōniekin ro nejōm man im kōra, ro Jeova am Anij e ar lewoj, ilo nitbwil eo im aikwij eo ro dri kijirāte yuk re naj kejjorran yuk kake. **54** Man eo ibemi ej biruru im kanuij tokwankwan, mejen e naj nana nōn jein im jātin, im nōn lio belen ubōn, im nōn ro nejin re jañin joko; **55** inem e jamin lelok nōn jabrewōt iair mōtōn kōniekin ro nejin im ej mōña, bwe ejelok ej berwōt iben, ilo nitbwil eo im ilo jorran eo ro dri kijirāte yuk re naj kejjorran yuk kaki, iloan kejem ko am otemjej. **56** Kōra eo ibemi e biruru im owauj, eo e jab kōnan likit lobiren neen ion brij kin an biruru im owauj, mejen e naj nana nōn leo belen ubōn, im nōn nejin man im kōra, **57** im nōn niñniñ eo inen lojen, im nōn ro nejin e naj keutak; bwe e naj kōni ilo etino, kin an aikwij men ko otemjej, ilo nitbwil eo im ilo jorran eo dri kijirāte yuk e naj kejjorran yuk kake, iloan kejem ko am.

**58** Elañe kwo naj kōnan bokake im kōmōni nan ko otemjej an kien in emwij jeje iloan buk in, bwe kwon mijōk āt in e aibujuij im kokomak, **JEOVA AM ANIJ**; **59** inem Jeova e naj kōmōn bwe nañinmij ko am ren men in bwilōñ, im nañinmij ko an ineōm, aet, nañinmij ko relap, im eto air ber, im nañinmij ko re metōk, im ko re libōpne. **60** Im E naj bōktok iom nañinmij ko otemjej an Ijpt, ko kwar mijōki; im re naj edrep nōn kwe. **61** Bareinwōt nañinmij otemjej re jañin jeje ilo buk an kien in, irko Jeova e naj bōktok iom, mae ien emwij kejebeplik yuk. **62** Im naj likit kom reit, ijoke, orami e kar einwōt iju ko ilōñ; bwe kwar jab eoroñ ainiken Jeova, am Anij. **63** Im einwōt Jeova e ar lōñliñ iom bwe En kōmōn emōn nōn yuk, im korlok yuk, ein drein Jeova e naj lōñliñ iom bwe Enkokkure yuk, im mōn yuk, im naj kejjoeuk yuk jen eneo kwoj dreloñlok ie in bōke. **64** Im Jeova e naj kijibliklok yuk iben ro dri ailiñ otemjej, jen juōn jabōn lōl nōn jabōn eo juōn; im kwo naj korijer nōn anij ro jet ijo, ro kwar jaje kajeir, im ro jimam,

aet, wijki im dreka. **65** Im iben ro dri ailiñ ko kwo jamin lo ainemōn, im e naj ejelok kakije nōn lobiren neem: a Jeova e naj lewoj buruōm e wurir, im mejōm retōp, im am e bōjlok; **66** im kwo naj berre kin am mour; im kwo naj lelñōñ ran im boñ, im kwo jamin jela elañe kwon mour ke jab ke. **67** Im ñe ejiboñ kwo naj ba, Emōn wōt elañe ejota! im ñe ejota kwo naj ba, Emōn wōt elañe ejiboñ! kin mijōk in buruōm kwo naj lelñōñ kake, im kin men eo mejōm re naj loe. **68** Im Jeova e naj bar kadrelōñ yuk na ilo Ijpt, kin wa ko, ilo ial eo I kar ba nōn yuk, Kwo jamin bar loe: im ijo kom naj mōke wiakake kom nōn ro dri kijirāte kom, ro dri kama-koko man im kōra, im ejelok armij e naj wiaik kom.

**29** Irkein nan ko an bujen eo Jeova e ar jiroñ Moses bwe en kōmōne iben ro nejin Israel, ilo enen Moab, bareinwōt bujen eo e ar kōmōn ibeir i Horeb.

**2** Im Moses e ar kir nōn dri Israel otemjej, im ba nōn ir, Kom ar lo aolepen men ko Jeova e ar kōmōn iman mejemi, ilo enen Ijpt, nōn Pero, im ro dri korijeran otemjej, im nōn aolepen enen; **3** melejoñ ko relap mejōm rar loi, kakōle ko, im men in bwilōñ ko relap: **4** a Jeova e ar jab lewoj buruōm in jela, im mejōm in loi, im lojiliñōm in roñjake, nōn rannin. **5** Im I ar āñinlok kom iomin eñoul yiō ilo ene jemaren: nuknuk ko am rar jab iramij iom, im am kuj re jañin morlok i neōm. **6** Kom ar jab mōña bred, ak kom ar jab irak wain ak dren ekarek; bwe komin jela bwe Ña Jeova ami Anij. **7** Im ke kom ar itok nōn enin, Saion kiñ in Heshbon, im Og kiñ in Beshan, rar drioijtok in tōrinaek kij, im jar mōn ir: **8** im jar bōk eneo air, im lelok men in jolit nōn ro dri Ruben, im nōn ro dri Gad, im nōn jibilkwon bwijin Menassa. **9** Kin men in, komin bokake nan ko an bujen in, im kōmōni, bwe <sup>1</sup> komin jerammōn ilo men ko otemjej komij kōmōni.

10 Kom otemjej, komij jutōk ranin, iman mejen Jeova ami Anij; iroi ro ami, bwij ko ami, ridto ro ami, im dri kabwijrōk ro ami, aet, man ro otemjej in Israel, 11 ajiri ro nejemi, kōra ro belemi, im ami drua maijet ej ilo bwiljin kamp eo am, jen dri jekjek kani nōn eo dri itōk dren; 12 bwe kwon dreloñ ilo bujen Jeova am Anij, im ilo An kanōjnij, eo Jeova am Anij, ej kōmōn ibōm ranin; 13 bwe En kabbin yuk ranin juōn ailiñ nōn E mōke, im bwe En Anij nōn yuk, einwōt E ar ba nōn yuk, im einwōt E ar kanōjnij nōn ro jimam, nōn Ebream, im nōn Aisak, im nōn Jakob.

14 Jab ibōm wōt, ij kōmōn bujen in im kanōjnij in, 15 a iben eo ej jutōk ijin iber ranin iman Jeova ar Anij, im bareinwōt iben eo e jab ijin ranin, 16 (bwe kom jela ekijkan jar jokwe ilo enen Ijpt, im ekijkan jar itok ilo bwiljin ro dri ailiñ ko, kom ar driblok ie; 17 im kom ar lo air men in jōjōik ko, im ekjōp ko air, wijki im dreka, silver im gold, ko rar ber ibeir); 18 ñe ab ibemi man ak kōra, ak nukin, ak bwij, im buruen ej oktōk ranin jen Jeova ar Anij, im ilen korijer nōn anij ro an dri ailiñ ko; ñe ab en ibemi okran kabwijlōñ im wormwud; 19 inem ñe ej roñjake nan ko an menukol in, en mōke kejerammōn e ilo buruen, im ba, E naj ainemōn iba, meñe ij etal ilo an bin buruō, in kokkure men in molawi iben men eo emōra. 20 Jeova e jamin jolok ruōn, a ien eo illu an Jeova im An kamo e naj batat nae armij eo, im aolepen jerata eo emwij jeje ilo buk in buk in kien, e naj ber ion, im Jeova e naj bikajoik etan jen iomin lōñ. 21 Im Jeova e naj kejenolok e nōn nana, ian aolepen bwij ko an Israel, ekar nōn aolepen menukol in bujen eo emwij jeje ilo buk in kien in.

22 Im ebeben eo ej itok, ro nejemi, ro rej walok tokelik, im drua maijet eo e naj itok jen ene etolok, re naj ba, ñe rej lo nañinmij ko an eneo, im nañinmij ko Jeova e ar kanañinmij e kake; 23 im bwe aolepen eneo ej

brimston, im jātōk, im urur, bwe re jab jeor ijo im ejelok leen, im ejelok ujoij ej edrek ie, einwōt jebeplik eo an Sodom im Gomorra, Adma im Ziboim, ko Jeova e ar kokkure ilo An illu ebwil: 24 aet, ro dri ailiñ otemjej re naj ba, Etke ein drein an Jeova kōmōn nōn enin? ewi melemen bwil an illu in elap? 25 Inem armij re naj ba, Kin air illok jen bujen Jeova, Anij an ro jimair, eo E ar kōmōn ibeir ke E ar kadrioiptok ir jen enen Ijpt, 26 im rar ilen korijer nōn anij ro jet, im kabuñ nōn ir, anij ro rar jaje kajeir, im ro E ar jab lelōk nōn ir: 27 kin men in, ebwil illu an Jeova nae enin, in bōktok ion aolepen jerata eo emwij jeje ilo buk in; 28 im Jeova e ar kejoik ir jen eneo air, ilo illu elap, im ilo illu ebwil, im E ar jolok ir na ilo bar juōn ene, einwōt ranin. 29 Men ko retino rej an Jeova ar Anij; a men ko emwij kwaloki rej ar im an ro nejer nōn in drio, bwe jen bokake nan ko otemjej an kien in.

30 Im ñe emwij an men kein otemjej itok iom, kejerammōn im kejerata, ko I ar kwaloki nōn kwe, im kwoj kememeji iben dri ailiñ ko jet, ijo Jeova am Anij e ar ubakelok yuk nōn e, 2 im kwoj jeblak nōn Jeova am Anij, im naj bokake ainiken ekar nōn men otemjej I ar jiroñ yuk ranin, kwe im ro nejōm, kin aolepen buruōm, im kin aolepen am; 3 inem Jeova am Anij e naj ukot am jebokwe, im naj tiriamo kake yuk, im E naj jeblak im āñintok yuk jen ro dri ailiñ otemjej, ko Jeova am Anij e ar kijibliklok yuk nōni. 4 Im elañe jabrewōt ian ro ar jolok ir iami rej ber ilo ene ko retoloktata an lōñ, jen ijo Jeova am Anij e naj āñintok yuk, im jen ijo E naj bōktok yuk: 5 im Jeova am Anij e naj kadreloñtok yuk ilo eneo e kar an ro jimam, im e naj am; im E naj kōmōn emōn nōn yuk, im korlok yuk jen ro jimam. 6 Im Jeova am Anij e naj mijmij buruōm, im buruen ineōm, bwe kwon yokwe Jeova am Anij kin aolepen buruōm, im kin aolepen am, bwe



kwon mour. 7 Im Jeova am Anij e naj likit menukol kein otemjej ion ro dri kijirāte yuk, im ion ro rej drike yuk, ro rar matōrtōr yuk. 8 Im kwo naj jeblak im bokake ainiken Jeova, im kōmōn kien ko An otemjej ij jiroñ yuk ranin. 9 Im Jeova am Anij e naj katimon yuk ilo jerbal an peōm, ilo leen enbwinōm, im ilo leen kiru ko am, im ilo leen mwēo imōm, ñōn emōn: bwe Jeova e naj bar lōñliñ kin yuk ñōn emōn, einwōt E kar lōñliñ kin ro jimam; 10 elañe kwoj bokake ainiken Jeova am Anij, bwe kwon lale kien ko An, im men in jiroñ ko An, emwij jeje ilo buk in kien in; elañe kwoj oktōk ñōn Jeova am Anij, kin aolepen buruōm, im kin aolepen am.

11 Bwe kien in ij jiroñ yuk kake ranin, e jab bin jen kwe, im e jab etolok. 12 E jab ilo lōñ, bwe kwon ba, <sup>1</sup>Wōn e naj wōnliñlok kin kim ñōn lōñ, im bōktok ñōn ibem, im karoñjake kim, bwe kimin kōmōne? 13 Im e jab i lometo jabueo, bwe kwon ba, Wōn e naj uwelok ion lometo kin kim, im bōktok ñōn ibem, im karoñjake kim, bwe kimin kōmōne? 14 A nan eo e kanuij ebak ñōn kwe, i lo-ñōm, im ilo buruōm, bwe kwon maroñ in kōmōne.

15 Kwon lale, I ar likit imam ranin mour im emōn, kab mij im nana; 16 kin aō jiroñ yuk ranin bwe <sup>2</sup>kwon yokwe Jeova am Anij, in etal ilo ial ko An, im bwe kwon bokake kien ko An, im nan in kaiñi ko An, im ekajet ko An, bwe kwon mour im orlok, im bwe Jeova am Anij e naj maroñ in kejerammōn yuk ilo eneo kwoj dreloñlok in bōke. 17 A elañe buruōm ej jeōrllok, im kwo jab kōnan eoroñ, a rej karel yuk im kwoj kabuñ ñōn anij ro jet, im korijer ñōn ir; 18 ij kowe yuk ranin, kom naj joko wōt; kom jamin kaitoklok ran ko ami ilo eneo, kwoj elā jen Jordan bwe kwon dreloñlok in bōke. 19 Ij kir ñōn lōñ im ñōn lōl bwe ren kennan nae yuk ranin, bwe emwij aō kwalok ñōn yuk mour im mij, kejerammōn im kejera-

ta: inem kwon kālet mour bwe kwon mour wōt, kwe im ro ineōm; 20 bwe kwon yokwe Jeova am Anij, ñōn bokake aniken, im edrep ñōn E: bwe E am mour, im aitokōn ran ko am; bwe kwon jokwe ilo eneo Jeova e ar kanōj-nij ñōn ro jimam, ñōn Ebream, ñōn Aisak, im ñōn Jakob, bwe En lelok ñōn ir.

**31** Im Moses e ar ilen konono nan kein ñōn aolepen Israel. 2 Im e ar ba ñōn ir, Ña ridta jibuki roñoul yiō ranin; I ban bar drioiñ dreloñ: im Jeova e ar ba ñōn iō, Kwo jamin elā jen Jordan in. 3 Jeova am Anij, e naj elālok imam, E naj kokkure ro dri ailiñ kein imam, im kwo naj kobajlok ir: im Joshua e naj elālok imam einwōt Jeova e ar ba. 4 Im Jeova e naj kōmōn ir einwōt E ar kōmōn ñōn Saihon im Og, kiñ ro an ro dri Amor, im ñōn eneo airro: ro E ar kokkure ir. 5 Im Jeova e naj ketok ir imam, im komin kōmōn ñōn ir ekar ñōn aolepen kien eo I ar jiroñ yuk. 6 Kwon bin im beran wōt, kwon jab mijōk, im jab lelñōñ kin ir: bwe Jeova am Anij, Eo ej karwōn yuk; E <sup>1</sup>jamin likjōp jen yuk, ak illok jen kwe. 7 Im Moses e ar kir ñōn Joshua im ba ñōn e iman aolepen Israel, Kwon bin im beran wōt: bwe kwo naj dreloñlok iben jar in ilo eneo Jeova e ar kanōj-nij ñōn ro jimair bwe En lelok ñōn ir; im kwon kōmōn bwe ren bōk air jolit. 8 Im Jeova ej ilok imamlok; E naj ber ibōm, E jamin likjōp jen yuk, ak illok jen kwe: kwon jab mijōk, im jab lelñōñ.

9 Im Moses e ar jeje kien in, im lelok ñōn pris ro nejin Livai, ro rar inek dipdip in bujen, im ñōn ridto ro otemjej an Israel. 10 Im Moses e ar jiroñ ir, im ba, Ien otemjej ñe e jemlok jiljilimjuōn yiō, ilo ien eo ien kōtlok, ilo kwojkwōj an imōn kabēr ko, 11 ñe emwij an aolepen Israel iten kwalok ir iman Jeova am Anij, ilo jikin eo E naj kālet e, kwon konono kake kien in iman aolepen Israel ilo air roñjake. 12 Kwon kokweloktok armij ro, man im kōra, im ajiri, im

<sup>1</sup> Rom 10. 6-8. <sup>2</sup> jap. 6. 5.

<sup>1</sup> Hib. 13. 5.



am drua maijet eo ej ilo kejem ko am, bwe en roñjake, im bwe ren katak, im mijök Jeova am Anij, im lali in kõmõn nan ko otemjej an kien in; 13 im bwe ro nejir, ro rar jaje kake, ren roñjake im jela mijök Jeova am Anij, iomin ien am naj mour ilo eneo kwoj elä jen Jordan in bõke.

14 Im Jeova e ar ba ñõn Moses, Lo, ran ko am rebaktok ñe kwo naj mij: kwon kirtok Joshua, im kwalok komro illoan imõn kwelok eo, bwe In jiroñ na kijkan. Im Moses im Joshua rar ilen kwalok irro ilo imõn kwelok eo. 15 Im Jeova e ar weaktok illoan mweo ilo jurõn kõro; im jurõn kõro eo e ar jutök ilõñin kejem in mweo. 16 Im Jeova e ar ba ñõn Moses, Lo, kwo naj kiki iben ro jimam; inem armij rein re naj jutök, im ilen lüñ kake anij ro drua an enin, ijo rej ilok in ber ibeir, im <sup>1</sup>re naj illok jen Ña, im rupe bujen eo Aõ, I ar kõmõn ibeir. 17 Inem e naj bwil Aõ illu nae ir ilo ran eo, im I naj illok jen ibeir, im I naj binej meja jen ir, im naj kõñ ir, im elõñ men ko renana im jorran ko re naj itok ioir; ein drein re naj ba ilo ran eo, Men kein renana re jab itok ior kin ke ar Anij e joko iber ke? 18 Im emol I naj noj meja ilo ran eo, kin aolepen nana rar kõmõne, ilo air oktök ñõn anij ro jet. 19 Kin men in, kwon jeje al in ñõn kom, im katakin ro nejnin Israel kake: kwon likit e i loñir, bwe al in en dri kennan kin Ña nae ro nejnin Israel. 20 Bwe ñe emwij Aõ naj kadreloñlok ir na illoan eneo I ar kanõjni jake ñõn ro jimair, ijo e bwijlip kin milk im hõnni, im re naj mõña im mät, im mätöklok wõt; inem re naj oktök ñõn anij ro jet im korijer ñõn ir, im kejekron iõ, im rupe bujen eo Aõ. 21 Im ñe elõñ men ko re nana im jorran rej itok ioir, ien eo al in e naj walok imair einwõt dri kennan; bwe jamin meloklok e jen loñin ineir: bwe I jela lemnok eo air rej lemnoke, kiõ wõt, mokta jen Aõ kadreloñlok ir na ilo eneo I ar kanõjni jake. 22 Ein ðrein Moses e ar jeje al in ilo ran eo,

im e ar katakin ro nejnin Israel kake. 23 Im e ar jiroñ na kijkan Joshua nejnin Nõn, im ba, Kwon bin im beran wõt; bwe kwo naj kadreloñlok ro nejnin Israel na ilo eneo I ar kanõjni jake ñõn ir: im I naj ber ibõm.

24 Im ke Moses e ar kamwijlok an jeje nan ko an kien in ilo juõn buk, ñõn jemlokõn, 25 inem Moses e ar jiroñ ro dri Livai, ro rej inek dipdip in bujen, im ba, 26 Komin bõk buk in buk in kien, im likit e iturin dipdip in bujen Jeova ami Anij, bwe en ber ijo, dri kennan nae yuk. 27 Bwe I jela am kabata, im kijñeñi kenwam: lo, ilo aõ mour ibemi ranin, kom ar dri kabata nae Jeova; im e nañin laplok elikin aõ joko! 28 Komin kokweloktok ñõn iba ridto rõn in bwij ko ami, im ro ami dri kabwijrõk, bwe in konono nan kein i lojiliñir, im kir ñõn lõñ in lõl bwe ren dri kennan nae ir. 29 Bwe I jela bwe elikin aõ mij kom naj mõke kananaik kom, im jeõrlok jen ial eo I ar jiroñ kom kake; im nana e naj iwij iomi ilo ran ko tokelik; bwe kom naj kõnan kõmõn nana iman mejen Jeova im kitõtökake E ñõn illu, kin jeral ko an peõmi.

30 Im Moses e ar konono i lojiliñin aolepen jar an Israel nan ko an al in, mae ien re jemlok.

**32** Komin eoroñ, O lõñ ko, im I naj konono; im lõl en roñjake nan ko jen loñiõ.

2 Aõ nan in katak e naj wutlok einwõt wut eo; aõ konono e naj bulidrik einwõt molawi, einwõt wutrikrik ion ujoij e ub wõt, im einwõt wut ko ion mār.

3 Bwe I naj kwalok etan Jeova: komin nawujen aruij Anij.

4 Ejman Eo, An jeral e wäppen; bwe ial ko An otemjej re wānik: juõn Anij in tiljek im ejelok nana iben, E wānik im jime wõt.

5 Rar kõmõn men ko re nana ñõn E, re jab nejnin, men in air bwir; <sup>1</sup>ir juõn ebeben e ankeke im bõt.

6 Ein drein ami nawõnan Jeova ke, O armij anep ep im dri bwebwe? E jab jemõm Eo e ar keutak yuk

ke? E ar kōmōnmōn yuk, im kabin yuk.

7 Kwon kememej ran ko remotlok, kwon lemnok kin yiō ko an elōñ ebeben: <sup>1</sup>kwon kajitōk iben jemōm, inem e naj kwalok nōn yuk; ridto ro am, im re naj kennanek yuk.

8 Ke Eo e utiejtata E ar lelok nōn ro dri ailiñ ko, air men in jolit, ke E ar kijbil ro nejin armij jen dron, E ar likit tōreran ko an ro dri ailiñ ko ekar nōn oran ro nejin Israel.

9 Bwe ajenkij an Jeova ro dri ailiñ An; Jakob jolit eo An.

10 E ar loe ilo ene jemaren, im ilo ene ejelok kobōn im ainiken elap; E ar kabole, E ar lale, im kejbārok e einwōt iju in mejen.

11 Einwōt igōl ej biuktōk el eo an, ej bikbik ilōñin kon ko nejin, E ar erlokwe pein, E ar bōk ir, E ar baur ir ion pā ko pein.

12 Jeova wōt e ar tel e, im ejelok anij drua iben.

13 E ar kōmōn bwe en uwe ion jikin ko re utiej in lōl, im e ar mōña men in orlok an jikin kallip ko; im E ar kōmōn bwe en jorme hōnni jen dreka, kab oil jen dreka rōl;

14 Bōtter jen kau ko, im milk an jip, iben kioeo in lam ko, im jip koman einwōt ko jen Beshan, im got ko, im wit emōntata; im jen dran grep kwar irak wain.

15 A Jeshuron e ar mātōklok im bwijbwij: kwar mātōk, kwoj wulitlit, kwar matōltil; inem e ar illok jen Anij eo e ar kōmōnmōne, im e ar kejekron Ejman in lomoren.

16 Rar kōmōn bwe En kamo kin anij ro drua; kin men in jōjōik ko rar kaillu E.

17 Rar katok nōn dimon ro, rar jab Anij, nōn anij ro rar jaje kajeir, nōn anij ro rekāl rej kab walok, ro ro jemami rar jab mijōk ir.

18 Kwar jab kememej Ejman eo e ar keutak yuk, im kwar meloklok Anij eo e ar kemour yuk.

19 Im Jeova e ar lo men in, im E ar jōjōik ir, kin an ro nejin man im kōra kitōtōkake E.

20 Im E ar ba, I naj binej meja jen ir, I naj lo ta eo e naj jemlokir: bwe rej ebeben eo e kanuij bōt, ro nejin ro iloir ejelok tiljek.

21 Rar iunlok Iō nōn kamo kin men eo e jab Anij; rar kaillu iō kin men ko air re wan: im I naj kwoje jan mejeir kin ro re jab dri ailiñ; I naj kaillu ir kin ro dri ailiñ bwebwe.

22 Bwe emwij kejo juōn kijeek ilo Aō illu, im ej urur nōn Hedis eo mulōltata, im ej kōñ lōl kab leen, im ej kourur loñtak ko loñtōn tol ko.

23 I naj eji iñtan ko ioir; I naj jele mōri ko nōn ir:

24 Re naj mōlok kin kwuli, im joko kin bwil elap im kokkure emeo; I naj jilkinlok ioir nī ko nīn kiru awia, kab uno kōn mij an men in tōbōlbōi ko an bōñōlñōl.

25 Inabij, jāji e naj kaliajlol ir, im ilorum ko, lelñōñ; E naj kokkure likao im jiroñ, niñniñ eo im armij e uōn.

26 Emwij Aō ba, I naj kijibliklok ir etolok, I naj kar jolok ememej ir jen iben armij rōn;

27 Elañe I jab mijōk kitōtōkake an ro dri kijirāt, ñe ab ro dri kijirāte ir e bwir air lemnok kake, ñe rab ba, E utiej peer, im Jeova e ar jab kōmōn aolepen men in.

28 Bwe rej dri ailiñ re bwebwe, im ejelok meletlet ilo ir.

29 O, emōn elañe re meletlet, elañe re jela men in, elañe re kōnan kalomōnlokjen kin jemlokir!

30 Emol juōn e naj kar lujeljeli juōn tausan, im ruo re naj kar kokōk joñoul tausan, elañe air Ejman e ar jab wiakake ir, im Jeova e ar jab ketōk ir ke?

31 Bwe air ejman e jab einwōt Ejman eo ar, ñe ro dri kijirāte kij rej dri ekajet kake.

32 Bwe vain eo air, jen vain in Sodom, im jen jikin kallip ko an Gomorra: grep ko air grep in at, urur ko air re meo:

33 Wain eo air uno kōn mij an serpent ko.

34 Jab likit men in iba bwe in kejbārōk e, im sil e iben men ko Aō re aurōk ke?

**35** <sup>1</sup>Irenwōne Aō, im wōnan, ilo ien eo fie neir e naj jeōrlōk: bwe ran in air jorran ebaktok, im men ko re naj itok ioir re naj mōkōjtōk.

**36** Bwe Jeova e naj ekajet ro dri ailiñ An, im ukwelok iben kin ro dri korijeran; ñe E naj lo bwe air kajur e joko, im ejelok ej berwōt, emwij kil ir ak likit ir inabij.

**37** Im E naj ba, Ewi anij ro air? ejman eo re kar kone;

**38** Eo e ar mōña kioeo an men in katok ko air, im irak wain, men in jurtak irak eo air? Ren jutōk im jibōñ kom, ren men in kouk kom.

**39** Komin lo bwe Ña, Ña wōr, Eo, im ejelok anij iba: Ij mōn, im Ij kemour; Ij kakiniñij im Ij kaejmour; im ejelok en ej maroñ in kōtlok jen peiō.

**40** Bwe Ij erlokwe peiō ñōn lōñ, im ba, Einwōt Aō ber ñōn in drio,

**41** Elañe Ij jime jāji eo Aō e jatōltil, im peiō ej kapjere men in ekajet; I naj lelok irenwōne ñōn dri kijirāte Iō, im nawōnan ro rej drike Iō.

**42** I naj kakarek mōri kō Aō kin bōtōktōk, im Aō jāji e naj kōñ kōniek; iben bōtōktōkin ro mijijak im ro matōn iri, jen bōran ro dri tel an ro dri kijirāt.

**43** Komin lōñliñ, O komeo dri ailiñ ko, iben ro dron: bwe E naj kwi kin bōtōktōkin ro dri korijeran, im E naj lelok irenwōne ñōn ro dri jumae, im E naj kōmōn kilajrōk ñōn enen, ñōn ro dri ailiñ An.

**44** Im Moses e ar itok im konono nan otemjej an al in i lojiliñin armij rōn, e, im Hoshia nejin Nōn. **45** Im Moses e ar kajemlok an konono nan kein ñōn aolepen Israel; **46** im e ar ba ñōn ir, Komin kalomōnlokjen ilo buruōmi kin nan kein otemjej ijkenan kake ñōn kom ranin, im komin jiroñ ro nejemi bwe ren bokaki nan ko otemjej an kien in. **47** Bwe e jab jitokjen men in ibemi; bwe ej ami mour, im kin men in kom naj kaitoklok ran ko ami ion enin, ijo komij elā jen Jordan bwe komin bōke.

<sup>1</sup> Rom 12, 19; Hīb. 10, 30

**48** Im Jeova e ar konono ñōn Moses ilo ran eo, im ba, **49** Kwon wōnliñlok ilo tol in Abarim, ñōn tol Nibo, eo ej ilo enen Moab, ikijen Jeriko; im kwon aluij enen Kenean, eo Ij lelok ñōn ro nejin Israel bwe en air; **50** im kwon mij ilo tol eo kwoj wōnliñlok ie, im koba iben ro jimam, einwōt Aron e ar mij ilo tol Hor, im e ar koba iben ro jiman: **51** <sup>1</sup>kin amiro bwir nae Iō, ilo bwiljin ro nejin Israel, i dren ko in Meriba in Kedes, ilo ene jemaren in Zin; bwe komro ar jab kokwojarjar Iō ilo bwiljen ro nejin Israel. **52** Bwe kwo naj aluij eneo imam; a kwo jamin ilok ñōn loan eneo Ij lelok ñōn ro nejin Israel.

**33** Im eñin nan in kejerammōn, eo Moses armij dron Anij, e ar jare ro nejin Israel kake mokta jen an mij. **2** Im e ar ba,

Jeova e ar itok jen Sainai, E ar jutōk jen Sier ñōn ir; E ar romaktok jen tol Peran, im E ar itok jen iben joñoul tausan ro kwojarjar: i anbij-marōñon juōn kien urur ñōn ir.

**3** Aet, Ej yokwe jar eo; ro kwojarjar otemjej An rej ber ilo peōm: im rar jijōt iturin neōm; jabrewōt iair re naj bōk jen nan ko Am.

**4** Moses e ar jiroñ kij juōn kien, juōn jolit an jar eo an Jakob.

**5** Im e ar kiñ i Jeshuron, ke jiōb ro an armij rōn rar kweloktok, bwij otemjej bwijin Israel iben dron.

**6** Ruben en mour wōt, im jab mij; ak armij ro an ren jab eit.

**7** Im eñin nan in kejerammōn Juda: im e ar ba, Kwon roñjake, Jeova, ainiken Juda, im añintok e ñōn iben ro dron. Kin pā ko pein e ar oktak ñōn e mōke; im Kwo naj men in jibōñ e nae ro dri kijirāte.

**8** Im kin Livai e ar ba, Am Tumim im am Urim rej iben ami dri kwojarjar, Eo kwar melejoñe i Massa, Eo kwar akwail iben i dren ko an Meriba;

**9** Eo e ar ba kin jemen, im kin jinen, I ar jab loe; e ar jab jela rojein im jātin, im e ar jaje ro nejin: bwe rar bokake Am in nan, im rej lale bujen eo Am.

<sup>1</sup> Bwin. 20, 12.

10 Re naj katakin Jakob ekajet ko Am, im Israel kien eo Am: re naj likit kaijurjur imam, im men in katok kijeek reyu ion lokatok eo Am.

11 Kwon kejerammōn, O Jeova, men ko an, im Kwon mōnōnō kake jerbal ko an pein: Kwon wākari ibin ro rej jutōk nae e, im an ro dri kiji-rāte, bwe ren jab bar jerkak.

12 Kin Benjamin e ar ba, Eo e jitenburu iben Jeova, e naj ber iturin im jab uota; Ej kalibubu e iomin ao-lepen ran, im ej jokwe ikōtan aieran.

13 Im kin Josep e ar ba, Enen en jerammōn jen Jeova, kin men in aurōk ko jen lōñ, kin molawi, im kin mulōl eo ej kumwil iomin,

14 Im kin men in aurōk ko an leen ko an leen al, im kin men in aurōk ko an edrek in ailiñ ko,

15 Im kin men ko re lejokmen an tol ko renep, im kin men in aurōk ko an tol ko rej nōn in drio,

16 Im kin men ko re aurōk an lōl im men ko e obrōk kaki, im yokwe an Eo e <sup>1</sup>ar jokwe ilo wijki. Jerammōn en itok ion bōran Josep, im ion mōnōn eo e ar jibil jen ro jein im jātin.

17 Manjien bwijin kau, e utiej wōt; im drun ko an, drun kau koman e awia; e naj iunlok ro dri ailiñ ko kaki, nōn jemlokōn lōl: im rej joñoul tausand ko an Ipreim, im rej tausand ko an Menassa.

18 Im kin Zebulun, e ar ba, Kwon lōñliñ, Zebulun, ilo am drioielok; im, Issakar, ilo im nuknuk ko am.

19 Re naj kirtok ro dri ailiñ ko nōn tol eo; re naj katok kin men in katok ro kwojarjar: bwe re naj jorme men eo lometo ej obrōk kake, im men in aurōk eo e nojōk ilo bok.

20 Im kin Gad e ar ba, En jerammōn eo ej kalaplok Gad: en jokwe einwōt laiōn kokōra, im ej kekel pein, aet, moñōn.

21 Im e ar kālet mōtōn eo mokta nōn e mōke, bwe ijo emwij kejbarōk mōtōn an dri ekajet eo; im e ar itok iben ro jiōb an armij rōn; e ar kōmōn men ko re jime an Jeova, im ekajet ko An iben Israel.

22 Im kin Dan e ar ba, Dan ejkon in laiōñ, eo ej kālok jen Beshan.

23 Im kin Naptalai e ar ba, O Naptalai, e māt kin joi, im e obrōk kin jerammōn an Jeova, kwon bōk kabi-lūñ im rōk.

24 Im kin Asher e ar ba, Asher en jerammōn kin ro nejin; en wut buru-en ro jein im jātin kin e, im en katutu neen ilo oil.

25 Alal ko am ren māl im jinibōrōrō; im einwōt ran ko am, e naj ein drein am kajur.

26 Ejelok einwōt Anij, O Jeshuron, Eo ej uwe ion lōñ ko bwe En jibōñ yuk, im ilo An emōn ion mejatoto.

27 Anij, ej ber nōn in drio, Ej am jikin jokwe, im iomin, pā ko rej nōn in drio. Im E ar iunlok dri kijirāt eo jen imam, im E ar ba, Kwon kokkure.

28 Im Israel ej jokwe ilo jab uota, unin dren an Jakob mōke ian, ilo enen korn im wain ekāl, aet, lōñ ko An rej kowutlok molawi.

29 Kwe, O Israel, kwo jerammōn; wōn eo einwōt kwe, ailiñ eo Jeova e ar lomoren, likepijñōk in men in jibōñ yuk, im E jāi an am emōn! Im ro dri kijirāte yuk re naj barikrik jen kwe; im kwo naj juri jikir re utiej.

**34** Im Moses e ar wōnliñlok jen ene ko emōn biken in Moab, ilo tol Nibo, nōn jabōn Pisga, eo ikijen Jeriko. Im Jeova e ar kwalok nōn e ao-lepen enen Giliad, nōn Dan, 2 im ao-lepen Naptalai, im enen Ipreim im Menassa, im ao-lepen enen Juda nōn lomalo i kabilūñ, 3 im ene irōk, im eneo biken wōt juōn in komlōl in Jeriko, jikin kwelok in wijki pam ko, nōn Zoar.

4 Im Jeova e ar ba nōn e, Eñin eneo I ar kanōjni kake nōn Ebream, nōn Aisak, im nōn Jakob, im ba, I naj lelok nōn ro ineōm: I ar kaluije yuk kin mejōm, a kwo jamin elālok ie. 5 Ein drein Moses korijeran Jeova e ar mij ijo, ilo enen Moab, ekar nōn nan eo an Jeova. 6 Im E ar kalibwin e ilo komlōl eo ilo enen Moab, ikijen Bet-pior: a ejelok armij e jela kajen lūpōn nōn ranin. 7 Im ridtōn Moses



jibuki roñoul yiō ke e mij: e jañin tōp mejen, ak eriklok an kajur. 8 Im ro nejin Israel rar jōñōt Moses ilo ene emōn biken in Moab, iomin jilñoul ran: ein drein e jemlok ran ko in jōn im liajlol kin Moses.

9 Im Joshua, nejin Nōn, e ar obrōk kin jitōb in meletlet; bwe Moses e ar likit pein ion: inem ro nejin Israel rar eorofi e, im kōmōn einwōt Jeova e ar jiroñ Moses. 10 Im jen ien eo e

ar jab walok i Israel juōn dri kanan einwōt Moses, eo Jeova e ar jela jelmae, 11 ilo kakōle ko im men in bwilōñ ko otemjej, ko Jeova e ar jilkinlok e bwe en kōmōni ilo enen Ijpt, ñōn Pero, im ñōn aolepen ro dri korijeran, im ñōn aolepen eneo an, 12 im aolepen pein e kajur, im ilo aolepen kalelñōñ elap, eo Moses e ar kōmōne iman mejen aolepen Israel.



# BUK IN JOSHUA

**1** Inem elikin an Moses eo korijera-  
ran Jeova mij, Jeova e ar konono  
ñōn Joshua, nejin Nōn, dri jibōñ an  
Moses, im ba, **2** E mij <sup>1</sup>Moses kori-  
jera; inem kwon jutōk im elā jen Jord-  
dan in, kwe im armij rein otemjej,  
ñōn eneo Ij lelok ñōn ir, aet, ro nejin  
Israel. **3** <sup>2</sup>Jabrewōt jikin ijo lobiren  
neōmi e naj jure, emwij Aō lewoj,  
einwōt I ar konono ñōn Moses. **4** Jen  
ene jemaren eo, im Lebanon in, aet,  
ñōn river elap, river Upretis, aolepen  
enen ro dri Het, im ñōn lomalo elap  
kajen tulokin al, e naj ami tōreren.  
**5** Ejelok armij e naj maroñ in jutōk  
imam iomin aolepen ran in am mour:  
einwōt I ar ber iben Moses, ein drein  
I naj ber ibōm; I jamin likjōp jen  
yuk, ak illok jen yuk. **6** Kwon ka-  
jur, im kanuij beran; bwe kwo naj  
kajolit armij rein kin eneo I ar ka-  
nōjni kake ñōn ro jimair, bwe In le-  
lok ñōn ir. **7** Men in wōt, kwon ka-  
jur, im kanuij beran, bwe kwon lale  
im kōmōn ekar ñōn aolepen kien eo  
Moses korijera e ar jiroñ yuk kake:  
kwon jab jeōrlōk jen e ñōn anbijma-  
roñ ak anmiñ, bwe kwon jerammōn  
wōt, ijoko jabrewōt kwoj ilok ielok.  
**8** Buk in, buk in kien, en jab joko jen  
loñōm, a kwon kalomōnlokjen kin e,  
ran im boñ, bwe kwon lali im kōmōn  
men ko otemjej emwij jeji iloan:  
inem kwo naj kōmōn bwe en emōn ial  
eo am, im kwo naj jerammōn. **9** I ar  
jab jiroñ yuk ke? Kwon kajur im  
kanuij beran; kwon jab mijōk, im  
jab lelñōñ: bwe Jeova am Anij ej  
ibōm, ijoko jabrewōt kwoj ilok ielok.

**10** Inem Joshua e ar jiroñ ro dri  
kabwjrōk an armij rōn, im ba, **11**  
Komin etal ilujen kamp eo, im jiroñ  
armij rōn, im ba, Komin kapojōk ki-  
jōmi; bwe matōn jilu ran kom naj  
elā jen Jordan in, bwe komin tōloñe

eneo in bōke, eo Jeova ami Anij ej le-  
woj bwe en ami.

**12** Im ñōn ro dri Ruben, im ñōn ro  
dri Gad, im ñōn jibilkwon bwijin Me-  
nassa, Joshua e ar konono, im ba, **13**  
Komin kememej nan eo Moses kori-  
jeran Anij e ar jiroñ kom im ba, Jeova  
ami Anij ej lewoj kakiye, im E naj  
lewoj enin. **14** Kōra ro belemi, ro  
nejemi, im kiru ko ami, ren ber ilo  
eneo Moses e ar lewoj i rear in Jord-  
dan; a komin elālok iman ro jeōmi  
im jātōmi, pojōk ñōn tōrinae, ro  
otemjej re kajur im beran, im kom  
naj jibōñ ir; **15** mae ien Jeova ej le-  
lok kakiye ñōn ro jeōmi im jātōmi,  
einwōt E ar lewoj ñōn kom, im emwij  
air bōk eneo Jeova ami Anij ej lelok  
ñōn ir: inem kom naj jeblak ñōn enin  
eneōmi, im bōke, eo Moses korijeran  
Jeova e ar lewoj i rear jen Jordanka-  
jen tak al. **16** Im rar uak Joshua,  
im ba, Men otemjej kwar jiroñ kim,  
kim naj kōmōni, im ijo jabrewōt  
kwoj jilkinlok kim ñe, kim naj ilok.  
**17** Einwōt kim ar eoroñ Moses ilo  
men otemjej, ein drein kim naj eoroñ  
yuk: men in wōt, Jeova am Anij en  
ber ibōm, einwōt E ar ber iben Mo-  
ses. **18** Jabrewōt eo ej kejekron am  
in nan, im e jab eoroñ nan ko am ilo  
men otemjej kwoj jiroñ e kake, en  
mij: a kwon kajur im kanuij beran.

**2** Im Joshua nejin Nōn e ar jilkin-  
lok jen Shitim, ruo armij dri  
aroñroñ ilo etino, im ba, Kominro ilen  
wat eneo, im Jeriko. Inem rar ilok,  
im dreloñlok ilo imōn juōn kōra eki-  
joñ, <sup>1</sup>etan Rehab, im babu ijo. **2** Im  
rar kennanek kiñ in Jeriko, im ba,  
Lo, emwij an ruo armij dreloñtok ijin  
boñ in, ian ro nejin Israel, bwe ren  
wat enin. **3** Im kiñ in Jeriko e ar  
jilkinlok ñōn Rehab, im ba, Kwon ka-  
drioiytok armij ro rar itok ñōn ibōm,

ro rar dreloñwoji mwoñe imōm; bwe rar iten wate aolepen enin. 4 Inem kōra eo e ar bōk lōmaro ruo, im noj ir; im e ar ba, Eokwe, armij ro rar itok nōn iba, a I jaje ijo rar itok jene: 5 inem ke e nañin ien kili kejem eo, ke emarok, armij ro rar drioijslok; I jaje rej wojjikōt: komin mōkōj in lukworkwor ir; inem kom naj tōbar ir. 6 A <sup>1</sup>e ar āñinliñlok ir ion kejenwan mweo, im noj ir kin kãn ko kãn flax, emwij an ererōki ion kejenwan. 7 Im man ro rar lukworkwor irro ilo ial eo lok nōn kabātīt ko an Jordan: im ke emwij an ro dri lukworkwor ir drioijslok, rar kil kejem eo.

8 Im mokta jen airro babu, kōra eo e ar wōnliñlok nōn ibeirro ion kejenwan: 9 im e ar ba nōn lōmaro, I jela bwe Jeova e ar lewoj nōn kom enin, im lelñōñ kin kom e ar buñiom, im ro dri enin otemjej rej unlok imami. 10 Bwe kim ar roñ ekijkan Jeova e ar kabātlok dren in lomalo Ekilmir imami, ke kom ar drioijslok jen Ijipt; im ta eo kom ar kōmōn nōn kiñ ro ruo an dri Amor, ro rar ber i Jordan jabueo, nōn Saihon im nōn Og, ro kom ar torlok bokir. 11 Im ke emwij am roñjake, e mōkōj an buruem unlok, im ejelok beran e ar berwōt ilo jabrewōt armij kin kom: bwe Jeova ami Anij, ej Anij ilo lōñ ko, im ion lōl iomin. 12 Inem kiō, ij akwelap nōn komro, komin kanōjniñ nōn iō kin Jeova, kin aō kōmōn joij nōn kom, bwe komin bareinwōt kōmōn joij nōn ro nukin jema, im letok nōn iō juōn kakōle emol; 13 im bwe komin kejbarōk mour an jema im jinō, im ro jeiō im jātiō man im kōra, im men ko otemjej ibeir, im lomoren kim jen mij. 14 Im lōmaro rar ba nōn lio, Amro mour kin mour eo ami, elañe kom jamin kwalok jermal in amro; inem ñe Jeova e naj letok enin, kim naj kōmōn joij im mol nōn kwe.

15 Inem e ar drorlōllok irro kin juōn to ilo windo eo: bwe mweo imōn e ar ber ion worwor in jikin kwelok eo, im e ar jokwe ion worwor eo.

16 Im e ar ba nōn irro, Komin wōnliñlok ilo tol eo, ñe ab ro dri lukworkwor rej lo kom; komin tilekek ijo iomin jilu ran, mae ien ro dri lukworkwor rej roltok: tokelik kom maroñ in ilok ilo amiro ial. 17 Im lōmaro rar ba nōn e, Kim kōnan bwe en ejelok ruōmiro kin nan in kanōjniñ in kwar kōmōn bwe kimin kanōjniñ kake. 18 Lo, ñe kimij itok nōn enin, kwon lukwoj to in ekilmir ilo windo in, eo kwar drorlōllok kim kake: im kwon kokweloktok nōn ibōm iloan mwin, jemōm im jinōm, im ro jeōm im jātōm im aolepen ro nukin jemōm. 19 Im jabrewōt eo ej drioijslok jen kejem ko i mwin imōm ilo ial, bōtōktōkin en ion bōran, im e naj ejelok ruem: im jabrewōt eo ej berwōt iloan mwin, bōtōktōkin en ion bōrōmro elañe jabrewōt pā ej ber ion. 20 A elañe kwoj kwalok jermal in amro, inem e naj ejelok ruemro, kin nan in kanōjniñ in am, kwar ba bwe kimin kanōjniñ kake. 21 Im lio e ar ba, Einwōt amiro nan, en ein drein. Im e ar jilkinlok irro, im rar ilok: im e ar lukwoj to ekilmir ilo windo eo.

22 Im rar ilok, im wōnliñlok ilo tol eo, im ber ijo iomin jilu ran, mae ien ro dri lukworkwor rar jeblaktok: im dri lukworkwor rar bukot irro ilo aolepen ial, a re jab lo ir. 23 Inem lōmaro ruo rar jeblak, im rar wōnlōllok jen tol eo, im elālok, im itok nōn iben Joshua nejin Nōn; im rar kenanek e men otemjej rar walok nōn irro. 24 Im rar ba nōn Joshua, Emol Jeova e ar letok nōn peer aolepen eneo; im bareinwōt, ro otemjej dri eneo rej unlok imar.

3 Im ejiboñ wōt an Joshua jerkak; 3 im rar etallok jen Shitim, im itok nōn Jordan, e im aolepen ro nejin Israel; im rar jiboñōn ijo mokta jen air elālok. 2 Im elikin jilu ran, ro dri kabwijrōk rar etal ilujen kamp eo; 3 im rar jiroñ armij ro, im ba, Ñe komij lo dipdip in kalimur an Jeova ami Anij, im pris ro dri Livai rej ineke, inem komin etallok jen jikōmi im lor e. 4 Ijoke, en ruo tausan kubit kin joñōk toñ jen kom, im komin jab ke-

baklok e, bwe komin jela ial eo komin etal ielok; bwe kom jañin etal ilo ial in. 5 Im Joshua e ar ba ññon armij ro, Komin kokwojarjar kom; bwe ilju Jeova e naj kōmōn men in bwilōñ ko ibemi. 6 Im Joshua e ar konono ññon pris ro, im ba, Komin kwotōke dipdip in kalimur eo, im elālok iman armij rōn. Im rar kwotōke dipdip in kalimur eo im etal iman armij ro.

7 Im Jeova e ar ba ññon Joshua, Ranin I naj jino koutiej yuk iman mejen aoepen Israel, bwe ren jela, bwe einwōt I ar ber iben Moses, e naj ein drein Aō ber ibōm. 8 Im kwon jiroñ pris ro rej inek dipdip in kalimur eo, im ba, Ñe komij tōbar tōreren dren ko an Jordan, komin bwijrōk ilo Jordan. 9 Im Joshua e ar ba ññon ro nejin Israel, Komin itok iji, im roñjake nan ko an Jeova ami Anij. 10 Im Joshua e ar ba, Kin men in, kom naj jela bwe Anij eo e mour ej ibemi, im emol E naj ubakelok jen imami dri Kenean, im dri Het, im dri Hiv, im dri Periz, im dri Girgas, im dri Amor, im dri Jibus. 11 Lo, dipdip in kalimur an Iroj in aoepen lōl ej tuak imami ññon Jordan. 12 Inem komin kālet ññon kom joñoul ruo eman jen bwij ko an Israel, kajuju jen bwij. 13 Im ñe lobiren neen pris ro rej inek dipdip an Jeova, Iroj in aoepen lōl, rej jur dren ko an Jordan, inem naj kijbil dren ko, eokwe, dren ko rej tortok; im re naj bwijrōk einwōt juōn ejoiij.

14 Im ke armij ro rar drioij jen moko imweir bwe ren elā jen Jordan, pris ro rar inek dipdip in kalimur, rej iman armij ro; 15 im ke ro rar inek dipdip eo rar itok ññon Jordan, im neen pris ro rej inek dipdip eo rar jino tutu ilo tōreren dren eo, (bwe Jordan e jiōblok jen tōreren ko otemjej aoepen ien marmir), 16 dren ko rej tortok rar bwijrōk, im utiejlok ilo juōn ejoiij e kanuij etolok, i Adam, jikin kwelok eo iturin Zaritan; im dren ko rar torlōllok ññon lomalo in Araba, aet, lomalo Ejātōk, emwij kijbil wōt ir: im armij ro rar elālok ikijen Jeriko. 17 Im pris ro rar inek dipdip in

kalimur an Jeova, rar jutōk wōt ion brij emōra iolapen Jordan; im aoepen Israel rar elā ion brij emōra, mae ien ro otemjej dri ailiñ eo rar elā wōt jen Jordan.

4 Im ke emwij an aoepen dri ailiñ eo elā jen Jordan, Jeova e ar konono ññon Joshua, im ba, 2 Kwon kālet joñoul ruo eman jen ro dri ailiñ eo, kajuju jen bwij ko, 3 im komin jiroñ ir, im ba, Komin bōk jen iolapen Jordan, jen jikin eo ijo neen pris ro rar jutōk bin, joñoul ruo dreka, im bōkilok ibemi, im likiti ilo jikin jiboññon ijo kom naj ber boñin in. 4 Inem Joshua e ar kirtok man ro, ro emwij an kapoj ir ian ro nejin Israel, kajuju jen bwij: 5 im Joshua e ar ba ññon ir, Komin elālok iman dipdip eo an Jeova ami Anij, ññon iolapen Jordan, im komin kaju dreka ion aierami, ekar ññon oran bwijin ro nejin Israel; 6 bwe men in en juōn kakōle i bwiljemi, bwe, jabrewōt ien eo ro nejōmi rej kajitōk ibemi ilo ien ko rej itok, Ewi melelen dreka kein ibemi? 7 inem kom naj ba ññon ir, Kin ke emwij kijbil dren ko an Jordan iman dipdip in kalimur an Jeova; ke e ar elā jen Jordan, dren ko an Jordan emwij kijbili: im dreka ko re naj wan kemem ññon ro nejin Israel ññon in drio.

8 Im ro nejin Israel rar kōmōn einwōt Joshua e ar jiroñ ir, im rar kwotōki joñoul ruo dreka jen iolapen Jordan, einwōt Jeova e ar ba ññon Joshua, ekar ññon oran bwijin ro nejin Israel; im rar inekilok ibeir ññon jikin eo rar jiboññon ie, im likiti na ijo. 9 Im Joshua e ar kajutōk joñoul ruo dreka iolapen Jordan, ijo neen pris ro rar inek dipdip in kalimur rar jutōk: im rej ber ijo ññon ranin. 10 Bwe pris ro rar inek dipdip eo rar jutōk iolapen Jordan, ññon ter eo emwij kōmōn men otemjej Jeova e ar jiroñ Joshua bwe en ba ññon armij ro, ekar ññon men otemjej Moses e ar jiroñ Joshua: im armij ro rar kaiur ir im elālok. 11 Im ke emwij an armij otemjej elālok jen e, dipdip an Jeova e ar elālok, im pris ro, iman mejen armij rōn. 12 Im

ro nejin Ruben, im ro nejin Gad, im jibilkwon bwijin Menassa, rar elälok im pojök ñön törinae iman ro nejin Israel, einwöt Moses e ar ba ñön ir: 13 e nañin eñoul tausan re pojök ñön törinae, ro rar elälok iman Jeova ñön torinae, ñön ene ko emön biken an Jeriko. 14 Ran eo Jeova e ar koutiej Joshua iman mejen aolepen Israel; im rar mijök e, einwöt rar mijök Moses, iomin ran ko otemjej in an mour.

15 Im Jeova e ar konono ñön Joshua, im ba, 16 Kwon jiroñ pris ro rej inek dipdip in kalimur eo, bwe ren wönliflok jen Jordan. 17 Inem Joshua e ar jiroñ pris ro, im ba, Komin wönliftok jen Jordan. 18 Im ke pris ro rej inek dipdip in kalimur an Jeova rar wönliflok jen iolapen Jordan, im lobiren neen pris ro rar tōbar ene emōra, inem dren ko an Jordan rar jeb-lak ñön jikir, im jiōblok jen tōrereir otemjej einwöt mokta.

19 Im armij ro rar wönliftok jen Jordan ran eo ken ka joñoul ilo ailif eo mokta, im rar kajur moko imweir i Gilgal, i rear jen Jeriko. 20 Im dreka ko joñoul ruo, ko rar bōktok jen Jordan, Joshua e ar kajutōki i Gilgal. 21 Im e ar konono ñön ro nejin Israel, im ba, Ñe ro nejōmi rej kajitōk iben ro jemeir ilo ien ko rej itok, im ba, Ewi melemen dreka kein? 22 inem kom naj kajelaik ro nejōmi, im ba, Israel e ar elā jen Jordan in ion ene emōra. 23 Bwe Jeova ami Anij e ar kabāte Jordan imami, ñön ter eo emwij ami elälok, einwöt Jeova ami Anij e ar kōmōn ñön lomalo Ekilmir, eo E ar kabāte jen imar, ñön ter eo emwij ar elälok; 24 bwe ro dri ailif otemjej in lōl ren jela pein Jeova, bwe e kajur potata; bwe ren mijök Jeova ami Anij in drio.

5 Im ke kiñ ro otemjej an ro dri Amor, ro rar ber i rilikin Jordan, im kiñ ro otemjej an ro dri Kenean, ro rar ber iturin lojit, rar roñjake ekijkan Jeova e ar kabāte Jordan iman ro nejin Israel, mae ien kim ar elälok, e unluk burueir, im ejelok air beran, kin ro nejin Israel.

2 Ilo ien eo Jeova e ar ba ñön Joshua, Kwon kōmōnmōn jān ko jen dreka rōl, im bar mijmij ro nejin Israel alen ken ka ruo. 3 Im Joshua e ar kōmōn jān jen dreka rōl, inem e ar mijmij ro nejin Israel iturin tol an kilin man. 4 Im eñin unin an Joshua mijit ir: armij otemjej rar drioijtōk jen Ijpt, man ro, aet, aolepen ro dri törinae, rar mij ilo ene jemaren ilo air etetal, elikin air drioijtōk jen Ijpt. 5 Bwe emwij mijit armij otemjej rar drioijtōk; a armij otemjej rar lotak ilo ene jemaren, ilo ial ke rar drioijtōk jen Ijpt, re jānin mijmij. 6 Bwe ro nejin Israel rar etetal ilo ene jemaren iomin eñoul yiō, ñön ter eo aolepen armij ro, aet, ro dri törinae ro rar drioijtōk jen Ijpt, re mij kin air jab eorōñ ainiken Jeova: ñön ro Jeova e ar kanōjni kake, bwe En jab kōtlok bwe ren lo eneo E ar kanōjni ñön ro jimair, bwe En letok ñön kij, eneo e bwijliplip kin milk im hōnni. 7 Im ro nejin, ro E ar koutiej ir in binej jenkwaïr, ro Joshua e ar mijit ir; bwe re jānin kar mijmij, bwe rar jab mijit ir ilo ial. 8 Im ke emwij air mijmij aolepen jar eo, rar berwōt ilo jikir ilōan kamp eo, ñön ter eo re mour. 9 Im Jeova e ar ba ñön Joshua, Ranin emwij Aō kadrebillok kinak an Ijpt jen kom. Kin men in, rar naetan jikin eo Gilgal, ñön ranin.

10 Im ro nejin Israel rar kamp i Gilgal; im rar lale kijone eo ilo ran eo ken ka <sup>1</sup> joñoul emen an ailif eo ke ejota, ilo ene emön biken an Jeriko. 11 Im rar mōña jen kōn in eneo mokta, ran eo elikin ran in kijone, kek ko re jab uwe im korn jinnelle, ran eo wōt. 12 Im e <sup>2</sup> jemlok manna eo ilju, elikin air mōña kōn in eneo; im ejelok bar manna iben ro nejin Israel; a rar mōña jen leen enen Kenean ilo yiō eo.

13 Im ke Joshua e ar ber iturin Jeriko, e ar bōk mejen, im reilok, im lo, juōñ eman e ar jutōk ikijen, jāji emwij nure ilo pein: im Joshua e ar ilok ñön iben, im ba ñön e, Kwoj rie kim, ak ro dri jumae kim ke? 14 Im

e ar ba, Jab; ak I ar iten inelip in jar in tōrinae an Jeova. Im Joshua e ar buñbero ion brij, im kabuñ, im ba ñōn e, Ta eo aō iroiñ ej ba ñōn ña korijerōm? 15 Im inelip in jar in tōrinae an Jeova e ar ba ñōn Joshua, Kwon wutik juj jen neōm; bwe ijo kwoj jutōk e kwojarjar. Im Joshua e ar kōmōn ein drein.

**6** Im rar kanuij kil Jeriko, kin ro nejin Israel: ejelok ej drioij dreloñ. 2 Im Jeova e ar ba ñōn Joshua, Lo, I ar lewoj Jeriko ilo peōm, im kiñ eo an, im armij ro re kajur im beran. 3 Im komin kabol jikin kwelok eo, aolepen dri tōrinae, juōn alen. Ein drein komin kōmōn iomin jiljino ran. 4 Im jiljilimjuōn pris ren bōk jiljilimjuōn jilil, drun jip koman, iman dipdip eo; im ilo ran eo ken ka jiljilimjuōn komin kabol jikin kwelok eo jiljilimjuōn alen, im pris ro ren uk jilil ko. 5 Inem e naj ein drein, ñe e aitōk air jilil kin drun jip koman, im ñe komij roñjake ainiken jilil, armij otemjej ren lamij kin ainiken elap; im worwor in jikin kwelok eo e naj eolok, im jabrewōt armij e naj wōnliñlok iman mejen. 6 Im Joshua nejin Nōn e ar añintok pris ro, im e ar ba ñōn ir, Komin kwotōke dipdip in kalimur eo, im jiljilimjuōn pris ren bōk jiljilimjuōn jilil in drun jip koman, iman dipdip an Jeova. 7 Im rar ba ñōn armij ro, Komin wōnliñlok, im kabol jikin kwelok eo, im ro dri tōrinae ren ilok iman dipdip an Jeova.

8 Im ein drein, ke emwij an Joshua konono ñōn armij ro, pris ro jiljilimjuōn, ro rar bōklok jilil ko an drun jip koman iman Jeova, rar wōnliñlok, im uk jilil ko: im dipdip in kalimur an Jeova e ar lor ir. 9 Im ro dri tōrinae rar ilok iman pris ro rej uk jilil ko, im ro dri biniworwor rar lore dipdip eo, im pris ro rar uk jilil ko ke rej etallok. 10 Im Joshua e ar jiroñ armij ro, im ba, Kom jamin lamij ak kimñilñil, im ejelok nan en walok jen loñōmi, mae ran eo ñe ij ba komin lamij; inem komin lamij. 11 Ein drein e ar kōmōn bwe dipdip an Jeova en

kabol jikin kwelok eo juōn alen, im rar ilok ñōn kamp eo im jiboñōn ijo.

12 Im ejiboñ wōt an Joshua jerkak, im pris ro rar kwotōke dipdip eo an Jeova. 13 Im pris ro jiljilimjuōn, ro rar bōk jilil ko drun jip koman iman dipdip eo an Jeova, rar wōnmanlok wōt im jilil: im ro dri tōrinae rar etal imair; im ro dri biniworwor rar lor dipdip an Jeova, im pris ro rar jilil wōt ilo air etallok. 14 Im ran eo ken ka ruo rar kabol jikin kwelok eo juōn alen, inem rar jeblak ñōn kamp eo: ein drein air kōmōn iomin jiljino ran.

15 Im ran eo ken ka jiljilimjuōn rar jerkak ke ejimarok, im ein drein air kabol jikin kwelok eo jiljilimjuōn alen: ran eo wōt rar kabol jikin kwelok eo jiljilimjuōn alen. 16 Im ilo alen eo ken ka jiljilimjuōn, ke pris ro rar jilil, Joshua e ar ba ñōn armij ro, Komin lamij; bwe Jeova e ar lewoj jikin kwelok eo. 17 Im jikin kwelok e naj <sup>1</sup>men in aje, e im men otemjej illoan, ñōn Jeova: Rehab wōt, kōra ekijoñ, en mour, e im ro otemjej iben ilo mweo imōn, kin an kar noj dri aroñroñ ro jar jilkinlok ir. 18 Im komeo, komin kanuij kejbarōk kom jen men in aje eo, ñe ab mwijin ami aje, komij bōk jen men in aje ko; ein drein kom naj kōmōn kamp in Israel binikol im kejjorran e. 19 A aolepen silver, im gold, im jābi jinibōrōrō im māl, re kwojarjar ñōn Jeova: re naj ilok ñōn jikin mweiuk an Jeova. 20 Ein drein armij ro rar lamij, im pris ro rar jilil: im ke armij ro rar roñjake ainiken jilil, armij ro rar lamij kin ainiken e kanuij lap, im worwor eo <sup>2</sup>e ar eolok, inem armij ro rar mūmanlok im wōnliñlok illoan jikin kwelok eo, jabrewōt armij iman mejen, im rar bōk jikin kwelok eo. 21 Im rar torlok bok ilo jikin kwelok eo, man im kōra, im ox im jip, im ass, kin mejen jāji.

22 Im Joshua e ar ba ñōn lōmaro ruo rar wat eneo, Komin dreloñwe mweo imōn kōra ekijoñ eo, im añintok jen ijo lio, im aolep iben, einwōt ami kanōjniñ ñōn e. 23 Im likao ro

<sup>1</sup> Dut. 20. 17. <sup>2</sup> Hib. 11. 30.



dri aroñroñ rar dreloñ, im kadrioihtok Rehab, im jemen, im jinen, im ro jein im jätin, im aolep iben; ro nukin otemjej bareinwöt rar kadrioihtok ir; im rar likit ir ilikin kamp in Israel.

24 Im <sup>1</sup>rar kalok jikin kwelok eo, im aolepen kobön; ak silver, im gold, im jäbi jinibörörö, im mäl, men kein wöt rar likiti iloan jikin mweiuk an imön Jeova. 25 A Rehab, kōra eki-joñ eo, im ro nukin jemen, im aolepen iben, Joshua e ar kejbärök air mour; im e ar jokwe ilo bwiljin Israel nōn ranin, kin ke e ar noj dri aroñroñ ro Joshua e ar jilkinlok ir bwe ren wat Jeriko. 26 Im Joshua e ar kamätöre ien eo, im ba, En lia iman Jeova, armij eo ej loetök im kalek Jeriko: ilo mij an manjien e naj likit lōñtōn, im ilo mij an nejin eriktata e naj kajutök aur ko an. 27 Ein drein Jeova e ar ber iben Joshua; im buñbuñ eo an e ar ber ilo aolepen eneo.

7 A ro nejin Israel rar bwir kin men in aje eo; bwe Ekan, nejin Karmai, nejin Zabdai, nejin Zira, jen bwijin Juda, e ar bök jen men in aje eo: inem ebwil illu an Jeova nae ro nejin Israel.

2 Im Joshua e ar jilkinlok jet eman jen Jeriko nōn Eai, eo ej iturin Bet-even, i rear in Betel, im e ar ba nōn ir, Komin wōnliñlok im wat Eai. 3 Im rar jeblak nōn iben Joshua, im re ba nōn e, Armij otemjej ren jab wōnliñlok; a ruo ak jilu tausan armij ren wōnliñlok im mōn Eai; kwon jab kamök armij otemjej bwe ren ilok nōn ijo; bwe reit. 4 Ein drein rar wōnliñlok nōn ijo ian armij ro e nañin jilu tausan eman: im rar ko jen iman ro dri Eai. 5 Im ro dri Eai rar mōn jen ir e nañin jilñoul jiljino armij; im rar lujeljelilok ir jen iman kejem nōn Shibreim, im rar mōn ir ilo air wōnlöllok: inem buruen armij ro rar unlök, im einwöt dren.

6 Im Joshua e ar kekel nuknuk ko an, im e ar buñbero ion brij iman dip-dip an Jeova mae jota, e im ridto ro in Israel; im rar<sup>2</sup> likit bōñōñlōn ion

bōrair. 7 Im Joshua e ar ba, Yok, O Jeova Anij, etke Kwar āñintok wöt armij rein jen rear in Jordan, bwe Kwon ketök kim ilo pein ro dri Amor, im kōmōn bwe kimin joke? emōn elañe kim ar jokōne im jokwe irear in Jordan! 8 O, Iroi, e najiaō, ke emwij an ro nejin Israel tep jen ro dri kijiräte ir? 9 Bwe e naj buñbuñ men in nōn ro dri Kenean, im ro dri ene otemjej, im re naj kabol kim, im bukwelok etam jen löl: im ta eo Kwo naj kōmōn kin etōm elap?

10 Im Jeova e ar ba nōn Joshua, Kwon jerkak; etke ein am bero? 11 Israel e ar jerawiwi! aet, rar kokkure bujen eo I ar jiroñ ir kake: aet, rar bök jen men in aje eo, rar bareinwöt kwot, im rar riöp; im rar likite iben mweiuk ko air. 12 Kin men in, ro nejin Israel re ban jutök iman ro dri kijiräte ir; rej tep iman ro dri kijiräte ir, bwe rar erom binikol: I jamin bar ber ibemi elañe kom jab kokkure men in aje eo jen ibemi. 13 Kwon jerkak, im kokwojarjar armij ro, im ba, Komin kokwojarjar kom mae ilju: bwe ein drein Jeova, Anij in Israel, ej ba, Eor men in aje ibemi, O Israel; kom ban jutök iman ro dri kijiräte kom, mae ien emwij ami jolok men in aje eo jen ibemi. 14 Inem ñe ejiboñ re naj kadruaktok kom ekar nōn bwij ko ami: inem bwij eo Jeova ej kålet, e naj druaktok kin nukin; im nukin eo Jeova ej kället, e naj druaktok kin moko; im mweo Jeova ej kället, e naj druaktok kin ial airik. 15 Im eo re naj lo men in aje eo iben re naj tile kin kijeek, e im men otemjej iben; kin ke e ar kokkure bujen eo an Jeova, im e ar kōmōn men in bwebwe ilo Israel.

16 Ein drein ejiboñ wöt an Joshua jerkak, im kadruaktok Israel kin bwij ko air, im ar kället bwijin Juda: 17 im e ar kadruaktok nukin Juda; im ar kället nukin Zira: im e ar kadruaktok nukin Zira kin ial airik; im ar kället Zabdai; 18 im e ar kadruaktok ro dri mweo imōn kin ial airik; im ar kället Ekan, nejin Karmai, nejin Zabdai, nejin Zira, jen bwijin Juda.

19 Im Joshua e ar ba ñōn Ekan, Nejiō, kwon lelok, ij kajitōk ibōm, nebar ñōn Jeova, Anij in Israel, im kwalok ñōn E; im kwon kennanek iō ta eo kwar kōmōne; lale kwar noje. 20 Im Ekan e ar uak Joshua, im ba, Emol I ar jerawiwi nae Jeova, Anij in Israel, im ein drein I ar kōmōn: 21 ke I ar lo iben mweiuk ko juōn liboror in Babilon emōn, im rubuki shekel silver, im juōn ken el gold, erron limñoul shekel, inem I ar ankwonaki im bōki; im lo, emwij noji ilo brij iolapen mweo imō, im silver eo iomin.

22 Inem Joshua e ar jilkinlok ro dri jilik, im rar etōrlōk ñōn mweo; im lo, e ar ber im nojōk ilo mweo imōn, im silver iomin. 23 Im rar bōki jen loan mweo, im bōkitok ñōn iben Joshua, im ñōn ro dri Israel otemjej; im rar likiti iman Jeova. 24 Im Joshua, im ro dri Israel otemjej iben, rar bōk Ekan nejin Zira, im silver eo, im liboror eo, im ken el gold, im ro nejin man im kōra, im kau ko an, im ass ko an, im jip ko an, im mweo imōn, im men otemjej iben: im rar bōkiliñlok ñōn komlōl Ekor. 25 Im Joshua e ar ba, Etke kwar kejjorran kim? Jeova e naj kejjorran yuk ranin. Im dri Israel otemjej rar kare kindreka; im rar tile ir kin kijeek, im kare ir kin dreka. 26 Im rar kōmōn ion juōn be elap, ñōn ranin, im Jeova e ar oktōk jen bwil in illu eo An. Kin men in, rar naetan jikin eo, Komlōl in Ekor ñōn ranin.

8 Im Jeova e ar ba ñōn Joshua, Kwon jab mijōk, im kwon jab lel-ñōñ: kwon tel ro dri tōrinae otemjej ibōm, im jutōk, im wōnliñlok ñōn Eai; lo, emwij Aō lewoj na ilo peōm kiñ in Eai, in armij ro dron, im jikin kwelok eo an, im enen; 2 im kwon kōmōn ñōn Eai im kiñ eo an, einwōt am kar kōmōn ñōn Jeriko im kiñ eo an: ak men in rakim ko an, im kiru ko an, kom naj bōk men in rakim ñōn kom: kwon likit dri kebao ñōn jikin kwelok eo, elikin.

3 Ein drein Joshua e ar jutōk, im ro dri tōrinae otemjej, in wōnliñlok ñōn Eai: im Joshua e ar kålet joñoul

tausan armij, ro dri kajur im beran, im jilkinlok ir ilo boñ. 4 Im e ar jiroñ ir, im ba, Lo, komin kebaok jikin kwelok eo, elikin; komin jab etoane jikin kwelok eo, a komin otemjej pojōk wōt: 5 im ña, kab armij otemjej iba, kim naj kebaklok jikin kwelok eo. Inem ñe rej drioiytok nae kim, einwōt mokta, kim naj lijmanrikrik; 6 im re naj drioiytok im lukworkwor kim, mae ien kimij kallok ir etolok jen jikin kwelok eo; bwe re naj ba, Rej ko jen imam, einwōt mokta: ein drein kim naj lijmanrikrik; 7 inem kom naj jerkak jen jikin ami kebao, im bōk jikin kwelok eo: bwe Jeova ami Anij e naj lewoj na ilo peōmi. 8 Im ñe emwij ami bōk jikin kwelok eo, kom naj kaloke; einwōt nan jen Jeova, en ein drein ami kōmōn: lo, emwij aō jiroñ kom. 9 Im Joshua e ar jilkinlok ir, im rar ilen kebao, im rar ber ikōtan Betel im Eai, i rilikin Eai: a Joshua e ar jiboñ iben armij rōn.

10 Im ejiboñ wōt an Joshua jerkak, im e ar kalejar armij ro, im wōnliñlok, e im ridto ro an Israel, iman armij ro, ñōn Eai. 11 Im armij ro otemjej, ro dri tōrinae rej ber iben, rar wōnliñlok, im kebaklok, im ilok iman jikin kwelok eo, im rar kamp iūñin Eai: ak juōn komlōl ikōtan im Eai. 12 Im rar bōk e nañin lailim tausan armij, im likit ir ñōn kebao ikōtan Betel im Eai, i kabilūñ jen jikin kwelok eo. 13 Ein drein air likit armij ro, aet, aolepen jar in tōrinae eo iūñin jikin kwelok eo, im ro dri kebao i rilikin jikin kwelok eo; im Joshua e ar ilok ilo boñ ñōn iolapen komlōl eo. 14 Im ke kiñ in Eai e ar loe, rar kijoror in jerkak ke ejiboñ wōt, im ro dri jikin kwelok eo rar drioiytok mae Israel bwe ren tōrinaek ir, e im ro dron otemjej, ilo ien eo rar bebe, iman Areba; a e jaje kin jar in kebao eo elikin jikin kwelok eo. 15 Im Joshua kab aolepen Israel rar kōmōn einwōt re mōjino jen ir, im rar ko ilo ial ñōn ene jemaren. 16 Im emwij kokweloklok ro dri jikin kwelok otemjej bwe ren lu-

kworwor ir: im rar lukworkwor Joshua, im emwij kallok ir jen jikin kwelok eo. 17 Im ejelok eman e ar berwôt i Eai ak Betel, im e ar jab drioielok in lor Israel: im rar jab kil jikin kwelok eo, im lukworkwor Israel.

18 Im Jeova e ar ba ñôn Joshua, Kwon erlokwe mōri ne ilo peôm ñôn Eai; bwe I naj lewōj na ilo peôm. Im Joshua e ar kōtellok mōri eo ilo pein ñôn jikin kwelok eo. 19 Inem jar in kebao eo rar mōkōj im jerkak jen jikir, im rar etōr ke e ar kōtellok pein, im rar dreloñ iloan jikin kwelok eo im bōke; im rar mōkōj im tile jikin kwelok eo. 20 Im ke ro dri Eai rar reililklok, im lo, bat in jikin kwelok e ar wōnliflok ñôn lōñ, im ejelok kajur ibeir bwe ren ko ijin ak ijueo: im ro rar ko ñôn ene jemaren rar roltok mae ro rej lukworkwor ir. 21 Im ke Joshua im aolepen Israel rar lo bwe ro dri kebao rar bōk jikin kwelok eo, im bat in jikin kwelok e ar wōnliflok, inem rar oktōklik, im mōn ro dri Eai. 22 Im ro jet rar drioielok jen jikin kwelok eo nae ir; ein drein rar ber iolapen dri Israel, ijen im ijen: im rar mōn ir, im ejelok jor. 23 Im rar bōk kiñ in Eai im ānintok e iben Joshua.

24 Im ke ro dri Israel rar kamwijlok air mōn ro dri Eai otemjej ilo melaj, ilo ene jemaren ijo rar lukworkwor ir, im ir otemjej rar buñ kin mejen jāji, mae ien remat, ro dri Israel otemjej rar jeblak ñôn Eai, im kokkure kin mejen jāji. 25 Im ro otemjej rar buñ ran eo, man im kōra, joñoul ruo tausan, aet, ro dri Eai otemjelok. 26 Bwe Joshua e ar jab kekake pein, eo e ar erlokwe mōri eo kake, mae ien air mōn aolepen ro dri Eai otemjelok. 27 Ijoke, kiru ko im men ko men in rakim an jikin kwelok eo, ro dri Israel rar bōk ñôn ibeir, bwe ren air, ekar ñôn nan eo Jeova e ar jiroñ Joshua. 28 Ein drein Joshua e ar kaloke Eai, im kōmōne juōn be ñôn in drio, aet, men in jebeplok ñôn ranin. 29 Im e ar totoik kiñ in Eai ilo juōn wijki, ñôn jota:

inem ke e tulok al Joshua e ar jiroñ, im rar bōk ubōn jen wijki eo, im joloke i kejem an jikin kwelok eo, im rar beike kin juōn be elap, ñôn ranin.

30 Inem Joshua e ar kōmōn juōn lokatok ñôn Jeova, Anij in Israel, ilo tol Ibal, 31 einwôt Moses, korijeran Jeova e ar jiroñ ro nejin Israel, einwôt emwij jeje ilo buk in kien Moses, lokatok in dreka ko rar jab jekjek, im ejelok armij e ar kwotōk māl ioir: im rar lelok ion men in katok kijeek ñôn Jeova, im e ar katok kin jurtak in ainemōn ko. 32 Im ijo e ar jeje ilo dreka ko kien Moses, eo e ar jeje, iman mejen ro nejin Israel. 33 Inem iman pris ro im ro dri Livai, ro rar ineklok dipdip in kalimur an Jeova; ro drua maijet, im bareinwôt ro rej lotak ilo moko imweir; jibilkwon iair ro dri Israel otemjej, im ridto ro air, im ro dri kabwijrōk, im ro air dri ekajet, rar jutem kajōbe dipdip eo, iman tol Gerizim, im jibilkwon iair iman tol Ibal; einwôt Moses korijeran Jeova e ar jiroñ mokta bwe ren kejerammōn armij ro dri Israel. 34 Im tokelik e ar konono nan otemjej ilo kien eo, nan in kejerammōn im nan in kalia, ekar ñôn men otemjej emwij jeje ilo buk in kien. 35 Ejelok juōn nan ian nan ko otemjej, Moses e ar jiroñ kaki, ko Joshua e ar jab konono iman aolepen jar an Israel, im kōra ro, im ajiri ro, im ro drua maijet rar etallok ibeir.

9 Inem ke kiñ ro otemjej i rilikin Jordan, ilo ene e utiej, im ilo ene etā, im i ene otemjej iturin lomalo elap iman Lebanon, ro dri Het, im ro dri Amor, im ro dri Kenean, im ro dri Periz, im ro dri Hiv, im ro dri Jibus rar roñjake; 2 rar kweloklok bwe ren tōrinaek Joshua im Israel, burueir wôt juōn.

3 A ke ro dri Gibeon rar roñjake ta eo Joshua e ar kōmōn ñôn Jeriko, im ñôn Eai, 4 rar kōmōn men in mon, im ilok im etal einwôt ro dri keañ, im bōk bōjo ko remor ion ass ko air, im kilin kiru nien wain, remor im beotōk im karbinbin, 5 im juj ko remor im karbinbin, im rar kōnōk nuknuk

ko remor; im aolepen bred eo kijeire bin im lirawi. 6 Im rar ilok ñõn iben Joshua ñõn kamp eo i Gilgal, im ba ñõn e, im ñõn armij ro dri Israel, Kim ar itok jen juõn ene etolok: inem kiõ komin kõmõn juõn bujen ibem. 7 Im ro dri Israel rar ba ñõn ro dri Hiv, Bwelen komij jokwe ibem; inem ekijkan am maroñ kõmõn bujen ibem? 8 Im rar ba ñõn Joshua, Kim ro dri korijerõm. Im Joshua e ar ba ñõn ir, Wõn kom? im komij itok jen ia? 9 Im rar ba ñõn e, Kim dri korijerõm, kim ar itok jen juõn ene e kanuij etolok, kin etan Jeova am Anij: bwe kim ar roñ An buñbuñ, im men otemjej E ar kõmõn ilo Ijpt, 10 im men otemjej E ar kõmõn ñõn kiñ ro ruo dri Amor, rar ber irear in Jordan, ñõn Saihon kiñ in Heshbon, im ñõn Og kiñ in Beshan, eo e ar ber i Ashterõt. 11 Im ridto ro am, im ro otemjej rej jokwe i eneo am, rar konono ñõn kim, im ba, Komin bõk jotat ilo peõmi, im ilen wõnmae ir, im ba ñõn ir, Kim dri korijerõmi: inem, komin kõmõn bujen ibem. 12 Bred in kijem kim ar bõke ke e bwil, jen moko imwem ran eo ke kim ar drioij in itok ñõn ibemi; a kiõ, lo, e bin im lirawi: 13 im kilin kiru kein nien wain, kim ar kalõñi, rar kâl; im lo, re beotõk: im nuknuk kein im juj ko am remor kin an kanuij aitok ial eo. 14 Im armij ro rar bõk jen kijeir, im rar jab kajitõk bebe jen loñin Jeova. 15 Im Joshua e ar kõmõn ainemõn ibeir, im e ar kõmõn bujen ibeir, bwe ren mour: im iroi j rõn an jar eo rar kanõjni j ñõn ir.

16 Im jilu ran tokelik, elikin air kõmõn bujen ibeir, rar roñ bwe rej dri turir, im rar jokwe ibeir. 17 Im ro nejin Israel rar etallok, im ilok ñõn jikin kwelok ko air ilo ran eo ken ka jilu. Ak jikin kwelok ko air Gibeon, im Kipaira, im Bierot, im Kiriati-jerim. 18 Im ro nejin Israel rar jab mõi ir, kin ke iroi j ro in jar eo rar kanõjni j ñõn ir kin Jeova, Anij in Israel. Im aolepen jar eo rar lotan iroi j rõi. 19 A iroi j ro otemjej rar ba ñõn aolepen jar eo, Kim ar

kanõjni j ñõn ir kin Jeova, Anij in Israel: inem kiõ je ban uñir ir. 20 Jen kõmõn men in ñõn ir, bwe ren mour; ñe ab illu en itok iom, kin kanõjni j eo kim ar kanõjni j ñõn ir. 21 Im iroi j ro rar ba ñõn ir, Ren mour: ein drein rar dri jekjek kani im dri itõk dren ñõn aolepen jar eo, einwõt iroi j ro rar ba ñõn ir.

22 Im Joshua e ar kirtok ir, im e ar konono ñõn ir, im ba, Etke kom ar mone kim, im ba, Kim kanuij etolok jen kom; ke kom jokwe ibem? 23 Inem kiõ kom binikol, im e jamin joko jen kom ro dri kamakoko, ro dri jekjek kani, im ro dri itõk dren ñõn mweo imõi Anij eo aõ. 24 Inem rar uak Joshua, im ba, Kin ke rar kanuij kennanek kim dri korijerõm, ekijkan Jeova ami Anij e ar jiroñ Moses dri korijeran bwe en lewoj aolepen enin, im bwe komin kokkure aolepen dru wainene otemjej jen imami: kin men in kim ar kanuij lelõñ kake kom kin am mour, inem kim ar kõmõn men in. 25 Im kiõ, lo, kim ber ilo peõm: einwõt kwoj lemnok emõi im jime am kõmõn ñõn kim, en ein drein am kõmõn. 26 Im e ar kõmõn ein drein ñõn ir, im e ar kötlok ir jen pein ro nejin Israel, bwe ren jab mõi ir. 27 Im Joshua e ar likit ir ilo ran eo, dri jekjek kani, im dri itõk dren ñõn jar eo, im ñõn lokatok eo an Jeova, ñõn ranin, ilo jikin eo E naj kãlet e.

**10** Inem ke Adonai-zidek, kiñ in Jerusalem, e ar roñ kin an Joshua bõk Eai, im torlok bok ie, (einwõt e ar kõmõn ñõn Jeriko im kiñ eo an, ein drein e ar kõmõn ñõn Eai im kiñ eo an), im kin an ro dri Gibeon kõmõn ainemõn iben Israel, im rar ibeir; 2 rar kanuij mijõk, bwe Gibeon juõn jikin kwelok elap, einwõt juõn ian jikin kwelok ko an iroi j, im elap jen Eai, im aolepen armij ro ie re kajur. 3 Kin men in, Adonai-zidek, kiñ in Jerusalem, e ar jilkinlok ñõn Hoham kiñ in Hibron, im ñõn Paimam kiñ in Jarmut, im ñõn Jepia kiñ in Lekish, im ñõn Dibir kiñ in Eglon, im ba, 4 Komin wõnliñtok ñõn iba.

im jibōñ iō, im jen mōn Gibeon; bwe e ar kōmōn ainemōn iben Joshua, im iben ro nejin Israel. 5 Inem kiñ ro lailim, dri Amor, kiñ in Jerusalem, kiñ in Hibron, kiñ in Jarmut, kiñ in Lekish, im kiñ in Eglon, rar kweloktok, im wōnliñlok, ir im ro dri tōrinae otemjej air, im kajur air kamp iman Gibeon, im tōrinaek e.

6 Im ro dri Gibeon rar jilkinlok ñōn Joshua, ñōn kamp eo i Gilgal, im ba, Kwon jab kamōjino peōm jen ro dri korijerōm; kwon jarōptok, im lomore, im jibōñ kim: bwe aolepen kiñ ro an dri Amor rej jokwe i ene utiej, rar kweloktok nae kim. 7 Ein drein Joshua e ar wōnliñlok jen Gilgal, e im dri tōrinae otemjej iben, im aolepen armij ro re kajur im beran. 8 Im Jeova e ar ba ñōn Joshua, Kwon jab mijōk ir: bwe I ar kōtlok ir na ilo peōm; ejelok juōn iair e naj jutōk imam. 9 Kin men in, Joshua e ar mōkōjlok nae ir; bwe e ar wōnliñlok jen Gilgal iomin aolepen boñ eo. 10 Im Jeova e ar kalelñōñ ir iman Israel, im e ar mōn ir kin juōn kokkure elap i Gibeon, im e ar lukworkwor ir ilo ial liñlok ñōn Bet-horon, im mōn ir i Azika, im ñōn Makida. 11 Im ke rar ko jen Israel, ke rar etal ilo ial lōllok jen Bet-horon, Jeova e ar jolōllok dreka ko relap jen lōñ ioir ñōn Azika, im re mij: ro rar mij kin wut ebin, relōñ jen ro ro nejin Israel rar mōn ir kin jāji.

12 Inem Joshua e ar ba ñōn Jeova, ran eo ke Jeova e ar kōtlok ro dri Amor iman ro nejin Israel; im e ar ba iman mejen ro dri Israel, Al, kwon bwijrōk ilōñin Gibeon; im kwe, Aliñ, ilo komlōl in Aijalon. 13 Im al e ar bwijrōk, im aliñ e ar berwōt, mae ien jar eo rar irenwōne kin ir ion ro dri kijirāte ir. Rar jab jeje men in ilo buk in Jashar ke? Im al e ar bwijrōk iolapen lōñ ko, im e ar jab mōkōj in tulok, e nañin aolepen ran eo. 14 Im ejelok ran einwōt, mokta ak tokelik, ke Jeova e ar roñjake ainiken juōn armij: <sup>1</sup>bwe Jeova e ar tōrinae ñōn Israel.

15 Im Joshua e ar jeblak, im aolepen Israel iben, ñōn kamp eo i Gilgal.

16 Im kiñ rein lailim rar ko, im tilekek ilo roñ eo i Makida. 17 Im rar kennanek Joshua, im ba, Emwij air lo kiñ ro lailim, re tilekek ilo roñ eo i Makida. 18 Im Joshua e ar ba, Komin kadrebillok dreka re killip ñōn mejen roñ eo, im likit armij ro ijo bwe ren bar ir: 19 a komin jab berwōt; komin lukworkwor ro dri kijirāte kom, im mōn ro ilokair; komin jab likit bwe ren dreloñ ilo jikin kwelok ko air: bwe Jeova ami Anij e ar likit ir na ilo peōmi. 20 Im ke emwij an Joshua kab ro nejin Israel mōn ir kin kokkure elap, mae ien re nañin mat im joko, im ro matōn mij iair rar dreloñlok ilo jikin kwelok ko eor air worwor, 21 inem armij otervej rar jeblaktok ñōn kamp eo, ñōn iben Joshua i Makida, ilo ainemōn: ejelok juōn ej kamōkit loen nae jabrewōt ian ro nejin Israel.

22 Inem Joshua e ar ba, Komin kabellok mejen roñ eo, im kadrioiptok kiñ ro lailim ñōn iba, jen roñ eo. 23 Im rar kōmōn einwōt, im rar kadrioiptok kiñ ro ñōn iben Joshua jen roñ eo, kiñ in Jerusalem, kiñ in Hibron, kiñ in Jarmut, kiñ in Lekish, im kin in Eglon. 24 Im ke emwij air kadrioiptok kiñ ro ñōn iben Joshua, inem Joshua e ar kirtok aolepen eman in Israel, im e ar ba ñōn iroiñ in tōrinae ro rar ilok ibenlok, Komin druaktok, komin likit neōmi ion kenwan kiñ rein. Im rar druaktok im likit neir ion kenwair. 25 Im Joshua e ar ba ñōn ir, Komin jab mijōk, komin jab lelñōñ; komin kajur im beran: bwe ein drein Jeova e naj kōmōn ñōn aolepen ro dri kijirāte kom, ro lomij tōrinaek ir. 26 Im tokelik Joshua e ar mōn ir, im totoik ir ilo lailim wijki: im rar toto ilo wijki ko ñōn jota. 27 Im ke e tulok al, Joshua e ar jiroñ, im rar drorlōllok ir jen wijki ko, im jolok ir na ilo roñ eo, ijo rar tilekek, im rar likit dreka re killip ion mejen roñ eo, ñōn ranin.

28 Im Joshua e ar bōk Makida ran



eo, im e ar mōn e kin mejen jāji, im kiñ eo an: e torlok bok; e ar likit ejelok juōn; im e ar kōmōn nōn kiñ in Makida, einwōt e ar kōmōn nōn kiñ in Jeriko.

29 Im Joshua e ar ilok jen Makida, im dri Israel otemjej iben, nōn Libna, im rar tōrinaek Libna: 30 im Jeova e ar lelok e bareinwōt, im kiñ eo an, na ilo pein Israel; im e ar mōn e kin mejen jāji, im armij otemjej illoan; e torlok bok; im e ar kōmōn nōn kin eo an, einwōt e kar kōmōn nōn kiñ in Jeriko.

31 Im Joshua e ar ilok jen Libna, im dri Israel otemjej iben, nōn Lekish, im nitbwile, im torinaek e: 32 im Jeova e ar lelok Lekish na ilo pein Israel; im e ar bōk e ran eo ken ka ruo, im mōn e kin mejen jāji, im e torlok bok, einwōt men otemjej e ar kōmōn nōn Libna.

33 Inem Horam, kiñ in Gizer, e ar wōnliñtok in jibōñ Lekish; im Joshua e ar mōn e im armij otemjej dron, mae ien e torlok bok.

34 Im Joshua e ar ilok jen Lekish, im ro dri Israel otemjej iben, nōn Eglon; im rar nitbwile im tōrinaek e; 35 im rar bōk e ran eo im mōn e kin mejen jāji; im e torlok bok ran eo, einwōt men otemjej e ar kōmōn nōn Lekish.

36 Im Joshua e ar wōnliñtok jen Eglon, im dri Israel otemjej iben, nōn Hibron; im rar tōrinaek e: 37 im rar bōk e, im mōn e kin mejen jāji, im kiñ eo an, im jikin kwelok otemjej iturin, im armij otemjej ilo ir; e torlok bok, einwōt men otemjej e ar kōmōn nōn Eglon; a e ar kanuij kokkure, im torlok bok.

38 Im Joshua e ar jeblak, im dri Israel otemjej iben, nōn Dibir, im tōrinaek e: 39 im e ar bōk e, im kiñ eo an, im jikin kwelok otemjej iturin; im rar mōn e kin mejen jāji, im kanuij kokkure armij otemjej rar ber ilo ir; e torlok bok: einwōt an kōmōn nōn Hibron, ein drein e ar kōmōn nōn Dibir, im nōn kiñ eo an; einwōt e ar kōmōn bareinwōt nōn Libna, im nōn kiñ eo an.

40 Ein drein Joshua e ar mōn aoepen eneo, ene e utiej, im ene irōk, im ene etā, im ene ko re utiej jirik, im kiñ ro otemjej air: e ar torlok bok, im e ar kanuij kokkure men otemjej rej menono, einwōt Jeova, Anij in Israel e ar jiroñ e. 41 Im Joshua e ar mōn ir jen Kedesh-barnia nōn Geza, im aoepen ene Goshen, aet, nōn Gibeon. 42 Im Joshua e ar bōk kiñ rein otemjej, im ene ko air, ilo juōn wōt ien, bwe Jeova Anij in Israel e ar tōrinae nōn Israel. 43 Im Joshua e ar jeblak, im dri Israel otemjej iben, nōn kamp eo i Gilgal.

11 Im ke Jebin, kiñ in Hezor, e ar roñjake, inem e ar jilkinlok nōn Jobak, kiñ in Medon, im nōn kiñ in Shimron, im nōn kiñ in Aksaf, 2 im nōn kiñ ro rej ber iññ, ilo enen tol ko, im ilo Araba irōk jen Kinerot, im ilo ene etā, im ilo ene ko re utiej an Dor i kabilūñ, 3 nōn dri Kenean i rear, kab i kabilūñ, im dri Amor, im dri Het, im dri Periz, im dri Jibus ilo enen tol ko, im dri Hiv iturin Hermon ilo enen Mizpa. 4 Im rar drioijlok, ir im ro dri tōrinae otemjej ibeir, elōñ armij, einwōt bok i barijit ilo orair, im elōñ ors ko im jariot ibeir. 5 Im kiñ rein otemjej rar kweloklok; im rar iten kamp iben dron iturin dren ko in Miron, bwe ren tōrinaek Israel.

6 Im Jeova e ar ba nōn Joshua, Kwon jab mijōk ir: bwe ilju ilo auō in, I naj lewoj ir otemjej mijijak iman Israel: kwo naj jek iki in neen ors ko air, im tile jariot ko air kin kijeek. 7 Ein drein Joshua e ar mōkōjtok, im aoepen dri tōrinae iben, nae ir i dren ko i Mirom, im buñ ioir. 8 Im Jeova e ar lelok ir na ilo pein Israel, im rar mōn ir, im lujeljelilok ir nōn Zaidon elap, im nōn Misreptmeim, im nōn komlōl in Mizpa i rear; im rar mōn ir mae ien e torlok bok. 9 Im Joshua e ar kōmōn nōn ir einwōt Jeova e ar jiroñ e: e ar jek iki in neen ors ko air, im tile jariot ko air kin kijeek.

10 Im Joshua e ar jeblak ien eo, im bōk Hezor, im mōn kiñ eo an kin

jāji: bwe mokta Hezor e ar jībōn ailiñ kōn otemjej. 11 Im rar mōn armij otemjej ie, kin mejen jāji, im e torlok bok; ejelok juōn ej menono e ar berwōt: im e ar tile Hezor kin ki-jeek. 12 Im aolepen jikin kwelok an kiñ rein, kab kiñ ro, Joshua e ar bōki, im e ar mōni kin mejen jāji, im e torlok bok; einwōt Moses korijeran Jeova e ar jiroñ. 13 A jikin kwelok ar bar ber ion tol ko air, Israel e ar jab tile jabrewōt iair, a Hezor wōt; eo Joshua e ar tile. 14 Im men in rakim otemjej jen jikin kwelok kein, im kiru ko, ro nejin Israel rar bōk nōn ir mōke; a rar mōn armij otemjej kin mejen jāji, mae ien e torlok bok, im rar jab likit jabrewōt eo ej menono. 15 Einwōt Jeova e ar jiroñ Moses korijeran, ein drein Moses e ar jiroñ Joshua: im ein drein an Joshua kōmōn; e ar likit ejelok im jab kōmōni ian men otemjelok Jeova e ar jiroñ Moses.

16 Ein drein Joshua e ar bōk aolepen eneo, enen tol ko, im aolepen ene irōk, im aolepen ene Goshen, im ene etā, im Araba, im ene tol ko an Israel, im ene etā eo an; 17 jen tol Helak, liñlok nōn Sier, aet, nōn Bealgad ilo komlōl Lebanon iturin tol Hermon; im e ar bōk aolepen kiñ ro air, im mōn ir, im kokkure ir. 18 Eto an Joshua tōrinaek kiñ rein otemjej. 19 Ejelok juōn jikin kwelok e ar kōmōn ainemōn iben ro nejin Israel, a ro dri Hiv dri Gibeon wōt: rar bōk aolepeir ilo tōrinae. 20 Bwe jen Jeova air kabin burueir, bwe ren itok nae Israel ilo tōrinae, bwe En maroñ in kanuij kokkure ir, bwe ren jab lo joi, im bwe ren joko, einwōt Jeova e ar jiroñ Moses.

21 Im Joshua e ar ilok ilo ien eo, im e ar mōn ro dri Enak jen ene ko re utiej, jen Hibron, jen Dibir, jen Enab, jen aolepen ene e utiej an Juda, im jen aolepen ene utiej an Israel: Joshua e ar torlok bok iben jikin kwelok ko. 22 Ejelok juōn ian ro dri Enak e ar berwōt ilo enen ro nejin Israel: ak ilo Geza, im Gat, im Ashdod wōt, jet rar berwōt. 23 Ein

drein Joshua e ar bōk aolepen eneo, ekar nōn men otemjej Jeova e ar ba nōn Moses; im Joshua e ar lelok men in jolit nōn Israel, ekar nōn mōtair ilo bwij ko. Im eneo e ar kakije jen tōrinae.

**12** Inem ir rein kiñ ro an eneo, ro nejin Israel rar mōn ir, im rar bōk ene ko air i rear in Jordan i tak in al, jen komlōl Arnon nōn tol Hermon, im aolepen Araba i rear: 2 Saihon kiñ an ro dri Amor, e ar jokwe i Heshbon, im e ar iroi jen Aroer, eo ilo tōreren komlōl Arnon, im jikin kwelok eo iolapen komlōl eo, im jibilkwon Giliad nōn river Jabbok, tōreren ro nejin Amon; 3 im Araba nōn lomalo Kineret, i rear, im nōn lomalo in Araba, aet, lomalo Ejātōk, i rear, ilo ial nōn Bet-jeshimot; im irōk, i tōreren Pisga: 4 im tōreren Og, kiñ in Beshan, eo ian matōn Ripeim, re kar jokwe i Ashterot im i Edreai, 5 im rar iroi i tol Hermon, im i Salika, im i aolepen Beshan nōn tōreren ro dri Gishur, im ro dri Meakat, im jibilkwon Giliad, tōreren Saihon kiñ in Heshbon. 6 Moses korijeran Jeova, im ro nejin Israel, rar mōn ir: im Moses korijeran Jeova e ar lelok e nōn dri Ruben, im ro dri Gad, im nōn jibilkwon bwijin Menassa, bwe en air.

7 Im rein kiñ in eneo Joshua im ro nejin Israel rar mōn ir i Jordan jabueo i kabilūñ, jen Bealgad ilo komlōl Lebanon, nōn tol Helak, eo ej wōnliñlok nōn Sier, (im Joshua e ar lelok e nōn bwij ko bwijin Israel bwe en air ekar nōn bwij ko air; 8 ilo ene ko re utiej, im ilo ene etā, im ilo Araba, im ilo ene re utiejlok, im ilo ene jemaren, im irōk; dri Het, dri Amor, dri Kenean, dri Periz, dri Hiv, im dri Jibus): 9 kiñ in Jeriko, juōn; kiñ in Eai, eo ej iturin Betel, juōn; 10 kiñ in Jerusalem, juōn; kiñ in Hibron, juōn; kiñ in Jarmut, juōn; 11 kiñ in Lekish, juōn; 12 kiñ in Eglon, juōn; kiñ in Gizer, juōn; 13 kiñ in Dibir, juōn; kiñ in Gider, juōn; 14 kiñ in Horma, juōn; kiñ in Erad, juōn; 15 kiñ in Libna, juōn; kiñ in

Adulam, juōn; 16 kiñ in Makida, juōn; kiñ in Betel, juōn; 17 kiñ in Tapua, juōn; kiñ in Hiber, juōn; 18 kiñ in Epek, juōn; kiñ in Lasheron, juōn; 19 kiñ in Medon, juōn; kiñ in Hezor, juōn; 20 kiñ in Shimron-miron, juōn; kiñ in Aksap, juōn; 21 kiñ in Teanak, juōn; kiñ in Megido, juōn; 22 kiñ in Kedes, juōn; kiñ in Jokneam i Karmel, juōn; 23 kiñ in Dor, i jikin e utiej an Dor, juōn; kiñ in Goim i Gilgal, juōn; 24 kiñ in Tirza, juōn; kiñ ro otemjej jilñoul juōn.

**13** A ke <sup>1</sup>Joshua e ridto wōt, im bwijwolā; Jeova e ar ba ñōn e, Kwoj ridto wōt, im bwijwolā, im elap mōtōn ene ej ber bwe ren bōke. 2 Eñin ene ej berwōt: ene otemjej an ro dri Pilistia, im dri Gishur; 3 jen Saihor, eo ej iman Ijpt, ñōn tōrer-En Ekron eañ, ene ko rej bwini an ro dri Kenean; lailim iroiñ an ro dri Pilistia; ro dri Geza, im ro dri Ashdod, ro dri Ashkilon, ro dri Git, im ro dri Ekron; bareinwōt ro dri Avim, 4 iroiñ; aolepen enen ro dri Kenean, im Miera an ro dri Saidon, ñōn Epek, ñōn tōrer-En ro dri Amor; 5 im enen ro dri Gibal, im aolepen Lebanon ka-jen tak al, jen Beal-gad, i unin tol Hermon ñōn mejāti an Hemat; 6 ro otemjej rej jokwe ilo ene ko re utiej jen Lebanon ñōn Mizrepot-meim, aet, ro dri Saidon otemjej; I naj uba-ke lok ir jen iman ro nejin Israel; men in wōt, kwon lelok ñōn Israel air men in jolit, einwōt I ar jiroñ yuk. 7 Inem kwon ajej enin men in jolit ñōn bwij ko druatiñjuōn, im jibilkwon bwijin Menassa.

8 Ro dri Ruben im ro dri Gad, rar bōk air men in jolit, eo Moses e ar lelok ñōn ir, i Jordan jabueo i rear, einwōt Moses korijeran Jeova e ar lelok ñōn ir: 9 jen Aroer i tōrer-En komlōl Arnon, im jikin kwelok eo iolapen komlōl eo, im aolepen ene emōn biken in Midiba ñōn Daibon; 10 im jikin kwelok otemjej an Saihon kiñ an ro dri Amor, eo e ar iroiñ in Heshbon, ñōn tōrer-En ro nejin Amon; 11 im Giliad, im tōrer-En ro

dri Gishur, im ro dri Meakat, im aolepen tol Hermon, im aolepen Beshan ñōn Salika; 12 aolepen ailiñ an Og ilo Beshan, eo e ar kiñ i Ashterot im i Edreai, (eo emwij likit e mōtōn ro dri Ripeim); bwe rein Moses e ar mōn im lujeljelilok. 13 Ijoke, ro nejin Israel rar jab kadrioiñlok ro dri Gishur, ak ro dri Meakat: a dri Gishur im dri Meakat rej jokwe i bwiljin Israel ñōn ranin. 14 Ñōn bwijin Livai wōt, e ar lelok ejelok men in jolit; jurtak ko an Jeova, Anij in Israel, komōnmōne kin kijeek, jolit eo an, einwōt e ar ba ñōn e.

15 Im Moses e ar lelok ñōn ro nejin Ruben ekar ñōn nukin ko. 16 Im tōrer-En eo air jen Aroer, eo ej i tōrer-En komlōl Arnon, im jikin kwelok eo iolapen komlōl eo, im aolepen eneo emōn biken i Mediba; 17 Heshbon, im aolepen jikin kwelok ko ilo ene emōn biken; Daibon, im Bamot-beal, im Bet-beal-mion, 18 im Jehaz, im Kedimot, im Mipat; 19 im Kiriатеim, im Sibma, im Zeret-shehar i tol in komlōl eo, 20 im Bet-pior, im ene re utiejlok an Pisga, im Bet-jeshimot, 21 im jikin kwelok otemjej i ene emōn biken, im aolepen ailiñ an Saihon kiñ an ro dri Amor, eo e ar kiñ in Heshbon, eo Moses e ar mōn e iben iroiñ ro an Midian, Evi, im Rikem, im Zur, im Hur, im Riba, iroiñ ro an Saihon, ro rar jokwe i eneo. 22 <sup>1</sup>Beleam bareinwōt nejin Bior, dri marmir, eo ro nejin Israel rar mōne iben ro mijijak. 23 Im tōrer-En ro nejin Ruben, Jordan im tōrer-En. Eñin jolitan ro nejin Ruben ekar ñōn ro nukir, jikin kwelok ko relap im wujen ko air.

24 Im Moses e ar lelok ñōn bwijin Gad, ñōn ro nejin Gad, ekar ñōn nukin ko. 25 Im tōrer-En eo air Jezer, im jikin kwelok ko otemjej an Giliad, im jibilkwon enen ro nejin Amon, ñōn Aroer ej iman Rabba; 26 im jen Heshbon ñōn Remot-mizpa, im Betonim; im jen Mehaneim ñōn tōrer-En Dibir; 27 im komlōl Bet-heram, im Bet-nimra, im Sökkot, im Zepon, ma-

tōn ailiñ in Saihon kiñ in Heshbon, Jordan im tōrerer, ñōn mōtōn eo i jabōn lomalo Kineret, i Jordan jabueo i rear. 28 Eñin jolit an ro nejin Gad, ekar ñōn ro nukir, jikin kwelok ko relap im wujen ko air.

29 Im Moses e ar lelok jolit ñōn jibilkwon Menassa : im ej ñōn jibilkwon bwijin Menassa, ekar ñōn nukin ko. 30 Im tōrerer eo air jen Mehaneim, aolepen Beshan, im aolepen enen Og kiñ in Beshan, im jikin kwelok otemjej an Jeir, ko rej ber i Beshan, jiljinoñoul jikin kwelok: 31 im jibilkwon Giliad, im Ashterot im Edreai, jikin kwelok an ailiñ in Og i Beshan, ñōn ro nejin Mekir, nejin Menassa, aet, ñōn jibilkwon ian ro nejin Mekir ekar ñōn ro nukir.

32 Irkein jolit ko Moses e ar ajejlok ilo ene emōn biken an Moab, i Jordan jabueo ikijen Jeriko, i rear. 33 A ñōn bwijin Livai, Moses e ar lelok ejelok air jolit: Jeova, Anij in Israel, air men in jolit, einwōt E ar ba ñōn ir.

**14** Im irkein men in jolit ko ro nejin Israel, ko rar bōki ilo enen Kenean, im Iliezar pris, im Joshua nejin Nōn, im jiōb ro an moko imōn ro jimair, an bwij ko an Israel, rar ajejlok ñōn ir, 2 kin kakōlen air jolit, einwōt Jeova e ar jiroñ kin Moses, ñōn bwij ko druatiñjuōn im jibilkwon. 3 Bwe emwij an Moses lelok men in jolit ñōn bwij ko ruo im jibilkwon i rear in Jordan: a e ar jab lelok men in jolit ñōn ro dri Livai ibeir. 4 Bwe ro nejin Josep ruo bwij, Menassa im Ipreim: im rar lelok ejelok mōtōn ñōn ro dri Livai, ilo eneo, a e ar lelok jikin kwelok ko in jokwe, im ene ko iturir, ñōn kiru ko air kab mweieir. 5 Einwōt Jeova e ar jiroñ Moses, ein drein ro nejin Israel rar kōmōn: im rar ajej eneo.

6 Ien eo ro nejin Juda rar kebaklok ñōn Joshua i Gilgal: im <sup>1</sup> Keleb nejin Jepunne dri Keniz, e ar ba ñōn e, Kwo jela men eo Jeova e ar ba ñōn Moses armij oñ Anij kin ña im kin

kwe i Kedesh-barnia. 7 Ña ridtōn eñoul yiō, ke Moses korijeran Anij e ar jilkinlok iō jen Kedesh-barnia bwe in wat eneo; im I ar bōktok ñōn e nan einwōt ilo buruō. 8 Ijoke, ro jeiō im jātīō, ro rar ilok ibalok, rar kaunlok buruen armij ro; a ña I ar kanuij lor Jeova aō Anij. 9 Im Moses e ar kanōjniñ ran eo, im ba, Emo! ijo neōm e ar jure, e naj am men in jolit im an ro nejmō ñōn in drio, kñ ke kwar kanuij lor Jeova am Anij.

10 Inem kiō, lo, Jeova e ar kejbarōk aō mour, einwōt E ar ba, iomin yiō kein eñoul lailim, jen ien eo Jeova e ar konono nan ñōn Moses, ke Israel e ar etetal ilo ene jemaren: im kiō, lo, ña ridtōn drualitōkñoul lailim yiō.

11 Ñōn ien in ña I kajur einwōt ilo ran eo ke Moses e ar jilkinlok iō: einwōt aō kajur ien eo, ein drein aō kajur kiō, ñōn tōrinae, im ñōn drioij dreloñ. 12 Kin men in, kiō, kwon letok ñōn iō enine utiej, eo Jeova e ar ba kake ran eo; bwe kwar roñ ran eo ekijkan ro dri Enak rar ber ijo, im elap jikin kwelok ko im eor air worwor: bwelen Jeova e naj ber iba, im I naj ubakelok ir, einwōt Jeova e ar ba.

13 Im Joshua e ar jare; im e ar lelok Hibron ñōn Keleb nejin Jepunne, an jolit. 14 Inem Hibron ej jolit an Keleb nejin Jepunne dri Keniz, ñōn ranin; bwe e ar kanuij lor Jeova, Anij in Israel. 15 Ak etan Hibron mokta, Kiriāt-arba; Arba eo armij elaptata ian ro dri Enak. Im eneo e ar kakiñ jen tōrinae.

**15** Im kakōlen bwijin ro nejin Juda, ekar ñōn nukin ko, ñōn tōrerer Idom, aet, ñōn ene jemaren in Zin irōk, i mōtōn ene irōk tata. 2 Im tōrerer eo air irōk, jen jabōn lomalo Ejātōk etolok tata jen lam eo ej jujelruñalok; 3 im e ar waruñalok jen ijo e utiejlok an Akrahim, ñōn Zin, im e ar wōnliñlok irōk jen Kedesh-barnia, im manlok iturin Hezron, im wōnliñlok ñōn Adar, im rollok ñōn Karka; 4 im e ar etallok ñōn Azmon, im driblok wea in Ijpt; im driblok ko an i tōrerer lojit: eñin naj ami tōrerer tuiōk. 5 Im tōrerer i

rear, lomalo Ejätök, aet, ñôn jemlokôn Jordan. Im tõreren môtôn eañ, jen lam im lomalo i jemlokôn Jordan; 6 im tõreren eo e ar wõnliñlok ñôn Bet-hogla, im etallok iññin Bet-araba; im tõreren e ar wõnliñlok ñôn dreka in Bohan nejin Ruben; 7 im tõreren eo e ar wõnliñlok ñôn Dibir jen komlöl Ekor, im ein drein niñalok, im kaioklok Gilgal, eo ej ikijen liñlok ñôn Adumin, eo ej irök jen river eo; im tõreren eo ej etallok ñôn dren ko an En-shimesh, im jemlokair i Enrogel; 8 im tõreren eo ar wõnliñlok ilo komlöl an nejin Hinom ñôn tõreren dri Jibus irök, (eñeo Jerusalem); im tõreren eo e ar wõnliñlok ñôn jabõn tol eo ej iman komlöl an Hinom i kabilüñ, eo i môtôn komlöl in Ripeim etolok tata eañ; 9 im tõreren eo e ar ilok jen jabõn tol eo ñôn unin dren ko in Niptoa, im drioiñlok ñôn jikin kwelok an Epron; im rar kômõn tõreren eo ñôn Beala, (eñeo Kiriati-jerim); 10 im tõreren e ar rollok jen Beala i kabilüñ ñôn tol Sier, im etallok ñôn tol Jerim eañ, (eñeo Kiselon), im e ar wõnlöllok ñôn Bet-shimesh, im ilok iturin Timna; 11 im tõreren e ar drioiñlok ñôn turin Ekron eañ; im rar kômõn tõreren eo ñôn Shikiron, im etallok ñôn tol Beala, im drioiñlok i Jabniel; im tõreren eo e ar driblok i lojit. 12 Im tõreren eo i kabilüñ, lomalo elap, im tõreren eo an. Eñin tõreren ro nejin Juda i belakin ekar ñôn ro nukir.

13 Im ñôn Keleb nejin Jepunne, e ar lelok juõn môtôn iben ro nejin Juda, ekar ñôn kien Jeova ñôn Joshua, aet, Kiriati-arba, im Arba eo jemen Henak, (eñin Hibrón). 14 Im Keleb e ar ubakelok jen ijo ro nejin Enak jilu: Shishai, im Ehaiman, im Talmi, ro nejin Enak. 15 Im e ar wõnliñlok ñôn ijo, nae ro dri Dibir: ak etan Dibir mokta, Kiriati-siper. 16 Im Keleb e ar ba, Eo ej mõn Kiriati-siper, im bõke, I naj lelok ñôn e Aksa, lio nejiõ bwe en belen. 17 Im Otniel, nejin Kinaz, jätin Keleb, e ar bõke, inem e ar lelok ñôn e Aksa nejin bwe en lio belen. 18 Im ke e ar ilok ñôn

iben, e ar karel e bwe en kajitök jen jemen juõn jikin kallip: im lio e ar tolöl jen ass eo an; im Keleb e ar ba ñôn e, Ta eo kwoj kōnan? 19 Im e ar ba, Kwon letok aõ men in jeram-mõn; bwe kwar likit iõ ilo ene irök, kwon bareinwõt letok unin dren ko. Inem e ar lelok unin dren ko ilõñ kab unin dren ko ilöl.

20 Eñin men in jolit an bwijin ro nejin Juda ekar ñôn nukin ko.

21 Im jikin kwelok ko retolok tata an bwijin ro nejin Juda i tõreren Idom irök, Kabzil, im Ider, im Jegur, 22 im Kina, im Dimona, im Adeda, 23 im Kedesh, im Hezor, im Itnan, 24 Zip, im Tilem, im Bialot, 25 im Hezor-Adata, im Kiriati-hezron, (eñin Hezor), 26 Emam, im Shima, im Moleda, 27 im Hezar-gada, im Heshmon, im Bet-bilet, 28 im Hezar-shual, im Bier-shiba, im Biziotia, 29 Beala, im Iim, im Izem, 30 im Eltolad, im Kisil, im Horma, 31 im Ziklag, im Madmana, im Sanana, 32 im Lebeot, im Shilim, im Ein, im Rimmon: jikin kwelok otemjej roñoul druatiñjuõn, kab wujen ko air.

33 Ilo ene etä, Eshteol, im Zora, im Ashna, 34 im Zanoa, im Enganim, Tapua, im Inam, 35 Jarmut, im Adullam, Soko, im Azika, 36 im Shearim, im Aditeim, im Gedira, im Gederoteim; joñoul emen jikin kwelok kab wujen ko air.

37 Zinan, im Hadesha, im Migdal-gad, 38 im Dilean, im Mizpa, im Joktiel, 39 Lekish, im Bozkat, im Eglon, 40 im Kabon, im Laman, im Kitlish, 41 im Gederot, Bet-degon, im Neama, im Makida; joñoul jiljino jikin kwelok kab wujen ko air.

42 Libna, im Iter, im Eshan, 43 im Ipta, im Ashna, im Nizib, 44 im Keila, im Akzib, im Marisha; druatiñjuõn jikin kwelok kab wujen ko air.

45 Ekron, kab wujen ko an; 46 jen Ekron im ñôn lomalo, ko otemjej iturin Ashdod, kab wujen ko air.

47 Ashdod, im wujen ko an; Geza, im wujen ko an; ñôn wea in Ijpt, im lomalo elap, kab tõreren.



48 Im ilo ene e utiej, Shemir, im Jattir, im Soko, 49 im Dana, im Kiri-at-sana, (eñin Dibir), 50 im Enab, im Eshtimot, im Enim, 51 im Goshen, im Holon, im Gailo; joñoul juñ jikin kwelok kab wujen ko air.

52 Erab, im Duma, im Ishan, 53 im Janim, im Bet-tapua, im Epika, 54 im Humta, im Kiri-at-arba, (eñin Hibrón), im Zior; druati-mjuñ jikin kwelok kab wujen ko air.

55 Meon, Karmel, im Zip, im Juta, 56 im Jezriel, im Jokdian, im Zenoa, 57 Kein, Gibia, im Timna; joñoul jikin kwelok kab wujen ko air.

58 Halhul, Bet-zur, im Gidor, 59 im Mearat, im Bet-Anot, im Eltikon jiljino jikin kwelok kab wujen ko air.

60 Kiri-at-beal, (eñin Kiri-at-jerim), im Rabba; ruo jikin kwelok kab wujen ko air.

61 Ilo ene jemaren, Bet-araba, Midin, im Sekaka, 62 im Nibshan, im jikin kwelok Jätök, im Engedai; jiljino jikin kwelok kab wujen ko air.

63 Im kin <sup>1</sup>ro dri Jibus, ro dri Jerusalem, ro nejin Juda re ban kadrioi-jlok ir: a ro dri Jibus rej jokwe iben ro nejin Juda i Jerusalem ññ ranin.

**16** Im kakölen ro nejin Josep e ar ilok jen Jordan i Jeriko, i dren ko an Jeriko i rear, aet, ene jemarene eo, im wönlölok jen Jeriko ilok jen ene ko re utiej ññ Betel; 2 im e ar drioi-jlok jen Betel ññ Luz, im etallok ññ töreren ro dri Ark ññ Aterot; 3 im e ar wönlölok i kabilüñ ññ töreren dri Japlet, ññ töreren Bet-horon etä, aet, ññ Gizer; im jemlokön i lomalo. 4 Im ro nejin Josep, Menassa im Ipream, rar bök air men in jolit.

5 Im töreren ro nejin Ipream, ekar ññ nukin ko, ein drein: aet, töreren air men in jolit i rear in Aterot-adar, ññ Bet-horon e utiej; 6 im töreren e ar itelok i Mikmetat eañ; im töreren eo e ar roltalok ññ Teanat-shailo, im etallok iturin i rear in Janoa; 7 im e ar wönlölok jen Janoa ññ Aterot, im ññ Neara, im tartok ññ Jeriko,

im driblok i Jordan. 8 Jen Tapua töreren eo e ar itelok ññ wea Kena; im e ar driblok i lomalo. Eñin men in jolit an bwijin ro nejin Ipream ekar ññ nukin ko; 9 im bareinwöt jikin kwelok ko emwij ajej ññ ro nejin Ipream ilujen jolit an ro nejin Menassa, jikin kwelok otemjej kab wujen ko air. 10 Im rar jab kadrioi-jlok ro dri Kenean, ro rar jokwe i Gizer: a ro dri Kenean rej jokwe ilujen Ipream ññ ranin, im rej dri kori- jer in kömön jerbal ko.

**17** Im eñin kakölen bwijin Menassa; bwe e manjien Josep. Mekir manjien Menassa, jemen Giliad, e dri törinae, kin men in, Giliad im Beshan an. 2 Ein drein kaköle ññ ro jet nejin Menassa ekar ññ nukin ko: ññ ro nejin Ebaiezer, im ññ ro nejin Hilek, im ññ ro nejin Asriel, im ññ ro nejin Shikem, im ññ ro nejin Hiper, im ññ ro nejin Shemai da: irrein man ro nejin Menassa ro jien Josep, ekar ññ nukin ko. 3 A Zelopihad, nejin Hiper, nejin Giliad, nejin Mekir, nejin Menassz, ejelok nejin eman, a eor nejin köra; im irkein etan limaro nejin: Mala, im Noa, Hogla, Milka, im Tirza. 4 Im rar druaktok iman Liezar pris, im iman Joshua nejix Nöñ, im iman iroi-j rön, im ññ Jeova e ar jiroñ Moses bwe en ietok am jolit iben ro jeim im jätim man: inem ekar ññ kien Jeova, e ar lelok ññ ir jolit iben jeim im jätin jemair. 5 Im joñoul mötön rar buñ ññ Menassa bareinwöt enen Giliad im Beshan eo i rear in Jordan; 6 kin ke köra ro nejin Menassa rar bök air jolit iben ro nejin eman. Im enen Giliad e kar an man ro jet nejin Menassa.

7 Im töreren Menassa jen Asher ññ Mikmitat, eo iman Shikem; im töreren eo e ar etallok i ambijmaroñ ññ ro dri En-tapua. 8 Enen Tapua an Menassa; a Tapua i töreren Menassa an ro nejin Ipream. 9 Im töreren eo e ar wönlölok ññ wea Kena, irök-in wea eo: jikin kwelok kein an Ipream, iben jikin kwelok ko an Menassa: im töreren Menassa iñin wea eo,

im ej driblok i lomalo: 10 irōk an Ipream, im eañ an Menassa, im lomalo eo tōreran; im rar ilok ñōn Asher eañ, im ñōn Issakar i rear. 11 Im an Menassa ilo Issakar im ilo Asher, Bet-shian im wujen ko an, im Ibliam im wujen ko an, ro dri Dor im wujen ko an, im ro dri Endor im wujen ko an, im ro dri Teanak kab wujen ko an, im ro dri Megido kab wujen ko an, aet, tol ko jilu. 12 Ijoke, ro nejin Menassa re ban kadrioielok ro dri jikin kwelok ko; a ro dri Kenean ebin air jokwe ilo eneo. 13 A ke ro nejin Israel rar kajurlok, rar kajerbal ro dri Kenean, im rar jab kanuij kadrioielok ir.

14 Im ro nejin Josep rar konono ñōn Joshua, im ba, Etke kwar letok juōn wōt men in kakōle, im juōn wōt men in jolit, a ña juōn bwij elap, bwe ñōn ien in Jeova e ar kejerammōn iō? 15 Im Joshua e ar ba ñōn ir, Elañe kwe juōn bwij elap, kwon wōnlīñlok ilo bukwon wijki, im mōke juokwe ñōn kwe ijo ilo enen ro dri Periz, kab dri Ripeim; elañe kwo obrōk kake ene utiej enen Ipream. 16 Im ro nejin Josep rar ba, Eneo e utiej e jab bwe ñōn kim: im ro dri Kenean otemjej rej jokwe ilo komlōl, eor air jariot māl, ro ilo Bet-shian im wujen ko an, im ro rej ber ilo komlōl Jezriel. 17 Im Joshua e ar konono ñōn imōn Josep, aet, ñōn Ipream im Menassa, im ba, Kwe juōn bwij elap, im elap am kajur, kwo jamin bōk juōn wōt bukwon: 18 a eneo e uteij e naj am; bwe meñe bukwon wijki, kwo naj juokwe, im jemlokōn e naj am; bwe kwo naj dadrioielok ro dri Kenean, meñe eor air jariot māl, im meñe re kajur.

18 Im aolepen jar eo an ro nejin Israel rar kweloklok i Shailo, im rar kajutōk imōn kwelok, im nukuk eo ijo: im emwij kōtaik eneo imair. 2 Im rar berwōt ian ro nejin Israel jiljilimjuōn bwij, ro re jañin ajejlok air jolit. 3 Im Joshua e ar ba ñōn ro nejin Israel, Ietoñ ami rumij in dreloñ in bōk eneo, eo Jeova Anij an ro jimami, e ar lewoj? 4 Ko-

min kålet kajilu eman jen jabrewōt bwij: inem I naj jilkinlok ir, im re naj jutōk, im etetal ilujen eneo, im jeje wāwen ekar ñōn air men in jolit; im re naj bar itok ñōn iba. 5 Im re naj ajej ilo jiljilimjuōn mōtōn: Juda e naj berwōt ilo tōreran eo an irōk, im imōn Josep e nej ber ilo tōreran eo air eañ. 6 Im kom naj ajej eneo ilo jiljilimjuōn mōtōn, kin jeje kake, inem komin bōktok jeje eo ñōn iba; im I naj kōmōn kakōle ñōn kom iji iman Jeova ar Anij. 7 Bwe ro dri Livai, ejelok air kij ibemi; bwe jerbal in pris an Jeova ej air jolit: im Gad im Ruben im jibilkwon bwijin Menassa rar bōk air jolit i Jordan jabueo i rear, eo Moses korijeran Jeova e ar lellok ñōn ir.

8 Inem armij ro rar jutōk, im ilok: im Joshua e ar jiroñ ro rar ilen jeje wāwen eneo, im ba, Komin ilok im etallok ilujen eneo, im jeje wāwen, im bar itok ñōn iba; inem I naj kōmōn kakōle ñōn kom iji iman Jeova, i Shailo. 9 Im lōmaro rar etetal ilujen eneo, im kwalok wāwen ekar ñōn jikin kwelok ko an, ilo juōn buk; im rar jeblak ñōn iben Joshua, ñōn kamp eo i Shailo. 10 Im Joshua e ar kōmōn kakōle ñōn ir i Shailo, iman Jeova: im ijo Joshua e ar ajejlok eneo ñōn ro nejin Israel, ekar ñōn mōtair.

11 Im kakōlen bwijin ro nejin Benjamin e ar walok ekar ñōn nukin ko; im tōreran bukwōn eo air e ar drioielok ikōtan ro nejin Juda im ro nejin Josep. 12 Im tōreran eo air eañ, jen Jordan; im tōreran eo e ar wōnlīñlok ñōn turin Jeriko eañ, im e ar wōnlīñlok ilujen ene utiej tolok; im e driblok i ene jemaren an Bet-even. 13 Im tōreran e ar etallok jen ijo ñōn Luz, ñōn turin Luz, (eñeo Betel), irōk; im tōreran eo e ar wōnlōllok ñōn Aterot-adar, im iturin tol eo ej irōk jen Bet-horon eo etā. 14 Im tōreran eo e ar rol i kabilūñ ñōn rōk, jen tol eo ej ber iman Bet-horon irōk; im e driblok i Kiriath-beal, (eñeo Kiriath-jerim), juōn jikin kwelok an ro nejin Juda: eñin mōtōn eo i kabilūñ. 15 Im mōtōn

eo irök jen jabõn etolak tata an Kiri-at-jierim; im tõreren eo e ar itolak, im driblok unin dren ko an Neptoa; 16 im tõreren eo e ar wõnlõllok ñõn mõtõn eliktata mõtõn tol eo ej iman komlõl an nejin Hinom, eo ej komlõl in Ripeim eañ; im e ar wõnlõllok ñõn komlõl in Hinom, ñõn turin dri Jibus irök, inem e ar wõnlõllok ñõn Enrogel; 17 im e ar waniñalak, im driblok i En-shimesh, im drioijslok ñõn Gilailot, eo ikijen wõnliñlok in Adumim; im e ar wõnlõllok ñõn dreka eo an Bohan, nejin Ruben; 18 im e ar etallok ñõn turin eo ikijen Araba eañ, im e ar wõnlõllok ñõn Araba; 19 im tõreren eo e ar etallok ñõn turin Bet-hogla eañ; im e driblok lam eo eañ ilo lomalo Ejätök, i jemlokõn Jordan irök: eñin tõreren irök. 20 Im Jordan tõreren eo i rear. Eñin jolit an ro nejin Benjamin, kin tõreren ko i belakin, ekar ñõn nukin ko.

21 A jikin kwelok ko an ro nejin Benjamin, ekar ñõn nukin ko, Jeriko, im Bet-hogla, im Emek-kiziz, 22 im Bet-araba, im Zemareim, im Betel, 23 im Avim, im Pera, im Opra, 24 im Kepar-amonai, im Opnai, im Giba; joñoul ruo jikin kwelok kab wujen ko air: 25 Gibeon, im Rema, im Bierot, 26 im Mizpa, im Kipaira, im Moza, 27 im Rikem, im Irpiel, im Tarala, 28 im Zila, Ilep, im dri Jibus, (eñeo Jerusalem), Gibeat, im Kiri-at; joñoul emen jikin kwelok kab wujen ko air. Eñin jolit an ro nejin Benjamin ekar ñõn nukin ko.

**19** Im kakõle ken ka ruo e ar walok ñõn Simeon, aet ñõn bwijin ro nejin Simeon ekar ñõn nukin ko air: im air jolit iolapen jolit an ro nejin Juda. 2 Im ibeir, air jolit Bier-shiba, ak Shiba, in Moleda, 3 im Hezar-shual, im Bela, im Izem, 4 im Eltolad, im Betul, im Horma, 5 im Ziklag, im Bet-markebot, im Hezar-susa, 6 im Bet-lebeot, im Sharuh: joñoul jilu jikin kwelok kab wujen ko air: 7 Ein, Rimon, im Iter, im Eshan; emen jikin kwelok kab wujen ko air: 8 im jikin kwelok ko redrik otemjej iturin jikin kwelok

kein ñõn Bealat-bier, Rema eo irök. Eñin jolit an bwijin ro nejin Simeon: ekar ñõn nukin ko air. 9 Jen mõtõn ro nejin Juda, jolit eo an ro nejin Simeon iolapen jolit eo air; bwe mõtõn eo an ro nejin Juda elap jen ir: kin men in ro nejin Simeon rar bök jolit iolapen jolit eo air.

10 Im kakõle eo ken ka jilu, e ar walok ñõn ro nejin Zebulun, ekar ñõn nukin ko air. Im tõreren air jolit i Serid; 11 im tõreren eo air e ar wõnliñlok i kabiluñ ñõn Merala wõt, im tõbar Dabishet; im e ar tõbar wea eo iman Jokniam; 12 im e ar roltalok jen Serid ñõn tak al im ñõn tõreren Kislot-tebor; im e ar driblok ñõn Dabirat, im e ar wõliñlok ñõn Jepaia; 13 im jen ijo e ar italak ñõn Gath-hiper, ñõn Et-kazin; im e ar driblok Rimon eo ej tõbar Nia; 14 im tõreren eo e ar kabol eañ ñõn Hanaton: im jemlokõn i komlõl an Ipta-el; 15 im Katta, im Nehalal, im Shimron, im Idela, im Betleem: joñoul ruo jikin kwelok im wujen ko air. 16 Eñin jolit eo an ro nejin Zebulun, ekar ñõn nukin ko air, jikin kwelok kein kab wujen ko air.

17 Kakõle eo ken kemen e ar walok ñõn bwijin ro nejin Issakar, ekar ñõn nukin ko air. 18 Im tõreren eo air ñõn Jezriel, im Kisulot, im Shunem, 19 im Haperim, im Shion, im Aneherat, 20 im Rabbit, im Kishion, im Ibez, 21 im Rimet, im Enganim, im En-hada, im Bet-paziz, 22 im tõreren eo e ar tõbar Tebor, im Shahazuma, im Bet-shimesh; im jemlokõn i Jordan: joñoul jiljino jikin kwelok kab wujen ko air. 23 Eñin jolit an bwijin ro nejin Issakar ekar ñõn nukin ko air: jikin kwelok ko kab wujen ko air.

24 Im kakõle eo ken ka lailim e ar walok ñõn bwijin ro nejin Asher ekar ñõn nukin ko air. 25 Im tõreren eo air Helkat, im Helai, im Biten, im Aksap, 26 im Alamelek, im Emad, im Maishal; im e ar tõbar Karmel i kabiluñ, im Saihor-libnat; 27 im e ar roltalok ñõn Bet-degon, im tõbar Zebulun, im komlõl in Iptael eañ ñõn

Bet-imek, im Neiel; im e ar driblok ñōn Kebul i anmiñ, 28 im Ibron, im Rihob, im Hamon, im Kena, aet ñōn Saidon elap; 29 im tōrerēn e ar rollok ñōn Rema, im ñōn Tair eor an worwor; im tōrerēn eo e ar rollok ñōn Hosa; im jemlokōn i lojit, i enen Akzib; 30 Uma bareinwōt, im Epek, im Rihob: roñoul ruo jikin kwelok kab wujen ko air. 31 Eñin jolit an bwijin ro nejin Asher ekar ñōn nukin ko air, jikin kwelok kein, kab wujen ko air.

32 Kakōle eo ken ka jiljino e ar walok ñōn ro nejin Naptalai, aet, ñōn ro nejin Naptalai ekar ñōn nukin ko air. 33 Im tōrerēn eo air jen Hilep, jen wijki ok eo i Zeananim, im Adami-nikeb, im Jabniel, ñōn Lakum; im jemlokōn i Jordan; 34 im tōrerēn eo e ar roltolok ñōn Aznot-tebor, im etallok jen ijo ñōn Hukok; im e ar tōbar Zebulun irōk, im etallok ñōn Asher i kabilūñ, im ñōn Juda i Jordan ñōn tak al. 35 Im jikin kwelok eor air worwor, Zidim, Zer, im Hemat, Rekat, im Kineret, 36 im Adama, im Rema, im Hezor, 37 im Kedesh, im Edreai, im En-hezor, 38 im Airon, im Migdal-el, Horem, im Bet-anat, im Bet-shimesh; joñoul druatimjuōn jikin kwelok kab wujen ko air. 39 Eñin jolit an bwijin ro nejin Naptalai, ekar ñōn nukin ko air, jikin kwelok ko kab wujen ko air.

40 Kakōle eo ken ka jiljilimjuōn e ar walok ñōn bwijin ro nejin Dan ekar ñōn nukin ko air. 41 Im tōrerēn air jolit Zora, im Eshteol, im Ir-shimesh, 42 Shealabin, im Aijalon, im Ithla, 43 im Ilon, im Timna, im Ekron, 44 im Eltika, im Gibiton, im Bealat, 45 im Jihud, im Bene-birak, im Gat-rimon, 46 im Mi-jarkon, im Rakon, im tōrerēn ikijen Joppa. 47 Im tōrerēn ro nejin Dan e ar driblok etolok jen ir; bwe ro nejin Dan rar wōnliñlok im tōrinaek dri Lishem, im bōke, im mōn e kin mejen jāji, im drebij e, im jokwe iloa, im rar naetan Lishem Dan, einwōt etan Dan jemeir. 48 Eñin jolit an bwijin ro nejin Dan, ekar ñōn nukin ko air, jikin kwelok ko air kab wujen ko air.

49 Ein drein rar kamwijlok air ajēj eneo ñōn jolit kin tōrerēn ko an; im ro nejin Israel rar lelōk ñōn Joshua, nejin Nōn, jolit ilo bwiljir: 50 ekar ñōn kien Jeova, rar lelōk ñōn e jikin kwelok eo e ar kajitōk ibeir, aet, Timnat-sira, ilo ene utiej an Ipream; im e ar kalek jikin kwelok eo, im jokwe iloa.

51 Irkein jolit ko Iliezar pris eo, im Joshua nejin Nōn, im jiōb ro an moko imōn ro jimair, jen bwij ko bwijin ro nejin Israel rar ajēj kin kakōle, air men in jolit, iman Jeova, i Shailo, iturin kejem an imōn kwelok eo. Ein drein rar kamwijlok air ajēj eneo.

**20** Im Jeova e ar konono ñōn Joshua, im ba, 2 Kwon konono ñōn ro nejin Israel, im ba, Komin likit ñōn kom jikin kwelok ko in koni, ko I ar konono ñōn kom kake kin Moses, 3 bwe dri kalanwōtwōt armij, eo ej mōn jabrewōt ilo bwir, im jaje kake, en koni: im re naj ñōn kom jikin ko jen dri kwi kin bōtōktōk. 4 Im en ko ñōn juōn ian jikin kwelok kein, im e naj jutōk i kejem in jikin kwelok eo, im kwalok kōmōn eo an i lojiliñin ridto ro an jikin kwelok eo; im re naj kadreloñ e iloa jikin kwelok eo ñōn ibeir, im najikin bwe en jokwe ibeir. 5 Im elañe dri kwi kin bōtōktōk ej lukworkwor e, inem re jamin lelōk dri kalanwōtwōt eo na ilo pein; bwe e ar mōn dri turin ilo bwir, im e ar jab kijirāt e mokta. 6 Im e naj jokwe ilo jikin kwelok eo mae ien an jutōk iman jar eo kin ekajet, mae ien an pris elap mij, eo ilo ran ko: inem dri kalanwōtwōt e naj jeblak im dreloñ iloa jikin kwelok eo an, im ñōn mweo imōn, ñōn jikin kwelok eo e ar ko jen e.

7 Im rar kejenolok Kedesh ilo Gali-li ilo ene eutie an Naptalai, im Shikem ilo ene eutie an Ipream, im Kiriāt-Arba, (eñeo Hibron), ilo ene eutie an Juda. 8 Im i Jordan jabueo ikijen Jeriko, i rear, rar likit Bizer ilo ene jemaren, ilo ene emōn biken ilo bwijin Ruben, im Remot ilo Giliad ilo bwijin Gad, im Golan ilo Beshan

ilo bwijin Menassa. 9 Irkein jikin kwelok ko rar likiti ñõn ro nejin Israel otemjej, im ñõn drua maijet eo ej itoitõk ibeir, bwe jabrewõt eo ej mõn jabrewõt armij ilo jaje kake en koni, im jab mij kin pein dri kwi kin bõtõktõk, mae ien an jutõk iman jar eo.

**21** Im jiõb ro an moko imõn ro jimaïr, an ro dri Livai, rar druak-tok ñõn iben Iliezar pris, im Joshua nejin Nõn, im ñõn iben jiõb ro an moko imõn ro jimaïr an bwijin ro nejin Israel; 2 im rar konono ñõn ir i Shailo, ilo ene Kenear, im ba, Jeova e ar jiroñ kin Moses, bwe en letok ñõn kim jikin kwelok ko bwe kimin jokwe ie, im wujen ko iturir ñõn kiru ko am. 3 Inem ro nejin Israel rar lelok ñõn ro dri Livai, jen jolit eo air, ekar ñõn kien Jeova, jikin kwelok kein im wujen ko air.

4 Im kakõle e ar walok ñõn nukin ko an ro dri Kohat: im ro nejin Aron pris eo, rej ian ro dri Livai, rar bõk kin kakõle, jen bwijin Juda, im jen bwijin ro dri Simeon, im jen bwijin Benjamin, joñoul jilu jikin kwelok.

5 Im ro jet nejin Kohat, rar bõk kin kakõle jen nukin ko an bwijin Ipreim, im jen bwijin Dan, im jen jibilkwon bwijin Menassa, joñoul jikin kwelok.

6 Im ro nejin Gershon rar bõk kin kakõle jen nukin ko an bwijin Asher, im jen bwijin Naptalai, im jen jibilkwon Menassa i Beshan, joñoul jilu jikin kwelok.

7 Ro nejin Mirerai, ekar ñõn nukin ko, rar bõk jen bwijin Ruben, im jen bwijin Gad, im jen bwijin Zebulun joñoul ruo jikin kwelok.

8 Im ro nejin Israel rar lelok kin kakõle ñõn ro dri Livai, jikin kwelok kein kab wujen ko air, einwõt Jeova e ar jiroñ kin Moses. 9 Im rar lelok jen bwijin ro nejin Juda, im jen bwijin ro nejin Simeon, jikin kwelok kein emwij jeje etair ijin: 10 ñõn ro nejin Aron, nukin ko an ro dri Kohat, ro nejin Livai; bwe kakõle eo mokta air. 11 Im rar lelok ñõn ir Kiriatarba, Arba eo jemen Enak,

(eñeo Hibron), ilo eneo eutiej an Juda, kab wujen ko an. 12 A jikin kallip ko an jikin kwelok eo, im jikin kwelok ko wujen, rar lelok ñõn Keleb nejin Jepunne bwe en an.

13 Im ñõn ro nejin Aron, pris, rar lelok Hibron im jikin ko wujen, jikin kwelok in kone ñõn dri kalanwõtwtõt, im Libna kab jikin ko wujen, 14 im Jatir kab jikin ko wujen, im Eshtimoa kab jikin ko wujen, 15 im Holon kab jikin ko wujen, im Dibir kab jikin ko wujen, 16 im Ein kab jikin ko wujen, im Juta kab jikin ko wujen, im Bet-shimesh kab jikin ko wujen; druatimjuõn jikin kwelok jen bwij ko ruo. 17 Im jen bwijin Benjamin, Gibeon kab jikin ko wujen, im Giba kab jikin ko wujen, 18 Anatot, kab jikin ko wujen, im Almon kab jikin ko wujen; emen jikin kwelok. 19 Jikin kwelok otemjej an ro nejin Aron, pris ro, joñoul jilu jikin kwelok kab wujen ko air.

20 Im nukin ko an ro nejin Kohat, dri Livai, aet, ro jet nejin Kohat, rar bõk jikin kwelok ñõn kakõle eo air, jen bwijin Ipreim. 21 Im rar lelok ñõn ir Shikem kab wujen ko an, ilo ene utiej an Ipreim, jikin kwelok in kone ñõn dri kalanwõtwtõt, im Gizer kab wujen ko an, 22 im Kibzeim kab wujen ko an, im Bet-horon kab wujen ko an; emen jikin kwelok. 23 Im jen bwijin Dan, Elitike kab wujen ko an, Gibeton kab wujen ko an, 24 Aijalon kab wujen ko an, Gat-rimon kab wujen ko an; emen jikin kwelok. 25 Im jen jibilkwon bwijin Menassa, Teanak kab wujen ko an, Gat-rimon kab wujen ko an; ruo jikin kwelok. 26 Jikin kwelok otemjej an nukin ko, nukin ro jet nejin Kohat, joñoul jikin kwelok kab wujen ko air.

27 Im ñõn ro nejin Gershon, ian nukin ko an ro dri Livai, jen jibilkwon bwijin Menassa, rar lelok Golan ilo Beshan, kab wujen ko an, jikin kwelok in kone ñõn dri kalanwõtwtõt, im Bi-estira, kab wujen ko an; ruo jikin kwelok. 28 Im jen bwijin Issakar, Kishion kab wujen ko an, Dabirat kab wujen ko an, 29 Jar-



mut kab wujen ko an, Engamon kab wujen ko an; emen jikin kwelok. 30 Im jen bwijin Asher, Maishal kab wujen ko an, Abdon kab wujen ko an, 31 Helkat kab wujen ko an, im Rihob kab wujen ko an; emen jikin kwelok. 32 Im jen bwijin Naptalai, Kedesh ilo Galili kab wujen ko an, im Kartan kab wujen ko an; jilu jikin kwelok. 33 Jikin kwelok otemjej an ro dri Gershon, ekar ñon nukin ko air, joñoul jilu jikin kwelok kab wujen ko air.

34 Im ñon nukin ro nejin Mirerai, ro jet dri Livai, jen bwijin Zebulun, Jokniam kab wujen ko an, im Karta kab wujen ko an, 35 Dimna kab wujen ko an, Nahelel kab wujen ko an; emen jikin kwelok. 36 Im jen bwijin Ruben, Bizer kab wujen ko an, im Jehaz kab wujen ko an, 37 Kedi-mot kab wujen ko an, im Mipeat kab wujen ko an; emen jikin kwelok. 38 Im jen bwijin Gad, Remot ilo Giliad, kab wujen ko an, jikin kwelok in kone ñon dri kalanwōtwōt, im Mehaneim kab wujen ko an, 39 Heshbon kab wujen ko an, Jezer kab wujen ko an; emen jikin kwelok. 40 Irkein jikin kwelok otemjej an ro dri Mirerai ekar ñon nukin ko air, aet, nukin ko jet an ro dri Livai; im kakōle eo air, joñoul ruo jikin kwelok.

41 Jikin kwelok otemjej an ro dri Livai i bwiljin bukwōn ko an ro nejin Israel, eñoul drualitōk jikin kwelok kab wujen ko air. 42 Jikin kwelok kein, jabrewōt iair, eor wujen ko iturir: ein drein iben aolepen jikin kwelok kein.

43 Ein drein<sup>1</sup> Jeova e ar lelok ñon Israel aolepen eneo E ar kanōjni in lelok ñon ro jimair; im rar bōki im jokwe ilo ir. 44 Im Jeova e ar lelok ñon ir kaki je jen ailiñ ko iturir, ekar ñon aolepen men eo E ar kanōjni kake ñon ro jimair: im ejelok armij ian ro otemjej dri kijirāte ir e ar jutōk imair; Jeova e ar lelok ro otemjej dri kijirāte ir na ilo peir. 45 E ar jab ir jirik mōtōn jabrewōt men eo emōn Jeova e ar konono

kake ñon imōn Israel; e aolep im jejit.

22 Inem Joshua e<sup>1</sup> ar kirtok ro dri Ruben, im ro dri Gad, im jibilkwon bwijin Menassa, 2 im ba ñon ir, Kom ar bokake aolepen men eo Moses korijeran Jeova e ar jiroñ kom, im kom ar eoroñ ainikiō ilo men otemjej I ar jiroñ kom: 3 kom ar jab ilok jen ro jeōmi im jātōmi iomin ran kein relōñ, ñon ranin, a kom ar kej-bārok nan in jiroñ an Jeova ami Anij. 4 Im kiō, Jeova ami Anij e ar letok kaki je ñon ro jeōmi im jātōmi, einwōt E ar konono ñon ir; kin men in, komin oktōk, im ilok ñon moko imwemi, ñon enen ami jolit, eo Moses korijeran Jeova e ar lewoj i Jordan jabueo. 5 Men in wōt, komin kanuij lale bwe komin kōmōn nan in jiroñ im kien eo, eo Moses korijeran Jeova e ar jiroñ kom kake, im yokwe Jeova ami Anij, im etetal ilo ial ko An otemjej, im lale kien ko An, im edrep ñon E, im korijer ñon E kin aolepen buruemi im aolepen ami. 6 Ein drein Joshua e ar jare ir im jilkinlok ir; im rar ilok ñon moko imweir.

7 Ñon jibilkwon bwijin Menassa Moses e ar lelok air jolit i Beshan; a ñon mōtōn eo juōn, Joshua e ar lelok iben ro jeir im jātir i Jordan jabueo i kabilūñ. Bar juōn, ke Joshua e ar jilkinlok ir ñon moko imweir, e ar jare ir, 8 im konono ñon ir, im ba, Komin jeblak ñon moko imwemi, im en ibemi elōñ mweiuk, im elōñ wōt kiru, im silver, im gold, im jinibōrōrō, im māl, im elōñ wōt nuknuk ko: komin aje men in rakim jen ro dri kijirāte kom iben ro jeōmi im jātōmi. 9 Im ro nejin Ruben im nejin Gad im jibilkwon bwijin Menassa rar jeblak, im rar ilok jen ro nejin Israel jen Shailo, eo ej ilo enen Kenean, bwe ren ilok ñon enen Giliad, ñon eneo air, ekar ñon kien Jeova kin Moses.

10 Im ke rar itok ñon mōtōn ene iturin Jordan, eo ej ilo enen Kenean, ro nejin Ruben, im ro nejin Gad, im dri jibilkwon bwijin Menassa, rar kallek ijo juōn lokatok iturin Jordan, lo-

<sup>1</sup> Dut. 34. 4.<sup>1</sup> Bwin. 32. 20-22.

katok e kanuij lap. 11 Im ro nejin Israel rar roñjake nan, Lo, ro nejin Ruben, im ro nejin Gad, im jibilkwon bwijin Menassa, rar kalek juñ lokatok ilo mōtōn enen Kenean i jemlokōn, ilo mōtōn ene iturin Jordan, i tōreren jabeo an ro nejin Israel. 12 Im ke ro nejin Israel rar roñjake, aolepen jar an ro nejin Israel rar kwe-loktok i Shailo, bwe ren wōnliñlok nae ir ñōn tōrinae.

13 Im ro nejin Israel rar jilkinlok ñōn ro nejin Ruben, im ñōn ro nejin Gad, im ñōn jibilkwon bwijin Menassa, ñōn enen Giliad, Pinehas, nejin Iliezar pris eo, 14 im iben joñoul iroi, juñ iroi, jen juñ nukin jemen, kajuju jen bwijin Israel: im jabrewōt iair jiōbōn moko imōn jima ir ilo tausar ko an Israel. 15 Im rar ilok ñōn iben ro nejin Ruben, im ñōn ro nejin Gad, im ñōn jibilkwon bwijin Menassa, ilo enen Giliad, im rar konono ñōn ir, im ba, 16 Ein drein aolepen jar an Jeova re ba, Ta bwir in kom ar kōmōne nae Anij in Israel, in oktōk ranin jen ami lor Jeova, ilo ami kalek ñōn kom juñ lokatok, bwe komin kabata ranin nae Jeova? 17 Bwir eo an Pior e jab bwe ñōn kij ke, im je jañin karreoik kij jen e ñōn ranin, meñe juñ nañinmij elap e ar itok ion jar an Jeova, 18 bwe komin ilok ranin jen ami lor Jeova ke? ak e naj ein drein, kin ami kabata ranin nae Jeova, ilju E naj illu iben aolepen jar an Israel. 19 Ijoke, elañe enen ami e jab erre, inem komin elātok ñōn enen Jeova, ijo imōn kabat an Jeova ej ber ie, im bōk ami kij ibem: a komin jab kabata nae Jeova, ak nae kim, kin ami kalek bar juñ lokatok jen lokatok eo an Jeova ar Anij. 20 Ekan nejin Zira, e ar jab kōmōn juñ bwir kin men in aje eo, im illu e ar buñ ion aolepen jar an Israel ke? im armij eo e ar jab mōke ian im joko ilo an bwir.

21 Inem ro nejin Ruben, im ro nejin Gad, im jibilkwon bwijin Menassa, rar uak, im ba ñōn jiōb ro an tausar ko in Israel, 22 Eo Ekajur potata, Anij, Jeova, Eo Ekajur potata, Anij,

Jeova, e jela; im Israel e naj jela: elañe ej ilo kabata, a elañe ej ilo bwir nae Jeova, (komin jab lomorem ranin), 23 bwe kim ar kalek ñōn kim juñ lokatok in illok jen am lor Jeova; ak elañe bwe kimin katok ion kin men in katok kijeek, ak katok flauo, ak elañe bwe kimin katok kin men in ainemōn ion, inem Jeova en mōke kajitōkin kake; 24 im elañe ein juñ, kim ar jab kōmōne ilo kalomōnlōkjen, im ilo bebe, ke kim ar ba, Ilo ien ko rej itok, ro nejōmi re maroñ in konono ñōn ro nejem, im ba, Ta ibemi im iben Jeova, Anij in Israel? 25 bwe Jeova e ar likit Jordan tōren, ikōtan kim im kom, komeo ro nejin Ruben, im ro nejin Gad; ejelok ami kij ilo Jeova: ein drein ro nejōmi re naj maroñ in kōmōn bwe ro nejem ren ikōñ jen air mijōk Jeova. 26 Kin men in, kim ar ba, Jen kapoj im kalek ñōn kij juñ lokatok, jab ñōn katok kijeek, ak ñōn katok ko jet: 27 a e naj men in kennan ikōtar, im ikōtan ebeben ko ar tokelik, bwe kimin kōmōn jermal an Jeova, iman, kin katok kijeek ko am, im kin am katok ko jet, im kin katok in ainemōn ko am; bwe ro nejōmi ren jab ba ñōn ro nejem ilo ien ko rej itok, Ejelok ami kij ilo Jeova. 28 Kin men in, kim ar ba, Ñe rej ba ñōn kim ak ñōn ebeben ko am ilo ien ko rej itok, inem kim naj ba, Lo, wāwen lokatok an Jeova, eo ro jemem rar kōmōne, jab ñōn katok kijeek, ak katok ko jet; a men in kennan ikōtar. 29 En etolok jen kim bwe kimin kabata nae Jeova aruij Anij, im oktōk ranin jen am lor Jeova, bwe kimin kalek bar juñ lokatok ñōn katok kijeek, ñōn jurtak flauo, ak ñōn katok ko jet, jen lokatok eo an Jeova ar Anij, eo ej iman mweo imōn.

30 Im ke Pinehas pris eo, im iroi, ro an jar eo, aet, jiōbōn tausar ko in Israel ro rar ber iben, rar roñjake nan ko ro nejin Ruben im ro nejin Gad im ro nejin Menassa rar konono, e buñburueir. 31 Im Pinehas, nejin Iliezar, pris eo, e ar ba ñōn ro nejin Ruben, im ñōn ro nejin Gad, im ñōn ro nejin Menassa, Ranin kim jela bwe

Jeova ej i bwiļjem, kin ke kom ar jab kōmōn bwir in nae Jeova: kiō kom ʔr kōtlok ro nejin Israel jen pein Jeova. 32 Im Pinehas, nejin Iliezar, pris eo, im iroiļ ro, rar jeblak jen iben ro nejin Ruben, im jen iben ro nejin Gad, jen enen Giliad, fiōn enen Kenean, fiōn iben ro nejin Israel; im bar bōktok nan fiōn ir. 33 Im inen eo e ar kabuñburuen ro nejin Israel; im ro nejin Israel rar kamōnōnōik Anij, im rar jab bar konono kin wōnliñlok nae ir ilo tōrinae, bwe ren kokkure eneo ijo ro nejin Ruben im ro nejin Gad rar jokwe ie. 34 Im ro nejin Ruben, im ro nejin Gad rar naetan lokatok eo Ed: Bwe, rar ba, ej men in kennan ikōtar bwe Jeova ej Anij.

**23** Im elikin elōñ ran, ke emwij an Jeova lelok kakiķe fiōn ro nejin Israel jen aolepen ro rej kiji-rāte ir iturir, im Joshua e lōlap im bwijwōlā: 2 inem Joshua e ar kirtok aolepen Israel, ridto ro air, im jiōb ro, im dri ekajet ro air, im ro dri kabwiji-rōk, im e ar ba fiōn ir, Ņa i lōlap im bwijwōlā: 3 im kom ar lo men otemjej Jeova ami Anij e ar kōmōn fiōn ro dri ailiñ kein kin kom; bwe Jeova ami Anij, eo e ar tōrinae fiōn kom. 4 Lo, emwij aō aķej fiōn kom ro dri ailiñ kein rej berwōt, bwe ren jolit fiōn bwij ko ami, jen Jordan, iben ro dri ailiñ otemjej I ar keķe-beplok, aet, fiōn lomalo elap eo ej ka-jen tulokin al. 5 Im Jeova, ami Anij, e naj kadrioiļlok ir jen imami, im lu-jeljelilok ir jen iman mejemi; im kom naj bōk eneo air, einwōt Jeova ami Anij e ar konono fiōn kom. 6 Kin men in, komin kanuiļ beran im keķ-bārok im kōmōn men otemjej emwij jeķe ilo buk in kien Moses, bwe komin jab jeōrlōk jeni fiōn anbijmaroñ ak anmiñ; 7 bwe komin jab dreloñlok na iben ro dri ailiñ kein, ro rej berwōt ibemi; im komin jab kwalok etan anij ro air, im jab kanōjniļ kin ir, ak jerbal fiōn ir, ak barikrik jen ir; 8 a komin edrep fiōn Jeova ami Anij, einwōt ami kōmōn fiōn ranin. 9 Bwe Jeova e ar ubakelok jen imami ro dri

ailiñ kein relap im re kajur: a kin kom, ejelok armij e ar jutōk imami fiōn ranin. 10 Juōn eman iami e naj kokōk juōn tausan; bwe Jeova ami Anij, eo ej tōrinae fiōn kom, einwōt E ar ba fiōn kom. 11 Inem komin lale mōk, bwe komin yokwe Jeova ami Anij. 12 Bwe elañe komiļ jenliklik ilo jirik, im edrep fiōn mātōn ro dri ailiñ kein, aet, ro rej berwōt ibemi, im belele ibeir, im dreloñlok fiōn ibeir, im rej dreloñtok fiōn ibemi; 13 inem komin kanuiļ jela bwe Jeova ami Anij e jamin bar ubakelok ro dri ailiñ kein jen iman mejemi; a re naj einwōt jen im aluk fiōn kom, im ken dreñlokwe katōmi, im kāliklik ilo mejemi, mae ien komiļ joko jen enin emōn, eo Jeova ami Anij e ar lewoj.

14 Im lo, ranin fia iķ ilok ilo ial an ro dri lōl otemjej: im kom jela ilo buruemi otemjej, im ilo ami otemjej, bwe e ar jab likjōp juōn men ian men ko remōn Jeova ami Anij e ar ba kin kom; men otemjej re jejit fiōn kom, ejelok juōn iair eir. 15 Im einwōt men ko remōn otemjej Jeova ami Anij e ar konono fiōn kom rar walok fiōn kom, ein drein Jeova e naj bōktok iomi men otemjej re nana, mae ien emwij An kokkure kom jen enin emōn, eo Jeova ami Anij e ar lewoj. 16 Ņe komiļ kokkure bujen Jeova ami Anij, eo e ar jiroñ kom, im komiļ ilok im koriķer fiōn anij ro jet, im barikrik jen ir; inem e naj bwil illu an Jeova nae kom, im e naj mōkōj ami joko jen eneo emōn, eo E ar lewoj fiōn kom.

**24** Im Joshua e ar kokweloktok aolepen bwijin Israel fiōn Shikem, im e ar kirtok ridto ro an Israel, im jiōb ro air, im dri ekajet ro air, im dri kabwiji-rōk ro air; im rar mōke kwalok ir iman Anij. 2 Im Joshua e ar ba fiōn armij otemjej, Ein drein Jeova Anij in Israel ej ba, Ro jimami rar jokwe i River jabueo, ilo ien ko re motlok, aet, Tira jemen Ebream, im jemen Nehor: im rar jerbal fiōn anij ro jet. 3 Im I ar bōk jimami Ebream jen River jabueo, im I ar tellok e ilujen aolepen enen Kenean, im I ar korlok inen, im lelok fiōn e Ai-

sak. 4 Im I ar lelok fñon Aisak, Jakob im Iso: im I ar lelok fñon Iso tol Sier, bwe en an; im Jakob im ronejin rar wñonllok fñon Ijpt. 5 Im I ar jilkinlok Moses im Aron, im I ar kaifitan Ijpt, ekar fñon men otemfej I ar kñmñni ilujen: im tokelik I ar kadrioiytok kom. 6 Im I ar kadrioiytok ro jimami jen Ijpt: im kom ar itok fñon lomalo eo; im ro dri Ijpt rar lukworkwor ro jimami kin jariot im kin ro dri uwe ion ors fñon lomalo Ekilmir. 7 Im ke rar lamij fñon Jeova, E ar likit marok ikñtami im ro dri Ijpt, im E ar bñktok lomalo ioir, im kalibubu ir; im mejemi rar lo men ko I ar kñmñni ilo Ijpt: im kom ar jokwe ilo ene jemaren iomin elññ ran. 8 Im I ar ãñintok kom na ilo enen ro dri Amor, ro rar jokwe i Jordan jabueo: im rar tñrinaek kom; im I ar lelok ir na ilo peñmi, im kom ar bñk eneo eneir; im I ar kokkure ir imami. 9 Ien eo Belak nejin Zippor, kiñ in Moab, e ar jutñk im tñrinaek Israel: im e ar jililklok im kirtok Belem nejin Bior bwe en kole kom; 10 a I ar jab kñnan roñjake Belem; kin men in, e ar kejerammñon wñt kom: ein drein I ar kñtlok kom jen pein. 11 Im kom ar elã jen Jordan, im ilok fñon Jeriko: im ro dri Jeriko rar tñrinaek kom, dri Amor, im dri Periz, im dri Kenean, im dri Het, im dri Girgas, dri Hiv, im dri Jibus, im I ar lelok ir na ilo peñmi. 12 Im I ar jilkinlok loñ hornet imami, eo e ar ubakelok ir jen imami, aet, ruo kiñ an ro dri Amor; jab kin ami ãñji, jab kin ami libon. 13 Im I ar lewoj juñon ene kwar jañin jerbal ion, im jikin kwelok ko kom ar jab kaleki, im komij jokwe ilo ir; jen bwil in grep, im bwil in oliv kom ar jab kallip, komij mñña.

14 Inem kiñ, <sup>1</sup> komin mijñk Jeova, im korijer fñon E ilo jime im mol; im jolok anij ro, ro jimami rar jerbal fñon ir i River jabueo, kab ilo Ijpt; a komin jerbal fñon Jeova. 15 Im elañe komij lemnok e nana bwe komin jerbal fñon Jeova, komin kãlet ranin wñon

eo kom naj jerbal fñon Jeova, elañe anij ro ro jimami rar jerbal fñon ir i River jabueo, ak anij ro an ro dri Amor ro komij jokwe ilo eneir: a kin ãña im ro nuku, kim naj jerbal fñon Jeova.

16 Im armij rar uak im ba, En etolok jen kim bwe kimin illok jen Jeova im jerbal fñon anij ro jet; 17 bwe Jeova am Anij, eo e ar ãñintok kim im ro jimam jen enen Ijpt, jen imñon kamakoko, im E ar kñmñn kãkñle ko relap iman mejem, im E ar lale kim ilo aolepen ial eo kim ar itok ietok, im iben ro dri allin ko otemfej kim ar etal iturir; 18 im Jeova e ar kokñk jen imam ro dri allin otemfej, aet, ro dri Amor ro rar jokwe i enin: kin men in, kim naj jerbal fñon Jeova; bwe E am Anij.

19 Im Joshua e ar ba fñon armij ro, Kom ban korijer fñon Jeova; bwe E Anij e kwojarjar; E Anij e kamo; E jamin jolok ami bwir ak jerawiwi ko ami. 20 Elañe komij illok jen Jeova, im korijer fñon anij ro drua, inem E naj okñk im kñmñn nana fñon kom, im kokkure kom, elikin An kñmñn emñon fñon kom. 21 Im armij ro rar ba fñon Joshua, Jab; a kim naj korijer fñon Jeova. 22 Im Joshua e ar ba fñon armij ro, Kom dri kennan nae kom mñke, bwe kom ar kãlet Jeova fñon kom, bwe komin jerbal fñon E. Inem rar ba, Kim dri kennan. 23 Inem, e ar ba, Komin jolok anij ro drua rej ibemi, im ukñt buruemi fñon Jeova, Anij in Israel. 24 Im armij ro rar ba fñon Joshua, Kim naj jerbal fñon Jeova am Anij, im kim naj eorñ ainiken. 25 Ein drein Joshua e ar kñmñn bujen iben armij ro, ran eo, im likit e kien, im nan in kaifni i Shikem. 26 Im Joshua e ar jeje nan kein ilo buk in kien Anij; im e ar bñk juñon dreka elap, im e ar kajutñk e ijo iomin wijki ok eo e kar iturin imñon kwojarjar an Jeova. 27 Im Joshua e ar ba fñon armij otemfej, Lo, dreka in e naj dri kennan nae kij; bwe e ar roñjake nan otemfej Jeova e ar ba fñon kij: kin men in, e naj dri kennan nae kom, ñe kom ab karmi-

jete ami Anij. 28 Ein drein Joshua e ar jilkinlok armij ro, jabrewōt iair, ñōn jolit eo an.

29 Im elikin men kein, Joshua nejin Nōn, dri korijeran Jeova, e ar mij, im ridtōn jibuki joñoul yiō. 30 Im rar kalibwin e i tōreren jolit eo an, i Timnat-sira, eo ilo ene utiej in Ipream, eañ jen tol Geash. 31 Im Israel rar jerbal ñōn Jeova aolepen ran ko an Joshua, im ran ko otemjej an ridto ro eto air mour jen Joshua, im

rar jela aolepen jerbal an Jeova, eo E ar kōmōni ñōn Israel.

32 Im dri ko, drin Josep, ko ro nejin Israel rar bōkliñtok jen Ijipt, rar kalibwini i Shikem, ilo mōtōn brij eo Jakob e ar wiaik e jen ro nejin Hemor jemen Shikem, kin jibuki mōtōn silver: im rar jolit an ro nejin Josep. 33 Im Iliezar nejin Aron e ar mij, im rar kalibwine ilo tol an Pinehas nejin, eo emwij lelok ñōn e ilo ene utiej an Ipream.



# BUK IN

## DRI EKAJET RO

**1** Im elikin an mij Joshua, ro nejin Israel<sup>1</sup> rar kajitök iben Jeova, im ba, Wön eo e naj wönliñlok mokta kin kim mae ro dri Kenean, im törinaek ir? **2** Im Jeova e ar ba, Juda en wönliñlok: lo, emwij Aō lelok eneo na ilo pein. **3** Im Juda e ar ba ññ Simeon, jein, Kwon wönliñtok iba ilo aō jolit, bwe jen törinaek ro dri Kenean; im ña bareinwöt I naj ilok iböm ññ jolit eo am. Inem Simeon e ar ilok ibenlok. **4** Im Juda e ar wönliñlok; im Jeova e ar lelok ro dri Kenean, im ro dri Periz na ilo pein: im rar mōn iair i Bizek joñoul tausan eman. **5** Im rar lo Adonai-bizek ilo Bizek; im rar törinaek e, im rar mōn ro dri Kenean im ro dri Periz. **6** A Adonai-bizek e ar ko; im rar lukworkwor e, im jibwe, im bukwelok arrilip ko i pein im neen. **7** Im Adonai-bizek e ar ba, Jiljilimjuōññoul kiñ, emwij bukwelok arrilip ko i peir im neir, rar atekoko iomīn tebel eo aō: einwöt kōmōn eo aō, ein drein Anij e ar nawōnaō. Im rar āñinlok e ññ Jerusalem, im e ar mij ijo.

**8** Im ro nejin Juda rar törinaek<sup>2</sup> Jerusalem, im rar bōke, im mōne kin mejen jāji, im tile kin kijeek. **9** Im tokelik ro nejin Juda rar wönlōlok bwe ren törinaek dri Kenean ro rar jokwe ilo ene ko reutiej, im irōk, im ene etā. **10** Im Juda e ar ilok nae dri Kenean ro rar jokwe i Hibron, (ak etan Hibron mokta Kiriāt-arba), im rar mōn Shishai im Ahaiman, im Talmai.

**11** Im jen ijo e ar ilok nae ro dri Dibir, (Ak etan Dibir mokta Kiriāt-siper). **12** Im Keleb e ar ba, Eo ej mōn Kiriāt-siper, im bōke, I naj lelok ññ e Aksa, lio nejiō, belen. **13** Im Otniel nejin Kinaz, leo jatin Keleb, e ar bōke: inem e ar lelok ññ e

Aksa nejin kōra, belen. **14** A ke e ar itok ññ iben, lio e ar likit ilo bu-ruen leo bwe en kajitök iben jemen kin juōn jikin kallip: im lio e ar tolōl jen ass eo an; im Keleb e ar ba ññ e, Ta eo kwoj kōnan? **15** Im lio e ar ba ññ e, Kwon letok aō jerammōn; bwe kwar likit iō ilo ene irōk, kwon bareinwöt letok unin dren ko. Im Keleb e ar lelok ññ e unin dren ko ilōñ kab unin dren ko ilōl.

**16** Im ro nejin<sup>1</sup> leo dri Ken, jein im jatin ilo belen Moses, rar wönliñlok jen jikin kwelok an wijki pam ko, iben ro nejin Juda, ññ ene jemaren in Juda, eo irōk jen Erad; im rar ilok im jokwe iben ro dri eneo. **17** Im Juda e ar ilok iben Simeon jein, im rar mōn dri Kenean ro rar jokwe i Zepat, im e torlok bok. Im rar naetan jikin kwelok eo Horma. **18** Bareinwöt Juda e ar bōk Geza im wujen ko an, im Ashkilon im wujen ko an, im Ekron kab wujen ko an. **19** Im Jeova e ar ber iben Juda; im e ar kadrioijslok ro dri jokwe i ene utiej; a e ban kadrioijslok ro dri jokwe i ene etā, bwe ibeir eor jariat māl. **20** Im rar lelok Hibron ññ Keleb,<sup>2</sup> einwöt Moses e ar ba: im e ar kadrioijslok jen ijo lōmaro jilu nejin Enak. **21** Im ro nejin Benjamin rar jab kadrioijslok dri Jibus ro rar jokwe i Jerusalem; a ro dri Jibus rej jokwe iben ro nejin Benjamin i Jerusalem ññ ranin.

**22** Im imōn Josep, rar bareinwöt wönliñlok nae Betel; im Jeova e ar ber ibeir. **23** Im imōn Josep rar jiliklok im wate Betel. (Ak etan jikin kwelok eo mokta Luz.) **24** Im ro dri aroñroñ rar lo juōn eman drioijslok jen jikin kwelok eo, im re ba ññ e, Kim akwelap ññ kwe bwe kwon bakajen ññ kim jikin dreloñ ññ jikin kwelok eo, inem kim naj joiñ ññ

<sup>1</sup> Bwin. 27. 21. <sup>2</sup> Josh. 15. 63.

<sup>1</sup> Bwin. 10. 29-32. <sup>2</sup> Josh. 14. 9. <sup>3</sup> Josh. 15. 63.

kwe. 25 Im e ar bakajen ñōn ir jikin dreloñ ñōn jikin kwelok eo; im rar mōn jikin kwelok eo kin mejen jāji; a rar kōtlok armij eo kab ro nukin otemjej. 26 Im leo e ar ilok ñōn enen ro dri Het, im e ar kalek juōn jikin kwelok im naetan Luz, eñin etan ñōn ranin.

27 Ak Menassa e ar jab kadrioijslok ro dri Bet-shian, im jikin kwelok ko wujen, ak ro dri Dor im jikin kwelok ko wujen, ak ro dri Iblam im jikin kwelok ko wujen, ak ro dri Megido im jikin kwelok ko wujen; a ebin an ro dri Kenean kōnan jokwe i eneo. 28 Im ke Israel e kajurlok, rar kajerbal ro dri Kenean, im rar jab kanuij kadrioijslok ir.

29 Im Ipreim e ar jab kadrioijslok ro dri Kenean rar jokwe i Gizer; a ro dri Kenean rar jokwe ibeir i Gizer.

30 Zebulun e ar jab kadrioijslok ro dri Kitron, ak ro dri Nehalol; a ro dri Kenean rar jokwe ibeir, im rej air dri jermal.

31 Asher e ar jab kadrioijslok ro dri Akko, ak ro dri Saidon, ak ro dri Alab, ak ro dri Akzib, ak ro dri Helba, ak ro dri Epik, ak ro dri Rihob; 32 a ro dri Asher rar jokwe iben ro dri Kenean, ro dri eneo; bwe rar jab kadrioijslok ir.

33 Naphtalai e ar jab kadrioijslok ro dri Bet-shimesh, ak ro dri Bet-anat; a e ar jokwe iben ro dri Kenean, ro dri eneo: iroke ro dri Bet-shimesh, im ro dri Bet-anat rej air dri jermal.

34 Im ro dri Amor rar kamakokoik ro nejin Dan bwe ren ber ilo ene ko reutiej; bwe rar jab kamelim air wōnlōltok ñōn komlōl eo; 35 a ro dri Amor rar jokwe wōt ilo tol Hiris, 36 Aijalon, im ilo Shealxim: a pein wōn Jōsep e ar anjo, inem rej air dri jermal. 36 Im tōreran ro dri Amor jen liflok in Akrabim, jen dreka eo, im wōnliflok.

2 Im <sup>1</sup>enjel ōn Jeova e ar wōnliflok ñōn Bokim jen Gilgal. Im E ar ba, I ar kadrioijslok kom jen Ijpt, im I ar āñintok kom ñōn eneo I ar

kanōjnijs kake ñōn ro jimami; im I ar ba, I <sup>1</sup>jamin rupe bujen eo Aō ibemi: 2 im <sup>2</sup>kom in jab kōmōn bujen iben ro dri enin; kom in jolōllok lokatok ko air. A kom ar jab eoroñ ainikiō: etke kom ar kōmōn ein drein? 3 Kin men in, I ar bareinwōt ba, I jamin ubakelok ir jen imami; a re naj einwōt men ko rekōñ ilo katōmi, im anij ro air re naj aluk ñōn kom. 4 Im ke emwij an enjel ōn Jeova konono nan kein otemjej, armij ro rar koutiej ainikeir, im jōñ. 5 Im rar naetan jikin eo Bokim: im rar katok ijo ñōn Jeova.

6 A <sup>3</sup>ke Joshua e ar jilkinlok armij ro, ro nejin Israel rar ilok jabrewōt armij ñōn jolit eo an bwe ren bōk eneo. 7 Im armij ro rar jermal ñōn Jeova iomin ran ko otemjej an Joshua, im ran ko otemjej an ridto ro eto air mour jen Joshua, ro rar lo aoleper jermal eo elap an Jeova, eo e ar kōmōne ñōn Israel. 8 Im Joshua nejin Nōn, korijeran Jeova, e ar mij, ridtōn jibuki joñoul yiō. 9 Im rar kalibwin e i tōreran jolit eo an i Timnathiris, ilo ene utiej an Ipreim, eañ jen tol Geash. 10 Bareinwōt emwij kokweloklok aolepen ebeben eo ñōn iben ro jimair: im bar juōn ebeben e ar walok elikir, ro rar jaje Jeova, ak jermal eo E ar kōmōne ñōn Israel.

11 Im ro nejin Israel rar kōmōn men ko re nana iman mejen Jeova, im rar jermal ñōn Beal ko; 12 im rar <sup>4</sup>ilok jen Jeova, Anij an ro jimair, Eo e ar kadrioijslok ir jen enen Ijpt, im rar lor anij ro jet, ian anij ro an ro dri ailif ko rar ber iturir, im rar kabuñ ñōn ir: im rar kaillu Jeova. 13 Im rar ilok jen Jeova, im <sup>5</sup>korijer ñōn Beal im Ashterot. 14 Im illu an Jeova e ar bwil nae Israel, im E ar ketōk ir na ilo pein ro dri rakim, ro rar rakimi ir, im E ar wiakake ir na ilo pein ro dri kijirāte ir iturir, inem re ban bar jutōk iman ro dri kijirāte ir. 15 Ijoko otemjej rar drioijslok, pein Jeova e ar

jumae ir kin nana, einwõt Jeova e ar ba, im einwõt Jeova e ar kanõjnij ñõn ir: inem rar kanuij iñtan.

16 Im Jeova e <sup>1</sup>ar kajutõk ro dri ekajet, ro rar lomor ir jen pein ro dri rakimi ir. 17 Ijoke rar jab eoroñ ro air dri ekajet, bwe rar ilok im lūñ kake anij ro jet, im kabuñ ñõn ir: rar jeõr mōkõj jen ial eo ro jimair rar etal ie, im bokake kien ko an Jeova; a rein rar jab kōmōn einwõt. 18 Im ke Jeova e ar kajutõk ñõn ir ro dri ekajet, inem Jeova e ar ber iben dri ekajet eo, im lomor ir jen pein ro dri kijirāte ir iomin ran ko otemjej an dri ekajet eo: bwe E ar ukwelok iben kin air iñir kin ro rar kamakokoik ir im kakitõtõik ir. 19 A ke e mij dri ekajet eo, rar oktõklik, im elaplok air kōmōn nana jen ro jimair, im lor anij ro jet bwe ren jerbāl ñõn ir, im kabuñ ñõn ir; e jab jokwōr air kōmōn einwõt, ak etal ilo ial in bõt eo. 20 Im illu an Jeova e bwil nae Israel; im E ba, Kin ke ro dri ailiñ in rar jab bokake bujen eo I ar jiroñ ro jimair kake, im rar jab eoroñ ainikiõ; 21 bareinwõt, jen ien in, I jamin ubakelok jen imair jabrewõt ian ro dri ailiñ ko Joshua e ar likiti ke e ar mij; 22 bwe kin ir In melejoñ Israel, elañe ren kejbarõk ial an Jeova im etal ie, einwõt ro jimair rar kejbarõk e, jab ke. 23 Ein drein Jeova e ar likit ro dri ailiñ ko, im E ar jab mōkõj in kadrioiñlok ir; im E ar jab lelok ir na ilo pein Joshua.

3 Ak <sup>2</sup>rein ro dri ailiñ ko Jeova e ar likiti, in melejoñ Israel kake, ro iair rar jab jela aolepen tōrinae ko an Kenean; 2 ein drein, bwe ebeben ko an ro nejin Israel ren jela, in kakin ir tōrinae, ir wõt ro rar jaje kake mokta: 3 rein, iroiñ ro lailim an dri Pilistia, im ro dri Kenean otemjej, im ro dri Saidon, im dri Hiv ro rar jokwe i tol Lebanon, jen tol Bealhermon ñõn mejāti in Hemat. 4 Im emwij likit ir in <sup>3</sup>melejoñ Israel kin ir, im jela elañe re naj kōnan eoroñ kien ko an Jeova, ko E ar jiroñ ro jimair kin Moses. 5 Im ro nejin Is-

rael rar jokwe iben ro dri Kenean, dri Het, im dri Amor, im dri Periz, im dri Hiv, im dri Jibus: 6 im rar <sup>1</sup>bōk ro nejir kōra bwe ren beleir, im rar lelok ro nejir kōra ñõn man ro nejin dri Kenean, im rar jerbāl ñõn anij ro air.

7 Im ro nejin Israel rar <sup>2</sup>kōmōn men ko re nana iman mejen Jeova, im meloklok Jeova air Anij, im korijer ñõn Beal im Ashterot. 8 Kin men in e ar bwil illu an Jeova nae Israel, im E ar wiakake ir na ilo pein Kushan-rishateim kiñ in Mesopotemia: im ro nejin Israel rar korijer ñõn Kushan-rishateim iomin dualitõk yiõ. 9 Im ke ro nejin Israel rar kir ñõn Jeova, Jeova e ar kakerkak juõn dri lomor ñõn ro nejin Israel, eo e ar lomor ir, e <sup>3</sup>Otniel nejin Kinaz, jātīn Keleb. 10 Im Jitōb ñõn Jeova e ar itok ion, im e ar ekajete Israel; im e ar ilen tōrinae, im Jeova e ar ketõk Kushan-rishateim, kiñ in Mesopotemia na ilo pein: im pein e anjo jen Kushan-rishateim. 11 Im eneo e ar kakije iomin eñoul yiõ. Im Otniel nejin Kinaz e ar mij.

12 Im ro nejin Israel rar bar kōmōn men ko re nana iman mejen Jeova: im Jeova e ar kakajur Eglon, kiñ in Moab, nae Israel, kin ke rar kōmōn nana iman mejen Jeova. 13 Im e ar kokweloktok na iben, ro nejin Amon im Amelek; im e ar ilem mōn Israel; im rar bōk jikin kwelok in pam ko. 14 Im ro nejin Israel rar korijer ñõn Eglon kiñ in Moab, iomin joñoul dualitõk yiõ.

15 A ke ro nejin Israel rar kir ñõn Jeova, Jeova e ar kakerkak juõn dri lomor, Ihud nejin Gira, dri Benjamin, armij dri anmiñ. Im ro nejin Israel rar jilkinlok owōj iben ñõn Eglon kiñ in Moab. 16 Im Ihud e ar mōke kōmōnmōn ñõn e juõn jāji ruo mejen, aitokōn juõn kubit; im e ar kañõrñõr e iomin nuknuk eo an ilo unin neen anbijmaroñõn. 17 Im e ar lelok owōj eo ñõn Eglon kiñ in Moab: ak Eglon e kanuij mātõk. 18 Im ke emwij an lelok owōj eo, e ar jilkinlok

<sup>1</sup> Jerb. 13. 20. <sup>2</sup> jap. 1. 1. <sup>3</sup> Dut. 8. 2.

<sup>1</sup> Ex. 34. 15, 16. <sup>2</sup> jap. 2. 11. <sup>3</sup> jap. 1. 13.

armij ro rar inektok owōj eo. 19 A e ar mōke oktōklik jen men in e ko jekjek iturin Gilgal, im e ar ba, Juōn nan etino iba nōn kwe, O kiñ. Inem e ar ba, Komin kejeklokjen. Im ro otemjej rar jutōk iben rar drioijslok jen e. 20 Im Ihud e ar ilok nōn iben; ak e ar jījōt mōke ian ilo rum in kalarikrik ilo bo eo an. Im Ihud e ar ba, Juōn nan iba jen Anij, nōn kwe. Im e ar jutōk jen ijo e ar jījōt ie. 21 Im Ihud e ar kōtellok pein anmifin, im nuri jāji jen unin neen anbijmaroñōn, im e ar weaklok e i lujen: 22 im jurōn e ar lor mejen jāji eo im dreloñ ilolan lojen; im kioeo e ar binej e, bwe e ar jab kekake jāji eo jen lojen; im e ar bijlok ilikin. 23 Inem Ihud e ar drioijslok ilo tōnak eo, im e ar binej aur in rum eo ion, im e ar kile.

24 A ke emwij an drioijslok, ro dri korijeran rar itok; im rar rei bōjik, im lo, aur ko an rum eo re bin wōt; im rar ba, Emol ej kalibubu neen ilolan rum in kalarikrik eo. 25 Im rar kōtar mae ien re jok; im lo, e ar jab kabellek aur in rum eo: ken men in rar bōk ki eo im kabellek e; im lo, air iroijs e ar buñlōllok im e mij.

26 Im Ihud e ar ko ilo ien air rumij, im e ar elālok jen jikin men in e ko jekjek, im e ar ko nōn Seira. 27 Im ke e ar tōbar ijo, e ar jilil ilo ene utiej an Ipreim, inem ro nejin Israel rar wōnlōllok ibenlok, e dri tel. 28 Im e ar ba nōn ir, Komin lor iō; bwe Jeova e ar lewoj ro dri kijirāte kom, ro dri Moab, na ilo peimi, im rar wōnlōllok im lore, im rar borōk kabātīt ko nae ro dri Moab, im rar jab likit bwe jabrewōt armij en dreor. 29 Im rar mōn ian ro dri Moab ien eo, e nañin joñoul tausan eman, jabrewōt man e kajur im jabrewōt man e beran; im ejelok man e ar ko. 30 Ein drein emwij kōtaik Moab ran eo iomin pein Israel. Im eneo e ar kakije iomin dualitōkñoul yiō.

31 Im elikin Ihud, Shamgar nejin Enat, eo e ar mōn ian ro dri Pilistia jiljino buki man kin ken kajime ox ko: im e ar bareinwōt lomoren Israel.

4 Im ro nejin Israel rar bar kōmōn men ko re nana iman mejen Jeova, ke e mij Ihud. 2 Im Jeova e ar wiakake ir na ilo pein Jebin, kiñ in Kenean, eo e ar iroijs i Hezor; im kapen jar in tōrinae eo an, Sisera, eo e ar jokwe i Haroshet an ro dri ailiñ ko. 3 Im ro nejin Israel rar lamij nōn Jeova: bwe druatimjuōn buki jariot māl iben; im iomin roñoul yiō e ar kanuij kamakokoik ro nejin Israel.

4 Ak Debora, dri kanan, lio belen Lapaidot, e ar ekajete Israel ien eo. 5 Im e ar jokwe iomin wijki pam an Debora ikōtan Rema im Betel, ilo ene utiej in Ipreim: im ro nejin Israel rar itok nōn iben kin ekajet. 6 Im e ar jiliklok im kirtok<sup>1</sup> Berak nejin Ebinoam jen Kedesh-naptalai, im e ar ba nōn e, Jeova Anij in Israel e ar jab jiroñ, im ba, Kwon ilok im kañōlwoj armij nōn tol Tebor, im āninlok ibōm joñoul tausan man ian ro nejin Naptalai, im ian ro nejin Zebulun ke? 7 Im I naj kalwoj nōn river Kaishon, Sisera, kapen an jar in tōrinae an Jebin, im jariot ko an iben, im jar eo an; im I naj lewoj na ilo peōm. 8 Im Berak e ar ba nōn e, Elañe kwoj ilok ibalok, inem I naj ilok; a elañe kwo jab kōnan ilok iba, I jamin ilok. 9 Im lio e ar ba, Emol, I naj ilok ibōm; ijoke, ial eo kwoj etal ie e jamin men in nebar yuk; bwe Jeova e naj ketōk Sisera na ilo pein juōn kōra. Im Debora e ar jutōk, im ilok iben Berak nōn Kedesh. 10 Im Berak e ar kokweloktok Zebulun im Naptalai nōn Kedesh; im joñoul tausan man rar ilok iben: im Debora e ar wōnliflok iben.

11 Ak<sup>2</sup> Hiber dri Ken e ar mōkelok ian jen ro dri Ken, jen iben ro nejin Hobab jein im jātīn ilo belen Moses, im e ar kalek mweo imōn ebak wijki ok eo, eo ej i Zanim, eo iturin Kedesh.

12 Im rar kenannek Sisera kin an Berak, nejin Ebinoam, wōnliflok nōn tol Tebor. 13 Im Sisera e ar kokweloktok jariot ko an otemjej, druatimjuōn buki jariot māl, im armij

otemjej iben, jen Haroshet an dri ailiñ ko, ñõn river Kaishon. 14 Im Debora e ar ba ñõn Berak, Kwon jutõk; bwe ranin ran eo ke Jeova e ar lewoj Sisera na ilo peõm; Jeova e ar jab drioijslok imam ke? Ein drein Berak e ar wõnlõllok jen tol Tebor, im joñoul tausand man rar lore. 15 Im<sup>1</sup> Jeova e ar kejjorran Sisera, im jariot ko an otemjej, im jar in tõrinae eo an, kin mejen jãji iman Berak; im Sisera e ar to jen jariot eo an, im e ar etal im ko. 16 A Berak e ar lukworkwor jariot ko, im jar in tõrinae eo, ñõn Haroshet an ro dri ailiñ ko: im aolepen jar in tõrinae an Sisera rar buñ kin mejen jãji; ejelok juõn man e ar berwõt.

17 Ijoke, Sisera e ar etõr im ko ñõn mweo imõn Jeel, lio belen Hiber dri Ken; bwe eor ainemõn ikõtatan Jebin kiñ in Hezor im mweo imõn Hiber dri Ken. 18 Im Jeel e ar ilen wõnmae Sisera, im e ar ba ñõn e, Kwon dreloñtok aõ iroijs, kwon dreloñtok ñõn iba; kwon jab mijõk. Im e ar dreloñtok ñõn iben ñõn mweo imõn, im e ar kalibubu e kin juõn koj. 19 Im e ar ba ñõn lio, Kwon letok, ij kajitõk ibõm, jirik dren in irak; bwe I maro. Im lio e ar kabellok juõn botto in milk, im lelok limen, im kalibubu e. 20 Im e ar ba ñõn lio, Kwon jutõk ilo kejem in mwin, im ñe jabrewõt eman ej item kajitõk ibõm, im ba, Eor ke eman ijin? kwon ba, Ejelok. 21 Inem Jeel lio belen Hiber, e ar bõk juõn drumij an im nuknuk eo, im e ar bõk ilo pein juõn ammer, im e ar jarikriklok ñõn iben, im e ar dri-laik jãn bõran kin drumij eo, im e ar bijlok ñõn lõl; bwe e ar kiki mitõñ; ein drein e ar jeeklok im mij. 22 Im lo, ke Berak e ar lukworkwor Sisera, Jeel e ar drioijslok in wõnmae, im e ar ba ñõn e, Kwon itok, im I naj bakajen man eo kwoj kabukote. Inem e ar dreloñlok ñõn iben; im lo, Sisera e ar babu im mij, im drumij eo ej ilo jãn bõran.

23 Ein drein an Jeova kõtãik, ran eo, Jebin kiñ in Kenean, iman ro ne-

jin Israel. 24 Im pein ro nejin Israel e ar kajurlok wõt nae Jebin kiñ in Kenean, mae ien air kokkure Jebin kiñ in Kenean.

5 Inem Debora im Berak nejin Ebi-noam rar al ilo ran eo, im ba, 2 Kin an ro dri tel tellok wõt i Israel, kin an armij rõn mõnõnõ im mõke lelok ir, komin nebar Jeova.

3 O komeo kiñ ro, komin eoroñ; O iroijs rõn, komin kejeltok lojiliñõmi, ñã, aet ñã, I naj al ñõn Jeova; ñã I naj al im nebar Jeova, Anij in Israel.

4 Jeova, ke Kwar drioijslok jen Sier, ke Kwar etallok jen melaj in Idom, lõl e ar bañijñij, lõñ ko bareinwõt rar wutlok, aet, kõro ko rar kowutlok dren.

5 Tol ko rar wuririr iman mejen Jeova, Sainai eo iman mejen Jeova, Anij in Israel.

6 Ilo ran ko an Shamgar nejin Enat, ilo ran ko an Jeel, ejelok dri etal ilo ial ko relap, im dri itoitõk rar etal ilo ial ko jet im rankeke.

7 Iroijs re joko i Israel, rar joko wõt, mae ien ñã, Debora, i ar jutõk, ke ñã juõn jinen ilo Israel I ar jutõk.

8 Rar kãlet anij rekãl; inem eor tõrinae ilo kejem ko: rar lo jabrewõt likipijñõk ak mõri iben joñoul tausand in Israel ke?

9 Buruõ ej yokwe ro dri kajime Israel, rar mõnõnõ im letok ir mõke iben armij rõn: komin nebar Jeova.

10 Komin kennan kake, komeo komij uwe ion ass ko re mouj, komeo komij jijõt ion jepko tiltil, im komeo komij etal ilo ial.

11 Etelok jen droloke ko an ro dri libon, ilo jikin ko rej itõk ie, ijo re naj kwalok men in kõmõn re wãnik ñõn Jeova, men in kõmõn ko re wãnik, in an Iroijs ilo Israel. Ien eo armij ro an Jeova rar wõnlõllok ñõn kejem ko.

12 Kwon ruj, kwon ruj, Debora; kwon ruj, kwon ruj, Debora kwon al juõn al: kwon jutõk Berak, im



kwon tellok am dri jebokwe, kwe nejin Ebinoam.

13 Ien eo rar wōnlōltok ro rej berwōt ian ro rajimjim im armij ro; Jeova e ar wōnlōltok kin ña in jumae ro dri kajur.

14 Jen Ipreim rar wōnlōltok ro ok-rair ilo Amelek; im ej lor yuk, Benjamin, iben ro dri ailiñ ko; jen Mekir iroiñ rōn rar wōnlōltok, im jen Zebulun ro rej kwotōke alal an dri bwini.

15 Im iroiñ ro an Issakar rar ber iben Debora; einwōt Issakar, ein drein Berak; ñōn komlōl eo rar irujlok ñōn iturin neen. Iturin river eo an Ruben, eor bebe ko relap i burueir.

16 Etke kwar jijōt i bwiljin worwor ko an jip, in roñjake air kajōñjōñ ñōn bwij ko ke? Iturin wea ko an Ruben elap air bukot ilo burueir.

17 Giliad e ar jokwe i Jordan jab-ueo: im Dan, etke e ar berwōt ilo wa ko? Asher e ar jijōt im tōt i lam in lomalo, im e ar berwōt iturin wea ko an.

18 Zebulun, armij ro rar kejekronmour eo air im jab uota in mij, kab Naptalai, ilo jikin ro re utiej i jikin tōrinae.

19 Kiñ ro rar item tōrinae; ien eo kiñ ro in Kenean rar tōrinae, ilo Teanak iturin dren ko an Megido; rar jab bōk mōnni men in jibarek.

20 Iju ko rar tōrinae jen lōñ ko, ilo ial ko air rar tōrinaek Sisera.

21 River Kaishon e ar kinōrlōk ir, river eo eto an ber, river Kaishon. O aō, kwon wōnmantok ilo kajur.

22 Ien eo akin ors ko rar juri kin etōr ko, kin etōr kelok ko an ro re kajur ibeir.

23 Komin kole Miroz, enjel ōn Jeova e ar ba, komin kanuij koli ro rej jokwe ie; bwe rar jab iten jibōñ Jeova, in jibōñ Jeova nae ro dri kajur.

24 Emōnōnō<sup>1</sup> Jeel jen kōra ro, lio belen Hiber dri Ken; emōnōnō jen kōra ro ilo mwēo.

25 Iroiñ eo e ar kajitōk dren, im lio

e ar lelok milk; e ar bōktok bōtter ilo jābi emōntata.

26 Lio e ar likit pein ñōn drumij eo, im pein anbijmaroññ ñōn ammer an dri jerbal; im kin ammer eo e ar mōn Sisera, e ar mōn e im bijlok bōran; eokwe, e ar wie im bijlok jān bōran.

27 Iturin neen lio e ar barikrik, e ar buñ, e ar bero; iturin neen e ar barikrik, e ar bero: ijo e ar barikrik, e ar bero ie im mij.

28 Ilo windo eo e ar reilok, im kir, jinen Sisera e ar kir ikōtan taul in windo, etke jariot eo an e rumijtok wōt? Etke whil ko an jariot ko an rej kōtar?

29 Kōra ro re meletlet iben, rar uak e, aet, e ar mōke uak e,

30 Rar jab lo ke, rar jab ajeñ men in rakim ke? juōñ jiroñ, ruo jiroñ ñōn jabrewōt eman; ñōn Sisera men in rakim, nuknuk ko emwij unoiki, men in rakim, nuknuk ko unoiki im re tiltil, nuknuk ko unoiki im re tiltil in mejin wōt juōñ ion kenwan dri jebokwe?

31 Ein drein ro dri kijirāte yuk, ren joko, O Jeova: a ro rej yokwe E ren einwōt al ke ej ilok ilo an kajur. Im eneo e ar kakije iomin eñoul yiō.

**6** Im ro nejin Israel<sup>1</sup> rar kōmōn men ko re nana iman mejen Jeova: inem Jeova e ar ketōk ir na ilc pein Midian iomin jiljilimjuōñ yiō. 2 Im pein dri Midian e ar kajurlok nae Israel; im kin dri Midian ro nejin Israel rar kōmōn jikin ko rej ilo tol ko, im roñ ko, im jikin ko re kab. 3 Im ein drein, ke Israel e ar jeor, inem ro dri Midian rar wōnliñtok, im ro dri Amelek, im ro nejin rear; rar wōnliñtok nae ir; 4 im rar kōmōn imōn kab nae ir, im rar kokkure men ko rej edrek jen lōl, mae am tōbar Geza, im rar likit ejelok ekōn ilo Israel, ejelok jip, ak ox, ak ass. 5 Bwe rar wōnliñtok im kiru ko air ibeir, im im nuknuk imweir; rar wōnliñtok einwōt lokōs ko kin air lōñ; ir im kamel ko air ejelok orair: rar dreloñtok ilo

eneo bwe ren kokkure. 6 Im Israel e kanuij jerata kin Midian; im ro nejin Israel rar kir ñõn Jeova.

7 Im ke ro nejin Israel rar kir ñõn Jeova kin Midian, 8 Jeova e ar jilkin-tok juõn dri kanan ñõn ro nejin Israel: im e ar ba ñõn ir, Ein drein Jeova, Anij in Israel, ej ba, I ar ãñintok kom jen Ijpt, im kadrioiytok kom jen imõn kamakoko; 9 im I ar lomoremi jen pein ro dri Ijpt, im jen pein ro otemej rar kamakokoik kom, im ubakelok ir jen imami, im lewoj ñõn kom eneo eneir; 10 im I ar ba ñõn kom, Ña Jeova ami Anij; komin jab mijõk anij ro an ro dri Amor, ro komij jokwe ilo eneir. A kom ar jab eoroñ ainikiõ.

11 Im <sup>1</sup>enjel õn Jeova e ar itok, im e jijõt iomin wijki ok eo i Opra, eo an Joash dri Ebaizer: im Gideon nejin, e ar nowe wit iloan ken joniõk wain, bwe en noje jen ro dri Midian. 12 Im enjel õn Jeova e ar weaktok ñõn e, im ba ñõn e, Jeova ej ibõm, kwe armij e kajur im beran. 13 Im Gideon e ar ba ñõn E, O, aõ iroi, elafie Jeova ej ibem, etke aolepen men in e ar walok ñõn kim? im ewi men in kõmõn im bwilõñ ko An, ko ro jemem rar bwewenato ñõn kim, im ba, Jeova e ar jab ãñintok kij jen Ijpt ke? a kiõ Jeova e ar jolok kim im ketõk kim na ilo pein dri Midian. 14 Im Jeova e ar reilok ñõn e, im ba, Kwon ilok ilo kajur in am, im lomoren Israel jen pein dri Midian: I ar jab jilkinlok yuk ke? 15 Im e ar ba ñõn E, O, Iroi, in lomoren Israel kin ta? lo, nukiõ ej jeramel tata ilo Menassa, im ña I drik tata ilo imõn jema. 16 Im Jeova e ar ba ñõn e, <sup>2</sup>Emol I naj ibõm, im kwo naj mõn dri Midian einwõt juõn armij. 17 Im e ar ba ñõn E, Elafie I ar lo joij iman mejõm, inem Kwon kwalok ñõn iõ juõn kakõle, bwe Kweo Kwoj konono iba. 18 Kwon jab ilok jen ijin, ij kajitõk ibõm, mae ien aõ itok ñõn ibõm, im bõktok aõ jurtak, im likite imam. Im E ar ba, I naj kõt ar am jurtak.

19 Im Gideon e ar dreloñ, im <sup>3</sup>kapo-

jõk juõn kon in got, im kek ko re jab uwe, jen juõn epa in flauo: e ar likit kõniek eo ilo juõn iep, im e ar likit dren eo rar kõmât kake ilo juõn pot, im bõktoki ñõn iben iomin wijki eo, im lilok. 20 Im enjel õn Jeova e ar ba ñõn e, Kwon bõk kõniek im kek ko re jab uwe, im likiti ion dreka in, im lutõklok dren eo. Im e ar kõmõn einwõt. 21 Inem enjel õn Jeova e ar kõtellok jabõn jokwõnõn ej ilo pein, im uñir kõniek eo im kek ko re jab uwe; im <sup>1</sup>kijeeke e ar walokliñlok jen dreka eo, im tile kõniek eo im kek ko re jab uwe; im enjel õn Jeova e ar ilok jen imam mejen. 22 Im <sup>2</sup>Gideon e ar lo bwe e enjel õn Jeova; im Gideon e ar ba, Yok, O Iroi Anij! bwe I ar lo enjel õn Jeova jelmae dron. 23 Im Jeova e ar ba ñõn e, Kwon ainemõn; kwon jab mijõk: kwo jamin mij. 24 Inem Gideon e ar kalek juõn lokatok ijo ñõn Jeova, im naetan Jeova-shalom: im ñõn ranin ej berwõt i Opra an ro dri Ebaizer.

25 Inem ilo boñ eo, Jeova e ar ba ñõn e, Kwon bõk kau koman an jemõm, kau eo ken ka ruo, ridtõn jiljilimjuõn yiõ, im jolõllok lokatok an Beal an jemõm, im juokwe Ashira eo ej iturin; 26 im kwon kalek juõn lokatok ñõn Jeova am Anij ion jikin kab in, ilo wāwen emõn, im bõk kau koman eo ken ka ruo, im kõmõn men in katok kijeeke kin alal ko jen Ashira eo kwoj juokwe. 27 Inem Gideon e ar bõk joñoul eman ro dri korijeran, im e ar kõmõn einwõt Jeova e ar ba ñõn e: im kin an mijõk nukin jemen, im man rõn an jikin kwelok eo, e ban kõmõne ilo ran, a e ar kõmõne ilo boñ.

28 Im ke man ro an jikin kwelok eo rar jerkak ke ejiboñ wõt, lo, emwij jolõllok lokatok eo an Beal, im juokwe Ashira eo e ar ber iturin, im ar katok kake kau koman eo ken ka ruo ion lokatok eo emwij kaleke. 29 Im rar ba ñõn dron, wõn eo e ar kõmõn men in? Im ke rar kajitõk im bukot, rar ba, Gideon nejin Joash e ar kõmõn men in. 30 Inem dri jikin

kwelok eo rar ba ñõn Joash, Kwon kadrioihtok leo nejõm bwe en mij, bwe e ar jolõllok lokatok eo an Beal, im bwe e ar juokwe Ashira eo e kar iturin. 31 Im Joash e ar ba ñõn ir otemjej rar jutõk jumae e, Kom naj akwelap kin Beal ke? ak kom naj lomoren ke? eo e kõnan akwelap kin e ren mõn e ke ejiboñ: elañe e juõn anij, en mõke akwelap kin e, kin ke juõn e ar jolõllok lokatok eo an. 32 Kin men in, ran eo e ar naetan <sup>1</sup>Jerubeal, im ba, Beal en akwelap nae e, kin ke e ar jolõllok lokatok eo an.

33 Inem ro dri Midian otemjej im ro dri Amelek, im ro nejn rear, rar kweloktok; im rar elãlok, im kajur air kamp ilo komlõl Jezriel. 34 A Jitõb õn Jeova e ar itok ion Gideon; im e ar jilil; inem dri Ebaizer rar kweloktok im lore. 35 Im e ar jilkinlok ro dri jilik ilujen aolepen Menassa; im ir bareinwõt rar kweloktok im lore: im e ar jilkinlok ro dri jilik ñõn Asher im ñõn Zebulun, im ñõn Naphtalai; im rar iten wõnmae e.

36 Im Gideon e ar ba ñõn Anij, Elañe Kwo naj lomoren Israel kin peiõ, einwõt Kwar ba, 37 lo, I naj likit kolan juõn jip ilo jikin dreñdreñ korn; elañe e naj or molawi ilo kolan jip eo, im aolepen brij eo e naj mõra, inem I naj jela bwe Kwo naj lomoren Israel kin peiõ, einwõt Kwar konono. 38 Im e kar ein drein; bwe e ar jerkak ilju ke ejiboñ wõt, im kene kolan jip eo, im e ar uñtake molawi jen e, juõn jãbi elõñ kin dren. 39 Im Gideon e ar ba ñõn Anij, <sup>2</sup>En jab bwil Am illu nae iõ, im I naj konono ien in wõt: ij akwelap ibõm, in melejoñ ien in wõt, kin kolan jip eo; en mõra wõt kolan jip eo, im ion aolepen brij en or molawi. 40 Im Anij e ar kõmõn einwõt boñin eo: bwe e mõra wõt kolan jip eo, im eor molawi ion aolepen brij.

7 Inem <sup>3</sup>Jerubeal, eñin Gideon, im armij otemjej iben, rar jerkak ke ejiboñ wõt, im kajur air kamp iturin unin dren in Herod: im kamp an dri

Midian e ar ber eañ jen ir, iturin tol More, ilo komlõl eo.

2 Im Jeova e ar ba ñõn Gideon, Armij ro rej ber ibõm ren kariklõñ bwe In lewoj ro dri Midian na ilo peir, ñe ab ro dri Israel ren mõke koutiej ir nae Iõ, im ba, Peiõ e ar lomor iõ. 3 Kin men in, kwon ilok im kwalok i lo-jiliñin armij rõn, im ba, Jabrewõt eo ej lelñõñ im wuririr, en jeblak im ilok jen tol Giliad. Inem roñoul ruo tausan ian armij ro rar jeblaklok; im rar berwõt joñoul tausan.

4 Im Jeova e ar <sup>1</sup>ba ñõn Gideon, Kiõ armij ro relõñ wõt; kwon añinlõllok ir ñõn dren eo, im I naj melejoñ ir ñõn kwe ijo: im eo I naj ba, Eñin e naj ilok ibõm, armij eo en ilok ibõm; im jabrewõt eo Ij ba kin e, Eñin en jab ilok ibõm, armij eo en jab ilok. 5 Ein drein e ar añinlõllok armij ro ñõn dren eo: im Jeova e ar ba ñõn Gideon, Jabrewõt eo ej joloke dren ñõn loñin, einwõt kiru roror ej dromij, kwon kejenolok ian; bareinwõt jabrewõt eo ej bukwelõlõ im mõt. 6 Im oran ro rar dromij, im joloke dren ñõn loñir, jilu buki eman: a aolepen ro jet rar bukwelõlõ im mõt. 7 Im Jeova e ar ba ñõn Gideon, kin jilu buki ro rar dromij, I naj lomoremi, im ketõk ro dri Midian na ilo peõm; im kwon kõtlok armij ro otemjej bwe ren ilok, jabrewõt armij ñõn jikin. 8 Ein drein armij ro rar bõk jotal ilo peir, im jilil ko air; im e ar jilkinlok aolepen eman in Israel, jabrewõt eo ñõn mwẽo imõn, a e ar drebij ro jilu buki eman: im kamp in Midian e ar ber ilõl jen e ilo komlõl eo.

9 Im ilo boñ eo, Jeova e ar ba ñõn e, Kwon jerkak im wõnlõllok ñõn kamp eo; bwe I ar ketõk ir na ilo peõm. 10 A elañe kwo mijõk in wõnlõllok, kwon wõnlõllok iben Pura leo korijerõm, ñõn kamp eo: 11 im kwo naj roñjake ta eo rej ba; im tokelik e naj kajurlok peõm, bwe kwon wõnlõllok nae kamp eo. Inem e ar wõnlõllok iben Pura korijeran ñõn turin dri tõrinae ro, ilo kamp eo. 12 Im ro dri Midian im ro dri Amelek,

im ro nejin rear otemjej, rej babu ilo komlöl eo, orair einwöt lokös ko; im kamel ko air ejelok orair, einwöt bok i barijit kin air lön. 13 Im ke e motok Gideon, lo, juön eman e ar kenanek tönak nön bar juön; im ej ba, Lo, I ar etönak juön tönak; im lo, juön kek in bred barli e ar wutlok iloan kamp in Midian, im e ar itok nön juön im nuknuk, im wure, inem eolok, im e okjök, im mw eo e babu wöt. 14 Im leo juön e ar uak im ba, Eñin kejejen jāji an Gideon nejin Joash, juön eman in Israel: <sup>1</sup>Anij e ar ketök Midian im aolepen jar in tōrinae in na ilo pein.

15 Im ein drein, ke emwij an Gideon roñjake air bwebwenato kin tönak eo im melemen, e ar kabuñ; im e ar jeblak nön kamp in Israel, im ba, Komin jerkak; bwe Jeova e ar ketök na ilo peömi jarlipju an Midian. 16 Im e arkijbil man ro jilu buki ilo jilu jar, im e ar likit ilo pein jabrewöt iair juön jilil, im jābi ejelok kobön, im kijeek urur ilo jābi eo. 17 Im e ar ba nön ir, Komin lale ña im kōmōn einwöt: im lo, ñe ij itok nön tōrenen kamp eo, einwöt ña ij kōmōn, ein drein komin kōmōn. 18 Ñe ij jilil, ña im ro otemjej iba, inem komin bar einwöt jilil ijoko otemjej iturin kamp eo, im ba, Kin Jeova im kin Gideon.

19 Ein drein Gideon, kab man ro jibuki iben, rar itok nön turin kamp eo ilo jinoin mmij eo ken ka ruo, ke rej kab jino mmij eo: inem rar jilil im rupe jābi ko ilo peir. 20 Im jar ko jilu rar jilil im rupe jābi ko, im kwo-tōke kijeek urur ko kin anmiñir, im jilil ko ilo anbijmaroñir, bwe ren jilil; im rar lamij, Jāji eo an Jeova im an Gideon. 21 Im rar jimor jutök jabrewöt eman ilo jikin, i belakin kamp eo; im aolepen jarlipju eo rar etör; im rar roloke im re ko. 22 Im rar uk jilil ko jilu buki, im <sup>2</sup>Jeova e ar likit jāji an jabrewöt eman nae eo iturin, im nae aolepen jar in tōrinae eo; im jar in tōrinae eo e ar ko nön Bet-shita ilo ial nön Zirira, nön tōrenen Ebel-mihola, iturin Tabat. 23 Im

ro dri Israel rar kweloktok jen Nap-talai, im jen Ašher, im jen aolepen Menassa, im lukworkwor Midian.

24 Im Gideon e ar jilkinlok ro dri jilil ilujen aolepen ene utiej an Ip-reim, im ba, Komin wōnlōltok nae Midian, im <sup>1</sup>borök dren ko, nön Bet-barā, aet, Jordan eo. Ein drein ro dri Ip-reim rar kweloktok im borök dren ko nön Bet-barā, aet, Jordan. 25 Im rar jibwe iroi ro ruo an Midian, Oreb in Zieb; im rar mōn Oreb i dreka in Oreb, im rar mōn Zieb i ken joniök an Zieb, im lukworkwor Midian: im rar bōktok bōran Oreb im Zieb nön Gideon i Jordan jabueo.

8 Im ro dri Ip-reim rar ba nön e, Etke ein drein am kōmōn nön kim, im kwar jab kirtok kim, ke kwar ilen tōrinaek Midian? Im rar kanuij enoik e. 2 Im e ar ba nön ir, E jab erik tokja jen kom ke? Men in koloruk an Ip-reim e jab emōnllok jen aolepen jonikōn Ebaiizer ke? 3 Anij e ar ketök na ilo peömi iroi ro in Midian, Oreb in Zieb: ta aō maroñ in kōmōne in keiri ibemi? Inem e jokolok air illu nön e ke emwij an ba nan eo.

4 Im Gideon e ar itok nön Jordan, im elā, im man ro jilu buki iben, re kijelok, ak rar lukworkwor ir wöt. 5 Im e ar ba nön ro dri Sōkkot, Komin letok, ij akwelap nön kom, bred ko nön armij ro rej lor iō; bwe re kijelok, im ña ij lukworkwor Ziba im Zalmuna, kiñ ro an Midian. 6 Im iroi ro in Sōkkot re ba, Pa ko pein Ziba im Zalmuna rej ilo peöm kiō ke, bwe kimin lelok bred nön jar in tōrinae eo am? 7 Im Gideon e ar ba, Kin men in, ñe emwij an Jeova ketök Ziba im Zalmuna na ilo peiō, inem I naj kekel kōniekemi kin kaliklik ko in ene jemaren, im kin mar kuj ko. 8 Im e ar wōnliñlok nön Penuel, im ba nön ir einwöt; im man ro dri Penuel rar uak e einwöt bar man ro dri Sōkkot rar uak e. 9 Im e ar bareinwöt kono nōn man ro dri Penuel im ba, Ñe ij bar itok ilo ainemōn i naj rupelöllok imōn bar in.

<sup>1</sup> Josh. 2. 9. <sup>2</sup> 1 Sam. 14. 20.

<sup>1</sup> Jap. 3. 28.

10 Ak Ziba im Zalmuna rar ber ilo Karkor, im jar in tōrinae ko air ibeir, e nañin joñoul lailim tausan man, ro otemjej rar berwōt jen aolepen jarlipju an ro nejin rear; bwe e bero jibuki roñoul tausan man ro rar nure jāji. 11 Im Gideon e ar wōnliflok ilo ial an ro rej jokwe ilo im nuknuk i rear in Noba, im Jogbiha, im mōn jar in tōrinae eo; bwe jar eo e ar lemnok ejelok uota. 12 Im Ziba im Zalmuna re dreor; im e ar lukworkwor ir; im e ar jibwe iroi ro ruo an Midian, Ziba im Zalmuna, im kanuij kalelñōñ aolepen jar in.

13 Im Gideon nejin Joash e ar jeb-lak jen tōrinae eo jen iallñlok ñōñ Hiris. 14 Im e ar jibwe juōñ likao jen man ro dri Sōkkot, im kajitōkin e: im e ar kennanek e wāwen iroi ro an dri Sōkkot, im ridto ro an jikin kwelok eo, jiljilimjuōññoul jiljilimjuōñ eman. 15 Im e ar itok ñōñ iben man ro an Sōkkot, im ba, Komin lo Ziba im Zalmuna, kin ro kom ar kakitōtōik iō kake, im ba, Pa ko pein Ziba im Zalmuna rej ilo peōm kiō ke, bwe kimin lelok bred ñōñ man ro re mōk ibōm? 16 Im e ar bōk ridto ro an jikin kwelok eo, im käliliklik jen ene jemaren, im mar kujko, im e ar katakin man ro dri Sōkkot kin ir. 17 Im e ar rupelōllok imōn bar in Penuel, im mōn man ro an jikin kwelok eo.

18 Inem e ar ba ñōñ Ziba im Zalmuna, le wāwen man ro kom ar mōni i Tebor? Im rej uak, Wāwen lok wōt ir, jabrewōt iair ej einwōt nejin kiñ. 19 Im e ar ba, Lōmaro jeiš im jātīō, ro nejin jinō: einwōt Jeova e mour, elañe kom ar kejbarōk air mour, I jamin mōn komro. 20 Im e ar ba ñōñ Jiter manjien, Kwon jutok, im mōn ir. A likao eo e ar jab nur jāji eo an; bwe e mijōk kin ke a likao wōt. 21 Inem Ziba im Zalmuna rar ba, Kwe kwon jutōk im mōn kimro; bwe einwōt juōñ eman, ein drein an kajur. Im Gideon e ar jutōk im mōn Ziba im Zalmuna, im bōk inōk ko rej i kenwan kamel ko air.

22 Inem ro dri Israel rar ba ñōñ Gideon, Kwon iroi iom, kwe im leo

nejōm, im leo nejin bareinwōt; bwe kwar lomorem jen pein Midian. 23 Im Gideon e ar ba ñōñ ir, I jamin iroi iomi, im nejiō man e jamin iroi iomi: Jeova e naj iroi iomi. 24 Im Gideon e ar ba ñōñ ir, I kōnan kajitōk ibemi juōñ nan in kajitōk, komin letok jabrewōt iami drere ko jen men in rakim eo an. (Bwe ibeir drere ko gold, bwe ir dri Ishmeel.) 25 Im rar uak, Kim naj mōñōñ in lewoj, im rar erlokwe juōñ koj, im jolok na ion, jabrewōt eman drere ko jen men in rakim eo an. 26 Im erroōn drere gold ko e ar kajitōk ibeir kake, juōñ tausan jiljilimjuōñ buki shekel gold; eor jen drere ko, im men in toto ko, im nuknuk ko eñije ar ber ion kiñ ro in Midian, im eor jen to ninir ko rar kabol kenwan kamel ko air. 27 Im Gideon e ar kōmōn jeni juōñ epod, im likite ilo jikin kwelok eo an, i Opra: im aolepen Israel rar ilok im lūñ kin men eo ijo, im e ar erom aluk ñōñ Gideon im ñōñ ro nukin. 28 Ein drein ar kotaik Midian iman ro nejin Israel, im rar jab bar koutiej bōrair. Im eneo e ar kakije iomin eñoul yiō ilo ran ko an Gideon.

29 Im Jerubeal nejin Joash e ar ilen jokwe ilo mweo imōn. 30 Im jiljilimjuōññoul eman nejin Gideon, emwij keutak jen e; bwe e ar belek elōñ kōra. 31 Im kōra eo konkubain iben, eo e ar ber i Shikem e ar bareinwōt keutak juōñ nejin eman, im e ar naetan Abimelek. 32 Im Gideon nejin Joash, e ar mij ke e kanuij bwijwōlā, im ar kalibwin e ilo lupōñ Joash jemen, i Opra an ro dri Ehaiizer.

33 Im ke e mij Gideon, e mōkōj an ro nejin Israel bar illok im ilem lūñ iben Beal, im rar kōmōn Beal-biritair anij. 34 Im ro nejin Israel rar jab kememej Jeova air Anij, eo e ar lommor ir jen pein ro otemjej dri kijirāt ir, ijoko otemjej; 35 im rar jab kwalok joij ñōñ ro nukin Jerubeal, eo Gideon, ekar ñōñ aolepen emōn eo e ar kwalok ñōñ Israel.

9 Im<sup>1</sup> Abimelek nejin Jerubeal e ar ilok ñōñ Shikem ñōñ iben lō-



maro jein im jätin jinen, im e ar kono-  
nono ñön ir, im ñön aolepen nukin je-  
men im jinen, im ba, 2 Komin kono-  
no i lojiliñin ro dri Shiken otemjej,  
Ewi iair emönlok ibemi, elañe ro ne-  
jin Jerubeal,<sup>1</sup> jiljilimjuöññoul armij,  
rej iroi j iomi, ak elañe juön ej iroi j  
iom i? komin bareinwöt kememej bwe  
ña driömi im kõniekõmi. 3 Im lõma-  
ro jein im jätin jinen rar ba kin e, i  
lojiliñin ro dri Shikem otemjej, im bu-  
rueir rej kiök Abimelek; bwe re ba,  
Ej jeim im jätin. 4 Im rar lelok ñön  
e jiljilimjuöññoul mötön silver jen  
imön Beal-birit, inem Abimelek e ar  
kajerbal jet armij wan im kwobij, ro  
rar lore. 5 Im e ar ilok ñön imön je-  
men i Opra, im mön ro jein im jätin  
man, ro nejin Jerubeal, ir jiljilimju-  
öññoul armij, ion juön dreka: a Jot-  
tam eman eo eriktata nejin Jerubeal  
e ar berwöt; bwe e ar tilekek. 6 Im  
ro dri Shikem otemjej, im aolepen dri  
Millo, rar kweloktok, im rar ilem kai-  
roi j Abimelek, iturin wijki ok eo ebak  
juön jur ej ilo Shikem.

7 Im ke rar kennanek Jotam men  
in, e ar ilem jutök ilo jabön tol Geri-  
zim, im koutiej ainiken, im lamij, im  
ba ñön ir, Komin roñjake iö, komeo  
ro dri Shikem, bwe Anij en roñjake  
kom. 8 Juön ien wijki ko rar ilen  
kabit juön kiñ ioir; im rar ba ñön wij-  
ki oliv, Kwon kiñ iom. 9 A wijki  
oliv e ar ba ñön ir, Etke in likit kaeo  
rej wijtake Anij im armij kake, im  
ilen belbel ion wijki ko? 10 Im wij-  
ki ko rar ba ñön wijki fig, Kwon item  
kiñ iom. 11 A wijki fig e ar ba ñön  
ir Etke in likit aö töññöl, im leiö emön,  
im ilen belbel ion wijki ko? 12 Im  
wijki ko rar ba ñön vain eo, Kwon  
item kiñ iom. 13 Im vaine ar ba ñön  
ir, Etke in likit aö wain ej kamöñö-  
ñöik Anij im armij, im ilen belbel ion  
wijki ko? 14 Inem wijki otemjej rar  
ba ñön mar kuj eo, Kwon item kiñ  
iom. 15 Im mar kuj eo e ar ba ñön  
wijki ko, Elañe emol ami kabit iö kiñ  
iom i, inem komin item kalarikrik i  
luriö; ak elañe jab, kijeek en walok  
jen mar kuj im kõñ aik ko in Leba-

non. 16 Kin men in, elañe kom ar  
kömön mol im jime, ilo ami kõmön  
Abimelek kiñ, im elañe kom ar kõ-  
mön emön ñön Jerubeal im nukin, im  
kom ar kõmön ñön e ekar ñön kõmön  
in pein, 17 (bwe jema e ar törinae  
ñön kom, im kejekron an mour, im e  
ar lomoremi jen pein Midian: 18 im  
kom ar kabata nae imön jema ranin,  
im kom ar mön ro nejin man jiljilim-  
juöññoul armij, ion juön dreka, im  
kom ar koutiej Abimelek, nejin kori-  
jeran kõra, ion ro dri Shikem, kin ke  
jeömi im jätömi); 19 elañe kom ar  
kömön mol im jime ñön Jerubeal im  
mweo imön ranin, inem, komin lõñliñ  
ilo Abimelek im en lõñliñ kake kom.  
20 a elañe jab, kijeek en walok jen  
Abimelek im kõñ ro dri Shikem, im  
imön Millo; im kijeek en walok jen  
ro dri Shikem im jen imön Millo, im  
en kõñ Abimelek. 21 Im Jotam e ar  
ko, im ilok ñön Bier, im jokwe ijo, kin  
an mijök Abimelek jein.

22 Im Abimelek e ar iroi j ion Israel  
iomin jilu yiö. 23 Im Anij e ar jil-  
kinlok jitöb e nana ikötan Abimelek  
im ro dri Shikem; im ro dri Shikem  
rar kõmön jela mon ñön Abimelek:  
24 bwe nana elap emwij kõmöni ñön  
man ro jiljilimjuöññoul nejin Jeru-  
beal, en bar itok, im böttöktökir en  
ber ion Abimelek jeir im jätir, eo e  
ar mön ir, im ion ro dri Shikem, ro  
rar kakajur pein bwe en mön ro jein  
im jätin. 25 Im ro dri Shikem rar  
likit ro dri kebao e ilo jebön tol ko,  
im rar rakim ro otemjej rar itok ilo  
ial eo iturir: im rar kennanek Abime-  
lek.

26 Im Geal nejin Ibed, e ar itok,  
kab ro jein im jätin, im ilok ñön Shi-  
kem; im ro dri Shikem rar liki e.  
27 Im rar drioi jlok ilo jikin kallip  
ko, im aini jen bwil in grep, im juri  
grep ko, im kõmön kwojkwöj, im  
dreloñ ilolan imön air anij, im rar  
möña im irak, im kole Abimelek.  
28 Im Geal nejin Ibed e ar ba, Wön  
Abimelek, im wön Shikem, bwe jen  
korijer ñön e? e jab nejin Jerubeal  
ke? im Zibul dri kabwjrök eo an ke?  
komin korijer ñön man ro in Hemor

jemen Shikem: a etke jen korijer ñõn e? 29 Im I kōnan Anij en kōtaik armij rein iomin peiō! inem I naj kar jolok Abimelek. Im e ar ba ñõn Abimelek, Kwon kalaplok am jar in tōrinae, im drioiĵtok.

30 Im ke Zibul iroiĵ in jikin kwelok eo, e ar roñjake nan ko an Geal nejnin Ibed, e bwil an illu. 31 Im e ar jilkinlok ro dri jilik ñõn iben Abimelek, ilo jela mon, im ba, Lo, Geal nejnin Ibed im ro jein im jātīn rar itok ñõn Shikem; im lo, rej kōmōn bwe jikin kwelok in en jumae yuk. 32 Inem kwon jutōk ilo boñ, kwe im armij ro ibōm, im kebao ilo melaj: 33 im ñe ejiboñ, ñe e tak al, kwo naj jerkak mōkōj, im tōrinaek jikin kwelok e; im lo, ñe e im armij ro iben rej drioiĵlok nae yuk, kwo maroñ in kōmōn ñõn ir einwōt emōn ibōm.

34 Im Abimelek e ar jutōk, im armij otemjej iben, ilo boñ, im rar kebao Shikem ilo emen jar. 35 Im Geal nejnin Ibed e ar drioiĵlok, im jutōk ilo kejem in jikin kwelok eo: im Abimelek kab ro iben rar jerkak jen air kebao. 36 Im ke Geal e ar lo armij ro, e ar ba ñõn Zibul, Lo, eor armij rej wōnlōl-tok jen jabōn tol ko. Im Zibul e ar ba, Kwoj lo anōñin tol ko einwōt armij. 37 Im Geal e ar bar konono, im ba, Kwon lale, eor armij rej itok jen lukwon ene, im juōn jar ej itok ilo ial iturin wijki ok an Mionenim. 38 Im Zibul e ar ba ñõn e, Ewi loñōm kiō bwe kwar ba, Wōn eo Abimelek, bwe jen korijer ñõn e? armij rein re jab ro kwar kejekron ir ke? kwon drioiĵlok, ij kajitōk ibōm, im tōrinaek ir. 39 Im Geal e ar drioiĵlok iman ro dri Shikem, im tōrinaek Abimelek. 40 Im Abimelek e ar kokōk e, im e ar ko iman, im elōñ rar buñ im kiniĵnīj, ñõn turin kejem eo.

41 Im Abimelek e ar jokwe i Aruma: im Zibul e ar kadrioiĵlok Geal im ro jein im jātīn, bwe ren jab jokwe ilo Shikem. 42 Im ilju armij ro rar drioiĵlok na ilo melaj; im rar kaiñ Abimelek. 43 Im e ar tel armij ro, im kijbil ir ilo jilu jar, im kebao ilo melaj im e ar reilok, im lo, armij ro

rar drioiĵtok jen loan jikin kwelok eo; im e ar jutōk jumae ir, im mōn ir. 44 Im Abimelek, im jar ko iben, rar ibwep manlok, im jutōk ilo kejem an jikin kwelok eo: im jar ko ruo rar irerelok ñõn armij otemjej ilo melaj, im mōn ir. 45 Im Abimelek e ar tōrinaek jikin kwelok eo aolepen ran eo; im e ar bōk e, im mōn armij ro ie: im e ar kejebeplok jikin kwelok eo, im jeor jātōk ie.

46 Im ke armij otemjej an imōn bar eo i Shikem rar roñjake, rar dreloñlok na iloan me an imōn El-birit. 47 Im rar kennanek Abimelek bwe armij otemjej in imōn bar in Shikem rar kweloklok. 48 Im Abimelek e ar wōnlōllok ilo tol Zalmon, e im armij otemjej iben; im Abimelek e ar bōk juōn ilil ilo pein, im jek juōn ran wijki, im kwotōke, im likite i aieran: im e ar ba ñõn armij ro iben, Men eo kom ar lo aō kōmōne, komin mōkōj, im kōmōn einwōt. 49 Im ein drein armij otemjej rar jek, jabrewōt iair, ran wijki, im lor Abimelek, im likite iturin me eo, im tile me eo kin kijeek ioir; ein drein armij otemjej in imōn bar in Shikem rar bareinwōt mij, e nañin juōn tausan man im kōra.

50 Inem Abimelek e ar ilok ñõn Tibeze, im nitbwile, im bōke. 51 A e kar juōn imōn bar e bin iloan jikin kwelok eo, im man im kōra otemjej rar ko ñõn e, kab ro dri jikin kwelok otemjej, im rar mōke kil ir iloan, im wōnlōllok ion kejenwan imōn bar eo. 52 Im Abimelek e ar itok ñõn imōn bar eo, im tōrinaek e, im kebaklok ñõn aur in imōn bar eo, bwe en tile kin kijeek. 53 Im juōn kōra e ar jolōllok dreka tōp ion bōran Abimelek, im rupe lot in bōran. 54 Inem e ar kaiur e im kir ñõn likao eo e ar inek ken tōrinae ko an, im ba ñõn e, Kwon nur jāji eo am, im mōn iō, ñe ab armij ren ba kin ña, Juōn kōra e ar mōn e. Im likao eo dron e ar wākare, inem e mij. 55 Im ke ro dri Israel rar lo bwe e mij Abimelek, rar ilok, jabrewōt iair, ñõn jikin. 56 Ein drein Anij e ar nawōnan nana an Abimelek, eo e ar kōmōne ñõn jemen,

kin an mōn lōmaro jiljilimjuōññoul  
jein im jātīn; 57 im aolepen nana an  
ro dri Shikem, Anij e ar nawōnan ion  
bōrair: im ioir e ar itok menukol an  
Jotam leo nejin Jerubeal.

**10** Im elikin Abimelek, e ar jutōk  
in lomoren Israel, Tola nejin  
Pua, nejin Dodo, juōn armij dri Issa-  
kar; im e ar jokwe i Shemir ilo ene  
utiej in Ipreim. 2 Im e ar ekajete  
Israel iomin roñoul jilu yiō, inem e mij,  
im rar kalibwin e i Shemir.

3 Im elikin, e ar jutōk Jeir, dri  
Giliad; im e ar ekajete Israel roñoul  
ruo yiō. 4 Im jilñoul nejin eman, ro  
rar uwe ion jilñoul kon in ass, im  
ibeir jilñoul jikin kwelok, rej naetair  
Havot-jeir ñōn ranin, rej ber i enen  
Giliad. 5 Im Jeir e ar mij, im rar  
kalibwin e i Kemon.

6 Im ro nejin Israel rar bar kōmōn  
men eo e nana iman mejen Jeova, im  
jербal ñōn Beal, im Ashterot, im  
anij ro an Siria, im anij ro an Saidon,  
im anij ro an Moab, im anij ro an ro  
nejin Amon, im anij ro an ro dri Pi-  
listia; im rar illok jen Jeova, im jab  
bar jербal ñōn E. 7 Inem illu an  
Jeova e ar bwil nae Israel, im E ar  
wiakake ir na ilo pein ro dri Pilistia,  
im na ilo pein ro nejin Amon. 8 Im  
rar kejjorran im kamakokoik ro nejin  
Israel iomin yiō eo: iomin joñoul  
dualitōk yiō rar kamakokoik ro nejin  
Israel rej i Jordan jabueo ilo enen ro  
dri Amor, eo ilo Giliad. 9 Im ro ne-  
jin Amon rar elā jen Jordan bwe ren  
bareinwōt tōrinaek Juda im Benja-  
min, im imōn Ipreim; ein drein Israel  
e ar kanuij iñtan.

10 Im ro nejin Israel rar kir ñōn  
Jeova, im ba, Kim ar jerawiwi nae  
Yuk, bwe kim ar illok jen Anij, im  
korijer ñōn Beal. 11 Im Jeova e ar  
ba ñōn ro nejin Israel, I ar jab lomo-  
remi jen ro dri Ijīpt, im jen ro dri  
Amor, im jen ro nejin Amon, im jen  
ro dri Pilistia ke? 12 Ro dri Saidon  
bareinwōt, im ro dri Amelek, im ro  
dri Meon, rar kamakokoik kom; im  
kom ar kir ñōn Iō, im I ar lomoremi  
jen peir. 13 Ijoke, kom ar illok jen  
Iō, im kom ar korijer ñōn anij ro jet:

kin men in, I jamin bar lomoremi.  
14 Komin ilen kir ñōn anij ro kom ar  
kāleti; ren lomoren kom ilo ien ami  
jorran. 15 Im ro nejin Israel rar ba  
ñōn Jeova, Kim ar jerawiwi: Kwon  
kōmōn ñōn kim jabrewōt eo emōn  
ibōm; men in wōt, Kwon lomoren kim  
ranin, kimij akwelap ñōn Yuk. 16  
Im<sup>1</sup> rar jolok jen ibeir anij ro drua,  
im korijer ñōn Jeova; im e buromōj  
buruen kin iñtan an Israel.

17 Inem ro nejin Amon rar kwe-  
loktok im kajur air kamp i Giliad.  
Im ro nejin Israel rar kweloktok im  
kajur air kamp i Mizpa. 18 Im armij  
ro, iroi ro in Giliad, rar ba ñōn dron,  
Lōt eo e naj jino in tōrinaek ro ne-  
jin Amon? e naj iroi ro in ro dri Giliad  
otemjej.

**11** A<sup>2</sup> Jepta, dri Giliad, e juōn  
eman e kajur im beran wōt, im  
nejin juōn kōra ekijoñ: im Giliad e  
ar keutak Jepta. 2 Im lio belen Gi-  
liad e ar keutak ñōn e ro nejin man;  
im ke ro nejin lio rar ridtolok, rar  
jilkinlok Jepta, im re ba ñōn e, Kwo  
jamin dri jolit ilo imōn jemer; bwe  
kwe nejin bar juōn kōra. 3 Inem  
Jepta e ar ko jen lōmaro jein im  
jātīn, im e ar jokwe ilo enen Tob: im  
jet armij re wan rar kweloklok na  
iben Jepta, im rar drioielok iben.

4 Im tokelik<sup>3</sup> ro nejin Amon rar  
tōrinaek Israel. 5 Im ein drein, ke  
ro nejin Amon rar tōrinaek Israel;  
ridto rōn i Giliad rar ilen āñintok Jep-  
ta jen enen Tob; 6 im rar ba ñōn Jep-  
ta, Kwon item iroi iom bwe kimin  
tōrinaek ro nejin Amon. 7 Im Jepta  
e ar ba ñōn ridto ro in Giliad, Kom ar  
jab kijirāte iō im ubakelok iō jen  
imōn jema ke? im etke komij itok  
ñōn iba kiō, ilo ami jorran? 8 Im ridto  
ro in Giliad rar ba ñōn Jepta, Kin  
men in kim oktōk ñōn yuk kiō, bwe  
kwon ilok ibemlok, im tōrinaek ro ne-  
jin Amon; im kwo naj am iroi ro in  
dri Giliad otemjej. 9 Im Jepta e ar  
ba ñōn ridto ro in Giliad, Elañe komij  
āñinlok iō ñōn jikiō bwe in tōrinaek  
ro nejin Amon, im elañe Jeova ej  
ketōk ir imaō, I naj ami iroi ro?

<sup>1</sup> Josh. 24. 22. <sup>2</sup> Hib. 11. 32. <sup>3</sup> Jap. 10. 9. 17.

10 Im ridto ro in Giliad rar ba ñõn Jepta, Jeova e naj dri kennan ikõtär; emol ekar ñõn am in nan, ein drein kim naj kõmõne. 11 Inem Jepta e ar ilok iben ridto ro in Giliad, im armij ro rar koutlej e jïõb im iroi j ioir: im Jepta e ar konono nan ko an otemjej iman Jeova i Mizpa.

12 Im Jepta e ar jilkinlok ro dri jilik ñõn kiñ eo an ro nejin Amon, im ba, Ta eo ibõm in iba, bwe kwar itok ñõn iba in tõrinaek enin aõ? 13 Im kiñ eo an ro nejin Amon e ar uak ro dri jilik jen Jepta, Kin ke Israel e ar bõk eneo aõ, ke e ar wõnliñlok jen Ijïpt, jen Arnon, aet, ñõn Jabbok kab ñõn Jordan: kin men in kiõ, kwon ka-jeblaktok ene ko ilo ainemõn. 14 Im Jepta e ar bar jilkinlok ro dri jilik ñõn kiñ eo an ro nejin Amon; 15 im e ar ba ñõn e, Ein drein Jepta ej ba: Israel e ar jab bõk enen Moab, ak enen ro nejin Amon; 16 a ke rar wõnliñtok jen Ijïpt, im Israel e ar driblok ene jemaren ñõn lomalo Ekilmir, im itok ñõn Kedesch; 17 inem Israel e ar jilkinlok ro dri jilik ñõn kiñ in Idom, im ba, Kwon kõtlok iõ, ij akwelap ñõn yuk, hwe in driblok eneo am; a e ar jab eorofi ir. Ein drein e ar bareinwõt jilkinlok ñõn kiñ in Moab; a e jab kõnan: im Israel e ar jokwei Kedesch. 18 Inem e ar driblok ene jemaren, im kabol enen Idom, im enen Moab, im rar kabol Moab tu irear, im rar kajur airkamp i Arnon jabueo; a rar jab dreloñtok tõreren Moab, bwe Arnon tõreren Moab. 19 Im Israel e ar jilkinlok ro dri jilik ñõn Saihon kiñ an ro dri Amon, kiñ in Heshbon; im Israel e ar ba ñõn e, Kim kajitõk ibõm, in driblok eneo am ñõn jikiõ. 20 A Saihon e ar jab liki Israel bwe en elä jen tõreren eo an; a Saihon e ar kokweloktok armij otemjej dron, im kajur an kamp i Jehaz, im tõrinaek Israel. 21 Im Jeova, Anij in Israel, e ar ketõk Saihon im armij otemjej dron na ilo pein Israel, im rar mõi in: ein drein Israel e ar bõk aolepen enen ro dri Amor, ro rar jokwei eneo. 22 Im rar bõk aolepen tõreren ro dri Amor, jen Arnon ñõn Jabbok, im jen

ene jemaren ñõn Jordan. 23 Ein drein Jeova Anij in Israel e ar kadri-oijlok dri Amor jen ene ko air iman dri Israel armij ro An, im kwe kwor bar bõki ke? 24 Etke kwo jab bõk men eo Kimosh am anij ej lewoj bwe en am? Ein drein jabrewõt eo Jeova am Anij e ar kadrioiijlok jen ene ko air imam, ko kim naj bõki. 25 Im kiõ kwoj emõnlok jen Belak nejin Zippor kiñ in Moab ke? e ar akwaile Israel jabrewõt ien ak e ar tõrinaek ir ke? 26 Ien eo ke Israel e ar jokwei ilo Heshbon im jikin kwelok ko wujen, im ilo Aroer kab jikin kwelok ko wujen, im ilo jikin kwelok otemjej e kar iturin Arnon, iomin jilu buki yiõ; etke kom ar jab bõki iomin ien eo? 27 Kin men in, I ar jab jerawiwi nae yuk, a kwoj kõmõn nana nae iõ in tõrinaek iõ: Jeova, dri Ekajet eo, En ekajet ranin ikõtän ro nejin Israel im ro nejin Amon. 28 Ijoke, kiñ in ro nejin Amon e ar jab eorofi nan ko an Jepta, ko e ar jilkinlok ñõn iben.

29 Im <sup>1</sup> Jitõb õn Jeova e ar itok ion Jepta, im e ar driblok Giliad im Menassa, im driblok Mizpa in Giliad, im jen Mizpa in Giliad e ar etal ñõn iben ro nejin Amon. 30 Im Jepta e ar kõmõn juõn an muri ñõn Jeova, im ba, Elañe emol Kwo naj letok ro nejin Amon na ilo peiõ, 31 inem jabrewõt eo e naj drioiñtok jen kejem in mw eo imõ bwe en wõnmae iõ, ñe I naj jeblaktok ilo ainemõn jen iben ro nejin Amon, e naj an Jeova, im I naj katok kake men in katok kijeek. 32 Ein drein Jepta e ar etal ñõn iben ro nejin Amon bwe en tõrinaek ir; im Jeova e ar ketõk ir na ilo pein. 33 Im e ar mõi in, jen Aroer, mae am itok ñõn Minnit, aet, roñoul jikin kwelok, im ñõn Ebel-kiramim, kin kokkure elap. Ein drein ar kõtaik ro nejin Amon iman ro nejin Israel.

34 Im Jepta e ar itok ñõn Mizpa ñõn mw eo imõn; im lo, lio nejin e ar drioiñtok in ion e kin timbrel ko im kin eep ko: im e ar mõi ke wõt nejin; e bar ejelok nejin man ak kõra. 35 Im ke e ar loe, e ar kekel nuknuk ko

an, im ba, Yokwe nejiō! kwar kanuij kōtaik iō, im kwe juōn ian ro rej ke-jorran iō; bwe I ar kabellek loñiō ñōn Jeova, im <sup>1</sup>I ban jeblak. 36 Inem e ar ba ñōn e, Jema, kwar kabellek loñiōm ñōn Jeova; kwon kōmōn ñōn iō ekar ñōn nan eo e ar walok jen loñiōm, bwe Jeova e ar irenwōne kin kwe ion ro dri kijirāte yuk, aet, ro nejin Amon. 37 Im e ar ba ñōn jemen, Ren kōmōn men in kin iō; in ber mōke iaō iomin ruo aliñ, bwe in itoitōk ion tol ko, im jōñōt aō lijnono, ña, im jiroñ ro jera. 38 Im e ar ba, Kwon ilok. Im e ar jilkinlok e iomin ruo aliñ: im e ar ilok, im ro jeran, im jōñōt an lijnono ion tol ko. 39 Im jemlokōn ruo aliñ, e ar jeblak ñōn iben jemen, eo e ar kōmōn ñōn e ekar ñōn muri eo e ar muri kake: im e jañin jela eman. Im e ar juōn mōnit ilo Israel, 40 bwe ro nejin kōra nejin Israel, rar ilok yiō otem-jej, bwe ren kememej lio nejin Jepta dri Giliad, iomin emen ran ilo juōn yiō.

**12** Im ro dri Ipream rar kwelok-lok, im wanifalok; im <sup>2</sup>rar ba ñōn Jepta, Etke kwar elālok in tōrinaek ro nejin Amon, im kwar jab kirtok kim bwe kimin ilok ibōmlok? kim naj tile mweo imōm iom kin kijeek. 2 Im Jepta e ar ba ñōn ir, Ña im ro droō kim ar kanuij akwaile ro nejin Amon; im ke I ar kir kom, kom ar jab lomor iō jen peir. 3 Im ke I ar lo bwe kom ar jab lomor iō, I ar likit aō mour ilo peiō, im elālok nae ro nejin Amon, im Jeova e ar ketōk ir na ilo peiō: kin men in, etke kom an wōnliñtok nae iō ranin, bwe komin tōrinaek iō? 4 Inem Jepta e ar kweloktok man rōn otemjej dri Giliad, im rar tōrinaek Ipream; im ro dri Giliad rar mōn ro dri Ipream, im rar ba, Kom ar dri ko jen Ipream, komec dri Giliad, ilujen Ipream, im ilujen Menassa. 5 Im ro dri Giliad rar borōk kabātīt ko an Jordan mae ro dri Ipream. Im ke jabrewōt ian ro dri ko an Ipream e ar ba, In elāklok, ro dri Giliad re ba ñōn e, Kwe dri

Ipream ke? Elañe e ar ba, Jab; 6 inem rar ba ñōn e, Kiō kwon ba Shi-bolet; im e ar ba Sibolet; bwe e ban ba nan in ilo jime: inem rar jibwe im mōn e i kabātīt an Jordan. Im rar bero ien eo jen Ipream eñoul ruo tausān.

7 Im Jepta e ar ekajete Israel iomin jiljino yiō. Inem e mij Jepta dri Giliad, im rar kalibwin e ilo juōn ian jikin kwelok ko in Giliad.

8 Im elikin, Ibzan, jen Betleem, e ar ekajete Israel. 9 Im jilñoul nejin eman; im jilñoul nejin kōra e ar jilkinlok, im jilñoul nejin kōra e ar āñintok jen ijoko ñōn lōmaro nejin. Im e ar ekajete Israel iomin jiljilimjuōn yiō. 10 Im Ibzan e ar mij, im rar kalibwin e i Betleem.

11 Im elikin, Ilon, dri Zebulun, e ar ekajete Israel; im e ar ekajete Israel iomin joñoul yiō. 12 Im Ilon, dri Zebulun, e ar mij, im rar kalibwin e i Aijalon ilo enen Zebulun.

13 Im elikin, Abdon nejin Hillel, dri Piraton, e ar ekajete Israel. 14 Im eñoul nejin eman, im jilñoul jibwin man, ro rar uwe ion jiljilimjuōnñoul kon in ass: im e ar ekajete Israel iomin drualitōk yiō. 15 Im Abdon, nejin Hillel, dri Piraton, e ar mij, im rar kalibwin e i Piraton ilo enen Ipream, ilo ene utiej an ro dri Amelek.

**13** Im ro nejin Israel rar bar kōmōn nana iman mejen Jeova; inem Jeova e ar ketōk ir na ilo pein ro dri Pilistia iomin eñoul yiō.

2 Im juōn eman in Zora, jen nukin ro dri Dan, etan Manoa; im lio belen ewar im e ar jab neje. 3 Im <sup>1</sup>enjel ñōn Jeova e ar weaktok ñōn kōra eo, im ba ñōn e, Lo kiō, kwo war, im jab keutak; a kwo naj etta, im keutak neñōm man. 4 Inem kwon lale, ijka-jitōk ibōm, im jab irak wain ak dren e kajur, im kwon jab mōña jabrewōt men eo e jab erreo: 5 bwe, lo, kwo naj etta, im keutak neñōm man; im ejelok ken eāl en itok ion bōran; bwe ladrik eo e naj dri Nazirait ñōn Anij jen lojiōm: im e naj jino in lomoren



Israel jen pein ro òri Pilistia. 6 Inem kōra eo e ar iten kennanek leo belen, im ba, Juōn armij òn Anij e ar itok ñōn iba, im turin mejen einwōt turin mejen enjel òn Anij, e kanuij kami-jōk; im I ar jab kajitōk iben, ej jen ia, im e ar jab kwalok ñōn iō etan: 7 a e ar ba ñōn iō, Lo, kwo naj etta, im naj keutak nejōm man; im kiō kwon jab irak wain ak dren e kajur, im jab mōña jabrewōt men e jab erre-o; bwe ladrik eo e naj dri Nazirait ñōn Anij jen lojiōm ñōn ran eo e naj mij.

8 Inem Manoa e ar akwelap ñōn Jeova, im ba, O, Iroi, ij kajitōk ibōm, armij òn Anij Kwar jilkintok e en bar itok ñōn ibemro, im katakin kim ta eo kim naj kōmōn ñōn niñniñ eo e naj lotak. 9 Im Anij e ar eoroñ ainiken Manoa; im enjel eo an Anij e ar bar itok ñōn iben kōra eo, ke e ar jijōt ilo jikin kallip: a Manoa leo belen e joko iben. 10 Im kōra eo e ar kaiur e, im etōr, im kennanek leo belen, im ba ñōn e, Lo armij eo e ar weaktok ñōn iō, eo e ar itok ñōn iba jeman. 11 Im Manoa e ar jutōk, im lor lio belen, im itok ñōn iben armij eo, im e ar ba ñōn e, Kwe armij eo e ar konono iben liin ke? Im e ar ba, Ña e. 12 Im Manoa e ar ba, Inem nan ko am ren mol wōt: e naj kijkan lale niñniñ eo, im ta eo kim naj kōmōn ñōn e? 13 Im enjel òn Jeova e ar ba ñōn Manoa, Lio en lale men otemjej I ar ba ñōn e. 14 En jab mōña jabrewōt<sup>1</sup> eo mōtōn vain, im en jab irak wain ak dren e kajur, ak mōña jabrewōt men e jab erre-o; en kejbārok men otemjej I ar jiroñ e.

15 Im Manoa e ar ba ñōn<sup>2</sup> enjel òn Jeova, Ij kajitōk ibōm, kimin drebij yuk, bwe kimin kapoj juōn kon in got ñōn kwe. 16 Im enjel òn Jeova e ar ba ñōn Manoa, Meñe kwoj drebij iō, I jamin mōña jen bred eo am; im elañe kwo kōnan kapoj men in katok kijeek, kwon katok kake ñōn Jeova. Bwe Manoa e ar jaje bwe enjel òn Jeova. 17 Im Manoa e ar ba ñōn enjel òn Jeova,<sup>3</sup> Etōm, bwe ñe emwij

kajejit nan ko am kimin maroñ inkō-ñiajoik yuk? 18 Im enjel òn Jeova e ar ba ñōn e, Etke kwoj kajitōk eta, bwe ej men in bwilōñ? 19 Ein drein<sup>1</sup> Manoa e bōk kon in got eo im jurtak flauo, im katok kake ion dreka eo ñōn Jeova: im enjel eo e ar kōmōn men in bwilōñ; im Manoa im lio belen rar lale. 20 Bwe ke urur eo e ar wōnliñ-lok ñōn lōñ jen lokatok eo, enjel òn Jeova e ar wōnliñlok ilo urur an lokatok eo: im Manoa im lio belen rar lale, im rar buñbero ion brij.

21 A enjel òn Jeova e ar jab bar weaktok ñōn Manoa ak ñōn lio belen. Inem Manoa e jela bwe enjel òn Jeova. 22 Im Manoa e ar ba ñōn lio belen, <sup>2</sup>Emol jero naj mij, bwe jar lo Anij. 23 A lio e ar ba ñōn e, Elañe Jeova e kōnan mōn kijro, E jamin kar wut buruen kin men in katok kijeek im jurtak flauo jen peer, im E jamin kar kwalok ñōn kijro men kein otem-jej, ak ilo ien in kennanek kij men ko einwōt men kein. 24 Im kōra eo e ar keutak nej in eman, im naetan Samson: im ladrik eo e ar ridtolok, im Jeova e ar kejerammōn e. 25 Im Jitōb òn Jeova e ar jino in lete ilo Mehane-dan, ikōtan Zora im Eshteol.

**14** Im Samson e ar wōnlōllok ñōn Timna, im e ar lo juōn kōra i Timna ian ro nej in dri Pilistia. 2 Im e ar wōnliñtok, im kennanek jemen im jinen, im ba, I ar lo juōn kōra i Timna, ian ro nej in dri Pilistia: inem komin bōke ñōn iō beliō. 3 Inem jemen im jinen rar ba ñōn e, Ejelok juōn kōra iben ro nej in ro nukōm, ak iben armij otemjej mōtta, bwe kwoj ilen bōk lio beleōm jen ro dri Pilistia re jab mijmij ke? Im Samson e ar ba ñōn jemen, Kwon bōke ñōn iō, bwe e lijkin in iba. 4 A jemen im jinen rar jaje bwe men eo jen Jeova; bwe e ar kabukot men in akwail nae ro dri Pilistia. Ak ien eo ro dri Pilistia rar iroi ion Israel.

5 Inem Samson e ar wōnlōllok, kab jemen im jinen, ñōn Timna, im tō-bar bwil in grep ko an Timna, im lo, juōn laion jindrik e ar ñōr nae e.

<sup>1</sup> Bwin. 6. 4. <sup>2</sup> eon 3. <sup>3</sup> Jen. 32. 29.

<sup>2</sup> Jap. 6. 20, 21. <sup>3</sup> Jap. 6. 24.

6 Im Jitōb ōn Jeova e ar kanuij itok ion, im <sup>1</sup>e ar kekel e einwōt e naj kar kekel kon in got; im ejelok men ilo pein: a e ar jab kennanek jemen ak jinen ta eo e ar kōmōne. 7 Im e ar wōnlōllok im konono iben kōra eo; im e ar kabuñburuen Samson. 8 Im tokelik e ar jeblak bwe en bōke, im e ar jeōrlōk in aluij ubōn laion eo: im lo, bwijin bi rar ber iloan ubōn laion, kab hōnni. 9 Im e ar bōke na ilo pein, im bar etal, im e ar jotal; im e ar itok nōn iben jemen im jinen, im e ar lelok nōn irro, im rar mōña: a e ar jab kennanek irro bwe e ar bōk hōnni eo jen ubōn laion.

10 Im jemen e ar wōnlōllok nōn iben kōra eo: im Samson e ar kōmōn kwojkwoj ijo; bwe ein drein mōnit in likao ro. 11 Inem ke rar loe, rar āñintok jilñoul likao dri kōmao iben. 12 Im Samson e ar ba, In kwalok juōn lūñña nōn kom: elañe kom maroñ in kemeleleik e nōn iō iomin ran ko jiljilimjuōn an kwojkwoj eo, im jela kake, inem I naj lewoj jilñoul nuknuk linen, im jilñoul lekōn nuknuk; 13 a elañe kom ban kemeleleik e nōn iō, inem kom naj letok jilñoul nuknuk linen im jilñoul lekōn nuknuk. Im rar ba nōn e, Kwon kwalok lūññōm bwe kimin roñjake. 14 Im e ar ba nōn ir, Jen eo dri mōña e ar walok ekōn, im jen eo e kajur e ar walok tōñōl. Im iomin jilu ran rar ban kemeleleik lūñña eo.

15 Im ilo ran eo ken ka jiljilimjuōn, rar ba nōn lio belen Samson, Kwon mone leo, bwe en kemeleleik lūñña eo, ñe kim ab tile yuk im imōn jemōm kin kijeek: kom ar kirtok kim bwe kimin kejeramel kim ke? e jab ein drein ke? 16 Im lio belen Samson e ar jōñ iturin, im ba, Kwoj drike iō, im jab yokwe iō: kwar kwalok juōn lūññōm nōn ro nejin armij ro aō, im kwar jab kemeleleik e nōn iō. Im e ar ba nōn e, I jañin kennanek jema ak jinō, im etke in kennanek yuk? 17 Im e ar jōñ iman iomin ran ko jiljilimjuōn, ien kwojkwoj eo: inem ilo ran eo ken ka jiljilimjuōn, e ar

kennanek e, kin an akwelap wōt nōn e; im lio e ar kemeleleik lūñña eo nōn armij ro mōtōn. 18 Im man ro an jikin kwelok eo rar ba nōn e ilo ran eo ken ka jiljilimjuōn mokta jen an tulok al, Eor ta e tōñōl jen hōnni? ak eor ta e kajur jen laion? Im e ar ba nōn ir, Elañe kom ar jab tōblōl kin kau kokōra eo aō, kom jamin kar jela lūñña. 19 Im Jitōb ōn Jeova e ar kanuij itok ion, im e ar wōnlōllok nōn Ashkilon, im mōn jilñoul man ro, im bōk air nuknuk, im lelok nuknuk ko air nōn ro rar kwalok lūñña eo. Im e bwil illu eo an, im e ar wōnliñlok nōn mweo imōn jemen. 20 A rar lelok lio belen Samson, nōn leo e kar jeran.

15 A elikin men kein, ilo ien marmir wit, Samson e ar lolok lio belen, im juōn kon in got iben; im e ar ba, I naj dreloñ nōn iben lio beliō ilo rum eo. A jemen lio e ar bōprae an dreloñ. 2 Im jemen lio e ar ba, Emol I ar lemnok kwar kanuij drike lio; kin men in I ar lelok e nōn leo jerōm; lio jatin e jab dreo jen e ke? kwon bōk e, ij akwelap nōn yuk, bwe en binej jenkwōn lio juōn. 3 Im Samson e ar ba nōn ir, Ien in e naj ejelok ruō kin ro dri Pilistia, ñe ij kōmōn nana nōn ir. 4 Im Samson e ar ilen jibwe jilu buki jakol, im e ar bōk kual ko, im ukotlok lok nōn lok, im likit juōn kual ikōtan ruo lok. 5 Im ke emwij an tili kual ko, e ar kōtlok ir na ilo korn e jañin marmir an ro dri Pilistia, im e ar tile tir in korn ko, kab korn e jutōk wōt, im bareinwōt bwil in oliv ko. 6 Inem ro dri Pilistia re ba, Wōn e ar kōmōn men in? Im re ba, Samson, belen lio nejin dri Timna, kin ke e ar bōk lio belen, im lelok e nōn leo jeran. Inem ro dri Pilistia rar wōnliñtok im <sup>1</sup>tile lio im jemen kin kijeek. 7 Im Samson e ar ba nōn ir, Elañe kom kōmōn einwōt, emol I naj irenwōne kake kom, im tokelik I naj ikōñ. 8 Im e ar mōn ir otem mōn ir kin kokkure elap: im e ar wōnlōllok im jokwe ilo roñ in dreka in Itam.

9 Im ro dri Pilistia rar wōnliflōk im kajur air kamp ilo Juda im berijōke i Lihai. 10 Im ro dri Juda rar ba, Etke komij wōnliflōk nae kim? im rar ba, Bwe kimin liabe Samson kim ar wōnliflōk, im kōmōn nōn e einwōt e ar kōmōn nōn kim. 11 Im jilu tausan dri Juda rar wōnlōllok nōn roñ in dreka eo i Itam, im ba nōn Samson, Kwo jab jela ke bwe ro dri Pilistia rej iroi jior? inem ta men in kwar kōmōn nōn kim? Im e ar ba nōn ir, Einwōt air kōmōn nōn iō, ein drein I ar kōmōn nōn ir. 12 Im rar ba nōn e, Kim ar wōnlōltok in liabe yuk bwe kimin ketōk yuk na ilo pein ro dri Pilistia. Im Samson e ar ba nōn ir, Komin kanōjni nōn iō, bwe komin jab mōke buñōt iō. 13 Im rar konono nōn e, im ba, Jab; a kim naj liabe yuk, im lelok yuk na ilo peir: a kim jamin mōn yuk. Im rar liabe kin ruo to rekāl, im bōkliñtok e jen roñ eo.

14 Im ke e ar tōbar Lihai, ro dri Pilistia rar roloke ke rar wōnmae e: im <sup>1</sup>Jitōb ōn Jeova e ar itok ion kin kajur, im to ko ion pein rar erom einwōt flax emwij tile ilo kijeek, im men ko lukjen rar wutlok jen pein. 15 Im e ar lo juōn atlōl in ass, im e ar kōtellok pein, im bōke, im e ar mōn juōn tausan armij kake. 16 Im Samson e ar ba, Kin atlōl in ass, juōn melobā, ruo melobā, kin atlōl in ass I ar mōn juōn tausan armij. 17 Im ke emwij an konono, e ar jolok atlōl eo jen pein; im rar naetan jikin eo Bemat-lihai. 18 Im e kanuij maro, im e ar kir nōn Jeova im ba, Kwar letok kōtlōk in elap kin pein dri korijerōm; im kiō in mij kin maro ke, im buñ na ilo pein ro re jab mijmij? 19 A Anij e ar rupe roñ eo i Lihai, im dren e ar walok jen e; im ke emwij an irak, e kajurlok, im e mour: kin men in rar naetan jikin eo En-hakore, eo i Lihai, nōn ranin. 20 Im e ar ekajete Israel ilo ran ko an ro dri Pilistia, iomin roñoul yiō.

**16** Im Samson e ar ilok nōn Geza, im lo ijo juōn kōra ekijoñ, im

ilok nōn iben. 2 Im rar kennanek ro dri Geza, im ba, E mottok Samson. Im rar kabol e, im kebao aolepen boñ ilo kejem in jikin kwelok eo, rej tōt aolepen boñ, im re ba, En berwōt nōn jiboñ, inem je naj mōn e. 3 Im Samson e ar babu mae lukwōn boñ, im ej jerkak ilukwon boñ, im kapjere aur ko in kejem in jikin kwelok eo, im jur ko iturin, im kōtepi, alal im aolep, im likiti i aieran, im bōkliñlok nōn jabōn tol eo iman Hibron.

4 Im tokelik e ar yokwe juōn kōra ilo komlōl in Sorek, etan Dilaila. 5 Im iroi j ro an dri Pilistia rar itok nōn iben lio, im ba nōn e, <sup>1</sup>Kwon mone, im bukot ta unin an kanuij kajur, im kin ta kimin maroñ in bōk anjo ion, bwe kimin lukwoj e, im kaiñtan e: im kim naj lewoj, kaju iam, juōn tausan jibuki mōtōn silver. 6 Im Dilaila e ar ba nōn Samson, Kwon kennanek iō, ij akwelap nōn yuk, ta unin am kanuij kajur, im ekijkan ren maroñ in lukwoj yuk in kaiñtan yuk. 7 Im Samson e ar ba nōn e, Elañe rej lukwoj iō kin jiljilimjuōn ājib re morur, inem I naj mōjino, im einwōt bar juōn armij. 8 Im iroi j ro an dri Pilistia rar bōkliñtok nōn iben lio jiljilimjuōn ājib re jañin mōra, im lio e ar lukwoj e kake. 9 A iben lio, ro dri kebao ilo rum eo ilukwon mweo. Im e ar ba nōn e, dri Pilistia ro rōn, Samson. Im e ar mijkōki ājib ko einwōt ekwol flax ke ej uñir kijeek. Ein drein re jaje kake an kajur.

10 Im Dilaila e ar ba nōn Samson, Lo, kwar kajirere kake iō, im riōp nōn iō: inem kwon kennanek iō, ij akwelap nōn yuk, ekijkan re maroñ in liabe yuk. 11 Im e ar ba nōn e, Elañe rej liabe iō kin to ko re jañin jerbal kake, inem I naj mōjino, im einwōt bar juōn armij. 12 Ein drein Dilaila e ar bōk to ko rekāl, im liabe e kake, im ba nōn e, Dri Pilistia ro rōn, Samson. Im ro dri kebao rar ber ilo rum eo ilukwon mweo. Im e ar mijkōki jen pein einwōt tred.

13 Im Dilaila e ar ba nōn Samson.

ñōn ien in kwar kajirere kake iō, im kennanek iō nan in riōp ko : kwon kennanek iō ekijkan re maroñ in liabe yuk. Im e ar ba ñōn e, Elañe kwoj ej atōlen jiljilimjuōn in bōra ilo men in ej. 14 Im e ar kabine kin drumij eo, im ba ñōn e, Dri Pilistia ro rōn, Samson. Im e ar ruj jen an kiki, im e ar kōtep drumij im alal eo, im iren ej ko.

15 Imem lio e ar ba ñōn e, Ekijkan am maroñ in ba, Ij yokwe yuk, ke buruōm e jab iba? kwar kajirere kake iō alen kein jilu, im kwo jañin kennanek iō ta eo unin am kanuij kajur. 16 A ke lio ej eljinmine an in nan ran otemjej, im akwelap ñōn e, an e kanuij kiril im kijelok. 17 Im e ar wujlepe buruen ñōn e, im ba, Ejelok ken eāl e ar itok ion bōra; bwe ña<sup>1</sup> dri Nazirait ñōn Anij jen lojen jinō: elañe rej mijbar iō inem aō kajur e naj ilok jen ña, im I naj mōjino, einwōt jabrewōt bar armij.

18 Im ke Dilaila e ar kili bwe e ar wujlepe buruen ñōn e, e ar jilkinlok im kirtok iroi ro an dri Pilistia, im ba, Komin wōnliñtok ien in wōt, bwe e ar kwalok ñōn iō aolepen buruen. Inem iroi ro an dri Pilistia rar wōnliñtok ñōn iben, im bōktok mōnni ilo peir. 19 Im e ar kakiki e ion buken; im e ar kirtok juōn eman, im eāl jiljilimjuōn atōlen bōran; im e ar jino kañitan e, im kajur eo an e ar ilok jen e. 20 Im e ar ba, Dri Pilistia ro rōn, Samson. Im e ar ruj jen an kiki, im e ba, I naj driojlok einwōt ien ko jet, im mōke kamakōtkit iō im mejōl. A e jab jela bwe emwij an Jeova ilok jen e. 21 Im ro dri Pilistia rar jibwe, im itiki mejen; im rar añinlōllok e ñōn Geza, im liabe kin to jinibōrōrō; im e ar irir ñōn ir iloaan prison. 22 Mekarta, kolan bōran e ar jino in edrek elikin air mijbar e.

23 Im iroi ro an ro dri Pilistia rar kweloklok in lelok men in katok elap ñōn<sup>2</sup> Degon air anij, im bwe ren lōñliñ; bwe re ba, Ar anij e ar ketōk Samson dri kijirāte kij na ilo peer. 24 Im ke armij ro rar loe, rej nebar

air anij; im re ba, Ar anij e ar ketōk na ilo peer dri kijirāte kij, im dri kokkure ailiñ in ar, eo e ar mōn elōñ iar. 25 Im ke burueir rar mōnōnō, rar ba, Komin kirtok Samson, bwe en kure ñōn kij. Im rar kirtok Samson jen imōn prisōn eo; im e ar kure imair. Im rar likite ikōtan jur dreka ko: 26 im Samson e ar ba ñōn ladrik eoe ar kapjere pein, Kwon kōtlōk iō bwe in tolume jur ko, loñtōn mwin, bwe in atartar ie. 27 A mwec e ar obrōk kin man im kōra; im iroi ro otemjej an dri Pilistia rar ber ijo; im e nañin jilu tausan man im kōra rar ber ion kejenwan, ro rar aluij ke Samson e ar kure.

28 Im Samson e ar<sup>1</sup> kir ñōn Jeova, im ba, O Jeova Anij, kwon kememej iō, ij akwelap ñōn Yuk, im kakajur iō, ij akwelap ñōn Yuk, alen in wōt, O Anij, bwe in irenwōne ñōn ro dri Pilistia kiō kiō kin meja. 29 Im Samson e ar kapjere jur ko ruo iolap, loñtōn mweo, im ej atartar ibeir, juōn kin anbijmaroñōn, im eo juōn kin anmiñin. 30 Im Samson e ba, In mij iben ro dri Pilistia. Inem e ar kōnkōn kin aolepen an maroñ; im mweo e ar buñōt iroi ro, im armij otemjej rar ber iloaan. Ein drein ro remij ej mōn ir ilo an mij, relōñ jen ro otemjej e kar mōn ir ilo an mour. 31 Inem ro jein im jātin, im aolepen nukin jemen, rar wōnlōltok, im kapjere, im bōkliñtok e, im kalibwin e ikōtan Zora im Eshteol, ilo wuliej eo an Manoa, jemen. Im e ar ekajete Israel iomin roñoul yiō.

17 Juōn eman e ar ber ilo ene utiej an Ipream, etan Maika. 2 Im e ar ba ñōn jinen, Joñoul juōn buki mōtōn silver ko rar bōk jen yuk, im kwar kanōjni kake, im kwar konono kake i lojiñiō, lo, silver en iba; I ar bōke. Im jinen e ar ba, Kwo mōnōnō nejiō jen Jeova. 3 Im e ar ka jeblak mōtōn silver ko joñoul juōn buki ñōn iben jinen; im jinen e ar ba, Emol ij aje silver eo ñōn Jeova jen peiō, bwe nejiō en<sup>2</sup> kōmōn jen e mer in e jekjek, im men in e unlok: inem

<sup>1</sup> Bwin. 6. 5. <sup>2</sup> 1 Sam. 5. 2.

<sup>1</sup> Jap. 15. 18. <sup>2</sup> Ex. 20. 4.

kiō I naj kajeblak e ñōn kwe. 4 Im ke e ar lelok mōnni eo ñōn jinen, jinen e ar bōk rubuki mōtōn silver, im lelok ñōn dri jerbale silver, im e ar kōmōn jen e, juōn men in e jekjek, im juōn men in e unlok: im e ar ber ilo mweo imōn Maika. 5 Im iben Maika juōn imōn anij rōn, im e ar kōmōn juōn epod im ekjōp ko, im aje juōn ian lomaro nejin bwe en an pris. 6 Ilo ran ko, ejelok kiñ ilo Israel: jabrewōt armij e ar kōmōn men eo emōn ilo mejen.

7 Juōn likao jen Betleem-juda, jen nukin Juda, dri Livai; im e ar ber ijo. 8 Im leo e ar ilok jen jikin kwelok eo, jen Betleem-juda, im e ar lowōrkak; im e ar itok ñōn ene utiej an Ipream ñōn imōn Maika, ke ej etetal. 9 Im Maika e ar ba ñōn e, Kwoj itok jen ia? Im e ar ba ñōn e, Ña dri Livai jen Betleem-juda, im ij ilen ber ijo jabrewōt ij lo jikiō. 10 Im Maika e ar ba ñōn e, Kwon ber iba, im kwon jema, im pris, im I naj lewoj joñoul mōtōn silver ilo juōn yiō, im juōn lekōn nuknuk ko, im kijōm. Ein drein dri Livai eo e ar dreloñlok. 11 Im dri Livai eo e ar jokōne in ber iben leo; im likao ej ñōn e einwōt juōn ian ro nejin. 12 Im Maika e ar aje dri Livai eo, im likao eo e kar pris eo an, im ber ilo imōn Maika. 13 Inem Maika e ar ba, Kiō I jela bwe Jeova e naj kejerammōn iō, bwe juōn dri Livai iba aō pris.

**18** <sup>1</sup>Ilo ran ko ejelok kiñ ilo Israel: im ilo ran ko bwijin dri Dan rar kabukot air jolit bwe ren jokwe ie; bwe mae ran eo air jolit e ar jab alikar ñōn ir iben ro bwijin Israel. 2 Im ro nejin Dan rar jilkinlok jen nukir lailim eman, man ro re beran, jen Zora im jen Eshteol, bwe ren wat eneo, im lale ie ein; im rar ba ñōn ir, Komin ilok im wat eneo. Im rar itok ñōn ene utiej an Ipream, ñōn mweo imōn Maika, im jiboñōn ijo. 3 Im ke rar ber iturin imōn Maika, rar kili ainiken likao eo dri Livai; im rar jeōrlōk ñōn e, im ba ñōn e, Wōn e ar āñintok yuk ñōn ijin?

im kwoj it ijin? im kwoj wōjikōt ijin? 4 Im e ar ba ñōn ir, Ein drein an Maika kōmōn ñōn iō, im e ar kajerbal iō, im ña pris eo an. 5 Inem rar ba ñōn e, Kwon kajitōk bebe jen Anij, kim akwelap ñōn yuk, bwe kimin jela elañe ial eo am e naj jerammōn. 6 Im pris eo e ar ba ñōn ir, Komin ilok ilo ainemōn: ami ial ej iman Jeova.

7 Inem lōmaro lailim rar ilok, im itok ñōn Leish, im lo armij ro ie, ekijkan rar jokwe im jab uota, einwōt ro dri Saidon, rej tōt im jakilkil; bwe ejelok iroi j ilo eneo, eo e maroñ in kajok ir ilo jabrewōt, im rar etolok jen ro dri Saidon, im re jab kōmao iben jabrewōt armij. 8 Im rar itok ñōn iben ro jeir im jātir i Zora im Eshteol: im ro jeir im jātir rar ba ñōn ir, Ej iami? 9 Im rar ba, Komin jutōk, im jen wōnliñlok mae ir; bwe kim ar lale eneo, im lo, e kanuij emōn: im kom berwōt ke? komin jab ituelok in dreloñlok im bōk eneo. 10 Ñe komij ilok, kom naj lo jet armij re jakilkil, im elap eneo; bwe Anij e ar lewoj na ilo peōmi, jikin ijo re jab aikwij jabrewōt men ej ilo lōl.

11 Im rar etal jen ijo ian ro nukin Dan, jen Zora im jen Eshteol, jiljino buki man im re pojōk ñōn tōrinae. 12 Im rar wōnliñlok im kajur air kamp i Kiriati-jerim, i Juda: kin men in rar naetan jikin eo Mehane-dan ñōn ranin; lo, ej ilikin Kiriati-jerim. 13 Im rar etal jen ijo ñōn ene utiej in Ipream, im itok ñōn mweo imōn Maika.

14 Inem lōmaro lailim ro re kar ilen wate enin Leish, rar uak im ba ñōn ro jeir im jātir, Kom jela ke ilo mōkein juōn epod, im ekjōp ko, im men in e jekjek, im men in e unlok? kin men in komin bebe kin men eo komin kōmōne. 15 Im rar jeōrlōk ñōn ijo, im ilok ñōn mweo imōn likao eo dri Livai, ñōn imōn Maika, im kajitōk kin an mour. 16 Im man ro jiljino buki re pojōk ñōn tōrinae, ro nejin Dan, rar jutōk iman kejem eo. 17 Im lōmaro lailim ro kar ilen wat eneo, rar wōnliñlok, im dreloñ ijo, im bōk men in e jekjek, im epod eo, im ekjōp ko, im



men in e unlok eo: im pris eo e ar jutōk ilo kejem eo iben dri tōrinae ro jiljino buki. 18 Im ke rein rar dreloñ illoan imōn Maika, im bōktok men in e jekjek, epod eo, im ekjōp ko, im men in e unlok, pris eo e ar ba ñōn ir, Komij it? 19 Im rar ba ñōn e, Kwon ikōñ, kwon binej loñōm kin peōm, im ilok ibemlok, im kwon jemem im am pris: emōnlōk ke am pris ñōn imōn juōn armij, ak pris ñōn juōn bwij im nukin ilo Israel? 20 Im buruen pris eo e mōnōnō, im e ar bōk epod eo, im ekjōp ko, im men in e jekjek, im ilok i bwiljin armij ro.

21 Ein drein rar jeōr im ilok, im likit ajiri im kiru ko air im mweiluk ko mweir imair. 22 Ke rej etolok jen mweo imōn Maika, armij ro rar ber ilo moko rebak ñōn imōn Maika, rar kweloklok, im rar tōbar ro nejin Dan. 23 Im rar kir ñōn ro nejin Dan. Im rar reilok, im ba ñōn Maika, Kwo baj it, ke kwoj itok iben juōn jar einwōt? 24 Im e ar ba, Kom ar bōklok<sup>1</sup> anij ko aō I ar kōmōnmōni, im pris eo, im kom ar ilok, ak eor bar ta iba? inem ekijkan ami ba ñōn iō, Kwo baj it? 25 Im ro nejin Dan rar ba ñōn e, Ren jab roñjake ainikōm ibem, ñe ab ro dri illu ren buñ iom, im e joko am mour, im mour an ro nukum. 26 Im ro nejin Dan rar etal wōt: im ke Maika e ar lo bwe re kajur jen e, e ar oktōk im jeblak ñōn mweo imōn.

27 Im rar bōk men ko Maika e ar kōmōnmōni, im pris eo e kar iben, im itok ñōn Leish, ñōn armij ro re tōt im jākilkil, im rar mōn ir kin mejen jāji; im rar kalok jikin eo. 28 Im ejelok dri lomor ir, bwe etolok jen Saidon, im rar jab kōmao iben jabrewōt armij; im e ar ber ilo komlōl eo iturin Bet-rihob. Im rar kalek jikin kwelok eo im jokwe illoan. 29 Im rar naetan jikin kwelok eo Dan, einwōt etan Dan jemeir, eo E ar lotak ñōn Israel: ijoke, etan jikin kwelok eo mokta Leish. 30 Im ro nejin Dan rar kajutōk ñōn ir men in e jekjek eo; im Jonetan, nejin Gershon, nejin Moses, e im ro nejin rar pris ñōn bwi-

jin dri Dan, mae ran in jebokwe an eneo. 31 Ein drein rar kajutōk men in e jekjek an Maika, eo e ar kōmōnmōne, iomin aolepen ien an imōn Anij ber i Shailo.

**19** Im ilo ran ko, ke ejelok kiñ ilo Israel, juōn dri Livai e ar ito-itōk ilo ene utiej in Ipreim, ijo etolok, im e ar bōk ñōn iben, juōn kōra konkubain, jen Betleem-juda. 2 Im lio e ar lūñ nae leo, im illok jen e ñōn mweo imōn jemen i Betleem-juda, im ber ijo iomin emen aliñ. 3 Im leo e ar jutōk, im lore, bwe en kainemōn e, im kajeblaktok e, im leo korijeran iben, kab ruo ass: im lio e ar kadreloñ e na illoan imōn jemen; im ke jemen kōra eo e ar loe, e mōnōnō in wōnmae e. 4 Im jemen lio e ar drebij e; inem e ar jokwe iben iomin jilu ran: ein drein rar mōña im irak im jiboñōn ie. 5 Im ilo ran eo ken kemen, rar jerkak ke ejiboñ wōt, im e ar jutōk in etal: im jemen lio e ar ba ñōn leo, Kwon kabije mokta kin mōtōn bred, inem tokelik kom naj ilok ilo ami ial. 6 Inem rar jijōt, im irro mōña im irak, im leo jemen lio e ar ba ñōn leo, Kwon jokōne, ij akwelap ñōn yuk, im berwōt aolepen boñ, im buruōm en mōnōnō. 7 A leo e ar jutōk in ilok; a jemen lio e ar akwelap ñōn e, im e ar bar jiboñōn ie. 8 Im e ar jerkak ke ejiboñ wōt ilo ran eo ken ka lailim bwe en ilok; im jemen lio e ar ba, Kwon kabije, ij akwelap ñōn yuk, mae ien an jebel al; im irro mōña. 9 Im ke leo e ar jutōk in ilok, im lio konkubain eo, im dri korijeran, jemen lio e ar ba ñōn e, Lo, e nañin boñ, ij akwelap bwe kwon berwōt aolepen boñ: lo, e nañin jemlok ranin, kwon jiboñōn ijin, bwe buruōm en mōnōnō; im ilju en jiboñ wōt am etal, bwe kwon ilok ñōn kabijuknōm.

10 A leo e abwin berwōt boñin eo, a e ar jutōk im ilok, im e ar itok ñōn ikijen Jibus, (eo Jerusalem): im ruo ass iben eor eran jijōt ioir; bareinwōt lio konkubain e ar ber iben. 11 Ke rar ber iturin Jibus, e nañin tulok al; im leo korijeran e ar ba ñōn karo eo, Kwon itok, ij akwelap, im jen jeōrlōk

ñõn jikin kwelok in an ro dri Jibus, im jiboñõn ie. 12 Im karo eo an e ar ba ñõn e, Jen jab jeõrløk ñõn jikin kwelok an drua maijet, eo e jab ian ro nejin Israel; a je naj jibareklok Gibia. 13 Im e ar ba ñõn leo korijeran, jen jibareklok juõn ian jikin kein; im jen jiboñõn i Gibia, ak i Rema. 14 Ein drein rar kijone im etal wõt; im e ar tulok al ir ke rar ebake Gibia, eo an Benjamin. 15 Im rar jeõrløk ñõn ijo bwe ren dreloñ im jiboñõn i Gibia: im e ar dreloñlok im jijõt ilo ial an jikin kwelok eo; bwe ejelok armij e ar kadreloñ irjil iloan mweo imõn bwe ren jiboñõn.

16 Im lo, juõn lõlap e ar itok jen an jermal ilo jikin kallip, ke ejota: ak leo jen ene utiej an Ipreim, im e ar itoitõk ilo Gibia; a ro dri jikin kwelok eo dri Benjamin. 17 Im e ar bõk mejen, im lo dri etetal eo ilo ial in jikin kwelok eo; im lõlap eo e ar ba, Kwoj ilok ñõn ia? im kwoj itok jen ia? 18 Im e ar ba ñõn e, Kimjil etal jen Betleem-juda ñõn ene jabueo e utiej in Ipreim; ña dri ijo, im I ar ilok ñõn Betleem-juda: im kiõ ij etal ñõn mweo imõn Jeova; im ejelok armij ej kadreloñ iõ iloan mweo imõn. 19 Ijoke, eor kãn im ekõn kijen ass ko am; im eor bred im wain bareinwõt kijimjil: ejelok am aikwij. 20 Im lõlap eo e ar ba, Kwon ainemõn; ijoke, am aikwij otemjej ren ber iõ; men in wõt, kwon jab jiboñõn ilo ial. 21 Ein drein e ar kadreloñ e na iloan mweo imõn, im lelok ñõn ass ko kijeir; im rar katutu neir, im rar mõña im irak.

22 Ke rej kainemõn burueir lo, dri jikin kwelok eo, jet dri bwibwi, rar kabol mweo, im kalõlõl aureo; im rar konono ñõn iroi in mweo, lõlap eo, im ba, Kwon kadrioiytok leo e ar dreloñ na ilo mwin imõm, bwe kimin jela e. 23 Im leo, iroi in mweo, e ar drioiytok ñõn ibeir, im ba ñõn ir, Jab, ro jeiõ im jãtiõ, ij akwelap, en jab ein drein ami kãmõn nana; ke leo e ar dreloñtok ilo mwin imõ, komin jab kãmõn men in bwebwe in. 24 Lo, ijin nejiõ jiroñ, im lio belen lein, I naj

kadrioiytok irro kiõ, im komin kananak ir, im kãmõn ñõn ireinwõt emõn ibemi: a ñõn leo, armij in, komin jab kãmõn jabrewõt men in bwebwe einwõt. 25 A armij ro re abwin eoroñ e: ein drein leo e ar jibwe lio konkubain eo an, im kadrioiytok e ñõn ibeir; im rar jela e, im kokkure iomin aolepen boñ eo, mae jiboñ: im ke e jimarok rar kõtlok e. 26 Inem lio e ar itok ke e rantak, im buñlok i kejem in mweo imõn, ijo iroi in eo an e ar ber ie, mae ien e maram.

27 Im iroi in eo an e ar jerkak ke ejiboñ, im kabellok aur ko in mweo, im drioiytok in etal; im lo, lio konkubain eo an e ar buñbero iturin aur in mweo, im pein ion biten kejem. 28 Im leo e ar ba ñõn e, Kwon jerkak, jen etal; a ejelok an uak. Inem e ar ektõk e ion ass eo; im leo e ar jutõk im jeblak ñõn jikin. 29 Im ke e ar dreloñ na ilo mweo imõn, e ar bõk juõn bõkbõk, im kapjere lio konkubain eo, im kajibloklok e ilo joñoul ruo mõtõn, im jilkinlok ilujen ene otemjej an Israel. 30 Im ein drein, ro otemjej rar loe, rar ba, Ejelok en e ar kãmõn ak lo einwõt in, jen ien eo dri Israel rar drioiytok jen Ijpt ñõn ranin: komin kalomõnlokjen, im bebe iben dron, inem konono.

**20** Inem ro nejin Israel otemjej rar drioiytok, im jar eo rar kweloklok einwõt juõn armij, jen Dan ñõn Bier-shiba, im jen enen Giliad, ñõn Jeova i Mizpa. 2 Im iroi in aolepen armij rõn, aet, ro jen bwij ko otemjej an Israel, rar mõke kwalok ir ilo jar in ro dron Anij, åbuki tausand dri etetal rar nure jãji. 3 (Ak ro nejin Benjamin rar roñjake kin an ro nejin Israel wõnliñlok ñõn Mizpa.) Im ro nejin Israel rar ba, Kwon kenanek kim, ekijkan e ar walok nana in? 4 Im dri Livai eo, belen kõra eo rar urõte, e ar uak im ba, I ar dreloñ i Gibia, eo an Benjamin, ña im lio konkubain eo, bwe kimin jiboñõn ie. 5 Im man ro dri Gibia rar jutõk nae iõ, im kabol mweo ilo boñ; rar kõnan mõn iõ, im konkubain eo aõ rar kokkure, im e mij. 6 Im I ar bõk lio, im

bukwe ilo mōtōn ko, im jilkinlok ilujen aolepen enin jolit an Israel; bwe rar kōmōn lūn im men in bwebwe ilo Israel. 7 Lo, komeo ro nejin Israel, kom otemjej komin kwalok ijin aminan in bebe.

8 Im armij otemjej rar jutōk einwōt juōn armij, im ba, Kim jamin ilok, jabrewōt iam, nōn im nuknuk eo an, im kim jamin jeblak nōn moko imwem. 9 A men in men eo kim naj kōmōn nōn Gibia: kim naj wōnliñlok nae e, kin kakōle ko; 10 im kim naj kejenolok joñoul eman jen jibuki, ilo bwij ko otemjej an Israel, im jibuki jen juōn tausan, im juōn tausan jen joñoul tausan, bwe ren bōktok kijan armij ro, bwe ren maroñ kōmōn, ñe rej itok nōn Gibia in Benjamin, ekar nōn aolepen bwebwe eo rar kōmōn ilo Israel. 11 Ein drein man ro otemjej an dri Israel rar kweloklok nae jikin eo, im emwij kobaik ir nōn dron einwōt juōn armij.

12 Im bwij ko an Israel rar jilkinlok armij ro ilujen aolepen bwijin Benjamin, im ba, Ta nana in e ar walok iolapemi? 13 Inem komin letok armij ro, ro dri bwibwi, rej ber ilo Gibia, bwe kimin mōn ir, im jolok nana jen Israel. A ro dri Benjamin rar abwin eoroñ ainiken ro jeir im jātir, ro nejin Israel. 14 Im ro nejin Benjamin rar kweloktok jen jikin kwelok ko nōn Gibia, bwe ren ilen tōrinaek ro nejin Israel. 15 Im emwij bwini ro nejin Benjamin ran eo jen jikin kwelok ko, roñoul jiljino tausan man ro rar nure jāji, eor jen ro dri Gibia im emwij bwini ir, jiljilimjuōn buki man ro emwij kālet ir. 16 Ian armij rein otemjej jiljilimjuōn buki ro emwij kālet ir, dri anmiñ; im jabrewōt iair e maroñ in bwot kin dreka, re wālel wōt im ejelok ilok.

17 Im man ro nejin Israel, eor jen Benjamin, emwij bwini ir ābuki tausan man rar nure jāji: rein otemjej dri tōrinae. 18 Im ro nejin Israel rar jutōk, im wōnliñlok nōn Betel, im kajitōk bebe iben Anij; im rar ba, Wōn e naj wōnliñlok mokta in tōri-

naek ro nejin Benjamin? Im Jeova e ar ba, Juda en wōnliñlok mokta.

19 Im ro nejin Israel rar jerkak ke ejiboñ, im kajur air kamp mae Gibia. 20 Im ro dri Israel rar ilen tōrinaek Benjamin; im ro dri Israel rar kalejar nae ir i Gibia. 21 Im ro nejin Benjamin rar drioiytok jen Gibia, im mōn ir nōn bero, ian ro nejin Israel ran eo, roñoul ruo tausan armij. 22 Im armij ro, man in Israel, rar rojōñ dron, im kalejar ijo rar kalejar ie ran eo mokta. 23 Im ro nejin Israel rar wōnliñlok im jōñ iman Jeova nōn jota; im rar kajitōk iben Jeova, im ba, In bar druaklok in tōrinaek ro nejin Benjamin jātiō ke? Im Jeova e ar ba, Kwon wōnliñlok nae e.

24 Im ro nejin Israel rar kebaklok nae ro nejin Benjamin ran eo ken ka ruo. 25 Im Benjamin e ar drioiytok nae ir jen Gibia ran eo ken ka ruo, im bar mōn ir nōn bero, ian ro nejin Israel, joñoul drualitōk tausan armij; rein otemjej rar nure jāji. 26 Inem ro nejin Israel otemjej, im armij otemjej, rar wōnliñlok, im itok nōn Betel, im jōñ, im jijōt ie iman Jeova, im jitolok ran eo mae jota; im rar katōk kin men in katok kijeek im men in katok ainemōn iman Jeova. 27 Im ro nejin Israel rar kajitōk iben Jeova (bwe dipdip in kalimur an Jeova e ar ber ie ilo ran ko, 28 im Pinehas, nejin Iliezar nejin Aron, e ar jutōk iman ilo ran ko), im ba, In bar drioiytok nae ro nejin Benjamin jātiō ke jab ke? Inem Jeova e ar ba, Kwon wōnliñlok; bwe ilju I naj lelok e na ilo peōm.

29 Im Israel e ar likit ro dri kebak nae Gibia ijoko. 30 Im ro nejin Israel rar wōnliñlok nae ro nejin Benjamin ran eo ken ka jilu, im kalejar nae Gibia, einwōt ien ko jet. 31 Im ro nejin Benjamin rar drioiytok nae armij ro, im rar lijmandrikrik im kal ir etolok jen jikin kwelok eo; im rar jino mōn im kajeeklok jet ian armij ro, einwōt ien ko jet, ilo ial ko relap, juōn iair nōn Betel, im eo juōn nōn Gibia, ilo melaj, e nañin jilñoul man ian ro dri Israel. 32 Im ro ne-

jen Benjamin rar ba, Je bar anjo ioir einwõt mokta. A ro nejin Israel rar ba, Jen lijmandrikrik im kal ir jen jikin kwelok eo ilo ial ko. 33 Inem ro dri Israel otemjej rar walok jen jikir, im kalejar i Beal-temar: im ro dri kebao ian dri Israel rar ibwep jen jikir, aet, jen Mere-giba. 34 Im rar itok nae Gibia joñoul tausan armij ro emwij kâlet ir jen aolepen Israel, im tōrinae eo e bin; a re jaje bwe nana e kanuij ebaktok ñōn ir. 35 Im Jeova e ar mōn Benjamin iman Israel; im ro nejin Israel rar kokkure jen Benjamin ran eo, roñoul lailim tausan jibuki armij: rein otemjej rar nure jâji.

36 Ein drein ro nejin Benjamin rar lo bwe re joko; bwe man ro in Israel rar najikin Benjamin, kin air liki dri kebao ro rar likit ir nae Gibia. 37 Im ro dri kebao rar kaiur ir, im ibweptok ñōn Gibia; im ro dri kebao rar wōnmanlok, im mōn aolepen jikin kwelok eo kin mejen jâji. 38 Ak kakōle eo jen dri Israel, im ro dri kebao im rar bebe kake, bwe ren kōmōn bwe en wōnliñlok juōn bat elap, jen jikin kwelok eo. 39 Im ro dri Israel rar oktōk ilo keitak eo, im Benjamin e ar jino in mōn ian dri Israele nañin jilñoul armij; bwe rar ba, Emol je bar anjo jen ir einwõt ilo tōrinae eo mokta. 40 A ke bat eo e ar jino in jutōkliñlok jen jikin kwelok eo, ro dri Benjamin rar reililklok; im lo, aolepen jikin kwelok eo e ar wōnliñlok ilo bat ñōn lōñ. 41 Inem ro dri Israel rar rol, im ro dri Benjamin rar lolbon; bwe rar lo bwe nana ej itok ioir. 42 Kin men in raroktōk iman ro dri Israel ilo ial ñōn ene jemaren; a jorran e ar lukworkwor ir; im ro rar itok jen jikin kwelok ko rar mōn ir. 43 Rar kabol ro dri Benjamin, im lukworkwor ir, im jur ir ilo air jikin kakiije, ñōn ikijen Gibia kaje tak al. 44 Im rar buñ jen Benjamin joñoul drualitōk tausan armij; rein otemjej re kajur im beran. 45 Im rar oktōk im ko ñōn ene jemaren ñōn dreka Rimon: im rar koloruk ir ilo ial ko lailim tausan armij, im lukworkwor ir ñōn Gidom, im mōn ruo tausan armij iair.

46 Ein drein ro otemjej rar buñ ran eo jen Benjamin roñoul lailim tausan armij rar nure jâji; rein otemjej dri beran im kajur. 47 A jiljino buki armij rar oktōk im ko ñōn ene jemaren ñōn dreka in Rimon, im rar tilekek ilo dreka in Rimon iomin emen aliñ. 48 Im ro dri Israel rar bar oktōk ñōn ro nejin Benjamin, im mōn ir kin mejen jâji, aolepen jikin kwelok kab kiru ko, im ro otemjej rar lo ir: bareinwõt jikin kwelok otemjej rar loi, rar tili.

**21** Ak ro dri Israel<sup>1</sup> rar kanōjnij i Mizpa, im ba, Ejelok juōn iam e naj lelok nejin kōra ñōn Benjamin bwe en belen. 2 Im armij ro rar itok ñōn Betel im jijōt iman Anij ñōn jota, im koutiej ainikeir im elap air jōñ. 3 Im rar ba, O Jeova, Anij in Israel, ta men in e ar walok ilo Israel, bwe en joko juōn bwijin Israel ranin? 4 Im ilju armij ro rar jerkak ke ejiboñ wõt, im kōmōnmōn juōn lokatok ijo, im lelok men in katok kijeek im men in katok kin ainemōn. 5 Im ro nejin Israel rar ba, Wōn ian bwij otemjej an Israel e ar jab itok ilo jar in ñōn Jeova? Bwe rar kōmōn juōn kanōjnij elap kin eo e ar jab itok ñōn Jeova i Mizpa, im ba, Emol en mij. 6 Im ro nejin Israel rar ukwelok ibeir kin Benjamin jātir, im ba, Emwij bukwelok juōn bwij jen Israel ranin. 7 Je naj it kin kōra ro belen ro rejberwõt, bwe jar kanōjnij kin Jeova bwe je jamin lelok ñōn ir beleir jen limaro nejir.

8 Im rar ba, Wōn eo ian bwij ko an Israel e ar jab wōnliñtok ñōn iben Jeova i Mizpa? im lo, ejelok e ar itok ñōn kamp eo jen Jebesh-giliad ñōn kweloklok eo. 9 Bwe ke rar bwini armij ro, lo, ejelok juōn ian ro dri Jebesh-giliad ijo. 10 Im jar eo rar jilkinlok ñōn ir joñoul ruo tausan armij, ian ro re beran tata, im jiroñ ir, im ba, Komin ilem mōn ro dri Jebesh-giliad kin mejen jâji, kab kōra ro im ajiri. 11 Im komin kōmōn men in: komin mōn wõt man otemjej kab kōra otemjej rar babu iben eman. 12 Im

<sup>1</sup> eon 7. 18.

lo, ilo Jebesh-giliad ābuki jiroñ, ro rar jañin jela eman; im rar āñintok ir ññon kamp eo i Shailo, eo ej ilo enen Kenean.

13 Im aolepen jar eo rar jiliklok im konono ññon ro nejin Benjamin ro rej ber ilo dreka Rimon, im kwalok aine-mōn ññon ir. 14 Im Benjamin e ar jeblak ilo ien eo; im rar lelok ññon ir kōra ro rar kejbarōk ir bwe ren mour, jen kōra in Jebesh-giliad: im ein drein re jañin bwe. 15 Im armij ro rar ukwelok ibeir kin Benjamin, bwe Jeova e ar kōmōn juōn tāmōn ilo bwij ko an Israel.

16 Inem ridto ro in jar eo rar ba, Je naj it bwe en or belen lōmaro rej berwōt, bwe emwij mōn kōra ro jen Benjamin? 17 Im rar ba, Emōn en juōn jolit ññon ro rar ko ian dri Benjamin, bwe juōn bwij en jab joko jen Israel. 18 Ijoke, je ban na beleir jen limaro nejjer; bwe ro nejin Israel rar kanōjni, im ba, En lia eo ejlelok kōra bwe en belen dri Benjamin. 19 Im rar ba, Lo, juōn kwojkwoj ññon Jeova yiō otemjej i Shailo, eo iññin Betel, i rear jen ial eo ej wōnliñlok

jen Betel ññon Shikem, im irōk jen Libona. 20 Im rar jiroñ ro nejin Benjamin, im ba, Komin ilok im kebao ilo bwil ir grep ko; 21 im lale, im lo, elañe limaro nejin Shailo rej drioiptok in eep ilo eep ko, inem komin drioiptok jen bwil in grep ko, im jibwe jabrewōt iami lio belen ian ro nejin kōra in Shailo, im ilok ññon enen Benjamin. 22 Inem ñe ro jemeir ak jeir im jātir rej item lotan ññon kim, kim naj ba ññon ir, Komin joij im letok ññon kim; kin ke jar jab bōk ilo tōrinae, ññon jabrewōt iair lio belen, im kom ar jab lelok ññon ir; elañe ein juōn e naj kar or ruōmi. 23 Im ein drein an ro nejin Benjamin kōmōn, im rar bōk beleir, ekar ññon orair, jen ro rar eep, im bōklok ir; im rar jeblak ññon air jolit, im kalek jikin kwelok ko im jokwe ilo ir. 24 Im ro nejin Israel rar ilok ien eo, jabrewōt armij ññon bwijin, im ññon ro nukin, im rar ilok jabrewōt armij ññon men in jolit eo an.

25 Ilo<sup>1</sup> ran ko ejelok kiñ in Israel: jabrewōt armij e ar kōmōn einwōt emōn ilo mejen.

<sup>1</sup> Jap, 17, 6: 18, 1; 19, 1.



# BUK IN RUT

**1** Ilo 'ran ko ro dri ekajet rar ekajete, juõn ñita ilo eneo. Inem juõn eman dri Betleem-juda, e ar ilen itoitõk ilo enen Moab, e, im lio belen, im ruo nejin eman. 2 Etan armij eo Elimelek, im etan lio belen Neomai, im etan lõmaro ruo nejin, Malon im Kilion, dri Eprat an Betleem-juda. Im rar dreloñtok ilo enen Moab im ber ie. 3 Im Elimelek, leo belen Neomai, e ar mij; im lio ar berwõt, e im lõmaro ruo nejin. 4 Im rejro bõk beleir ian kõra ro dri Moab; etan juõn Opra, etan eo juõn Rut: im rar jokwe ijo e nañin joñoul yiõ. 5 Im Malon im Kilion irro mij; im ej mour wõt kõra eo jen lõmaro ruo nejin im leo belen.

6 Inem lio im limaro nejin kõra, rar jutõk in jeblak jen enen Moab: bwe lio e ar roñ ilo enen Moab bwe Jeova e ar lolok ro dron in lelok ñõn ir bred. 7 Im e ar drioijlok jen ijo ej ber ie, im limaro ruo nejin kõra iben; im rar etal im jeblak ñõn enen Juda. 8 Im Neomai e ar ba ñõn limaro ruo nejin kõra, Komin ilok, jabrewõt iami, kwon jeblak ñõn mw eo imõn jinõm: Jeova en joij ñõn komro, einwõt amiro joij ñõn ro re mij im ñõn ña. 9 Jeova en lewoj bwe kominro lo kajije, jabrewõt iami il oan mw eo imõn leo belen. Inem e ar mejenmaik irro, im rar koutiej ainikeir, im jõi. 10 Im rar ba ñõn e, Jab, a kimro naj jeblaklok ibõm ñõn dri ailiñ ro am. 11 Im Neomai e ar ba, Komin bar oktõk, ro nejiõ: etke komro kõnan ilok ibalok? e bar or ke nejiõ man i lojiõ, bwe ren beleõmi? 12 Komin bar oktõk, ro nejiõ kõra, komin ilok ilo amiro ial; bwe ña, e motlok ien aõ bar belele, elañe I naj ba, eor aõ kejatrikrik, elañe e naj or beliõ boñin in, im ij bareinwõt keutak nejiõ man; 13 inem komro naj kõt ar air ridtolok ke? kom naj drebij kom jen ami bõk beleõmi ke? jab, ro nejiõ kõra; bwe I kanuij buromõj kin kom, bwe pein Jeova e ar iten jumae iõ. 14 Im rar koutiej ainikeir,

im bar jõi: inem Opra e ar mejenmaik jinen; a Rut e ar edrep ñõn e.

15 Im e ar ba, Lo, jeõm e ar jeblak ñõn dri ailiñ. ro an, im ñõn anij eo an: kwon lor lio jeõm. 16 Im Rut e ar ba, Kwon jab akwelap ñõn iõ bwe in illok jen yuk, ak jeblak jen aõ lor yuk; bwe ijo kwoj ilok ielok, I naj ilok ielok; im ijo kwoj jiboñõn, I naj jiboñõn; dri ailiñ ro am, re naj aõ dri ailiñ, im am Anij aõ Anij; 17 ijo kwoj mij ie, I naj mij ie, im ijo re naj kalibwin iõ ie: Jeova en kõmõn ein drein ñõn iõ, im kalaplok, elañe jabrewõt, a mij wõt ej kijbil kijro. 18 Im ke e ar lo bwe e bin buruen in ilok ibenlok, e ar ikõñ.

19 Ein drein airro etal inem rar itok ñõn Betleem. Im ke rar tõbar Betleem, aolepen jikin kwelok eo e ar iruij kin ir, im kõra ro rar ba, Eñin Neomai ke? 20 Im e ar ba ñõn ir, Komin jab naeta Neomai, komin likit eta Mera; bwe Eo Ekajur potata E ar kõmõn men eo e kanuij meo ñõn iõ. 21 I ar ilok im bõptoa, ak Jeova e ar añintok iõ ñõn kabujukniõ im lemõjor; etke komij likit eta Neomai, ke Jeova e ar kennan nae iõ, im Eo Ekajur potata E ar kejjorran iõ. 22 Ein drein Neomai e ar jeblak, kab nejin kõra dri Moab iben, eo e ar jeblaktok jen enen Moab : im rar itok ñõn Betleem ilo jinoin marmir barli.

**2** Im juõn ermõn leo belen Neomai, e kajur kin mweiuk ko mweien, ian ro nukin <sup>1</sup>Elimelek, im etan Boaz. 2 Im Rut dri Moab e ar ba ñõn Neomai, Kiõ in ilok ñõn jikin kallip, im <sup>2</sup>koloruk urur korn ilokõn eo I naj lo joij iman mejen. Im e ar ba ñõn e, Kwon ilok, nejiõ. 3 Inem e ar ilok, im koloruk ilo jikin kallip ilokõn ro dri marmir: im e jerammõn in dreloñ i mõtõn jikin kallip an Boaz, eo ian nukin Elimelek. 4 Im lo, Boaz e ar itok jen Betleem, im e ar ba ñõn ro dri marmir, Jeova en ber ibemi. Im rej uak, Jeova en kejerammõn yuk. 5 Inem

<sup>1</sup>Ekaj.2.13-18.

<sup>1</sup>Jap.1.2. <sup>2</sup>Liv. 19.9, 10

Boaz e ar ba ñôn leo korijeran eo ej lali ro dri marmir, Dron wôn liin? 6 Im leo korijeran, eo ej lali ro dri marmir, e ar uak im ba, Kôra in Moab, eo e ar jeblaktok iben Neomai jen enen Moab: 7 im e ar ba, In koloruk, ij akwelap ñôn yuk, im aini ilokôn ro dri marmir ilo bwiljin tir ko. Ein drein e ar itok, im e ar berwôt jen ke ejiboñ, aet ñôn ien in, a jirik wôt ien an ber ilo mweo.

8 Inem Boaz e ar ba ñôn Rut, Nejiô kwo jab roñjake ke? Kwon jab ilen koloruk ilo jabrewôt bar jikin kallip, im jab etal jen ijin, a kwon berwôt iben limaro korijera. 9 Kwon lale wôt jikin kallip eo rej marmire, im kwon lor ir: e jab mwij aô kar jiroñ likao rôn bwe ren jab uñir yuk ke? im ñe kwoj maro, kwon ilok ñôn jâbi ko, im irak jen dren eo likao ro rar itôke. 10 Im lio e ar barikrik ñôn löl, im ba ñôn e, Etke I ar lo joij iman mejôm, bwe kwon lale iô, im ña drua majet? 11 Im Boaz e ar uak im ba ñôn e, Rar kanuij kennan ñôn iô, men otemjej kwar kômône ñôn jinôm elikin an mij leo beleôm; im kin am kar ilok jen jemôm im jinôm, im eneo am, im kwar itok ñôn dri ailiñ ro kwar jaje kake mokta. 12 Jeova en nawônam kim am jerbal, im en lap wônam jen Jeova, Anij in Israel, 'iomîn pein Eo kwoj iten ber. 13 Inem lio e ar ba, In lo joij iman mejôm, aô iroij: kin am kainemôn iô im kin am konono joij ñôn ña korijerôm, meñe I jab einwôt juôn ian kôra ro dri korijerôm.

14 Im ke rej mōña, Boaz e ar ba ñôn e, Kwon item mōña bred in, im kattu môtôn eo am ilo dren emũñ. Im e ar jijôt iturin ro dri marmir; im rar lelok ñôn e korn jinmelle, im e ar mōña, im mât, im eor bwen. 15 Im ke e ar jutén koloruk, Boaz e ar jiroñ likao ro an, im ba, En koloruk ilujen tir ko, im komin jab bôprae. 16 Im bareinwôt komin kekake jet jen kworôk ko, im likiti, im en koloruki, im komin jab kowe.

17 Ein drein e ar koloruk ilo jikin kallip eo ñôn jota; inem ej dreñlokwe men eo e ar koloruke, im e nañin juôn epa barli. 18 Im e ar kwotôke, im dreloñlok na ilo jikin kwelok eo; im jinen e ar lo men eo e ar koloruke: im e ar bôktok im lelok ñôn e môtôn an mōña. 19 Im jinen e ar

ba ñôn e, Kwar koloruk ia ranin? im kwar jerbal ia? emônônô eo e ar lale yuk. Im e ar kwalok ñôn jinen wôn eo e ar jerbal iben, im ba, Etan armij eo I ar jerbal iben ranin, Boaz. 20 Im Neomai e ar ba ñôn nejin kôra, En mônônô jen Jeova, Eo e ar jab kamwijlok An joij ñôn dri mour im ñôn dri mij. Im Neomai e ar ba ñôn e, Armij eo ermôro, aet, ermô ebak. 21 Im Rut, kôra in Moab, e ar ba, Aet, e ar ba ñôn iô, Kwon kebaki likao ro aô, mae ien air kajemlok aolepen aô marmir. 22 Im Neomai e ar ba ñôn Rut, nejin kôra, Emôn nejiô, bwe kwon drioiylok iben kôra ro dri korijeran, im bwe ren jab lo yuk ilo jabrewôt bar jikin kallip. 23 Ein drein e ar ber iben kôra ro korijeran Boaz, im koloruk ñôn jemlokôn marmir barli, im marmir wit; im e ar jokwe iben jinen.

**3** Im Neomai, jinen, e ar ba ñôn e, Nejiô, in jab bukot jikin kakije ñôn yuk ke, bwe en emôn ibôm? 2 Im kiô Boaz e jab 'ermôr ke? eo kwar ber iben kôra ro korijeran? Lo, ej karreoik barli jen kilin, ilo jikin dreñdreñ boñin in. 3 Inem kwon tutu, im kabit yuk, im kônôk am nuknuk, im wônöllok ñôn jikin dreñdreñ eo; a kwon jab kwalok yuk ñôn armij eo mae ien emwij an mōña im irak. 4 Im ñe ej babu kwon jela jikin babu eo an, im kwon dreloñ, im elôklok neen, im kwon babu; im e naj kennanek yuk ta eo kwon kômône. 5 Im e ar ba, I naj kômôn men otemjej kwoj jiroñ iô.

6 Im e ar wônöllok ñôn jikin dreñdreñ eo, im e ar kômôn ekar ñôn men otemjej jinen e ar jiroñ e. 7 Im ke emwij an Boaz mōña im irak, im e mônônô buruen, e ar ilen babu i jabôn ejoi in korn: inem ilo e ar jarikriktok im elôklok neen, im babu. 8 Im ilukwon boñ, leo e ilbôk, im oktôk; im lo, juôn kôra e ar babu i wôn neen. 9 Im e ar ba, Wôn kwe? Im e ar uak, Ña Rut korijerôm kôra: inem kwon erloktok nuknuk ne am iôo; bwe kwe ermô ebak ñôn iô. 10 Im e ar ba, Kwon jerammôn jen Jeova, nejiô: kwar kwalok joij elaplok ilo jemlokôn jen ilo jinoin, bwe kwar jab lor likao rôn, dri jeramel ak dri mweie. 11 Im kiô, nejiô, kwon jab mijôk; I naj kômôn ñôn yuk aolepen men eo kwoj ba; bwe ro otemjej dri jikin kwelok eo aô ren jela bwe kwe

3:12 juõn kōra emõn. 12 Im kiõ emol bwe ña juõn ermõm ebak ñõn kwe ; ijoke, bar juõn ermõm ebake yuk jen iõ. 13 Kwon berwõt boñin in, im ñe ejiboñ, elañe ej kōmõn kwonan ermõm, emõn ; en kōmõn kwonan ermõm: a elañe e jab kōnan kōmõn kwonan ermõm, inem I naj kōmõn kwonan ermõm, einwõt Jeova ej mour: kwon babu mae jiboñ.

14 Im e ar babu i wõn neen ñõn jiboñ : im e ar jerkak mokta jen air maroñ in kili dron. Bwe e ar ba, Ren jab jela kin an juõn kōra itok ñõn jikin dreñdreñ in. 15 Im leo e ar ba, Kwon bōktok liboror ne am, im kapjere; im e ar kapjere; im e ar joñwe jiljino joñõn barli, im likite na ion: im leo e ar dreloñlok ilo jikin kwelok eo. 16 Im ke lio e ar itok ñõn iben jinen, e ar ba, Wõn kwe nejio? Im e ar kennanek e men otemjej leo e ar kōmõn ñõn e. 17 Im e ar ba, Jiljino joñõn barli kein, e ar litok; bwe e ar ba, Kwon jab lemōjorlok ñõn iben jinõm. 18 Inem e ar ba, Kwon jijõt im tõt, nejio, mae ien am jela ekijkan men in e naj walok; bwe leo e jamin kakije, mae ien an kamwijlok men eo ranin.

4 Inem Boaz e ar wõnliñlok ñõn kejem in jikin kwelok eo, im jijõt ie: im lo, <sup>1</sup>ermõn eo Boaz e ar konono kake, ej iten kijone; im e ar ba ñõn e, O, loeo, kwon jeõrtok im jijõt ijin. Im e ar jeõrlok im jijõt. 2 Im e ar kålet joñoul armij ian ridto rôn in jikin kwelok eo, im ba, Komin jijõt ijin. Im rar jijõt. 3 Im e ar ba ñõn ermõn eo, Neomai, eo e ar jeblaktok jen enen Moab, ej wiakake juõn bukwon eo e kar an <sup>2</sup> Elimelek jeerro : 4 im I ar lemnok in kwalok ñõn yuk im ba, Kwon wiaik e iman ro rej jijõt ijin, im iman ridto ro an bwij eo aõ, Elañe kwo kōnan wiaik e, kwon wiaik e: a elañe kwo jab kōnan wiaik e, inem kwon kennanek iõ, bwe in jela ; bwe ejelok ekar an wiaik e einwõt kwe; im ña ijilokõm. Im e ar ba, I naj wiaik e. 5 Inem Boaz e ar ba, Ran eo. kwoj wiaik bukwon eo jen pein Neomai, kwon bareinwõt wiaik e jen Rut, kōra in Moab, lio belen eo e mij, bwe kwon kajutõk etan leo e mij ion jolit eo an. 6 Im ermõn eo e ar ba, I ban wiaik e ñõn iõ, ñe I ab kokkure lamoren eo aõ: kwon lewoj kwonaõ in wiaik e; bwe I ban wiaik e.

RUT.

4:22 7 Ak eñin mōnit ilo Israel mokta kin wiaik im kin ikuiak, bwe ren kabin men otemjej : juõn armij ej wutik an juj im lelok ñõn dri turin; im eñin wāwen kennan ilo Israel. 8 Ein drein dri ermõn eo e ar ba, Kwon wiaik e ñõn kwe. Im e ar wutik juj eo an. 9 Im Boaz e ar ba ñõn ridto ro, im ñõn armij otemjej, Kom dri kennan ranin, bwe emwij aõ wiaik men otemjej e kar an Elimelek, im men otemjej e kar an Kilion im Malon, jen pein Neomai. 10 Bareinwõt I ar wiaik Rut kōra in Moab, lio belen Malon bwe en belio, bwe in kajutõk etan eo e mij ion jolit eo an, bwe etan eo e mij en jab joko jen iben ro jein im jätin, im jen kejem an jikin: kom dri kennan ranin. 11 Im armij otemjej no kejem eo, im ridto ro, rar ba, Kim dri kennan. Jeova en kōmõn bwe kōra eo ej itok ilo mweo imõm en einwõt Rejel im einwõt Lia, irro rar kalek imõn Israel: im kwon jerammõn wõt ilo Eprata, im kwon buñbuñ ilo Betleem: 12 im mweo imõm en einwõt imõn Pirez, eo Tamar e ar keutak ñõn Juda, jen ineõm eo Jeova e naj lewoj jen kōra in emõn drer.

13 Ein drein Boaz e ar bōk Rut, im ej lio belen; im e ar dreloñ ñõn iben, im Jeova e ar lelok ñõn e etta, im e ar keutak nejin man. 14 Im kōra ro rar ba ñõn Neomai, En mōnõnõ Jeova eo e ar jab likit yuk ranin im ejelok ermõm; im etan en buñbuñ ilo Israel. 15 Im e naj ñõn kwe juõn dri kaejmour, im dri najirik yuk ñe kwo lilap; bwe nejõm kōra, eo ej yokwe yuk, im <sup>1</sup>emõnlok ñõn kwe jen ñe e kar jiljilimjuõn nejõm man, e ar keutak e. 16 Im Neomai e ar bōk niñniñ eo, im likit e na ilo ubõn, im e ar kakajiririk e. 17 Im kōra ro dri turin rar naetan, im ba, Juõn nejin man e ar lotak ñõn Neomai; im rar naetan Obed: eñin jemen Jesse, jemen Devid.

18 Irkein Ebeben ko an Pirez: <sup>2</sup> Pirez e ar keutak Hezron, 19 im Hezron e ar keutak Ram, im Ram e ar keutak Aminadab, 20 im Aminadab e ar keutak Nashon, im Nashon e ar keutak Salmon, 21 im Salmon e ar keutak Boaz, im Boaz e ar keutak Obed, 22 im Obed e ar keutak Jesse, im Jesse e ar keutak Devid.

<sup>1</sup>Jap. 3. 12. <sup>2</sup>Liv. 25.25.

<sup>1</sup>Jap. 1.16, 17. <sup>2</sup>Matu 1. 4-6.

# SAMUEL

**1** Juōn armij an Remateim-zopim, i ene utiej in Ipreim, im etan Elkena, nejin Jeroham, nejin Ilaihu, nejin Tohu, nejin Zup, dri Ipreim: **2** im iben ruo belen; etan juōn Hanna, im etan eo juōn Penina: im eor nejin Penina, a ejelok nejin Hanna. **3** Im leo e ar wōnliñlok jen jikin kwelok eo an<sup>1</sup> yiō otemjej, bwe en kabuñ im katok ñōn Jeova in inelip eo, i Shailo. Im lōmaro ruo nejin Ilai, Hopnai im Pinehas rar ber ijo. **4** Im ke e jejit ran in an Elkena katok, e ar lelok ñōn Penina lio belen, im ñōn ro nejin man im kōra, mōtōn ko: **5** a ñōn Hanna e ar karuolok mōtōn; bwe ej yokwe Hanna, a Jeova e ar kil lojen. **6** Im lio juōn e ar kanuij kakitōtōik e, im kaillu e, kin an Jeova kil lojen. **7** Im ein drein an leo kōmōn yiō otemjej ke e ar wōnliñlok ñōn imōn Anij, ein drein an lio kakitōtōik e; kin men in e ar jōñ, im jab mōña. **8** Im Elkena, leo belen, e ar ba ñōn e, Hanna etke kwoj jōñ? im etke kwo jab mōña? im etke e buromōj buruōm? ña i jab emōnlok ibōm jen joñoul nejōm man ke?

**9** Inem Hanna e ar jutōk ke emwij air mōña i Shailo, im emwij air irak. Ak Ilai e ar jijōt ion ken jijōt eo an iturin jurōn kejem in tempel an Jeova. **10** Im lio e ar kanuij buromōj ilo an, im e ar jōñ ñōn Jeova, im elap an jōñ. **11** Im e ar kanōjni kin juōn muri, im ba, O Jeova, Iroi in inelip eo, elañe Kwoj lale jorran an dri korijerōm, im kememej iō, im jab meloklok dri korijerōm, a kwo naj letok ñōn korijerōm juōn nejin eman, inem I naj lewoj ñōn Jeova ran otemjej in an mour, im ejelok<sup>2</sup> ken eāl e naj itok ion bōran.

**12** Im ke e ar kaitoklok an jar, im jabin Jeova, Ilai e ar kalimjek loñin.

**13** Ak Hanna e ar konono ilo buruen; man tien wōt rar makōtkit, a rar jab roñjake ainiken: kin men in Ilai e ar lemnok e karek. **14** Im Ilai e ar ba ñōn e, Ietoōn am karek? kwon jolok am wain jen yuk. **15** Im Hanna e ar uak im ba, Jab, aō iroi, ña juōn kōra in buromōj: I ar jab irak wain ak dren e kajur, a I ar kwalok buruō iman Jeova. **16** Kwon jab lemnok korijerōm juōn kōra e nana; bwe jen<sup>1</sup> lokōt in lotan eo aō, im kakitōtōik iō, I ar konono ñōn ien in. **17** Inem Ilai e ar uak im ba, Kwon ilok ilo aine-mōn; im Anij in Israel en lewoj men in kajitōk eo kwar kajitōk iben. **18** Im e ar ba, Korijerōm en lo joij iman mejōm. Ein drein lio e ar eta: im e ar mōña; im turin mejen e ar jab ðar buromōj.

**19** Im rar jerkak ke ejiboñ wōt, im kabuñ iman Jeova, im jeblak ñōn mweo imweir i Rema. Im Elkena e ar jela Hanna lio belen; im<sup>2</sup> Jeova e ar kememej e; **20** im ke e jejit ien, Hanna e ar etta, im keutak nejin man; im e ar naetan Samuel, im ba, Kin ke I ar kajitōk e iben Jeova.

**21** Im leo belen, Elkena, kab ro nukin otemjej, rar wōnliñlok in katok ñōn Jeova men in katok an yiō, im muri eo an. **22** A Hanna e ar jab wōnliñlok; bwe e ar ba ñōn leo belen, I jamin wōnliñlok mae ien eo niñniñ e likitit; inem I naj āñinlok e, bwe en walok iman Jeova, im<sup>3</sup> ber ie ñōn in drio. **23** Im Elkena, leo belen, e ar ba ñōn e, Kwon kōmōn einwōt emōn ibōm; kwon berwōt mae ien emwij am kalikitit e; men in wōt, Jeova en kabin An in nan. Ein drein lio e ar berwōt im kaninin nejin, mae ien kalikitit e. **24** Im ke emwij an kalikitit e, e ar bōkliñlok ibenlok, im jilu kau koman, im juōn epa flauo, kab

<sup>1</sup> Ex. 34. 23. <sup>2</sup> Bwin. 6. 5; Luk. 1. 15.

<sup>1</sup> Luk. 6. 45. <sup>2</sup> Jen. 21. 1. <sup>3</sup> eon 11, 23.

juōn botto in wain, im kadreloñ e ilo imōn Jeova i Shailo: ak ladrik eo ajiri wōt. 25 Im rar mōn kau koman eo, im bōklok ajiri eo ñōn iben Ilai. 26 Im lio e ar ba, O, aō iroi, emol otem mol aō iroi, ña kōra eo e kar jijōt iturōm ijin, im jar ñōn Jeova. 27 Kin ajiri in I ar jar; im Jeova e ar letok men in kajitōk eo I ar kajitōk kake: 28 kin men in, ña I ar bareinwōt lelok e ñōn Jeova; toñ an mour emwij lelok e ñōn Jeova. Im ajiri eo e ar kabuñ ñōn Jeova ijo.

2 Im Hanna e ar jar, im ba: Bu-ruō ej lōñliñ ilo Jeova; emwij koutiej aō drun ilo Jeova; loñiō e utiejlok ion ro dri kijirāte iō; bwe ij lōñliñ kin Am lomor iō.

2 Ejelok en e kwojarjar einwōt Jeova: bwe e bar ejelok ijilokōm, im ejelok ejman einwōt am Anij.

3 Komin jab bar konono ablip; ablip en jab waloktok jen loñōmi; bwe Jeova, Anij in jelalokjen, im Ej joñwe jermal ko.

4 Emoruj libon ko an ro dri kajur; im emwij kañōrñōr kin kajur, ro rar tibñil.

5 Ro rar māt rej mōke kajerbal ir kin kijeir; im ro rar kwuli rej kakije jen air kwuli: aet, eo ewar e ar keutak jiljilimjuōn; im eo elōñ nejin, e mōjinolok.

6 Jeova ej mōn, im Ej kemour: Ej kotaik ñōn Hedis, im Ej leliñlok.

7 Jeova ej kejeramel, im Ej namwieir: Ej kotaik im Ej koutiej bareinwōt.

8 Ej koutiej dri jeramel jen bōñōl-ñōl, Ej leliñlok dri aikwij jen jikin kōlla, im kajijōt ir iben iroi ro, im kajolit ir tron in aibujuij: bwe jur ko an lōl an Jeova, im E ar kabin lōl ioir.

9 E naj kejbārok neen An ro re kwojarjar; a E naj kaikōñ ro dri nana ilo marok; bwe kin kajur, ejelok armij e naj bōk anjo.

10 Ro rej akwaile Jeova, re naj rup ilo mōtōn ko; E naj jorur nae ir ilo lōñ ko: Jeova e naj ekajet jabōn lōl ko; im E naj lelok kajur ñōn kiñ eo An, im koutiej drun an eo Ej kabite.

11 Im Elkena e ar ilok ñōn Rema, ñōn mweo imōn, im ladrik eo e ar korijer ñōn Jeova iman Ilai, pris eo.

12 Ak ro nejin Ilai, armij re nana; rar jab jela Jeova. 13 Im mōnit an pris ro iben armij ro, e kar ein drein, ke jabrewōt armij e ar lelok men in katok, korijeran pris e kin itok, ke e bwlulul kōniek eo, im kāj in kōniek, ñiin jilu, ilo pein; 14 inem e ar wā ilo jābi eo, ak kettle, ak kaldron, ak pot; aolepen kōniek kāj eo e ar kije, pris eo e ar bōke. Ein drein air kōmōn i Shailo ñōn ro dri Israel otemjej rar itok ñōn ijo. 15 Aet, mokta jen air tile kioeo eo, leo korijeran pris e kin itok, im ba ñōn armij eo ej katok, Kwon letok kōniek in umum ñōn pris eo; bwe e jab kōnan bōk jen kwe kōniek e māt, a ikor. 16 A elañe armij eo ej ba ñōn e, Emol e naj tile kioeo eo mokta, inem kwon bōk einwōt kwoj kōnan; inem e naj ba, Jab, a kwon letok wōt kiō: im elañe jab, I naj bōke kin kajur. 17 Im jerawiwi eo an likao ro e kanuij lap iman Jeova; bwe armij ro rar kejekron jurtak an Jeova.

18 A Samuel e ar korijer iman Jeova, ajiri wōt, im inono kin juōn epod linen. 19 Bareinwōt jinen e ar kōmōnmōn ñōn e juōn liboror erik, im bōktok ñōn iben yiō otemjej, ke e ar wōñliñlok iben leo belen in katok kin men in katok an yiō. 20 Im Ilai e ar jare Elkena im lio belen, im ba, Jeova en lewoj ine jen kōra in, kin jurtak eo emwij lelok ñōn Jeova. Im rar ilok ñōn kabijuknir. 21 Im Jeova e ar lolok Hanna, im e ar etta, im keutak jilu nejin man im ruo nejin kōra. Im <sup>1</sup>ajiri eo, Samuel, e ar ridtolok iman Jeova.

22 Inem Ilai e bwijwōlā; im e ar roñjake <sup>2</sup>men otemjej lōmaro nejin rar kōmōni ñōn Israel, im ekijkan rar babu iben kōra rōn rar kōrijer i kejem in imōn kwelok eo. 23 Im e ar ba ñōn ir, Etke komij kōmōn men rōt kein? bwe ij roñjake amiro kōmōn nana jen armij rein otemjej. 24 Jab, ro nejiō; e jab emōn nan eo ij roñjake:

<sup>1</sup> Luk 2. 40. <sup>2</sup> eon 13-17.



komij kabwir ro dron Jeova. 25 Elaŋe juōn armij ej bwir nae bar juōn, Anij e naj ekajete; a elaŋe armij ej bwir nae Jeova, wōn e naj akwelap kin e? ijoke, rar jab eoroñ ainiken jemeir, bwe Jeova e kōnan mōn ir. 26 Im ladrik eo, Samuel, e ar ridtolok, im laplok an jitenburu iben Jeova, im bareinwōt iben armij ro.

27 Im e ar itok ñōn iben Ilai, juōn armij ōn Anij, im e ar ba ñōn e, Ein drein Jeova ej ba, I ar jab mōke kwalok Iō ñōn ro nukin jemōm, ke rar ber ilo Ijpt, dri korijer ñōn nukin Pero ke? 28 Im I ar kejenolok e ian bwij otemjej bwijin Israel, bwe en Aō pris, bwe en wōnliñlok ñōn lokatok eo Aō, im tile kaijurjur, im kōnōk epod imaō ke? im I ar lelok ñōn ro nukin jemōm men in katok otemjejan ro nejin Israel, kōmōni kin kijeek ke? 29 Etke kom jure men in katok eo Aō, im Aō jurtak, eo emwij Aō jiroñ kake ilo mweo imō, im kwoj<sup>1</sup> kōñiājoik lōmaro nejōm jen Ōa, bwe komin tābe kom kin men in katok ko remōntata, jen Israel ro droō? 30 Kin men in, Jeova, Anij in Israel ej ba, Emol I ar ba ro nukum im ro nukin jemōm, re naj etal imaō ñōn in drio: a kiō Jeova ej ba, En etolok jen Ōa; bwe ro rej kōñiājoik Iō I naj kōñiājoik ir, im ro rej kejekron Iō, I naj kejekron ir. 31 Lo, ran ko rej itok, ñe I naj bukwelok peōm, im pein ro nukin jemōm, bwe en ejelok lōlap ilo mweo imōm. 32 Im kwo naj lo jorran in mweo imō, ilo mweiuk otemjej Anij e naj lelok ñōn Israel; im e naj ejelok lōlap ilo mweo imōm in drio. 33 Im armij eo mōtōm, eo I jab bukwelok jen lokatok eo Aō, e naj men in kokkure mejōm, im kaburomōj buruōm; im aolepen orlok in ro nukum re naj mij ñe man kajur. 34 Im men in e naj kakōle eo ñōn kwe, eo e naj itok ion lōmaro ruo nejōm, ion Hopnai im Pinehas: ilo<sup>2</sup> juōn wōt ran irro naj mij. 35 Im I naj<sup>3</sup> kajerkak ñōn Iō juōn pris e tiljek, eo e naj kōmōn ekar ñōn men eo ilo buruō im ilo Aō lemnok: im I naj kalek ñōn e mweo imōn e bin; im

e naj etal iman eo emwij Aō kabit e ñōn in drio. 36 Inem jabrewōt eo ej berwōt ilo mweo imōm, e naj itok im barikrik jen e kin juōn mōtōn silver, im kin juōn ion in bred, im e naj ba, Kwon likit iō, ij akwelap, ilo juōn ian jikin ko an pris, bwe in mōña mōtōn bred.

3 Im ladrik eo, Samuel, e ar korijer ñōn Jeova iman Ilai. Im nan jen Jeova e kanuij aurōk ilo ran ko, ejeja visōn. 2 Im ien eo ke Ilai e ar babu i jikin, (ak etōp mejen, einwōt bwe e ban lo), 3 im lamp eo an Anij e jañin kwun, im Samuel e ar babu in kiki, iloan tempel an Jeova, ijo dipdip in Anij e ar ber; 4 Jeova e ar kir ñōn Samuel: im e ba, <sup>1</sup>Ōa e. 5 Im e ar etōr ñōn iben Ilai, im ba, Ōa e; bwe kwar kir iō. Im e ba, I ar jab kir; kwon bar babu. Im e ar ilem babu. 6 Im Jeova e ar bar kir, Samuel, im Samuel e ar jerkak im ilok ñōn iben Ilai, im ba, Ōa e; bwe kwar kir iō. Im e uak, Nejiō, I ar jab kir; kwon bar babu. 7 Ak<sup>2</sup> Samuel e jañin jela Jeova, im e jañin walok ñōn e nan in Jeova. 8 Im Jeova e ar bar kir Samuel alen ken ka jilu. Im e ar jerkak im ilok ñōn iben Ilai, im ba, Ōa e; bwe kwar kir iō. Inem ilai ej kab jela bwe Jeova e ar kir ladrik eo. 9 Kin men in, Ilai e ar ba ñōn Samuel, Kwon ilen babu: inem elaŋe Ej kir yuk, kwon ba, Kwon konono Jeova, bwe korijerōm ej roñ. Ein drein Samuel e ar ilen babu ilo jikin.

10 Im Jeova e ar item jutōk, im kir einwōt ien ko jet, Samuel, Samuel. Inem Samuel ej ba, Kwon konono; bwe korijerōm ej roñ. 11 Im Jeova e ar ba ñōn Samuel, Lo, I naj kōmōn juōn men ilo Israel, lojiliñen jabrewōt eo ej roñjake re naj tōñōlok kake. 12 Ilo ran eo<sup>3</sup> I naj kōmōn nae Ilai, men otemjej I ar konono kin nukin, jen jinoin, aet, ñōn jemlokōn. 13 Bwe I ar kennanek e bwe I naj ekajete nukin ñōn in drio, kin nana eo e ar jela kake, bwe ro nejin man rar mōke kabuñlok juōn binikol ioir, im e ar jab bōprae ir. 14 Im kin men in, I ar

<sup>1</sup> Matu 10. 37. <sup>2</sup> Jap. 4. 11, 17. <sup>3</sup> Jap. 3. 1; 7. 9.

<sup>1</sup> Als 6. 8. <sup>2</sup> I Kor. 13. 11. <sup>3</sup> Jap. 2. 27-28.

kanōjnij nōn nukin Ilai, bwe re jamin jolok nana an nukin Ilai kin katok ak jurtak nōn in drio.

15 Im Samuel e ar babu nōn rantak, im e ar kabellek aur ko in imōn Jeova. Im Samuel ej mijōk in kwalok visōn eo nōn Ilai. 16 Inem Ilai e ar kir Samuel, im ba, Samuel, nejiō. Im e ar ba, Ŋa e. 17 Im e ba, Ta men eo Jeova e ar ba nōn yuk? ijakwelap, kwon jab noje jen ŋa: en ein drein an Anij kōmōn nōn yuk, im kalaplok, elaŋe kwoj noj jabrewot jen iō ian men ko otemjej E ar ba nōn yuk. 18 Im Samuel e ar kennanek e aolepen men otemjej, im e ar jab noj jabrewōt jen e. Im e ar ba, Ej Jeova, En kōmōn men eo emōn iben.

19 Im Samuel ej ridtolok, im Jeova ej ber iben, im E ar likit bwe ejelok ian nan ko an ren buŋ. 20 Im ro dri Israel otemjej, jen Dan nōn Bier-shi-ba rar jela bwe emwij kabin Samuel dri kanan an Jeova. 21 Im Jeova e ar bar weaktok i Shailo; bwe Jeova e ar mōke kwalok E nōn Samuel i 4 Shailo kin nan in Jeova. 1 Im nan jen Samuel e ar itok nōn iben aolepen Israel.

Inem ro dri Israel rar ilen tōrinaek ro dri Pilistia, im rar kajur air kamp iturin Eben-izer: im ro dri Pilistia rar kajur air kamp i Epek. 2 Im ro dri Pilistia rar kalejar ir nae Israel; im ke rar jino kamalijar, emwij mōn ro dri Israel iman ro dri Pilistia; im rar mōn ian jar in tōrinae ilo melaj, e naŋ in emen tausan eman. 3 Im ke armij ro rar dreloŋ ilo kamp eo air, ridto ro an Israel rar ba, Etke Jeova e ar mōn kij ranin iman ro dri Pilistia? Jen bōktok dipdip in kalimur an Jeova jen Shailo nōn iber, bwe en ber iolaper, im lomoren kij jen pein ro dri kijirāte kij. 4 Ein drein armij ro rar jilkinlok nōn Shailo, im rar bōktok jen ijo dipdip in kalimur an Jeova in inelip eo, Eo ej jijōt ilōŋin kerub ko: im lōmaro nejin Ilai, Hopnai im Pinehas, rar itok iben dipdip in kalimur an Anij.

5 Im ke dipdip in kalimur an Jeova e ar dreloŋ ilo kamp eo, ro <sup>1</sup>dri Is-

rael otemjej rar lamij kin ainiken elap, inem aolepen eneo e ar baŋijŋij. 6 Im ke ro dri Pilistia rar roŋjake ainiken lamij eo, rar ba, Ta unin ainiken lamij in elap ilo kamp an ro dri Hibru? Im rar kili bwe dipdip an Jeova e ar itok nōn kamp eo. 7 Inem ro dri Pilistia re mijōk, bwe rar ba, Anij e ar dreloŋ na ilo kamp eo. Im rar ba, <sup>1</sup>Wo nōn kij! bwe ejelok men im einwōt mokta. 8 Wo nōn kij! wōn e naj lomoren kij jen pein armij rein re kajur? rein anij ro rar mōn dri Ijpt kin men in kaŋŋtan ko elōŋ waweir ilo ene jemaren. 9 <sup>2</sup>Komin kajur wōt, im kōmōn einwōt eman, bwe komin jab korijer nōn ro dri Hibru, einwōt air kin korijer nōn kom: komin kōmōn einwōt eman, im tōrinae. 10 Im ro dri Pilistia rar tōrinae, im anjo jen ro dri Israel, im rar ko, jabrewōt armij nōn im nuknuk eo an: im juōn im e kanuij lap; bwe rar buŋ ian ro dri Israel jilŋoul tausan dri tōrinae rej etetal. 11 Im rar bōk dipdip in Anij; im <sup>3</sup>lōmaro ruo nejin Ilai, Hopnai im Pinehas remij.

12 Im juōn dri Benjamin e ar etōr jen jar in tōrinae eo, im e ar itok nōn Shailo ran eo, emwij kekel nuknuk ko an, im brij ion bōran. 13 Im ke e ar itok, lo, Ilai e ar jijōt ilo jikin jijōt eo an iturin ial, im ej ekil; bwe buruen e wuririr kin dipdip an Anij. Im ke armij eo e ar dreloŋ ilo jikin kwelok eo, ro dri jikin kwelok otemjej rar lamij im jōŋ. 14 Im ke Ilai e ar roŋjake ainiken air jōŋ, e ar ba, Ta unin ainiken keroro in? Im armij eo e ar kajur e, im iten kennanek Ilai. 15 Ak ridtōn Ilai druatiimjuōnŋoul druaitōk yiō; im ebin mejen, im e ban lo. 16 Im armij eo e ar ba nōn Ilai, Ŋa eo e ar itok ranin jen jar in tōrinae eo, im I ar ko jen jar in tōrinae eo. Im e ba, Ekijkan men eo, nejiō? 17 Im eo e ar bōklok nan eo, e ar uak im ba, E ko Israel jen iman ro dri Pilistia, im rar mōn elōŋ armij, im lōmaro ruo nejōm, Hopnai im Pinehas remij, im rar bōk dipdip an Anij. 18 Im ke a ar konono kin dipdip an Anij, e ar

<sup>1</sup> Josh. 6. 5, 20.

<sup>2</sup> Ex. 15. 14. <sup>3</sup> I. Kor. 16. 13. <sup>4</sup> Jap. 2. 34.

buñlok jen ken jįt eo an iturin ke-  
jem eo; im e moruj kenwan, im e  
mij: bwe e bwijwōlā im erro wōt. Im  
e kar ekajete Israel iomin eñoul yiō.

19 Im nejin kōra, lio belen Pinehas,  
e ar bōroro, im ebak ien an keutak,  
im ke e ar roñ nan eo kin air bōk dip-  
dip an Anij, im bwe leo belen im je-  
men remij, e ar kumliklik im keutak;  
bwe iñtan ko an rar itok ion. 20 Im  
ke e nañin joko wōt jirik, kōra ro rar  
jutōk iben, rar ba ñōn e, Kwon jab  
mijōk; bwe kwar keutak nejōm man.  
A e jab uak, im ej kejekroni wōt.  
21 Im e ar naetan niñniñ eo Ikebod,  
im ba, Aibujuij e joko jen Israel; kin  
ke emwij air bōk dipdip an Anij, im  
kin an leo belen im jemen mij. 22  
Im e ar ba, Aibujuij e joko jen Isra-  
el; bwe emwij bōk dipdip an Anij.

5 Ak ro dri Pilistia re kar bōk dip-  
dip an Anij, im rar bōklok jen  
Eben-izer ñōn Ashdod. 2 Im ro dri  
Pilistia rar bōk dipdip an Anij, im ka-  
dreloñ e na ilo<sup>1</sup> imōn Degon, im rar  
likite iturin Degon. 3 Im ke ro dri  
Ashdod rar jerkak ke ejiboñ wōt, lo,  
emwij an Degon beroane brij iman  
dipdip an Jeova. Im rar bōk Degon  
im bar kajutōk e ilo jikin. 4 Im ke  
rar bar jerkak ke ejiboñ wōt, lo, De-  
gon e bar beroane brij iman dipdip an  
Jeova; im bōran Degon kab pā ko  
pein rar ber, emwij bukwelok ion bi-  
ten kejem; ubōn Degon, e wōt e ar  
berwōt. 5 Kin men in, pris ro an  
Degon, im jabrewōt ro rej dreloñ ilo-  
an imōn Degon, re jamin jur biten ke-  
jem an Degon i Ashdod, ñōn ranin.

6 A<sup>2</sup> pein Jeova e ar erro ion ro dri  
Ashdod, im<sup>3</sup> E ar mōn ir, im kaiñtan  
ir kin wōt ko, eokwe, Ashdod im ji-  
kin kwelok ko wujen. 7 Im ke ro dri  
Ashdod rar lo bwe ein drein, re ba,  
Dipdip an Anij in Israel e jamin ber  
ibem; bwe e erro pein iom, im ion De-  
gon an Anij. 8 Inem rar jilkinlok im  
kokweloktok ñōn ibeir iroiј ro otem-  
jej an ro dri Pilistia, im ba; Kimin it  
kin dipdip an Anij in Israel? Im rar  
ba, Ren bōklok dipdip an Anij in Is-  
rael ñōn Gat. Im rar bōklok dipdip

an Anij in Israel ñōn ijo. 9 Inem eli-  
kin air bōklok e, pein Jeova e ar nae  
jikin kwelok eo kin kaiñtan elap: im  
E ar keјorran ro dri jikin kwelok eo,  
ro redrik im ro relap; im linnōp ko  
rar walok ioir. 10 Inem rar jilkinlok  
dipdip an Anij ñōn Ekron. Im ke dip-  
dip an Anij e ar itok ñōn Ekron, ro dri  
Ekron rar lamij, im ba, Rar bōktok  
dipdip an Anij in Israel ñōn iber, bwe  
ren mōn kij im ro mōtar. 11 Kin  
men in, rar jilkinlok im kokweloktok  
iroiј ro otemjej an ro dri Pilistia, im  
rar ba, Komin jilkinlok dipdip an Anij  
in Israel, bwe en bar jeblak ñōn ji-  
kin, bwe en jab mōn kij im ro mōtar.  
Bwe juōn iñtan elap ilujen aolepen  
jikin kwelok eo; pein Anij e ar kanuiј  
erro ijo. 12 Im armij ro re jab mij,  
ar keјorran ir kin linnōp ko; im lamij  
an jikin kwelok eo e ar wōnliñlok ñōn  
lōñ.

6 Im dipdip an Jeova e ar ber ilo  
ene an ro dri Pilistia iomin jilji-  
limjuōn aliñ. 2 Im ro dri Pilistia rar  
kirtok pris ro im ro dri marmir, im  
ba, Ta eo jen kōmōne kin dipdip an  
Jeova? komin bakajen ñōn kim ekij-  
kan kimin jilkinlok e ñōn jikin. 3 Im  
rar ba, Elañe kom naj jilkinlok dipdip  
an Anij in Israel, komin jab jilkinlok  
e kin lemōјor; a komin kanuiј jilkin-  
lok<sup>1</sup> jurtak kin bwir: inem kom naj  
mour, im e naj alikar ibemi etke E  
jañin bōk pein jen kom. 4 Im rar ba,  
Ta jurtak in bwir kimin jilkinlok  
iben? Im rar ba, Lailim linnōp gold,  
im lailim kijrik gold ekar ñōn oran  
iroiј ro an ro dri Pilistia; bwe juōn  
wōt iñtan e ar iomi otemjej im iroiј  
ro ami. 5 Kin men in, komin kōmōn  
kajeoñwe in bōј ko ami, im kaje-  
oñwe in kijrik ko ami, rej kokkure  
ene; im komin lelok nebar ñōn Anij  
in Israel: bwelen E naj kameralok  
pein jen iomi, im jen anij ro ami, im  
jen eneo ami. 6 Etke komij kabin  
buruōmi, einwōt ro dri Iјipt im Pero  
rar kabin burueir? Ke emwij An kō-  
mōn men in bwilōñ ko ibeir, rar jab  
kōtlok ir bwe ren ilok inem rar ilok  
ke? 7 Kin men in, komin bōk im ka-

pojök juön wagon ekāl, im ruo kau kōrai, ko ejelok ine e ar ber ioir; im komin lukwoj kau ko iman wagon eo, im bōktok kon ko nejir jen ir nōn jikir; 8 im komin bōk dipdip an Anij im likite ion wagon eo; im komin likit inōk ko gold, ko komij jilkinlok nōn E jurtak in bwir, iloan juön alele iturin; im jilkinlok e, bwe en ilok. 9 Im komin lale; elañe ej ilok ilo ial nōn Bet-shimesh, inem E ar kōmōn nōn kij jorran in elap: a elañe jab, je naj jela bwe e jab pein ej mōn kij; e ar men bōjik e ar itok ioyer.

10 Im armij ro rar kōmōn ein drein, im bōk ruo kau kōrai, im lukwoji iman wagon eo, im kili kon ko nejir ilo jikir; 11 im rar likit dipdip an Jeova ion wagon eo; im alele in kijrik ko gold im kajeofwe ko an linnōp ko air. 12 Im kau ko rar ilok ilo ial eo e jimeelok nōn Bet-shimesh; rar etallok ilo ial eo elap, im rej jōn wōt ke rej ilok, im rar jab jeōr nōn anbijmaroñ ak anmiñ; im iroi ro an ro dri Pilistia rar lore nōn tōreran Bet-shimesh. 13 Im ro dri Bet-shimesh rar marmir air wit ilo komlōl eo; im re bōk mejeir, im lo dipdip eo, im rar lōñliñ in loe. 14 Im wagon eo e ar itok ilo jikin kallip eo an Joshua dri Bet-shimesh, im bwijrōk ijo, ijo juön dreka elap: im rar jekjek alal ko an wagon eo, im <sup>1</sup>katok kin kau ko, men in katok kijeek nōn Jeova. 15 Im ro <sup>2</sup>dri Livai rar drore dipdip an Jeova, im alelen inōk ko gold e kar iben, im likite ion dreka eo elap: im ro dri Bet-shimesh rar lelok jurtak kijeek, im katok kin men in katok ko ran eo nōn Jeova. 16 Im ke emwij an iroi ro lailim an ro dri Pilistia loe, rar jeblak nōn Ekron ran eo.

17 Im irkein linnōp ko gold ro dri Pilistia rar jilkinlok men in lelok kin bwir nōn Jeova: kin Ashdod juön, kin Geza juön, kin Ashkilon juön, kin Gad juön, kin Ekron juön; 18 im kijrik ko gold ekar nōn oran jikin kwelok otemjej an dri Pilistia, an iroi ro lailim, jikin kwelok ko eor air worwor, im jikin kwelok ko redrik wujeir, aet nōn

dreka eo elap, eo rar drore dipdip an Jeova na ion, dreka eo ej berwōt nōn ranin ilo jikin kallip eo an Joshua, dri Bet-shimesh.

19 Im <sup>1</sup>E ar mōn jet ian ro dri Bet-shimesh, kin ke rar aluij iloan dipdip an Jeova, aet, E ar mōn ian armij ro jiljilimjuōnñoul armij, im limñoul taus an armij; im armij rar buromōj, kin an Jeova mōn armij ro kin mij elap. 20 Im ro dri Bet-shimesh rar ba, Wōn e maroñ in jutōk iman Jeova, Anij e kwojarjar? im nōn iben wōn En ilok jen kij? 21 Im rar jilkinlok ro dri jilik nōn ro dri Kiriati-jerim, im ba, Ro dri Pilistia rar bōktok dipdip an Jeova; komin wōnlōltok, im bōkliñwoj <sup>7</sup>nōn ibemi. 1 Im ro dri Kiriati-jerim rar itok, im <sup>2</sup>bōkliñflok dipdip an Jeova, im kadreloñ e na iloan mweo imōn Abinedab ion tol eo, im kokwojarjar Iliezar nejin, bwe en lale dipdip an Jeova. 2 Im jen ran eo ke dipdip eo e ar ber i Kiriati-jerim e aitok ien; bwe e kar roñoul yōi: im aolepen imōn Israel rar limair kin Jeova.

3 Im Samuel e ar konono nōn aolepen imōn Israel, im ba, Elañe komij jeblaktok nōn Jeova kin aolepen buruōmi, inem komin jolok anij ro drua im Ashterot jen ibemi, im kapojök buruōmi nōn Jeova, im jermal nōn E wōt: im E naj kōtlok kom jen pein ro dri Pilistia. 4 Inem ro nejin Israel rar jolok Beal im Ashterot, im jermal nōn Jeova wōt.

5 Im Samuel e ar ba, Komin kweloktok ro dri Israel otemjej nōn Mizpa, im I naj jar nōn Jeova kin kom. 6 Inem rar kweloktok nōn Mizpa, im rar itōk dren im lutōklok e iman Jeova, im rar jitlok ran eo, im ba ijo, Kim ar jerawiwi nae Jeova. Im Samuel e ar ekajete ro nejin Israel i Mizpa. 7 Im ke ro dri Pilistia rar roñ kin an ro nejin Israel kweloklok i Mizpa, iroi ro an dri Pilistia rar wōnliñflok nae ir. Im ke ro nejin Israel rar roñjake, rar mijōk ro dri Pilistia. 8 Im ro nejin Israel rar ba nōn Samuel, En jab jokwor am kir nōn Jeova ar Anij kin kim, bwe En lomo-

<sup>1</sup> 2 Sam. 24. 22. <sup>2</sup> Josh. 3. 3.

<sup>1</sup> Bwin. 4. 5. 20. <sup>2</sup> 2 Sam. 6. 3. 4.

ren kij jen pein ro dri Pilistia. 9 Im Samuel e ar bōk juōn lam ej ninnin, im lelok e men in katok kijeek eyu nōn Jeova: im Samuel e ar kir nōn Jeova kin Israel, im Jeova e ar uak e. 10 Im ke Samuel ej lelok men in katok kijeek eo, ro dri Pilistia rar druaktok bwe ren tōrinaek Israel; a Jeova e ar jorur kin jorur elap, ran eo, ion ro dri Pilistia, im <sup>1</sup> kaleññoñ ir; im emwij mōn ir iman Israel. 11 Im ro dri Israel rar droijlok jen Mizpa, im lukworkwor dri Pilistia, im mōn ir, mae ien air ilok iomin Bet-kar.

12 Inem Samuel e ar bōk juōn dreka, im likit e ikōtan Mizpa im Shen, im e ar naetan Eben-izer, im ba, Nōn ien in Jeova e ar jibōñ kim. 13 Ein drein emwij kōtaik ro dri Pilistia, im re jab bar dreloñ iloan tōreren Israel: im pein Jeova e ar jumae ro dri Pilistia ran ko otemjej an Samuel. 14 Im jikin kwelok ko ro dri Pilistia rar bōk jen Israel, rar bar lilok nōn ir, jen Ekron, aet, nōn Gat; im Israel e ar kōtlok tōreren jen pein ro dri Pilistia. Im eor ainemōn ikōtan Israel im ro dri Amor.

15 Im Samuel e ar ekajete Israel ran ko otemjej in an mour. 16 Im e ar ilok jabrewōt yiō ilo etal i kejeblak nōn Betel, im Gilgal, im Mizpa; im e ar ekajete Israel ilo jikin kwelok kein otemjej. 17 Im e ar jeblak nōn Rema, bwe ijo kabijuknen; im e ar ekajete Israel ijo: im e ar kalek na ijo juōn lokatok nōn Jeova.

**8** Im ke Samuel e lōlap, e ar kōnan bwe ro nejnin man ren dri ekajet ion Israel. 2 Ak etan manjen Joel; im etan eo ken ka ruo Ebaija: rar dri ekajet i Bier-shiba. 3 Im ro nejnin man rar jab etal ilo ial ko an, ak rar jeorlok in bukot mōnni, im bōk wōnan kabwiloklok mej, im kankeke air ekajet.

4 Im ridto ro otemjej an Israel rar kweloktok, im itok nōn iben Samuel i Rema; 5 im rar ba nōn e, Lo, kwe kwo lōlap, im ro nejōm man re jab etetal ilo ial ko am: inem kwon<sup>2</sup> kōmōn juōn kiñ nōn kim bwe en ekajete

kim einwōt dri aliñ ko otemjej. 6 A men eo<sup>1</sup> e ar jab kabuñburuen Samuel, ke rar ba, Kwon letok juōn kiñ bwe en ekajete kim. Im Samuel e ar kir nōn Jeova. 7 Im Jeova e ar ba nōn Samuel, Kwon eoroñ ainiken armij ro ilo men otemjej rej ba nōn yuk; bwe<sup>2</sup> rar jab jolok yuk, a rar jolok lō, bwe In jab kiñ ioir. 8 Einwōt jerbalko air otemjej rar kōmōni jen ran eo ke I ar āñintok ir jen Ijpt, nōn rannio, ilo air kar illok jen Na, im jerbalko nōn anij ro jet, ein drein air kōmōn bareinwōt nōn yuk. 9 Inem kwon eoroñ ainikeir: ijoke, kwon kanuij kowe ir, im kwon kwalok nōn ir wāwen kiñ eo e naj iroi j ioir.

10 Im Samuel e ar kennanek nan ko otemjej an Jeova nōn ro rar kajitōk juōn kiñ iben. 11 Im e ar ba, Eñin e naj wāwen kiñ eo e naj iroi j iomi: e naj bōk ro nejōmi man, im kōmōn ir dri lale jariot ko an, im ors ko an; im re naj etōrlok iman jariot ko an; 12 im e naj likit ir nōn e, kapen an tausan ko, im kapen an limñoul ko; im e naj likit jet dri tōblōle bri j eo an, im dri marmir jonikōn eo an, im dri kōmōn ken tōrinae ko an, im wijkinen jariot ko an. 13 Im e naj bōk ro nejōmi kōra bwe ren dri kato-lōj, im dri kōmāt, im dri umum. 14 Im e naj bōk jikin kallip ko ami, im ami bwil in grep, im ami jikin kallip in oliv, aet, ko remōn tata, im lilok nōn ro dri korijeran. 15 Im e naj bōk mōtōn joñoul an ine eo ami, im bwil in grep ko ami, im lilok nōn dri kabwijrōk ro an, im nōn ro dri korijeran. 16 Im e naj bōk ro dri korijerōmi man im kōra, im likao ro ami remōntata, im ass ko ami, im kajerbal ir kin jerbalko an. 17 E naj bōk mōtōn joñoul in bwij ko ami: im kom naj ro dri korijeran. 18 Im kom naj lamij ilo ran eo kin kiñ eo kom naj kålet nōn kom; im Jeova e jamin uak kom ilo ran eo.

19 A armij ro rar abwin eoroñ ainiken Samuel; im rar ba, Jab; a kim kōnan juōn am kiñ, 20 bwe kimin einwōt ro dri aliñ otemjej, im bwe

<sup>1</sup> Josh. 10. 10. <sup>2</sup> Dut. 17. 14. 15.

<sup>1</sup> Jap. 12. 17. <sup>2</sup> Jap. 10. 19.

am kiñ en ekajete kim, im drioiĵlok imam, im tōrinaek tōrinae ko am. 21 Im Samuel e ar roñjake nan ko otem-  
 jej an armij rōn, im e ar kwalok ir i lojiliñin Jeova. 22 Im Jeova e ar ba ñōn Samuel, Kwon eoroñ ainikeir, im kōmōn juōn air kiñ. Im Samuel e ar ba ñōn armij ro dri Israel, Jabrewōt iami komin ilok ñōn jikin kwelok eo an.

9 Juōn armij dri Benjamin, etan Kish, nejin Ebaiel, eo nejin Ziror, eo nejin Bikorat, eo nejin Apaia, eo nejin dri Benjamin, im e juōn armij e utiej im e mweie. 2 Im juōn nejin, etan Saul, <sup>1</sup>likao, im e mejajalok: ejelok juōn ian ro nejin Israel emōn jen e: jen aieran e utiej jen armij ro jet. 3 Im e joko ass ko an Kish, jemen Saul. Im Kish e ar ba ñōn Saul nejin, Kwon bōk juōn ian lōmaro dri korijer ibōm, im jutōk, im ilen kabukot ass ko. 4 Im e ar etal ilujen ene utiej an Ipreim, im etal ilujen enen Shalisha, a re jab loi: inem rar etetal ilujen enen Shealim, im re joko ijo; im e ar etal ilujen enen ro dri Benjamin, a re jab loi.

5 Ke rar itok ñōn enen Zup, Saul e ar ba ñōn leo korijeran, Jen jeblak, ñe ab jema en jolok an lemnok kin ass ko, im inebata kin kijro. 6 Im leo e ar ba ñōn e, Lo kiō, ilo jikin kwelok in juōn armij ōn Anij, im rej nebar im kōñiājoik e; aoopen nan ko an rej mol wōt: inem jen ilok ñōn iben; bwelen e naj maroñ in kenannek kij kin arro etal, jej etal ialok. 7 Inem Saul e ar ba ñōn leo korijeran, A elañe jej ilok, ta eo jen bōklok ñōn armij eo? bwe e mat bred ilo jābi ko ar, im ejelok jurtak jen bōklok ñōn armij eo ōn Anij: ta eo iberro? 8 Im dri korijer eo e ar bar uak Saul, im ba, Lo, ilo peiō juōn mōtōn emen shekel silver: I naj lelok men in ñōn armij eo ōn Anij, bwe en kennanek kij arro ial. 9 (Mokta, ilo Israel, ke juōn eman e kin ilen kajitōk iben Anij, ein drein an ba, Itok, im jen ilok ñōn iben dri lolo eo; bwe eo rej naetan dri kanan kiō, mokta rej likit etan

dri lolo). 10 Inem Saul e ar ba ñōn leo dri kōrijeran, Emōn am ba; jen ilok. Ein drein rar ilok ñōn jikin kwelok eo ijo armij eo ōn Anij ej ber ie.

11 Ke rar wōnliñlok ilo ial ñōn jikin kwelok eo, rar lo jet jiroñ rej drioiĵlok bwe ren itōk, im rar ba ñōn ir, Dri lolo eo ej ijin ke? 12 Im rar uak ir, Aet; lo, ej imami: komin jarōplok kiō, bwe ej itok ranin ñōn jikin kwelok in; bwe ranin armij rōn rej katok ilo jikin eo eutie. 13 Ñe komij dreloñ iloan jikin kwelok eo, e naj mōkōj ami loe, mokta jen an wōnliñlok ñōn jikin eutie bwe en mōña; bwe armij re jamin mōña mokta jen an itok, bwe <sup>1</sup>ej jare men in katok eo; im tokelik ro emwij kir ir rej mōña. Inem kominro wōnliñlok; bwe kom naj loe kiō. 14 Im rar wōnliñlok ñōn jikin kwelok eo; im ke rar dreloñlok na ilo jikin kwelok eo, lo, Samuel e ar item wōnmae ir, bwe en wōnliñlok ñōn jikin eutie.

15 Ak emwij an Jeova kwalok ñōn Samuel ran eo mokta jen an Saul itok, im ba, 16 Ilju e nañin auō in, I naj jilkinwoj ñōn ibōm, juōn eman jen enen Benjamin, im kwo naj kabite iroiĵ ion Aō ailiñ Israel; im e naj lomoren armij ro Aō jen pein ro dri Pilistia: bwe I ar reilok ñōn armij ro Aō, bwe air lamij e ar wōnliñtok ñōn iba. 17 Im ke Samuel e ar lo Saul, Jeova e ar ba ñōn e, <sup>2</sup>Lo, leo I ar kono kake ibōm! eñin e naj iroiĵ ion armij ro Aō. 18 Inem Saul e ar druaklok ñōn iben Samuel ilo kejem eo, im ba, Kwon kennanek iō, ij akwelap ñōn yuk, ewi imōn dri lolo eo. 19 Im Samuel e ar uak ñōn Saul, im ba, Ña dri lolo eo; kwon wōnliñlok imaō ñōn jikin eo eutie, bwe kwo naj mōña iba ranin: im ñe ejiboñ I naj kōtlok yuk, im I naj kennanek yuk men otemjej ilo buruōm. 20 Im kin ass ko rar joko jilu ran re motlok, kwon jab bar lemnok kake; bwe emwij air loi. Im ñōn wōn aoopen kōnan an Israel? E jab ñōn kwe im aoopen nukin jemōm ke? 21 Im Saul e



ar uak im ba, Nā I jab <sup>1</sup>dri Benjamin, jen bwij eo eriktata ilo Israel ke? im ro nuku re jab erik jen nukin Benjamin otemjej ke? inem etke ein wāwen drein am ba nōn iō?

22 Im Samuel e ar bōk Saul im leo korijeran, im āninlok irro nōn loan rum eo an ro ar kālet ir, im kajijōt ir-ro ilo jikin emōn tata, iben ro emwij kir ir, e nañin jilñoul armij. 23 Im Samuel e ar ba nōn dri kōmāt eo, Kwon bōktok mōtōn eo I ar lewoj, im I ar konono kake nōn yuk, Kwon likit e na ibōm. 24 Im dri kōmāt eo e ar kwotōke unin ne, im men eo ion, im likit e iman Saul. Im Samuel e ar ba, Lo, men eo emwij kejbāroke! kwon likite imam im mōña; bwe rar kejbāroke mae yuk nōn ien eo e jejit, bwe I kar ba, Emwij aō kirtok armij rōn. Ein drein Saul e ar mōña iben Samuel ran eo.

25 Im ke rar wōnlōltok jen jikin eo eutie j nōn jikin kwelok eo, e ar kōmao iben Saul ion kejenwan mw eo imōn. 26 Im rar jerkak ke ejiboñ wōt: im ke e nañin rantak, Samuel e ar kir nōn Saul ion kejenwan eo, im ba, Kwon jerkak, bwe in maroñ in jilkinlok yuk. Inem Saule ar jerkak, im irro rar drioi jlok, e im Samuel, inabij. 27 Im ke rej wōnlōllok i jemlokōn jikin kwelok eo, Samuel e ar ba nōn Saul, Kwon jiroñ dri kori jerōm bwe en ilok imanlok, (im e ar wōnmanlok), a kwon bwijrōk mokta, bwe in maroñ karoñjake yuk nan in Anij.

**10** Inem <sup>2</sup>Samuel e ar bōk bōka in oil, im lutōklok e na ion bōran, im mejenmaik e, im ba, E jab kin an Jeova kabit yuk iroi j ion jolit eo An ke? 2 Nē kwo motlok jen nā ranin, kwo naj lo ruo eman iturin lūpōn Rejel, i tōreran Benjamin i Zelza; inem re naj ba nōn yuk, Ass ko kwar ilen bukoti, rar loi; im lo, e lul buruen jemōm kin ass ko, im ej lemnok kin kwe, im ba, In it kin leo nejiō? 3 Im kwo naj wōnmanlok jen ijo, im kwo naj tōbar wijki ok eo i Tebor; im naj wōnmae yuk ijo jilu eman rej wōnlñi-

lok nōn iben Anij i Betel, juōn ej bōklok jilu kon in got, bar juōn ej bōklok jilu ion bred, im eo juōn ej bōklok juōn botto in wain: 4 im re naj yokyokwe yuk, im lewoj ruo ion bred, eo kwon bōki jen peir. 5 Tokelik kwo naj tōbar tol in Anij, ijo dri tōrinae an dri Pilistia rej ber ie: im nē kwoj tōbar jikin kwelok eo, kwo naj wōnmae jar an ro dri kanan, rej itok jen jikin eo eutie j, kin juōn salteri, im juōn timbrel, im juōn paip, im juōn arp imair; im re naj drikani j wōt: 6 im Jitōb ōn Jeova e naj lap an itok iom, im kwo naj drikani j ibeir, im naj ukot yuk nōn juōn eman wāwen juōn. 7 Im en ein drein, nē kakōle kein rej itok nōn ibōm, kwon kōmōn men eo peōm ej loe; bwe Anij ej ibōm. 8 Im kwo naj wōnlōllok imaō, nōn Gilgal; im lo, I naj wōnlōltok nōn ibōm, im katok kin katok kijeek ko, im bwe in katok kin jurtak in ainemōn ko: kwo naj kōtar iō iomin jiljilimjuōn ran, mae ien aō iwi j nōn ibōm, im kwalok nōn yuk ta eo kwo naj kōmōne.

9 Im e kar ein drein, ke emwij an oktōklik bwe en etal jen iben Samuel, Anij e ar lelok nōn e buruen wāwen juōn: im kakōle ko otemjej rar walok ran eo. 10 Im ke rar tōbar tol eo, lo, juōn jar an dri kanan rar wōnmae e; im Jitōb ōn Anij e ar itok ion kin kajur, im e ar drikani j ibeir. 11 Im ke ro otemjej, ro rar jela kajen, rar loe, lo, e ar drikani j iben ro dri kanan, inem armij ro rar ba nōn dron, Ta men in e ar walok nōn leo nejin Kish? Saul ej bareinwōt iben ro dri kanan ke? 12 Im juōn jen jikin eo e ar uak in ba, Ak wōn eo jemeir? Kin men in e ar walok juōn jabōn kennan, Saul bareinwōt iben ro dri kanan ke? 13 Im ke emwij an drikani j, e ar tōbar jikin eo eutie j.

14 Im alap eo an Saul e ar ba nōn irro korijeran, Kom ar ilok ialok? Im e ar ba, Bwe kiminro bukot ass ko; im ke kim ar jab loi, kim ar ilok nōn iben Samuel. 15 Im alap eo an Saul e ar ba, Kwon kennanek iō, ij akwelap nōn yuk, ta eo Samuel e ar ba nōn yuk. 16 Im Saul e ar ba nōn alap

eo, E ar kwalok nōn kimro alikar bwe emwij air lo ass ko. A kin bebe eo kin ailiñ eo, Samuel e ar konono kake, e ar jab ba nōn e.

17 Im Samuel e ar kokweloktok armij ro nōn Jeova i Mizpa; 18 im e ar ba nōn ro nejin Israel, Ein drein Jeova, Anij in Israel, ej ba, Ña I ar āninliñtok Israel jen Ijipt, im I ar lomoren kom jen pein dri Ijipt, im jen pein ailiñ ko otemjej rar kejjorran kom: 19 a ranin kom ar jolok ami Anij, Eo ej mōke lomoremi jen iñtan ko otemjej ami, im aolepen jorran ko ami; im kom ar ba nōn E, A Kwon likit juōn kiñ iom. Inem kiō komin kwalok kom iman Jeova ekar nōn bwij ko ami, im tausan ko ami. 20 Ein drein Samuel e ar kadruaktok bwijin Israel otemjej, im ar bōk bwijin Benjamin. 21 Inem e ar kadruaktok bwijin Benjamin ekar nōn nukin ko air; im ar bōk nukin Metri, im ar bōk Saul nejin Kish: a ke rar bukote re ban loe. 22 Kin men in, rar bar kajitōk iben Jeova, Bar juōn man en itok ke? Im Jeova e ar uak, Lo, emwij an tilekek ilo mweiuk ko. 23 Im rar etōrlōk im āñintok e jen ijo; im ke e ar jutōk iben armij ro, e ar utiej jen armij otemjej jen aieran. 24 Im Samuele e ar ba nōn armij otemjej, Komij lo eo Jeova e ar kălete, bwe ejelok ian armij otemjej einwōt e ke? Im armij otemjej rar lamij, im ba, En eto an kiñ eo mour.

25 Inem Samuel e ar kennanek armij ro <sup>1</sup>wāwen ailiñ in kiñ eo, im e ar jeje ilo juōn buk im likit e iman Jeova. Im Samuel e ar jilkinlok armij otemjej, jabrewōt iair nōn mweo imōn. 26 Im Saul bareinwōt e ar ilok nōn mweo imōn i Gibia; im rar ilok ibenlok jet armij re kajur, ro Anij e ar karel burueir. 27 A jet ian ro dri nana rar ba, Ekijkan armij in en lomoren kij? Im rar kejekrone, im ejelok men in lelok rar bōktok nōn e. A ej kejeklokjen.

**11** Ien eo Nehash, dri Amon, e ar wōnliñlok im nitbwile Jebesh-giliad: im ro dri Jebesh-giliad rar ba

nōn Nehash, Kwon kōmōn bujen ibem im kim naj korijer nōn yuk. 2 Im Nehash, dri Amon, e ar ba nōn ir, Ein drein I naj kōmōne ibemi, elañe naj itik mejemi anbijmaroñ otemjej; inem I naj likite men in kinak ion dri Israel, otemjej. 3 Im ridto ro an Jebesh re ba nōn e, Kwon kōtar mokta iomin jiljilimjuōn ran, bwe kimin maroñ in jiliklok nōn tōreren otemjej an Israel; im ien eo, elañe ejelok dri lomoren kim, kim naj drioij nōn ibōm. 4 Inem ro dri jilik rar itok nōn Gibia an Saul, im rar konono nan kein ilo jiliñliñ armij ro: im aolepen armij ro rar koutiej ainikeir, im jōñ. 5 Ak lo, Saul e ar loritok ox ko jen jikin kallip eo; im Saul e ar ba, E baj it armij ro ke rej jōñ? Im rar kennanek e nan ko otemjej jen ro dri Jebesh.

6 Im <sup>1</sup>Jitōb ōn Anij e ar itok ion Saul kin kajur, ke e ar roñjake nan kein, im elap an bwil illu eo an. 7 Im e ar bōk ruo ox, im kajiblokloki, im jilkinlok kin pein ro dri jilik ilujen tōreren ko an Israel, im ba, Jabrewōt eo e jab iten lor Saul im Samuel, ein drein air naj kōmōn nōn ox ko an. Im lelñōñ jen Jeova e ar buñ ion armij otemjej, im rar drioijlok im jou einwōt juōn armij. 8 Im e ar bwini ir ilo Bizek; im ro nejin Israel jilu buki tausan, im man ro jen Juda jilñoul tausan. 9 Im rar ba nōn ro dri jilik re kar itok, Ein drein ami naj ba nōn ro dri Jebesh-giliad, Ilju, mae ien e loliñ al, naj lomoremi. Im ro dri jilik rar ilen kennanek ro dri Jebesh; im rar mōñōñ kake. 10 Kin men in, ro dri Jebesh rar ba, Ilju kim naj drioijlok nōn ibōm, im kom naj kōmōn nōn kim aolepen men eo emōn ibemi. 11 Im ilju Saul e ar kijbil armij ro ilo jilu jar; im rar dreloñ ilujen kamp eo ilo mmij eo eliktata ilo boñ, im rar mōn ro dri Amon mae ien e loliñ al: im ro rej berwōt re jibliklik, im e jab ruo iben dron.

12 Im armij re ba nōn Samuel, Wōn eo e ar ba, Saul en iroij ioer ke? āñintok armij ro bwe kimin mōn ir.

13 Im Saul e ar ba, Re jamin mōn jabrewōt armij ranin; bwe ranin Jeova e ar kōmōn lomor nōn Israel.

14 Inem Samuel e ar ba nōn armij ro, Jen ilok nōn Gilgal, im kōkāl ailiñ in ijo. 15 Im armij otemjej rar ilok nōn Gilgal, im rar kairoi Saul iman Jeova i Gilgal; im ijo rar katok kin men in katok ainemōn ko iman Jeova, im Saul kab ro dri Israel otemjej rar kanuij mōnōnō.

12 Im Samuel e ar ba nōn ro dri Israel otemjej, Lo, <sup>1</sup>I ar eoroñ ainikeōmi ilo men otemjej kom ar ba nōn iō, im I ar kairoi juōn kiñ iomi. 2 Im kiō, lo, kiñ eo ej etetal imami; im ña I ridto im bwiljere; im lo, ro nejiō man rej ibemi: im I ar etetal imami jen ke I ar ajiri nōn ranin. 3 Ña iji: komin kennan nae iō iman Jeova, im iman eo E ar kabite: ox eo an wōn I ar bōke? ak ass eo an wōn I ar bōke? ak wōn I ar elikinjipjip e? wōn eo I ar kamakokoik e? jen pein wōn I ar bōk wōnan kabilo meja? im I naj kōla nōn kom. 4 Im rar ba, Kwar jab elikinjipjip kim, ak kamakokoik kim, im kwar jab bōk jabrewōt jen pein jabrewōt armij. 5 Im e ar ba nōn ir, Jeova dri kennan nae kom, im eo E ar kabite, ej dri kennan ranin, kin ami jañin lo jabrewōt ilo peiō. Im re ba, E dri kennan.

6 Im Samuel e ar ba nōn armij ro, E Jeova e ar kālet Moses im Aron, im āninliñtok ro jimami jen Ijpt. 7 Inem komin jutōk im tōt, bwe in konono ibemi iman Jeova kin kōmōn ko re jime an Jeova, ko E ar kōmōni nōn kom im nōn ro jimami. 8 Ke Jakob e ar itok nōn Ijpt, im ro jimami rar lamij nōn Jeova, inem Jeova e ar jilkinlok Moses im Aron, ro rar āñintok ro jimami jen Ijpt, im kaimwim ir i enin. 9 A rar meloklok Jeova air Anij; im E ar wiakake ir na ilo pein Sisera, kapen jar in tōrinae an Hezor, im na ilo pein ro dri Pillistia, im na ilo pein kiñ in Moab; im rar tōrinaek ir. 10 Im rar lamij nōn Jeova, im ba, Kim ar jerawiwi,

kin ke kim ar ilok jen Jeova, im kim ar jerbal nōn Beal im Ashterot: im kiō Kwon lomorem jen pein ro dri kijirāte kim, im kim naj jerbal nōn Kwe. 11 Im Jeova e ar jilkinlok Jerubeal, im Bidan, im Jepta, im Samuel, im lomoren kom jen pein ro dri kijirāte kom ijoko otemjej; im kom ar jokwe im ejelok ami uota. 12 Im ke kom ar lo an Nehash kiñ an ro dri Amon itok nae kom, kom ar ba nōn iō, Jab, a juōn kiñ en iroi iom; ke Jeova ami Anij e kar ami kiñ. 13 Inem kiō komin reilok nōn kiñ eo kom ar kālete, im kom ar kajitōk kake: im lo, Jeova e ar likit juōn kiñ iomi. 14 Elañe komij mijōk Jeova, im korijer nōn E, im eoroñ ainiken, im jab kabata nae kien Jeova, im kom kab bareinwōt kiñ eo ej iroi iomi naj ro dron Jeova ami Anij, inem emōn: 15 a elañe kom jab kōnan eoroñ ainiken Jeova, a kom kabata nae kein Jeova, inem pein Jeova e naj nae kom einwōt e kar nae ro jimami. 16 Inem kiō komin jutōk im tōt, im lo men in elap Jeova e naj kōmōne iman mejōmi. 17 E jab ien jonikōn wit ranin ke? I naj kir nōn Jeova bwe En jilkinlok jorur im wut; im kom naj jela im lo bwe elap ami bwir, eo kom ar kōmōne iman mejen Jeova, ke kom ar kajitōk juōn kiñ. 18 Ein drein Samuel e ar kir nōn Jeova; im Jeova e ar jilkinlok jorur im wut ran eo: im armij re kanuij mijōk Jeova im Samuel.

19 Ak armij otemjej rar ba nōn Samuel, Kwon jar kin ro dri korijerōm nōn Jeova am Anij, bwe kimin jab mij; bwe kim ar kobaik iben jera-wiwi ko am otemjej, nana in, bwe kimin kajitōk juōn kiñ nōn kim. 20 Im Samuel e ar ba nōn armij ro, Komin jab lelñōñ: emol emwij ami kōmōn aolepen nana in; ijoke, komin jab jeōrlōk jen ami lor Jeova, a komin jerbal nōn E kin aolepen buruōmi: 21 im komin jab jeōrlōk; elañe ein drein kom naj lor men ko re wan, ko re ban jibōñ ak lomoren kom, bwe re men bata. 22 Bwe <sup>1</sup>Jeova e ja-

min illok jen armij ro dron, kin etan elap, bwe e buñburuen Jeova in kōmōn kom ro An dri ailiñ. 23 Bar juōn, kin ña, in jab jerawiwi nae Jeova ilo aō jokwōr in jar kin kom: a I naj katakin kom ial eo emōn im jime. 24 Men in wōt, komin mijōk Jeova, im jerbāl ñōn E ilo mol kin aolepen buruōmi; im komin kalomōn-lokjen ie ridtōn men ko relap E ar kōmōni ñōn kom. 25 A elañe komij etal wōt im kōmōn nana, kom naj joko, <sup>1</sup> kom im kab ami kiñ.

**13** Ridtōn Saul eñoul yiō ke ej jino an kiñ; im ke e ar kiñ iomin ruo yiō ion Israel, 2 Saul e ar kālet ñōn e jilu tausan armij dri Israel, ruo tausan iair rar ber iben Saul i Mikmash, im ilo tol Betel, im juōn tausan rar ber iben Jonetan i Gibia in Benjamin: im armij ro jet e ar jilkinlok jabrewōt iair ñōn mwēo imōn. 3 Im Jonetan e ar mōn ro dri me eo an ro dri Pilistia rar ber i Gibia, im ro dri Pilistia rar roñjake. Inem Saul e ar jilil ilujen aolepen eneo, im ba, Ro dri Hibru ren roñjake. 4 Im ro dri Israel otemjej rar roñ air ba, Saul e ar mōn ro dri me eo an dri Pilistia, im ro dri Pilistia rej jōjōik Israel. Im armij ro rar kweloklok na iben Saul i Gilgal.

5 Im ro dri Pilistia rar kweloklok bwe ren tōrinaek Israel, jilñoul tausan jariat im jiljino tausan dri uwe ion ors, im armij ro einwōt bok i barijit kin air lōñ: im rar wōnliñtok im kajur air kamp i Mikmash i rear in Bet-even. 6 Ke ro dri Israel rar lo air uota, (bwe armij rar iñtan kake), inem armij ro rar tilekek ilo roñ ko, im ilo bukwōn wijki rekab, im ilo dreka ko, im ilo jukur ko, im ilo aibij ko. 7 Ak jet ian dri Hibru rar ela jen Jordan ñōn enen Gad im Giliad; a kin Saul, e ar berwōt i Gilgal, im armij otemjej rar lore im kubar-bar.

8 Im <sup>2</sup> e ar kōtar iomin jiljilimjuōn ran, ekar ñōn ien eo Samuel e ar kajejit e: a Samuel e jañin itok ñōn Gilgal; im armij rej jibliklik jen iben.

9 Im Saul e ar ba, Komin bōktok ñōn iba men in katok kijeek, im men in katok kin ainemōn. Im e ar lelok katok kijeek eo. 10 Im ke emwij an lelok katok kijeek eo, lo, Samuel e ar itok; im Saul e ar drioijslok in wōnmae, bwe en yokyokwe e. 11 Im Samuel ej ba, Ta eo kwar kōmōne? Im Saul e ar ba, Kin ke I ar lo bwe armij ro rar jibliklik jen ña, im kwar jab itok ilo ran ko emwij kajejiti, im ro dri Pilistia rar kwelok i Mikmash; 12 kin men in I ar ba, Ro dri Pilistia re naj wōnliñtok iō ñōn Gilgal, im I jañin kajitōk joi jen Jeova: inem I ar kajelolō im lelok men in katok kijeek eo. 13 Im Samuel e ar ba ñōn Saul, Kwar kōmōn men in bwebwe; <sup>1</sup> kwar jab bokake kien Jeova am Anij, eo E ar jiroñ yuk; bwe kiō E naj kar kabin am kiñ ion Israel ñōn in drio. 14 A kiō am kiñ e jamin eto: Jeova e ar kabukot juōn eman ekar ñōn buruen, im E ar likit e iroijs ion armij ro dron, kin ke kwar jab bokake men eo Jeova e ar jiroñ yuk. 15 Im Samuel e ar jerkak im wōnliñlok jen Gilgal ñōn Gibia an Benjamin.

Ak Saul e ar bwini armij ro rar ber iben, e nañin jiljino buki armij. 16 Im Saul kab Jonetan leo nejin, im armij ro rar ber ibeir, rar jokwe i Giba an Benjamin: a ro dri Pilistia rar kajur air kamp i Mikmash. 17 Im ro dri rakim rar drioijslok jen kamp eo an ro dri Pilistia ilo jilu jar: juōn jar e ar jeōr ilo ial ñōn Opra, ñōn enen Shual; 18 im bar juōn jar e ar jeōr ilo ial ñōn Bet-horon; im jar eo juōn e ar jeōr ilo ial an tōren e ar reilōllok ñōn komlōl in Ziboim, iki-jen ene jemaren.

19 Ak rar lo ejelok dri jerbale māl ilo aolepen enen Israel; bwe ro dri Pilistia rar ba, Ñe ab ro dri Hibru rej mōke kōmōnmōn ñōn ir jāji ko ak mōri ko: 20 a ro dri Israel otemjej rar wōnliñlok ñōn iben ro dri Pilistia bwe jabrewōt armij en jimjim ken tōblōl eo an, im māl eo an, im an ken kōb; 21 a ijoke, eor ibeir lā ñōn ken kōb ko,

im ken töblöl ko, im fork ko, im mäl ko, im nōn ken kajime ox ko. 22 Ein drein ilo ran in tōrinae, ar jab lo jāji ak mōri ilo pein jabrewōt ian armij ro iben Saul im Jonetan: ak iben Saul im iben Jonetan eor. 23 Im ro dri me eo an dri Pilistia rar drioiĵlok nōn komlöl e airik iman Mikmash.

**14** Ak ilo juōn ran, Jonetan nejin Saul, e ar ba nōn likao eo e ar ineklok ken tōrinae ko an, Jenro driblok nōn ro dri me eo an dri Pilistia ijueo. A e jab kennanek jemen. 2 Im Saul e ar berwōt i mōtōn Gibia etolok tata iomin wijki pomgranet ej i Migron: im armij ro iben, e nañin jiljino buki man; 3 im Ehaija, nejin Ehaitub, jätin Ikabob, nejin Pinehas, nejin Ilaï, pris an Jeova i Shailo, ej kōnōk juōn epod. Im armij re jaje bwe e joko Jonetan. 4 Im ikōtan komlöl ko re airik, im kin ir Jonetan e ar kajeoñ in driblok nōn ro dri me eo an dri Pilistia, ruo tol dreka rej kajōbe: etan juōn Bozez, im etan eo juōn Sine. 5 Juōn tol dreka e ar jutōk eañ ikijen Mikmash, im eo juōn irōk ikijen Giba.

6 Im Jonetan e ar ba nōn likao dri inek ken tōrinae ko an, Jenro driblok nōn ro dri me eo an dri jab mijmij rōn: bwelen Jeova e naj rajitōk kij; bwe <sup>1</sup>ejelok men in bōprae an Jeova lomor kin eit ak kin elōñ. 7 Im leo dri inek ken tōrinae ko an, e ar ba, Kwon kōmōn jabrewōt eo ej ilo buruōm: kwon oktōk, lo, ña ij ibōm ekar nōn buruōm. 8 Inem Jonetan e ar ba, <sup>2</sup>Lo, je naj driblok nōn armij rōn, im je naj kwalok kijro nōn ir. 9 Elañe rej ba nōn kij, Komin kōtar mae ien kim najiwi; inem je naj jutōk ilo jikir, im je jamin wōnliñlok nōn ibeir. 10 A elañe ein drein air ba, Komin itok nōn ibem; inem je naj wōnliñlok; bwe Jeova e ar lelōk ir na ilo peer: im men in e naj juōn kakōle nōn kijro. 11 Im irro rar mōke kwalok ir nōn ro dri me eo an dri Pilistia: im ro dri Pilistia rar ba, Lo, <sup>3</sup>ro dri Hibru rej drioiĵlok jen roñ ko ijo re kar tilekek. 12 Im ro dri me eo rar

uak nōn Jonetan, im dri inek ken tōrinae ko an, im ba, <sup>1</sup>Komin wōnliñtok nōn ibem, im kim naj kwalok juōn men nōn kom. Im Jonetan e ar ba nōn dri inek ken tōrinae ko an, Kwon wōnliñtok im lor iō; bwe emwij an Jeova ketōk ir na ilo pein Israel. 13 Im Jonetan e ar tōböllñlok, im dri inek ken tōrinae ko an e ar lore: im rar bero iman Jonetan; im dri inek ken tōrinae ko an e ar mōn ir elikin. 14 Im im eo mokta, Jonetan im dri inek ken tōrinae ko an rar kabuñe, e nañin roñoul armij, ijo einwōt jibilkwon in ekōr. 15 Im eor kubarbar ilo kamp eo, ilo melaj, im iben armij otemjej; ro dri me, im ro dri rakim, rar bareinwōt wuririr; im <sup>2</sup>e ar makōtkit löl: ein drein juōn wuririr e kanuij lap.

16 Im ro dri kajere an Saul i Gibia an Benjamin rar reilok; im lo jar eo ej unlok, im rar jekarto jekartōk. 17 Inem Saul e ar ba nōn armij ro iben, Komin bwini kiō im lo wōn eo e joko iaruij. Im ke emwij air bwinbwin, lo, Jonetan im dri inek ken tōrinae ko an re joko. 18 Im Saul e ar ba nōn Ehaija, Kwon bōktok dipdip an Anij. Bwe dipdip an Anij e ar ber ijo iben ro nejin Israel ien eo. 19 Im ke Saul ej konono iben pris eo, iruij eo iloan kamp an ro dri Pilistia ej laplok wōt: im Saul e ar ba nōn pris eo, Kwon bōk peōm. 20 Im Saul kab armij otemjej iben rar kweloktok, im ilok nōn tōrinae eo: im lo, jāji an jabrewōt ej nae dri turin, im juōn im e kanuij lap. 21 Inem ro dri Hibru re kar ber iben dri Pilistia, einwōt mokta, im rar wōnliñlok ibeirlok, rej bareinwōt oktōk in ber iben ro dri Israel iben Saul im Jonetan. 22 Ein drein ro dri Israel otemjej re kar tilekek ilo ene utiej an Ipreim, ke rar roñjake kin an ro dri Pilistia ko, rej bareinwōt lukworkwor ir ilo tōrinae eo. 23 Ein drein Jeova e ar lomoren Israel ran eo: im tōrinae eo e ar elälōk iturin Bet-even.

24 Im ro dri Israel rar iñtan ran eo; bwe Saul e ar kabinbin nōn armij

ro, im ba, En lia jabrewōt eo ej mōña mokta jen jota, im ña ij irenwōne ion ro dri kijirāte iō. Ein drein ejelok ian armij ro e ar mōña. 25 Im armij otemjej rar dreloñ ilo bukwōn wijki ko, im eor hōnni ion brij. 26 Im ke armij ro rar itok ñōn bukwōn wijki ko, lo, hōnni e ar wutlok: a ejelok arnij e ar likit pein ñōn loñin; bwe re mijōk menukol eo. 27 A Jonetan e ar jab roñjake ke jemen e ar kabinbin ñōn armij ro: kin men in, e ar erlokwe jokwōn eo ilo pein, im katuloke ilo nien hōnni, im likit pein ñōn loñin; im ebul mejen. 28 Inem juōn ian armij rōn e ar uak, im ba, Jemōm e ar kabinbin ñōn armij ro, im ba, En lia eo ej mōña ranin. Im armij rej kijelok. 29 Inem Jonetan e ar ba, Jema e ar kejjorran enin: komin lale ekijkan ebul meja, kin aō erjoñ jirik hōnni in. 30 E naj kar laplok wōt, elañe armij rar mōña einwōt air kōnan jen men in rakim rej loi an ro dri kijirāte kij? bwe kiō e jañin lap air mōn ro dri Pilistia.

31 Im rar mōn jet ian ro dri Pilistia ran eo jen Mikmash ñōn Aijalon. Im armij re kanuij kijelok; 32 im armij rar kelok ion men in rakim, im rar bōk jip ko, im ox ko, im kon in kau ko, im mōni ion brij; im armij ro<sup>1</sup> rar kōñi ilo bōtōktōkir. 33 Inem rar kennanek Saul, im ba, Lo, armij ro rej jerawiwi nae Jeova, kin air mōña kōniek im bōtōktōkin. Im e ar ba, Kom ar kōmōn jela mon: komin kadrebiltok juōn dreka elap ñōn iba ranin. 34 Im Saule e ar ba, Komin jibliklik iben armij ro, im ba ñōn ir, Jabrewōt armij en bōktok ñōn ijin ox eo kijen, im jabrewōt armij jip eo kijen, im mōni ijin im mōña; im komin jab jerawiwi nae Jeova kin mōña men ko ilo bōtōktōkir. Im jabrewōt ian armij otemjej e ar bōktok ox eo kijen iben boñin eo, im mōne ijo. 35 Im Saul e ar kalek juōn lokatok ñōn Jeova: eñeo lokatok eo mokta e ar ejak ñōn Jeova.

36 Im Saul e ar ba, Jen wōnlōllok

im lor ro dri Pilistia ilo boñ, im jen bōk men in rakim jen ir ñōn rantak, im en ejelok jeok iair. Im rar ba, Kwon kōmōn jabrewōt eo emōn ibōm. Inem pris eo e ar ba, Jen druaktok ijin ñōn Anij. 37 Im Saul e ar kaji-tōk bebe jen Anij, In wōnlōllok im lore ro dri Pilistia ke? Kwo naj ketōk ir na ilo pein Israel ke? A E ar jab uak e ran eo. 38 Im Saul e ar ba, Komin druaktok, komeo iroi in armij rōn; im komin kabukot im lo ej ber ia jerawiwi in ranin. 39 Bwe, einwōt Jeova ej mour, Eo ej lomoren Israel, meñe ej ber iben Jonetan leo nejiō, emol en mij. A ejelok juōn ian armij ro e ar uak e. 40 Inem e ar ba ñōn dri Israel otemjej, Komin ber ilo juōn jikin, im ña im Jonetan leo nejiō, kimro naj ber ilo juōn jikin. Im armij rar ba ñōn Saul, Kwon kōmōn jabrewōt men eo emōn ibōm. 41 Kin men in, Saul e ar ba ñōn Jeova, Anij in Israel, Kwon kwalok men eo e jime. Im kakōle eo e ar bakajen Saul im Jonetan; a armij ro jab. 42 Im Saul e ar ba, Komin kōmōn kakōle ñōn kimro Jonetan leo nejiō. Im e ar bakajen Jonetan.

43 Inem Saul e ar ba ñōn Jonetan, Kwon kennanek iō, kwar it? Im Jonetan e ar kennanek e im ba, Emol I ar mōña jirik hōnni jen jabōn jokwōn eo ilo peiō; im lo, I naj mij. 44 Im Saul e ar ba, Anij en kōmōn ein drein im kalaplok; bwe emol kwo naj mij, Jonetan. 45 Im armij ro rar ba ñōn Saul, Jonetan en mij ke, eo e ar kōmōn lomor in elap ilo Israel? En jab eñin: einwōt Jeova e mour, ejelok juōn kolan bōran e naj wutlok ñōn brij; bwe e ar jerbāl iben Anij ranin. Ein drein armij ro rar lomoren Jonetan, bwe en jab mij. 46 Inem Saul e ar wōnlōllok jen an lor ro dri Pilistia; im ro dri Pilistia rar ilok ñōn jikir.

47 Ke emwij an Saul bōk jerbāl in kiñ ion Israel, e ar tōrinaek ro dri kijirāte otemjej ijoko otemjej, nae Moab, im nae ro nejin Amon, im nae Idom, im nae kiñ ro an Zoba, im nae ro dri Pilistia: im ijo jabrewōt e ar



oktōk ñōn e, e ar kejjorran ir. 48 Im e ar beran an kōmōn, im mōn ro dri Amelek, im lomoren ro dri Israel jen pein ro rar rakimi ir.

49 Ro nejin Saul, Jonetan, im Ishvai, im Malkishua; im rein etan limaro ruo nejin: etan eo e ridto Mirab, im etan eo erik Maikal: 50 im etan lio belen Saul, Ehainoam nejin Ehimeaz. Im etan kapen in jar in tōrinae eo an, Abner nejin Ner, alap eo an Saul. 51 Im Kish jemen Saul; im Ner, jemen Abner nejin Ebaiel.

52 Im eor tōrinae ebin nae ro dri Pilistia iomin ran ko otemjej an Saul: im ke Saul e ar lo jabrewōt armij e kajur, ak e beran, e<sup>1</sup> ar bōke na iben.

15 Im Samuel e ar ba ñōn Saul, <sup>2</sup>Jeova e ar jilkinwoj iō bwe in kabit yuk kiñ ion ro dron, ion Israel: kin men in, kwon eoroñ ainiken nan ko An Jeova. 2 Ein drein Jeova an inelip eo, Ej ba, I ar kili men eo Amelek e ar kōmōni ñōn Israel, ekijkan e ar jumaee e ilo ial, ke e ar wōnlīntok jen Ijpt. 3 Kiō kwon ilen mōn Amelek, im torlok bok, im jab tiriamo kake ir; a kwon mōn man im kōra, ajiri erik im niñniñ, ox im jip, kamel im ass.

4 Im Saul e ar kirtok armij ro, im e ar bwini ir ilo Tileim, rubuki tausandri etetal, im joñoul tausandri Juda. 5 Im Saule ar tōbar jikin kwelok an Amelek, im kebao ir ilo komlōl eo. 6 Im Saule ar ba ñōn ro dri Ken, Komin ilok, etallok, im wōnlōllok jen iben ro dri Amelek, ñe I ab kokkure kom ibeir; bwe kom ar kwalok joiñ ñōn ro nejin Israel otemjej, ke rar wōnlīntok jen Ijpt. Ein drein ro dri Ken rar ilok jen iben ro dri Amelek. 7 Im Saul e ar mōn ro dri Amelek jen Havila ilo ial lok ñōn Shur, eo ej iman Ijpt. 8 Im e ar jibwe Egag kiñ an ro dri Amelek ke ej mour, im e ar kanuij kokkure armij ro kin mejen jāji. 9 A Saul im armij ro rar kejbārok Egag, im ko remōn ian jip ko, im ox ko re mātōk, im lam ko, im men ko otemjej remōn, im re jab kōnan torlok bok: a jabrewōt eo e nana im

ejelok tokjen, men kein rar kanuij kokkure.

10 Inem e ar itok ñōn Samuel nan jen Jeova, im ba, 11 <sup>1</sup>Ij ukwelok iba kin Aō kar kajutōk Saul kiñ; bwe e ar oktōklok jen an lor Iō, im e ar jab bokake kien ko Aō. Im Samuel e ar illu; im e ar kir ñōn Jeova aolepen boñ eo. 12 Im Samuel e ar jerkak ke ejiboñ wōt, bwe en wōnmae Saul; im rar kennanek Samuel im ba, Saul e ar itok ñōn Karmel, im lo, e ar kajutōk juōn wan kemem, im oktōk, im etal, im wōnlōllok ñōn Gilgal. 13 Im Samuel e ar itok ñōn iben Saul; im Saul e ar ba ñōn e, Emōnōnō kwe jen Jeova: ña I ar bokake kien Jeova. 14 Im Samuel e ar ba, Inem ta melelen jōñ an jip ko i lojiliñiō, im ainiken ox ko ij roñjake? 15 Im Saul e ar ba, Rar āñintok ir jen iben ro dri Amelek: bwe armij ro rar kejbārok ko remōn ian jip ko, im ox ko, bwe ren katok kake ñōn Jeova, am Anij; men ko jet kim ar kanuij kokkure. 16 Inem Samuel e ar ba ñōn Saul, Kwon jab kijir, im I naj kennanek yuk ta eo Jeova e ar ba ñōn iō boñin in. Im e ar ba ñōn e, Kwca konono mōk.

17 Im Samuel e ar ba, <sup>2</sup>Meñe kwar drik ilo mejōm, rar jab kōmōn yuk bōran bwij ko bwijin Israel ke? Im Jeova e ar kabit yuk kiñ ion Israel; 18 im Jeova e ar jilkinlok yuk ilo juōn ial, im E ar ba, <sup>3</sup>Kwon ilok im kanuij kokkure ro dri jerawiwi, dri Amelek, im tōrinaek ir mae ien e torlok bok. 19 Kin men in, etke kwar jab bokake ainiken Jeova, a kwar kelok ion men in rakim ko, im kōmōn men ko re nana iman mejen Jeova? 20 Im Saul e ar ba ñōn Samuel, Aet, I ar bokake ainiken Jeova, im I ar etal ilo ial eo Jeova e ar jilkin iō lok ie, im I ar āñintok Egag kiñ in Amelek, im I ar torlok bokir dri Amelek. 21 A armij ro rar bōk ian men in rakim ko, jip ko im ox ko, im ko remōn tata ian men in aje ko, bwe ren katok kake ñōn Jeova am Anij i Gilgal. 22 Im Samuel e ar ba, Jeova ej buñ-

buruen kin men in katok kijeek, im men in katok ko, einwöt ilo bokake ainiken Jeova ke? Lo, <sup>1</sup> bokake emön jen katok, im eorofi emön jen kioeo an jip koman ko. 23 Bwe kabata ej einwöt jerawiwi in anijnij, im böt ej einwöt kabuñ ñõn ekjöp. Kin am kar jolok nan in Jeova, E ar bareinwöt jolok yuk jen am ber im kiñ.

24 Im Saul e ar ba ñõn Samuel, I ar jerawiwi; bwe I ar jab bokake kien Jeova, im nan ko am, kin aõ mi-jök armij ro, im bokake ainikeir. 25 Inem ij akwelap, kwon jolok aõ jerawiwi, im bar oktök ñõn iba, bwe in kabuñ ñõn Jeova. 26 Im Samuel e ar ba ñõn Saul, I jamin jeblak ibõm; bwe kwar jolok nan in Jeova, im Jeova e ar jolok yuk jen am kiñ ion Israel. 27 Im ke Samuel e ar rol bwe en ilok, Saul e ar jibwe lukko an liboror eo an, im e beotök. 28 Im Samuel e ar ba ñõn e, Emwij an Jeova kekel kiñ ion Israel jen kwe ran-in, im E ar lelok ñõn juõn dri turõm, emõnlök jen yuk. 29 Im bareinwöt, Kajur an Israel e jamin riõp ak ukwelok; bwe E jab armij, bwe En ukwelok iben. 30 Inem e ar ba, I ar jerawiwi: ijoke, kwon kõñiäjoik iõ kiõ, ij akwelap, iman ridto ro an armij ro droõ, im iman Israel, im bar oktök ñõn iba, bwe in kabuñ ñõn Jeova am Anij. 31 Ein drein Samuel e ar bar oktök ñõn Saul; im Saul e ar kabuñ ñõn Jeova.

32 Inem Samuel e ar ba, Komin añintok ñõn iba, Egag kiñ an ro dri Amelek. Im Egag e ar mñõnõ in itok ñõn iben. Im Egag e ar ba, Emol men eo e meo an mij e joko. 33 Im Samuel e ar ba, <sup>2</sup> Einwöt jaji eo am e ar kõmõn kõra rõn bwe en ejelok nejir, ein drein e naj ejelok nejir jinõm iben kõra ro. Im Samuel e ar bukukwe Egag iman Jeova i Gilgal.

34 Inem Samuel e ar ilok ñõn Rema; im Saul e ar wõnliñlok ñõn mweo imõn ñõn Gibia an Saul. 35 Im Samuel e ar jab bar iten lolok Saul mae ran in an mij; bwe Samuel e ar jñõt Saul:

im Jeova e ar ukwelok kin An kar kõmõne kiñ in Israel.

**16** Im Jeova e ar ba ñõn Samuel, Ietoõn am naj jñõt Saul, ke <sup>1</sup> I ar jolok e jen an kiñ ion Israel? kwon teñ am drun kin oil, im ilok: I naj jilkinlok yuk ñõn iben Jesse eo dri Betleem; bwe I ar kålet ñõn Iõ juõn kiñ ian ro nejir. 2 Im Samuel e ar ba, Ekijkan aõ maroñ in ilok? elañe Saul ej roñjake, e naj mñõn iõ. Im Jeova e ar ba, Kwon bök juõn kau kokõra emõn ridtõn ibõm, im ba, Ij ilen katok ñõn Jeova. 3 Im kwon kirtok Jesse ñõn katok eo, im <sup>2</sup> I naj kwalok ñõn yuk ta eo kwo naj kõmõne: im kwo naj kabit ñõn Iõ eo I naj bakajen ñõn kwe. 4 Im Samuel e ar kõmõn men eo Jeova e ar ba, im ilok ñõn Betleem. Im ridto ro an jikin kwelok eo rar iten wõnmae e, im wuririr, im re ba, Kwoj itok ilo aine-mñõn ke? 5 Im e ar ba, Ilo ainemñõn; ij iten katok ñõn Jeova: komin kwojarjar kom, im itok iba tok ñõn katok eo. Im e ar kokwojarjar Jesse im lõmaro nejir, im kirtok ir ñõn katok eo.

6 Im ke re mottok, e ar mejek Ilaia, im ba, Emol eo Jeova e naj kabit e ej imaõ. 7 A Jeova e ar ba ñõn Samuel, Kwon jab lale turin mejen ak aitokõn; bwe I ar jolok e: bwe Jeova e jab lo einwöt armij ej lo; bwe armij ej lale elikin armij, a <sup>3</sup> Jeova ej lale buruen. 8 Inem Jesse e ar kirtok Abinedab, im kaetal e iman Samuel. Im e ar ba, Jeova e ar jab kålet armij in. 9 Im Jesse e ar kaetal Shamma. Im e ar ba, Jeova e ar jab kålet armij in. 10 Im Jesse e ar kaetal jiljilimjuõn ian lõmaro nejir iman Samuel. Im Samuel e ar ba ñõn Jesse, Jeova e ar jab kålet rein. 11 Im Samuel e ar ba ñõn Jesse, Aolepen ro nejõm rein ke? Im e ar ba, Mätõn wõt eo eriktata, im lo, ej lali jip ko. Im Samuel e ar ba ñõn Jesse, Kwon jiliklok im añintok e; bwe je jamin jijõt mae ien an itok. 12 Im e ar jiliklok im añintok e. Ak e ar kilubũtũt, im emõn turin mejen,

<sup>1</sup> Mark 12. 33. <sup>2</sup> Jen. 9. 6. <sup>3</sup> Eka. 1. 7.

<sup>1</sup> Jap. 13. 13. <sup>2</sup> Jerb. 9. 6. <sup>3</sup> Luk 16. 15.

im wulio ilo air lale. Im Jeova e ar ba, Kwon jutök im kabite; bwe e in. 13 Inem Samuel e ar bök drun in oil eo, im kabit e i bwiljin ro jein: im Jitöb öñ Jeova e ar itok ion Devid ilo kajur jen ran eo im wönmanlok. Ein drein Samuel e ar jutök im ilok ñön Rema.

14 Ak <sup>1</sup>Jitöb öñ Jeova e ar ilok jen iben Saul, im juön jitöb e nana jen Jeova e ar kabnönö e. 15 Im ro dri korijeran Saul rar ba ñön e, Lo, kiö, juön jitöb e nana jen Anij ej kabnönö yuk. 16 Kiö am iroi en jiroñ ro dri korijeran, rej imam, bwe ren kabukot juön armij e dri kabel in kajöñjöh arp: inem ñe jitöb eo e nana jen Anij ej iom, e naj kajöñjöh kin pein, im kwo naj mour. 17 Im Saul e ar ba ñön ro dri korijeran, Komin kabukot juön eman e kanuij jela kajöñjöh, im añintok e ñön iba. 18 Inem juön ian likao ro, e ar uak, im ba, Lo, I ar lo juön eman nejin dri Betleem, ej dri kabel ilo kajöñjöh, im <sup>2</sup>e beran im kajur, im armij e jela törinae, im ej dri jelalokjen ilo kono, im e wulio; im Jeova ej iben. 19 Kin men in, Saul e ar jilkinlok ro dri jilik ñön Jesse, im ba, Kwon jilkinlok Devid, leo nejom, eo ej iben jip ko. 20 Im Jesse e ar bök juön ass emwij ektök bred ion, im juön botto in wain, im juön kon in got, im jilkinloki ñön Saul kin Devid leo nejin. 21 Im Devid e ar itok ñön iben Saul, im <sup>3</sup>jutök iman: im e ar kanuij yokwe e; im ej dri inek ken törinae ko an. 22 Im Saul e ar jilkinlok ñön Jesse im ba, Ij kajitök iböm bwe Devid en jutök imaö; bwe ej kabuñburuö. 23 Im ke jitöb e nana jen Anij e ar ber ion Saul, Devid e ar bök arp im kajöñjöh kin pein: ein drein Saul e ar ainemön, im mour wöt, im jitöb e nana e ar ilok jen e.

17 Ak ro dri Pilistia rar kokweloktok jar in törinae ko air ñön törinae; im rar kweloktok i Soko, eo an Juda, im rar kajur air kamp ikötan Soko im Azika, i Epes-damim. 2 Im Saul kab ro dri Israel rar kwelok-

tok im kajur air kamp ilo komlöl Ila, im rar kalejar nae ro dri Pilistia. 3 Im ro dri Pilistia rar jutök ion tol eo ikajöb, im ro dri Israel rar jutök ion tol eo juön ikajöb: im juön komlöl ikötair. 4 Im e ar itok jen kamp eo an ro dri Pilistia juön air jur, etan Golaiat, dri Gat, im aitokön jiljino kubit im juön jetöñ. 5 Im ion bōran kōrep jinibōrōrō, im e ar kōnōk ken kōrape ubōn jen māl einwöt kilin iik; im eron kobe eo lailim tausān shekel. 6 Im eor ken tōrak jinibōrōrō ion neen, im mōri jinibōrōrō ikötān aieran. 7 Im buñen mōri elap eo an einwöt alal an dri ej nuknuk; im erron kōnibuñ in mōri eo an jiljino buki shekel māl: im dri inek likipijñōk eo an ej etal iman. 8 Im e ar jutök im lamij ñön jar in törinae ko in Israel, im ba ñön ir, Etke kom ar teltitok im kalejar? ña I jab dri Pilistia, im kom dri korijeran Saul ke? komin kālet juön eman ñön kom, im en wōnlōltok ñön iba. 9 Elañe ej maroñ in iri iba im mōn iō, inem kim naj dri korijerōmi; a elañe ij bök anjo im mōn e, inem kom naj dri korijerem, im jermal ñön kim. 10 Im dri Pilistia eo e ar ba, <sup>1</sup>Ij kejeiokiok jar in törinae ko an Israel ranin; komin letok juön eman bwe kimin iri iben dron. 11 Im ke Saul im dri Israel otemjej rar roñjake nan ko an dri Pilistia eo, rar lenloñ, im kanuij mijök.

12 Ak Devid <sup>2</sup>leo nejin dri Eprat eo an Betleem-juda, etan Jesse; im drualitök nejin man: im armij eo e lölap ilo ran ko an Saul, e bwijwōlā iben armij rōn. 13 Im lömaro jilu re ridto ro nejin Jesse, rar lor Saul ñön törinae eo: im etan lömaro jilu nejin rar ilok ñön törinae eo, Ilaiaab, manjien, eo i jillokin Abinedab, im eo ken ka jilu Shamma. 14 Im Devideriktata; im lömaro jilu re ridto rej lor Saul. 15 Ak Devid e ar itoitök jen Saul bwe en najirik jip ko an jemen i Betleem. 16 Im dri Pilistia eo e kin druaktok jiboñ im jota, im mōke kwalok e iom-in eñoul ran.

17 Im Jesse e ar ba ñön Devid leo

nejin, Kwon bōk ñōn abei ro jeōm juōn epa korn jinmele, im bred kein joñoul, im bōkilok mōkōj ñōn kamp eo ñōn ro jeōm; 18 im bōklok jis kein joñoul ñōn iben kapen in tausan eo air, im lale ekijkan an ro jeōm ber, im bōk ken kamol jen ir. 19 Ak Saul, im irjil, im ro dri Israel otemjej, rar ber ilo komlōl Ila, im tōrinae iben ro dri Pilistia. 20 Im Devid e ar jerkak ke ejiboñ wōt, im likit jip ko iben juōn dri lali, im bōki, im ilok, einwōt Jesse e ar jiroñ e; im e ar itok ñōn wagon ko, ke jar in tōrinae rar roloke bwe ren ilen tōrinae. 21 Im Israel im ro dri Pilistia rar kalejar nae dron. 22 Im Devid e ar likit men ko ej ineki iben dri lale mweiuk ko, im etōrlōk ñōn iben jar in tōrinae eo, im yokyokwe lōmaro jein. 23 Im ke e ar konono ibeir, lo, jur eo e ar wōnlōltok, dri Pilistia jen Gat, etan Golaia, im ba <sup>1</sup>ekar ñōn nan ko mokta: im Devid e ar roñjake. 24 Im ro dri Israel otemjej, ke rar lo leo, rar ko jen e, im re kanuij lelñōñ. 25 Im ro dri Israel rar ba, Kwar lo leo ej wōnlōltok ke? emol ej iten kejeiokiok Israel: inem jabrewōt armij eo ej mōn le en, kiñ eo e naj kanuij kamweiukiuk e, im <sup>2</sup>naj lelok ñōn e lio nejn, im e naj kanemkwoj nukin jemen ilo Israel. 26 Im Devid e ar konono ñōn armij ro rar jutōk iturin, im ba, Re naj it ñōn armij eo ej mōn dri Pilistia en, im bōklok jeiok eo jen Israel? bwe wōn dri Pilistia in e jab mijmij, bwe en kajeiokiok jar in tōrinae ko an Anij e mour. 27 Im armij ro rar uak e einwōt ro jet, im ba, Ein drein naj kōmōn ñōn armij eo ej mōn e.

28 Im Ilaia, wutman eo, e ar roñjake ke e ar konono ñōn armij rōn; im e bwil illu eo an Ilaia nae Devid, im e ar ba, Etke kwar wōnlōltok? im iben wōn kwar likit jip ko reit ilo ene jemaren? I jela am jua, im an buruōm bōt; bwe kwar wōnlōltok in aluij tōrinae in. 29 Im Devid e ar ba, I ar it kiō? Ejelok unin ke? 30 Im e ar oktōk jen e ñōn bar juōn, im

ein drein an konono iben: im armij rar uak e einwōt mokta.

31 Im ke rar roñjake nan ko Devid e ar konono, rar kennanek Saul; im e ar jiliklok im āñintok e. 32 Im Devid e ar ba ñōn Saul, En ejelok ebwer ilo buruen jabrewōt armij kin leo; ña korijerōm I naj ilen iri iben dri Pilistia en. 33 Im Saul e ar ba ñōn Devid, Kwo jab maroñ in ilok iben dri Pilistia en im iri iben; bwe kwe kwoj inono wōt, im e man in tōrinae jen ke e ar drik. 34 Im Devid e ar ba ñōn Saul, Ña korijerōm I ar lale jip ko an jema; im ke juōn laion ak juōn baer e ar itok im jibwe juōn lam jen bwij eo, 35 I ar lukworkwor e, im mōn e, im lomoren e jen loñin; im ke e ar jutōk nae iō, I ar jibwe an kworeak, im jebōke, im mōn e. 36 Ña korijerōm I ar mōn laion eo im baer eo: im dri Pilistia en e jab mijmij, e naj einwōt juōn iairro, kin an kejeiokiok jar in tōrinae ko an Anij e mour. 37 Im Devid e ar ba, <sup>1</sup>Jeova eo e ar lomor iō jen pein laion, im jen pein baer, E naj lomor iō jen pein dri Pilistia en. Im Saul e ar ba ñōn Devid, Kwon ilok, im Jeova e naj ber ibōm. 38 Im Saul e ar naballin Devid kin nuknuk eo an, im e ar likit ken kōrep jinibōrōrō ion bōran, im naballin kin ken tōrak in ubōn. 39 Im Devid e ar kañōrñōr jāji eo an ion ballin, im e ar kajeoñ in ilok; bwe e jañin melejoñ e. Im Devid e ar ba ñōn Saul, I ban ilok kake men kā; bwe I jañin melejoñ e. Im Devid e ar wutiki. 40 Im e ar bōk jokwōn ilo pein, im e ar jemenbo lailim dreka re matōltil jen wea eo, im āti ilo bōjo in sheperd iben, eo nien kijen; im buat eo an ilo pein: im ej druaklok ñōn dri Pilistia eo.

41 Im dri Pilistia eo e ar wōnmanlok im kebake Devid; im leo ej inek likipijñōk eo an e ar itok iman tok. 42 Im ke dri Pilistia e ar rei bōjik im lo Devid, ej kejekron e; bwe e likao wōt, im kilubūtbut, im wulic turin mejen. 43 Im dri Pilistia e ar ba ñōn Devid, Ña juōn kiru roror, bwe

kwoj itok nae iō kin alal ko ke? Im dri Pilistia e ar kole Devid kin anij ro an. 44 Im dri Pilistia e ar ba ñōn Devid, Kwon itok ñōn iba, im I naj lelok kōniekōm ñōn bao in mejatoto, im ñōn kiru rawia: 45 inem Devid e ar ba ñōn dri Pilistia eo, Kwoj itok ñōn iba, im eor am jāji, im mōri, im mōri jolok: a ña ij iwiw ilo etan Jeova an inelip eo, eo Anijan jar in tōrinae ko an Israel, Eo kwar kejeiokiok E. 46 Ranin Jeova e naj ketōk yuk na ilo peiō; im I naj mōn yuk, im jōbbare yuk; im I naj lelok ubeir, ubōn jar an ro dri Pilistia ñōn bao in mejatoto, im ñōn kiru rawia an lōl; bwe ro dri lōl otemjej ren jela bwe eor Anij ilo Israel, 47 im bwe armij otemjej rej kwelok ijin ren jela bwe<sup>1</sup> Jeova e jab lomoren kin jāji im mōri: bwe tōrinae eo an Jeova, im E naj letok kom na ilo peim. 48 Im ke dri Pilistia e ar jutōk, im itok bwe en kebaklok Devid, inem Devid e ar kaiur e, im etōrlōk ñōn jar in tōrinae bwe en wōnmae dri Pilistia. 49 Im Devid e ar likit pein ilo bōjo eo an, im bōk jen e juōn dreka, im e ar buat dri Pilistia ilo dremōn; im dreka eo e ar ruñlok ilo dremōn, im e ar bero.

50 Ein drein Devid e ar bōk anjo ion dri Pilistia kin buat im kin dreka im buat dri Pilistia, im mōne; a eje-lōk jāji ilo pein Devid. 51 Inem Devid e ar etōr, im jutōk ion dri Pilistia eo, im<sup>2</sup> bōk jāji eo an, im nure jen nien, im mōn e, im jōbbare kake. Im ke ro dri Pilistia rar lo bwe e mij jur eo air, rar ko. 52 Im ro dri Israel im dri Juda rar jutōk, im lamij, im lukworkwor ro dri Pilistia, mae ien kwoj tōbar Geai, im ñōn kejem ko in Ekron. Im ro re lil ian dri Pilistia rar buñ ilo ial ñōn Shearim, aet, ñōn Gat, im ñōn Ekron. 53 Im ro nejin Israel rar jeblaktok jen air lukworkwor ro dri Pilistia, im rar rakimi kamp eo air. 54 Im Devid e ar bōk bōran dri Pilistia, im bōktok e ñōn Jerusalem; a e ar likit ken tōrinae ko an ilo im nuknuk eo an.

55 Im ke Saul e ar lo an Devid drioielok nae dri Pilistia eo, e ar ba ñōn Abner, kapen an jar in tōrinae eo, Abner, nejin wōn likao en? Im Abner e ar ba, Einwōt am e mour, O kiñ, I jaje. 56 Im kiñ eo ej ba, Kwon kajitōk nejin wōn kijōke en. 57 Im ke Devid e ar jeblak jen an mōn dri Pilistia eo, Abner e ar bōk e, im āñinlok e iman Saul, im bōran dri Pilistia eo ilo pein. 58 Im Saul e ar ba ñōn e, Likao en, nejin wōn kwe? Im Devid e ar uak, Ña nejin korijerōm eo Jesse dri Betleem.

**18** Im ke e ar kamwijlok an konono ñōn Saul, e tiltil an Jonetan iben Devid, inem Jonetan e ar yokwe e einwōt an. 2 Im Saul e ar drebij e ran eo, im e jab likit bwe en bar ilok ñōn imōn jemen. 3 Inem<sup>1</sup> Jonetan im Devid rar jeraik dron, kin ke ej yokwe e einwōt an. 4 Im Jonetan e ar wutik jen e liboror eo an, im lelok ñōn Devid, im kobe eo an, im bareinwōt an jāji, im libon im kōñōr. 5 Im Devid e ar drioielok ijoko jabrewōt Saul e ar jilkinlok e, im e ar ber im kōmōn ilo meletlet: im Saul e ar koutiej e ion dri tōrinae ro, im men in emōn iman mejen armij otemjej, im bareinwōt mejen ro dri korijeran Saul.

6 Im ilo air itok, ke Devid e ar jeblaktok jen an mōn dri Pilistia eo, kōra ro rar drioieltok jen jikin kwelok otemjej an Israel, im rej al im eep, bwe ren wōnmae kiñ Saul, im ibeir timbrel ko, ilo mōnōnō, im ken kajōñjōñ ko ibeir. 7 Im kōra ro rar al ñōn dron ilo air kajōñjōñ im ba, Saul e ar mōn an tausan ko, im Devid an joñoul tausan ko. 8 Im Saul e ar kanuij illu, im nan in e ar kaillu e; im e ar ba, Rar lelok ñōn Devid joñoul tausan ko, im rar letok ñōn iō tausan ko wōt: im<sup>2</sup> ta eo e maroñ in bar bōk, elañe jab ailiñ in aō? 9 Im Saul e ar kejar Devid jen ran eo im wōnmanlok.

10 Im ran eo ilju, juōn jītōb e nana jen Anij e ar itok ion Saul kin kajur, im e ar drikanij ilon mweo imōn: im

Devid e ar kajōñjōñ kin pein, einwōt an kōmōn ran otemjej. Im mōri eo an Saul ilo pein; 11 im Saul e ar jolok mōri eo; bwe e ar ba, I naj wākari Devid nōn turin im. Im Devid e ar okōk jen iman mejen ruo alen. 12 Im Saul e ar mijōk Devid, kin ke Jeova ej ber iben, im E ar ilok jen Saul. 13 Kin men in, Saul e ar kadriojlok e jen iben, im likite kapen ion juōn tausan; im e ar drioi j dreloñ iman armij ro. 14 In. Devid e ar etal im meletlet ilo ial ko an otemjej; im Jeova e ar iben. 15 Im ke Saul e ar lo an etal im meletlet ilo ial ko an otemjej, e ar mijōk e. 16 A dri Israel im dri Juda otemjej rar yokwe Devid; bwe e ar drioi j dreloñ imair.

17 Im Saul e ar ba nōn Devid, <sup>1</sup>Lo, manjiō kōra, Mirab, I naj lewoj beleōm: men in wōt, kwon beran kin nā, im iri ilo tōrinae ko an Jeova. Bwe Saul ej ba, Peiō en jab ber ion, e pein ro dri Pilistia ren ion. 18 Im Devid e ar ba nōn Saul, Wōn nā, im ta aō mour, ak nukin jema ilo Israel, bwe in nejin kiñ eo? 19 A ilo ien eo ke re naj kar lelok Mirab, lio nejin Saul, nōn Devid, rar lelok e nōn Edriel, dri Miholat, bwe en belen. 20 Im Maikal, lio nejin Saul, e ar yokwe Devid: im rar kennanek Saul, im men in e ar kabuñburuen. 21 Im Saul ej ba, I naj lelok lio nōn e, bwe en juōn jen nōn e, im bwe pein ro dri Pilistia ren nae e. Kin men in, Saul e ar ba nōn Devid, Ranin kwo naj nejiō alen ken ka ruo.

22 Im Saul e ar jiroñ ro dri korijeran, im ba, Komin komao iben Devid ilo etino, im ba, Lo, e buñburuen kiñ eo kin kwe, im ro dri korijeran otemjej rej yokwe yuk: inem kwon nejin kiñ. 23 Im ro dri korijeran Saul rar konono nan kein i lojiliñin Devid. Im Devid e ar ba, E juōn men erik ibemi bwe in nejin kiñ eo ke, bwe nā armij jeramel, im edrōk? 24 Im ro dri korijeran Saul rar kennanek e, im ba, Ein drein an Devid ba. 25 Im Saul e ar ba, Ein drein ami naj bañōn Devid,

Kiñ eo e jab kōnan jabrewōt kitri, a jibuki kilin man an ro dri Pilistia, bwe en kwi kin ro dri kijirāte kiñ eo. A Saul e ar kōnan kōmōn bwe Devid en buñ kin pein ro dri Pilistia. 26 Im ke ro dri korijeran rar kennanek Devid nan kein, e kanuij buñburuen Devid bwe en nejin kiñ eo. Im e jañin mat ran ko: 27 im Devid e ar jutōk im ilok, e im ro iben, im mōn ian ro dri Pilistia rubuki armij; im Devid e ar bōktok kilin mair, im rar lilok nōn kiñ eo, oran euñ, bwe en nejin kiñ eo. Inem Saul e ar lelok Maikal lio nejin bwe en belen. 28 Im Saul e ar lo im kili bwe Jeova ej iben Devid; im Maikal, lio nejin Saul, e ar yokwe e. 29 Im Saul e laplok an mijōk Devid; im Saul ej dri kijirāte Devid ien otemjej.

30 Ien eo, iroi j ro an ro dri Pilistia rar drioi jlok: im jabrewōt ien ke rar drioi jlok, Devid e ar etal ilo meletlet emōnllok jen ro dri korijeran Saul otemjej; ein drein etan e buñbuñ wōt.

**19** Im Saul e ar kwonkwon nōn Jonetan nejin, im nōn dri korijeran otemjej, <sup>1</sup>bwe ren mōn Devid. A Jonetan, leo nejin Saul, e ar kanuij yokwe Devid. 2 Im Jonetan e ar kañ Devid, im ba, Saul, jema, ej bukot bwe en mōn yuk: kin men in, ij akwelap, kwon lale mōk nē ejiboñ, im berwōt ilo jikin etino, im tilekek: 3 im I naj drioi jlok im jutōk iturin jema i melaj, ijo kwoj ber ie, im I naj komao iben jema kin kwe; im elañe ij lo jabrewōt, I naj kennanek yuk. 4 Im Jonetan e ar konono emōn kin Devid, nōn Saul jemen, im e ar ba nōn e, Kiñ eo en jab jerawiwi nae korijerōm, nae Devid; bwe e jañin jerawiwi nae yuk, im bwe jerbal ko an rar kanuij emōn nōn kwe: 5 bwe e ar likit an mour ilo pein, im mōn leo dri Pilistia, im Jeova e ar kōmōn anjo elap nōn dri Israel otemjej: kwar lo e, im mōnōnō kake; inem etke kwo kōnan jerawiwi nae bōtōktōk ejelok ruōn, bwe kwon mōn Devid ke ejelok ruōn? 6 Im Saul e ar eoroñ ainiken



Jonetan: im Saul e ar kanōjnij, Einwōt Jeova e mour, re jamin mōn e. 7 Im Jonetan e ar kirtok Devid, im Jonetan e ar kwalok nōn e men kein otemjej. Im Jonetan e ar āñintok Devid nōn iben Saul, im ej ber iman mejen einwōt mokta.

8 Im rar bar tōrinae: im Devid e ar drioijlok, im tōrinaek ro dri Pilistia, im mōn elōñ iair; im rar ko jen iman.

9 Im juōn jitōb e nana jen Jeova e ar ber ion Saul, ke e ar jījōt iloan mweo imōn, im mōri eo an ilo pein; im Devid ej kajōñjōñ kin pein. 10 Im Saul e ar kajeoñ in wākari Devid nōn turin mweo kin mōri eo; a e ar okōk mōkōj jen iman Saul, im e lil turin mweo im bin: im Devid e ar ko, im jor jen e boñ eo. 11 Im Saule ar jilkinlok ro dri jilik nōn mweo imōn Devid, bwe ren kebao ie, im mōn e ñe ejiboñ; im Maikal, lio belen Devid, e ar kennanek e, im ba, Elañe kwo jab lomoren am mour boñin in, ilju re naj mōn yuk. 12 Ein drein Maikal e ar drorlōllok Devid ilo windo: im e ar ilok, im ko, im jor. 13 Im Maikal e ar bōk ekjōp eo im likite ion aowej eo, im likit biten kolan got i bōran, im kaibubu e kin koj ko an aowej eo. 14 Im ke Saul e ar jilkinlok ro dri jilik bwe ren jibwe Devid, lio e ar ba nōn ir, E nañinmij. 15 Im Saul e jilkinlok ro dri jilik bwe ren lo Devid, im ej ba, Komin bōkliñtok e ilo aowej eo, bwe in mōn e. 16 Im ke ro dri jilik rar dreloñlok, lo, ekjōp eo e ar ber ion aowej eo, im biten kolan got i bōran. 17 Im Saul e ar ba nōn Maikal, Etke ein drein am mon iō, im likit dri kijirāte iō bwe en ilok, inem e ar ko? Im Maikal e ar uak nōn Saul, E ar ba nōn iō, Kwon kōtlok iō bwe in ilok; etke in mōn yuk?

18 Ak Devid e ar ilok im ko, im itok nōn iben Samuel i Rema, im kennanek e men otemjej Saul e ar kōmōn nōn e. Im irro Samuel rar ilok im jokwe i Neiōt. 19 Im rar kennanek Saul, im ba, Lo, Devid ej i Neiōt i Rema. 20 Im Saul e ar jilkinlok ro dri jilik bwe ren jibwe Devid: im ke rar lo jar an ro dri kanan drikanij,

im Samuel ej jutōk einwōt iroi joi, Jitōb ōn Anij e ar itok ion ro dri jilik an Saul, im rar bareinwōt drikanij. 21 Im ke rar kennanek Saul men in, e ar jilkinlok bar jet dri jilik, im rar bareinwōt drikanij. Im Saul e ar jilkinlok ro dri jilik alen ken ka jilu, im rar bareinwōt drikanij. 22 Inem e ar bareinwōt ilok nōn Rema, im itok nōn aibij elap i Siku: im e ar kajitōk im ba, Ewi Samuel im Devid? Im juōn e ar ba, Lo, rejro ber i Neiōt i Rema. 23 Inem e ar bareinwōt ilok nōn Neiōt i Rema: im Jitōb ōn Anij e ar bareinwōt itok ion, im e ar etallok, im drikanij, mae ien an itok nōn Neiōt i Rema. 24 Im e ar bareinwōt wutik an nuknuk, im bareinwōt e ar drikanij iman Samuel, im babu aolepen ran eo im aolepen boñin eo. Kin men in rej ba, <sup>1</sup> Saul ej bareinwōt iben ro dri kanan ke?

**20** Im Devid e ar ko jen Neiōt i Rema, im itok im ba iman Jonetan, I ar it? ta aō bwir? im jerawiwi ōt I ar kōmōn iman mejen jemōm bwe ej bukot aō mour? 2 Im e ar ba nōn e, En jab eñin; kwo jamin mij: lo, jema e jab kōmōn men eo elap ak erik, elañe e jab kwalok e nōn iō; im etke jema en noj men in jen iō? e jab einwōt. 3 Im Devid bareinwōt e ar kanōjnij, im ba, Jemōm e jela wōt bwe ña I ar lo joi jiman jemōm; im ej ba, Jonetan en jab jela men in ñe ab buromōj kake: a emol, einwōt Jeova ej mour, im einwōt am ej mour, juōn wōt buñten neiō ikōtaō im mij. 4 Inem Jonetan e ar ba nōn Devid, Jabrewōt eo am ej kōnan, I naj kōmōn nōn kwe. 5 Im Devid e ar ba nōn Jonetan, Lo, ilju aliñ ekāl, im emōn bwe ña in jījōt iben kiñ eo im mōña: a kwon kōtlok iō bwe in tilekek ilo jikin kallip mae jotān ran eo ken ka jilu. 6 Elañe jemōm ej lo bwe I joko, inem kwon ba, Devid e ar akwelap iba bwe en etōr nōn Betleem, jikin kwelok eo an; bwe e jejit air katok ilo yiō ko otemjej kin aolepen nukin. 7 Elañe ein drein an ba, Emōn; ña korijerōm e naj ainemōn:

<sup>1</sup> 1ap. 10. 10-12.

a elañe e naj illu, inem kwon jela bwe e nana an bebe. 8 Kin men in, kwon kōmōn joiñ ñā korijērōm; bwe kwar āñintok iō korijērōm ilo bujen Jeova ibōm: a <sup>1</sup>elañe eor nana iba, kweo kwon mōn iō; bwe etke kwon āñinlok iō ñōn iben jemōm? 9 Im Jonetan e ar ba, Men in en etolok jen ñā; bwe elañe jirik wōt aō jela bwe e nana an jema bebe kin kwe, in jab jiroñ yuk ke? 10 Inem Devid e ar ba ñōn Jonetan, Wōn e naj kennanek iō elañe jemōm ej uak yuk ilo wāwen erro? 11 Im Jonetan e ar ba ñōn Devid, Kwon itok im jenro drioiĵlok ilo jikin kallip. Im irro rar drioiĵlok ilo jikin kallip eo.

12 Im Jonetan e ar ba ñōn Devid, Jeova, Anij in Israel en dri kennan: ñe emwij aō kajitōk iben jema e nañin ien in ilju, ak jeklañ, elañe eor emōn ñōn Devid, in jab jilkinwoj im kwalok e ñōn yuk ke? 13 En ein drein an Jeova kōmōn ñōn Jonetan, im kalaplok, ñe jema e kōnan kōmōn nana ñōn yuk, elañe I jab kwalok e ñōn kwe, im jilkinlok yuk bwe kwon ilok ilo ainemōn; im <sup>2</sup>Jeova en ber ibōm, einwōt E kar iben jema. 14 Im jab ilo aō mour wōt kwon kwalok ñōn iō joiñ an Jeova, bwe in jab mij; 15 a bareinwōt kwon jab kajemlok am joiñ ñōn ro nukio ñōn in drio; jab, ñe emwij an Jeova bukwelok ro dri kijirāte Devid, jabrewōt iair jen mejen lōl. 16 Ein drein Jonetan e ar kōmōn bujen iben Devid, kab ro nukin, im ba, Im Jeova e naj kajitōkine jen pein ro dri kijirāte Devid.

17 Im Jonetan e ar kōmōn bwe Devid en bar kanōjniñ, kin an yokwe; bwe <sup>3</sup>e ar yokwe e einwōt an. 18 Inem Jonetan e ar ba ñōn e, Ilju aliñ ekāl, im re naj lo bwe kwo joko, bwe kwo jamin ber ilo jikin jijōt eo am. 19 Im ñe emwij am ber iomin jilu ran, kwon mōkōj lōllok, im ilok ñōn jikin eo kwar tilekek ie ke jar bebe kin men in, im kwon ber iturin dreka Izel. 20 Im I naj libon kin jilu mōri iturōm, einwōt elañe ij libon laruke.

21 Im lo, I naj jilkinlok ladrik eo, im ba, Kwon ilen bukottok mōri ko. Elañe ij ba ñōn ladrik eo, Lo, mōri ko rebaktok jen yuk; kwe kwon bōki im itok; bwe eor ainemōn ñōn yuk im ejelok jorran, einwōt Jeova ej mour. 22 A elañe ein drein aō ba ñōn ladrik eo, Lo, mōri ko rej etolok jen yuk; kwon ilok; bwe Jeova e ar jilkinlok yuk. 23 Im kin men eo jar konono kake, lo, <sup>1</sup>Jeova ej ikōtarro ñōn in drio.

24 Ein drein Devid e ar tilekek ilo jikin kallip: im ke aliñ ekāl, kiñ eo e ar jijōt bwe en mōña. 25 Im kiñ eo e jijōt ilo jikin jijōt eo an, einwōt ilo ien ko jet, eokwe, ilo jikin jijōt iturin im; im Jonetan e ar jutōk, im Abner e ar jijōt iturin Saul: a jikin Devid ejelok kobōn. 26 Ijoke, Saul e ar jab konono kin jabrewōt ran eo; bwe e ar lemnok, Jabrewōt men e ar walok ñōn e, e jab erre; emol e jab erre. 27 Im ran eo elikin aliñ ekāl, ran eo ken ka ruo, ejelok kobōn jikin Devid: im Saul e ar ba ñōn Jonetan leo nejin, Etke leo nejin Jesse e jab iten mōña, inne ak ranin? 28 Im Jonetan e ar uak Saul, Devid e ar akwelap iba bwe en ilok ñōn Betleem; 29 im e ar ba, In ilok, ij akwelap ñōn yuk; bwe ro nukio rej katok ilo jikin kwelok eo; im jeiō e ar jiroñ iō bwe in ber ijo: im kiō, elañe I ar lo joiñ iman mejōm, kwon kōtlok iō, ij akwelap ñōn yuk, bwe in lo ro jeiō. Kin men in e jab itok ñōn tebel an kiñ eo.

30 Inem e bwil illu an Saul nae Jonetan, im e ar ba ñōn e, Kwe nejin kōra e bōt im ankeke, I jab jela bwe kwar kālet leo nejin Jesse ñōn am jokkake im ñōn jok an kelwan jinōm ke? 31 Bwe toñ an nejin Jesse mour ion lōl, kwo jamin bin ak aliñ eo am. Kin men in, kwon jilkinlok im āñintok e ñōn iba, bwe emol en mij. 32 Im Jonetan e ar uak Saul jemen, im ba ñōn e, Etke ren mōn e? e ar it? 33 Im Saul e ar jolok mōri eo an bwe en mōn e; kin men in, Jonetan e ar jela bwe bebe an jemen bwe en mōn Devid. 34 Ein drein Jonetan e ar

<sup>1</sup> 2 Sam. 14. 32. <sup>2</sup> jap. 18. 12. <sup>3</sup> jap. 18. 1.

<sup>1</sup> Jen. 31. 49, 53.

jerkak jen tebel eo ilo illu elap, im e ar jab mōña jabrewōt kijan ran eo ken ra ruo ilo aliñ; bwe e buromōj kin Devid, kin ke jemen e ar kajok e.

35 Im ke ejiboñ, Jonetan e ar dri-oijlok ilo jikin kallip, ien eo e ar bebe iben Devid, im juōn ladrik erik iben. 36 Im e ar ba ñōn ladrik eo, Kwon etōr, bukot kiō mōri ko ij libon kaki. Im ke ladrik eo ej etōr, e ar libon juōn mōri etolok jen e. 37 Im ke ladrik eo e ar tōbar kajen mōri eo Jonetan e ar libon kake, Jonetan e ar kir ñōn ladrik eo, im ba, Mōri ne e jab etolok jen yuk ke? 38 Im Jonetan e ar lamij ñōn ladrik eo, Kwon kijorur, jab rumij, kaiur yuk. Im ladrik an Jonetan e ar aini mōri ko im itok ñōn iben karo eo an. 39 A ladrik eo e jab jela jabrewōt: Jonetan im Devid irro wōt rejela men eo. 40 Im Jonetan e ar lelok ken tōrinae ko an ñōn ladrik eo, im ba ñōn e, Kwon bōkilok ñōn jikin kwelok en. 41 Im ke e motlok ladrik eo, Devid e ar jerkak jen juōn jikin irōk, im buñbero, im barikrik jilu alen: im irro mejenmaik dron, im jōñ ion dron, mae ien Devid e banlok jōñ. 42 Im Jonetan e ar ba ñōn Devid, Kwon ilok ilo aine-mōn, bwe kijro jar kanōjnij ilo etan Jeova, im ba, Jeova e naj ikōtarro, im ikōtan ineerro in drio. Im e ar jerkak im ilok: im Jonetan e ar dreloñlok ilo jikin kwelok eo.

21 Inem Devid e ar ilok ñōn Nob ñōn <sup>1</sup>Ahimelek, pris eo: im Ahimelek e ar item wōnmae Devid, im ej wuririr, im ba ñōn e, Etke kwoj mōke wōt iam, im ejelok armij ibōm? 2 Im Devid e ar ba ñōn Ahimelek pris eo, Kiñ eo e ar jiroñ iō kin juōn jerbal, im e ar ba ñōn iō, Kwon jab kwalok ñōn jabrewōt armij jerbal eo ij jilkinlok yuk kake, ak men eo I ar jiroñ yuk: im I ar jilkinlok likao ro ñōn juōn jikin. 3 Kin men in, ta iomin peōm? kwon letok lailim ion bred ilo peiō, ak jabrewōt eo e alikar. 4 Im pris eo e ar uak Devid, im ba, Ejelok bred wan iomin peiō, a eor bred e kwojarjar; elañe likao ro rar

mōke kejbārok ir jen kōra rōn. 5 Im Devid e ar uak pris eo im ba ñōn e, Emol kin ar jab kebak kōra iomin ran kein jilu: ke I ar drioiytok, jābi ko an likao ro re kwojarjar, meñe juōn etetal bōjik; etke e jab laplok ranin an kwojarjar jābi ko air? 6 Ein drein pris eo e ar lelok ñōn e bred e kwojarjar; bwe ejelok bred ijo, a bred in kalikar wōt, emwij bōke jen iman Jeova bwe ren binej jenkwōn kin bred e mñān ran eo ke emwij bōkilok.

7 Ak juōn eman ian ro dri korijeran Saul e ar ber ijo ran eo, drebije iman Jeova; im etan Doeg dri Idom, leo e utiejlok ian dri lale kiru ko an Saul. 8 Im Devid e ar ba ñōn Ahimelek, Eor ke jāji ak mōri ijin iomin peōm? bwe I ar jab bōktok iba jāji eo aō, ak jabrewōt aō ken tōrinae, bwe jerbal an kiñ eiriñ. 9 Im pris eo ej ba, <sup>1</sup>Jāji eo an Golaiat, dri Pilistia, eo kwar mōne i komlōl Ila, lo, ej ijin, emwij kitimi kin nuknuk elikin epod eo: elañe kwo kōnan, kwon bōke; bwe ejelok bar juōn, ak eo wōt ijin. Im Devid e ar ba, Ejelok bar juōn einwōt; kwon letok.

10 Im Devid e ar jutōk, im ko ran eo kin an mijōk Saul, im e ar ilok ñōn iben Ekish, kiñ in Gat. 11 Im ro dri korijeran Ekish rar ba ñōn e, E in e jab Devid kiñ an eneo ke? rar jab al ñōn dron kin e ilo air eep, im ba, Saul e ar mōn tausan ko an, im Devid joñoul tausan ko an ke? 12 Im Devid e ar likit nan kein ilo bu-ruen, im e ar kanuij mijōk Ekish kiñ in Gat. 13 Im e ar ukot an kōmōn imair, im kajelamon in uriekak ilo peir, im jeje bōjik ilo aur ko, im e torlōllok iādrateltel ilo kworeak ko an. 14 Inem Ekish e ar ba ñōn ro dri korijeran, Lo, komij kili bwe e uriekak armij in; kin men in, etke kom ar āñintok e ñōn iba? 15 Ijaik-wij dri uriekak ke, bwe komin āñintok armij in bwe en kure einwōt dri uriekak iman meja? kijōke in en dreloñ ilolan mweo imō ke?

22 Kin men in Devid e ar ilok jen ijo, im e ko ñōn roñ eo Adulam:

im ke ro jein kab ro nukin otemjej rar roñjake, rar wōnlōllok ñōn iben ijo. 2 Im jabrewōt eo e jorran, im jabrewōt eo e muri, im jabrewōt eo e jab jokōne, rar kweloklok ñōn iben; im e ar kapen ioir: im ro rar ber iben e <sup>1</sup>nañin ābuki man ro.

3 Im Devid e ar ilok jen ijo ñōn Mizpa in Moab: im e ar ba ñōn kiñ in Moab, Ij akwelap bwe jema im jinō ren drioijtok, im ber ibōm, mae ien I naj jela ta eo Anij e naj kōmōn ñōn iō. 4 Im e ar āñinlok irro ñōn iman kiñ in Moab: im rar jokwe iben, aolepen ien David e ar ber ilo me eo. 5 Im dri kanan Gad e ar ba ñōn Devid, Kwon jab jokwe ilo me ne; kwon ilok, im etal ñōn enen Juda. Inem Devid e ar ilok, im dreloñlok ilo bukwōn wijki in Hired.

6 Im Saul e ar roñ bwe rej lo Devid, im armij ro iben: ak Saul e ar jijōt i Gibia, iomin wijki tamerisk eo i Rema, im mōri eo an ilo pein, im ro dri korijeran otemjej rar jutōk iturin. 7 Im Saul ej ba ñōn ro dri korijeran rej jutōk iturin, Komin roñjake, komeo dri Benjamin; leo nejin Jesse e naj lelok ñōn jabrewōt iami jikin kallip ko im bwil in grep ko, e naj kōmōn kom otemjej kapen in tausan ko im kapen in buki ko, 8 bwe kom otemjej ar kabata nae iō, im ejelok juōn ej kwalok ñōn iō ke nejiō ej kōmōn bujen iben leo nejin Jesse, im ejelok juōn iami ej tiriamokake iō, ak kennanek iō kin an nejiō biuktōk leo korijera nae iō, im kejar iō, einwōt ranin ke? 9 Inem Doeg dri Idom e ar uak, eo e ar jutōk iturin ro dri korijeran Saul, im ba, I ar lo an itok leo nejin Jesse ñōn Nob, ñōn iben Ahimelek nejin Ehaitub. 10 Im e ar kajitōk iben Jeova kin e, im lelok ñōn e mōña, im lelok ñōn e jāji an Golaiat dri Pilistia.

11 Inem kiñ eo e ar jiliklok im kirtok Ahimelek pris eo, nejin Ehaitub, im ro nukin jemen otemjej, pris ro rar ber i Nob: im ir otemjej rar itok ñōn iben kiñ eo. 12 Im Saul e ar ba, Kwon roñjake kiō, kwe nejin

Ehaitub. Im e ar uak, Ña ijin, aō iroi. 13 Im Saul e ar ba ñōn e, Etke kom ar kabata nae iō, komro nejin Jesse, im kwar lelok ñōn e bred, im juōn jāji, im kwar kajitōk iben Anij kin e, bwe en jutōk nae iō im kebao iō, einwōt ranin? 14 Inem Ahimelek e ar uak kiñ eo, im ba, Im wōn ian ro dri korijerōm otemjej ej tiljek einwōt Devid nejin kiñ eo, im kwoj bōk bebe iben, im e utiej ilo mweo imōm? 15 Ña I ar jino aō kajitōk iben Anij ranin kin e ke? men in en etolok jen ña: kiñ en jab kinaklok ña korijerōn kin jabrewōt, ak aolepen mweo imōn jema; bwe ña korijerōm I ar jab jela jabrewōt ian men kein, elap ak erik. 16 Im kiñ e ar ba, Emol kwo naj mij, kwe Ahimelek im ro otemjej nukin jemōm. 17 Im kiñ e ar ba ñōn dri tōrinae ro rej jutōk iturin, Komin oktōk im mōn pris ro an Jeova; kin ke peir bareinwōt iben Devid, im kin ke rar jela kin an ko, im rar jab kennanek iō. A ro dri korijeran kiñ re jab kōnan erlokwe peir im mōn pris ro an Jeova. 18 Im kiñ eo e ar ba ñōn Doeg, Kwe kwon oktōk im mōn pris ro. Im Doeg e ar oktōk im mōn pris ro, im e ar mōn ilo ran eo drualitōkñoul lailim armij ro rej kōnōk epod linen. 19 Im e ar torlok bok i Nob, jikin kwelok an pris ro, kin mejen jāji, man im kōra, ajiri im niñniñ ro, ox ko, im ass ko, im jip ko, kin mejen jāji.

20 Im juōn ian ro nejin Ahimelek, nejin Ehaitub, etan Ebaiatar, e ar dreor, im e ar ko ñōn iben Devid. 21 Im Ebaiatar e ar kennanek Devid kin an Saul mōn pris ro an Jeova. 22 Im Devid e ar ba ñōn Ebaiatar, I ar kanuij jela ran eo, ke Doeg dri Idom e ar ber ijo, bwe e naj kennanek Saul: I ar kōmōn bwe armij otemjej ian nukin jemōm ren mij. 23 Kwon ber iba, kwon jab mijōk; bwe eo ej bukot aō mour, ej bareinwōt bukot am mour: bwe iba kwo jamin uota.

**23** Im Rar kennanek Devid, im ba, Lo, ro dri Pilistia rej tōrinaek Keila, im rej rakim jikin dreñdreñ ko. 2 Kin men in Devid e ar kajitōk iben Jeova, im ba, In ilen

môn dri Pilistia rein ke? Im Jeova e ar ba ñôn Devid, Kwon ilem môn ro dri Pilistia, im lomoren Keila. 3 Im ro dron Devid rar ba ñôn e, Lo, jej mijök ijin i Juda: etke e jab laplok elañe jej ilok ñôn Keila, nae jar in törinae ko an dri Pilistia? 4 Inem Devid e ar bar kajitök iben Jeova. Im Jeova e ar uak e im ba, Kwon jutök im wönlölok ñôn Keila; bwe <sup>1</sup>I naj ketök ro dri Pilistia na ilo peöm. 5 Im Devid kab ro dron rar ilok ñôn Keila, im törinaek ro dri Pilistia, im añintok kiru ko air, im môn ir ilo im elap. Ein drein Devid e ar lomoren ro dri Keila. 6 A ke Ebaiaatar, nejin Ahimelek, e ar ko ñôn iben Devid ñôn Keila, e ar wönlölok, im juön epod ilo pein.

7 Im rar kennanek Saul bwe Devid e ar itok ñôn Keila. Im Saul e ar ba, Anij e ar ketöke na ilo peiö; bwe emwij kil e kin an dreloñ iloan juön jikin kwelok eor an aur im alal. 8 Im Saul e ar kirtok armij otemjej ñôn törinae, bwe en wönlölok ñôn Keila, im nitbwili Devid im ro dron. 9 Im Devid e jela bwe Saul ej bebe kin kokkure, inem e ar ba ñôn Ebaiaatar pris, kwon böktok epod eo. 10 Inem Devid e ar ba, O Jeova Anij in Israel, Emol ña korijeröm I ar roñ kin an Saul lemnok in wönlöltok ñôn Keila, im kokkure jikin kwelok in kin ña. 11 Ro dri Keila re naj ketök iö na ilo pein ke? Saul e naj wönlöltok einwöt ña korijeröm I ar roñjake ke? O Jeova, Anij in Israel, ij akwelap ñôn Yuk, Kwon kennanek iö korijeröm. Im Jeova e ar ba, E naj wönlöltok. 12 Inem Devid e ar ba, Ro dri Keila re naj ketök iö, im ro droö na ile pein Saul ke? Im Jeova e ar ba, Re naj ketök yuk. 13 Inem Devid im ro dron, e nañin jiljino buki, rar jutök im drioiylok jen Keila, im ilok ijo jabrewöt e alikar. Im rar kennanek Saul bwe e ko Devid jen Keila; inem e ar jab drioiylok. 14 Im Devid e ar jokwe i ene jemaren ilo jikin ko re kab, im berwöt ilo ene ko re utiej i ene jemaren in Zip. Im

Saul e ar kabukot e ran otemjej, a Anij e ar jab ketök e na ilo pein.

15 Im Devid e ar lo bwe Saul ej iten môn e: im Devid e ar ber ilo ene jemaren Zip, ilo bukwön wijki ko. 16 Im Jonetan, leo nejin Saul, e ar jutök, im ilok ñôn iben Devid ilo bukwön wijki ko, im e ar kakajur pein kin Anij. 17 Im e ar ba ñôn e, Kwon jab mijök; bwe pein Saul jema e jamin lo yuk; im kwo naj kiñ ion Israel, im ña I naj ijilloköm; im men in jema Saul ej bareinwöt jela. 18 Im irro rar kömön bujen iman Jeova; in Devid e ar jokwe ilo bukwön wijki, im Jonetan e ar ilok ñôn mweo imön.

19 Inem <sup>1</sup>ro dri Zip, rar wönlölok ñôn iben Saul i Gibia, im ba, Devid e jab tilekek ibem ilo jikin ko re kab ilo bukwön wijki, i tol Hakila, irök jen ene jemaren ke? 20 Kin men in, O kiñ, kwon wönlöltok, ekar ñôn aolepen am kōnan wönlöltok; im e naj kwonam ketök e na ilo pein kiñ eo. 21 Im Saul ej ba, Komeo, kom mōñōnō jen Jeova; bwe <sup>2</sup>kom ar tiriāmō kake iö. 22 Komin ilok, ij akwelap ñôn kom, in kanuij kallet ami jela, im lo ijo ej tilekek, im wōn e ar loe ijo; bwe rej kennanek iö bwe e kanuij jela toñ. 23 Inem komin lo, im kanuij jela kajen jikin tilekek ko otemjej an, im komin bar itok ñōñiba ñe kom kanuij jela, inem I naj ilok ibemilok: im elañe ej ber ilo eneo, I naj kabukot e i bwiljin tausan ko otemjej an Juda.

24 Im rar jutök im ilok ñôn Zip mokta jen Saul: a Devid im ro dron rar ber I ene jemaren in Meon, ilo Araba, irökin ene jemaren. 25 Im Saul kab ro dron rar ilen kabukot e. Im rar kennanek Devid: kin men in, e ar wönlöltok ñôn dreka eo, im jokwe ilo ene jemaren in Meon. Im ke Saul e ar roñjake men in, e ar lukworkwore Devid i ene jemaren in Meon. 26 Im Saul e ar ilok i tol jabeo jimōtōn, im Devid kab ro dron i tol jabeo jimōtōn: im Devid e ar kaiur e im ko kin an mijök Saul; bwe

Saul im ro dron rar kabol Devid im ro iben bwe ren jibwe ir. 27 A e ar itok juōn dri jilik nōn iben Saul, im e ba, Kwon jarōptok; bwe ro dri Pilistia rar iuntok eneo. 28 Ein drein Saul e ar jeblaktok jen an lukworkwore Devid, im e ar ilok nae ro dri Pilistia; kin men in rar naetan jikin eo Sila-hamalekot. 29 Im Devid e ar wōnlīflok jen ijo im jokwe ilo jikin ko re kab in Engedai.

**24** Im ke Saul e ar jeblaktok jen an lukworkwori ro dri Pilistia, <sup>1</sup>rar kennanek e, im ba, Lo, Devid ej ilo ene jemaren an Engedai. 2 Inem Saul e ar āninlok jilu tausan armij, ro emwij kālet ir jen aolepen Israel, im e ar ilen kabukot Devid im ro dron ilo dreka ko an got rawia. 3 Im e ar itok nōn worwor ko in jip, ijo juōn roñ in dreka: im Saul e ar dreloflok in kalibubu neen. Ak Devid im ro dron rar jokwe iloan mōtōn roñ eo etolok tata. 4 Im ro dron Devid rar ba nōn e, Kwon lale ranin ran eo Jeova e ar konono kake ibōm, im ba, Lo, I naj ketoke dri kijirāte yuk na ilo peōm, im kwo naj kōmōn nōn e einwōt emōn ibōm. Inem Devid e ar jerkak im bukwe lukko in liboror eo an Saul ilo etino. 5 Im tokelik e nīj buruen Devid kin an bukwe lok lukko in liboror an Saul. 6 Im e ar ba nōn ro dron, <sup>2</sup>Jeova en bōprae aō kōmōn men in nae aō iroi, eo Jeova e ar kabite, bwe in kōtelok peiō nae e, bwe Jeova e ar kabite. 7 Ein drein Devid e ar bōprae ro dron kin nan kein, im jab kōtlok bwe ren jutōk nae Saul. Im Saul e ar drioi, jlok jen loan roñ eo, im etal.

8 Devid bareinwōt e ar jutōk tokelik, im drioi, jlok jen roñ eo, im e ar lamij nōn Saul im ba, Kwe aō iroi, kiñ. Im ke Saul e ar reiliklok, Devid e ar buñbero, im yokyokwe e. 9 Im Devid e ar ba nōn Saul, Etke kwoj eo-roñ nan ko an armij, rej ba, Lo, Devid ej kabukot bwe en kokkure yuk? 10 Lo, ranin mejōm rar lo ekijkan Jeova e ar ketōke yuk na ilo peiō na ilo roñ eo: im jet rar ba in mōn yuk,

a I ar likit yuk; im I ar ba I jamin erlokwe peiō nae aō iroi; bwe Jeova e ar kabite. 11 Bareinwōt, jema, kwon lale, eokwe, kwon lale lukko in liboror eo am ilo peiō; inem kin aō bukwe lok lukko in liboror ne am, im I ar jab mōn yuk, kwon lale im jela bwe ejelok nana ak jerawiwi ilo peiō, im I ar jab jerawiwi nae yuk, meñe kwoj kabukot aō mour bwe kwon bōke. 12 Jeova en ekajet ikōtarro, im Jeova en irenwōne kin iō iom; a peiō e jamin iom. 13 Einwōt jabōn kennan an ridto ro ej ba, <sup>1</sup>Jen ro dri nana ej walok nana; a peiō e jamin iom. 14 Kin wōn kiñ in Israel ej drioi, jtok? wōn eo kwoj lukworkwore? juōn kiru roror e mij, juōn kij. 15 Inem Jeova en ekajet, im bebe ikōtarro, im lale, im En kwalok ijo aō, im lomor iō jen peōm.

16 Im ke Devid e ar kamwijlok an kwalok nan kein nōn Saul, Saul e ar ba, Eñin ainikiōm ke, nejiō Devid? Im Saul e ar koutiej ainiken im jōñ. 17 Im e ar ba nōn Devid, Kwe elaplok am wānik jen ña; bwe kwar kōmōn emōn nōn iō, a nā I ar kōmōn nana nōn yuk. 18 Im emwij am kwalok ranin ekijkan kwar kōmōn emōn nōn iō, bwe ke Jeova e ar ketōk iō na ilo peōm, kwar jab mōn iō. 19 Ak elafie juōn eman ej lo eo dri kijirāte, e naj kōtlok an ilo emōn ke? Kin men in Jeova en nawōnam ilo emōn kin men eo kwar kōmōn nōn iō ranin. 20 Im kiō, lo, <sup>2</sup>I jela bwe kwo naj kiñ wōt, im naj kabin ailiñ in Israel ilo peōm. 21 Kin men in, kwon kanōjni, j nōn iō kin Jeova, bwe kwon jab bukwe lok ineō elikiō, im bwe kwon jab kokkure etta jen nukin jema. 22 Im Devid e ar kanōjni, j nōn Saul. Im Saul e ar jeblak nōn kabi, juknen; a Devid im ro dron rar wōnlīflok nōn jikin eo e kab.

**25** Im Samuel e ar mij; im ro dri Israel otemjej rar kweloktok, im jōñōt e, im rar kalibwin e ilo mweo imōn i Rema. Im Devid e ar jutōk im wōnlōllok nōn ene jemaren in Peran.



2 Im kar juōn eman i Meon, men ko mweien i Karmel; im leo e kanuij mweie, im iben jilu tausan jip, im juōn tausan got, im ej mijbar jip ko an i Karmel. 3 Ak etan armij eo Nebal; im etan ilo belen Abigeil; im lio e jelalokjen, im turin mejen e dreo: a leo e jememe im ankeke ilo kōmōn ko an; im e jen nukin Keleb. 4 Im Devid e ar roñjake ilo ene jemaren bwe Nebal ej mijbar jip ko an. 5 Im Devid e ar jilkinlok joñoul likao, im Devid e ar ba ñōn likao ro, Komin wōnliñlok ñōn Karmel, im ilok ñōn iben Nebal, im yokyokwe e ilo eta: 6 im ein drein ami naj ba ñōn eo ej mour im jeban, Ainemōn ñōn yuk, im ainemōn ñōn mweo imōm, im ainemōn ñōn men ko otemjej ibōm. 7 Im kiō emwij aō roñjake bwe ro dri mijbar rej ber ibōm: ro dri lali jip ko am re kar ibem, im kim ar jab kejjorran ir, im ejelok e ar joko iairaolepen ien air ber i Karmel. 8 Kwon kajitōk iben likao ro am, im re naj kennanek yuk: kin men in, likao rein ren lo joij iman mejōm; bwe kimij iwij ilo ran emōn: kwon letok, ij akwelap, jabrewōt e alikar, ñōn ro dri korijerōm, im ñōn nejōm Devid.

9 Im ke likao ro dron Devid rar itok, rar konono ñōn Nebal ekar ñōn nan kein otemjej ilo etan Devid, im ikōñ. 10 Im Nebal e ar uak ro dri korijeran Devid, im ba, Wōn Devid? im wōn nejin Jesse? ran kein elōñ ro dri korijer rej ko jen iben karo ro air. 11 Inem in bōk bred eo kijōi, im dren eo limō, im kōniek eo emwij aō mōn e ñōn dri mijbar ro aō, im lelok ñōn armij ro I jaje kajeir ke? 12 Ein drein likao ro an Devid rar oktōk ñōn ial eo air, im jeblak, im iten kennanek Devid ekar ñōn nan kein otemjej. 13 Im Devid e ar ba ñōn ro dron, Kom otemjej komin kañōrñōr jājiko ami. Inem jabrewōt iair rar kañōrñōr jāji ko air; bareinwōt Devid e ar kañōrñōr jāji eo an: im rar lor Devid e <sup>1</sup>nañin ābuki man rōn; im rubuki rar berwōt iben mweiuk ko air.

14 A juōn ian likao ro e ar kenna-

nek Abigeil, lio belen Nebal, im ba, Lo, Devid e ar jilkintok ro dri jilik jen ene jemaren in yokyokwekaro eo am; im e ar kajirere kake ir. 15 A lōmaro rar kanuij joij ñōn kim, im ejelok am jorran, im ejelok men e ar joko jen ibem ke kim ar etal ibeir, im ke kim ar ber ilo melaj ko; 16 rar einwōt worwor ñōn kim ran im boñ, ien otemjej kim ar ber ibeir im lali jip ko. 17 Inem kin men in kwon jela im kalomōnlokjen ta eokwon kōmōne: bwe e nana air bebe nae karo eo am, im nae ro nukin otemjej: kin an kanuij jitokjen, juōn e ban konono iben.

18 Inem Abigeil e ar kaiur e, im e ar bōk rubuki ion bred, im ruo botto in wain, im lailim jip emwij kapoji, im lailim joñōn korn jinmele, im jibuki urur in grep e mōra, im rubuki kek in fig ko, im likiti ion ass ko. 19 Im e ar ba ñōn likao ro an, Komin etal imaō; lo, ij lor kom. A e ar jab kennanek Nebal, leo belen. 20 Im ein drein, ke e ar uwelok ion ass eo an, im wōnlōllok iturin tol eo, lo, Devid im ro dron e ar wōnlōltok im ion e; im lio e ar wōnmae ir. 21 A Devid e ar ba, Emol ejelok tokjen aō kar kejbārok men ko otemjej an kijōke in ilo ene jemaren, bwe en jab joko mōtōn men ko an: im e ar nawōnaō nana kin emōn. 22 Anij en kōmōn einwōt ñōn ro otemjej rej kijirāte Devid, im kalaplok, <sup>1</sup>elañe ij likit ian ro otemjej iben, mae ilju ejibōn, juōn niñniñ ladrik.

23 Im ke Abigeil e ar lo Devid, e ar kaiur e, im to jen ass eo an, im buñbero iman Devid, im barikrik jen e ñōn brij. 24 Im e ar buñbero i neen, im ba, En iba, aō iroi, en iba ruōn; im kwon kōtlok iō korijerōm ij akwelap, bwe in konono i lojiliñōm, im kwon eoroñ nan ko an lio korijerōm. 25 Ij akwelap, aō iroi, kwon kejekron kijōke en e jitokjen, aet, Nebal; bwe einwōt etan, ein drein leo; etan Nebal, im bwebwe iben: a ña lio korijerōm I ar jab lo likao ro an aō iroi, ro kwar jilkintok ir. 26 Inem,

aō iroiĵ, einwōt Jeova e mour, im am e mour, kin an Jeova kar kejbārok yuk jen ruōm kin bōtōktōk, im <sup>1</sup>jen am mōke irenwōne kin peōm, inem kiō ro dri kijirāte yuk, im ro rej kabukot in kokkure aō iroiĵ, ren einwōt Nebal. 27 Im kiō, men in lewoj in, ña koriĵerōm I ar bōktok ñōn kwe aō iroiĵ, ren lelok ñōn likao ro rej lor aō iroiĵ. 28 Kwon jolok, ij akwelap ñōn yuk, bwir an koriĵerōm : bwe emol Jeova e naj kōmōn mweo ebin ñōr aō iroiĵ, kin kekwe aō iroiĵ kwoj tōrinaek tōrinae ko an Jeova; im re jamin lo nana ibōm aolepen ran ko am. 29 Im meñe armij rej jutōk im lukworkwor yuk, naj lukwoj an aō iroiĵ ilo kworōk in mour iben Jeova, am Añij; a kin ro dri kijirāte yuk, E naj buati, eiñwōt jen loan juōn buat. 30 Im ñe emwij an Jeova kōmōn ñōn aō iroiĵ ekar ñōn men otemĵej remōn E ar konono kin kwe, im ñe Ej koutiej yuk iroiĵ ion Israel, 31 e jamin juōn unin buromōj ibōm, ak men in kaiñtan buruōm, bwe kwar katorlok bōtōktōk ke ejelok unin, ak mōke irenwōne kin yuk. Im ñe Jeova ej kōmōn emōn ñōn aō iroiĵ, kwon kememej ña koriĵerōm.

32 Inem Devid e ar ba ñōn Abigeil, Emōnōnō Jeova, Anij in Israel, eo e ar jilkintok yuk ranin bwe kwon wōnmae iō: 33 im e mōnōnō am jela-lokjen, im kwon mōnōnō, kweo kwar kejbārok iō ranin jen ruō kin bōtōktōk, im jen aō mōke irenwōne kin iō kin peiō. 34 Bwe emol, einwōt Jeova, Anij in Israel e mour, eo e ar drebij iō jen aō kokkure yuk, elañe kwar jab kijorur in iten wōnmae iō, e jamin kar ber ian ro an Nebal, mae ilju ejiboñ, juōn niñniñ ladrik. 35 Ein drein Devid e ar bōk jen pein lio men ko e ar bōktok ñōn iben; im e ar ba ñōn e, Kwon wōnliñlok ilo aine-mōn ñōn mweo imōm; lo, emwij aō eoroñ ainikiōm, im kwar kabuñburuō.

36 Im Abigeil e ar ilok ñōn iben Nebal; im lo, ej kōmōn juōn kwojkwōj ilo mweo imōn, einwōt kwojkwōj in kiñ; im buruen Nebal e kanuij mōnō-

nō, bwe e kanuij karek: kin men in, e ar jabkenannek e jabrewōt, erik ak elap, mae ien rantak. 37 Im ke ejiboñ, ke e joko wain jen Nebal, lio belen e ar kennanek e men kein, im buruen e ar mij illoan, im ej einwōt dreka. 38 Im e nañin joñoul ran tokelik, Jeova a ar mōn Nebal, inem e mij.

39 Im ke Devid e ar roñ bwe e mij Nebal, e ba, Emōnōnō Jeova eo e ar lalé unin kinaklok iō, kin pein Nebal, im E ar drebij iō koriĵeran jen nana: im kōmōn ko re nana an Nebal, Jeova e ar kajebalaklok ion bōran wōt. Im Devid e ar jiliklok, im ba kin Abigeil, bwe en bōke belen. 40 Im ke ro dri koriĵeran Devid rar itok ñōn iben Abigeil ñōn Karmel, rar konono iben, im ba, Devid e ar jilkinwoj kim, bwe en bōk yuk belen. 41 Im e ar jutōk im buñbero, im ba, Lo, ña koriĵerōm, juōn dri koriĵer in katutunee ro dri koriĵeran aō iroiĵ. 42 Im Abigeil e ar kaiur e, im jutōk, im uwe ion ass, im lailim jiroñ ro an rar lore; im e ar lor ro dri jilik an Devid, im ej belen.

43 Devid e ar bareinwōt bōk Ehi-noam, dri Jezriel; im irro belen. 44 A Saul e ar lelok Maikal nejin, lio belen Devid, ñōn Paltai nejin Leish, eo jen Gallim.

**26** Im ro dri Zip rar itok ñōn iben Saul i Gibia, im ba, <sup>1</sup>Devid e jab tilekek i tol Hakila, eo ej iman ene jemaren ke? 2 Inem Saul e ar jutōk, im wōnlōllok ñōn ene jemaren an Zip, im iben, <sup>2</sup>jilu tausan armij rc emwij kålet ir jen Israel, bwe en kabukot Devid i ene jemaren in Zip. 3 Im Saul e ar kajur an kamp i tol Hakila, eo ej iman ene jemaren, ilo ial. Ak Devid e ar ber ilo ene jemaren, im e ar lo an Saul iten jibwe. 4 Inem Devid e ar jilkinlok ro dri aroñroñ, im kanuij kallet an jela kin an Saul itok. 5 Im Devid e ar jutōk im itok ñōn ijo Saul e ar kamp; im Devid e ar lo jikin ijo Saul ej babu, kab Abner nejin Ner kapen an jar in tōrinae eo an: im Saul e ar babu illoan jikin wagon ko, im armij ro rar kabol e ilo kamp.

6 Inem Devid e ar uak im ba ñon Ahimelek dri Het, im Ebishai nejin Ziruaia, jatin Joab, im ba, Wõn e kōnan ilok ibalok ñon iben Saul ilo kamp eo? Im Ebishai e ar ba, I naj ilok ibōmlōk. 7 Ein drein Devid im Ebishai rar ilok ñon iben armij ro ilo boñ: im lo, Saul e ar babu im kiki iloan jikin wagon ko, im mōri eo an e ar kalōr ilo brij i jabbōran; im Abner kab armij ro rar babu iturin. 8 Inem Ebishai e ar ba ñon Devid, Anij e ar ketōke eo dri kijirāte yuk na ilo peōm ranin: inem kiō in mōn e, ij akwelap ñon yuk, kin mōri eo im wabibi kin juōn wōt alen, im I jamin wākari alen ruo. 9 Im Devid e ar ba ñon Ebishai, Kwon jab mōn e, bwe wōn eo e maroñ in erlokwe pein nae eo Jeova e ar kabite, im ejelok ruōn? 10 Im Devid e ar ba, Einwōt Jeova e mour, Jeova e naj mōn e; ak ran in mij eo an e naj itok: ak e naj wōnlōllok ilo tōrinae, im mij. 11 Jeova en bōprae aō kōtellok peiō nae eo Jeova e ar kabite: a kiō, kwon bōk, ij kajitōk ibōm, mōri eo i jabbōran, im botto in dren eo, im jen ilok. 12 Ein drein Devid e ar bōk mōri eo, im botto in dren i jabbōran Saul; im rejro etal: im ejelok armij e ar loe, ak jela kajen, im ejelok juōn e ar ruj; bwe ir otemjej rar kiki, bwe kiki mitoñ jen Jeova e ar buñ ioir.

13 Inem Devid e ar ilok ñon ikijeir, im e ar jutōk i jabōn juōn tol etolok; jikin elap kōtair; 14 im Devid e ar lamij ñon armij ro, im ñon Abner nejin Ner, im ba, Kwo jab uak ke, Abner? Inem Abner e ar uak im ba, Wōn kwe kwoj lamij ñon kiñ eo? 15 Im Devid e ar ba ñon Abner, Kwe jab juōn armij e beran ke? im wōn einwōt kwe ilo Israel? inem etke kwar jab mijrake am iroi, kiñ eo? bwe juōn armij e ar dreloñwoj in mōn kiñ eo am iroi. 16 Men in kwar kōmōne e jab emōn. Einwōt Jeova e mour, kom drien mij, kin ke kom ar jab mijrake ami iroi, eo Jeova e ar kabite. Im kiō komin lale ewi mōri eo an kiñ eo, im botto im dren e kar i jabbōran.

17 Im Saul e ar kili ainiken Devid,

im ba, <sup>1</sup>Eñin ainikiōm, nejiō Devid ke? Im Devid e ar ba, Ainikiō, aō iroi, O kiñ. 18 Im e ar ba, Etke aō iroi ej lukworkwore ña dri korijerōm? bwe I ar kōmōn ta? ak nana oñ ilo peiō? 19 Inem kiō, ij akwelap ñon yuk, aō iroi, kiñ ne, kwon roñjake nan ko an korijerōm. Elañe Jeova eo e ar biuktōke yuk nae iō, inem En bōk men in katok: a elañe ro nejin armij, ren lia iman Jeova; bwe rar kadrioielok iō ranin bwe in jab edrep ñon jolit an Jeova, im ba, Kwon ilen korijer ñon anij ro jet. 20 Inem kiō, bōtōktōkiō en jab torlok ñon brij etolok jen ijo Jeova ej ber ie: bwe kiñ in Israel e ar iten bukot juōn kij, einwōt ke juōn ej bukot juōn muli ilo tol ko.

21 Inem Saul e ar ba, I ar jerawiwi: kwon jeblak, nejiō Devid; bwe I jamin bar kokkure yuk, bwe aō mour e ar aurōk iman mejōm ranin: lo, I ar kōmōn einwōt dri bwebwe, im elap aō bwir. 22 Inem Devid e ar uak im ba, Lo, mōri in, O kiñ, inem juōn ian likao ro en itok im bōke. 23 Im Jeova e naj lelok ñon jabrewōt armij an wānik im tiljek eo an; bwe Jeova e ar ketōke yuk na ilo peiō ranin, im I ar jab kōnan kōtellok peiō nae eo Jeova e ar kabite. 24 Im lo, einwōt am mour e ar aurōk i meja ranin, ein drein aō mour en aurōk ilo mejen Jeova, im En lomor iō jen jorran otemjej. 25 Im Saul e ar ba ñon Devid, Emōnōnō kwe, nejiō Devid: kwo naj kōmōn men ko re bin, im emol kwo naj bōk anjo. Ein drein Devid e ar etal, im Saul e ar jeblak ñon jikin.

**27** Im Devid e ar ba ilo buruen, Juōn ran I naj mij kin pein Saul: ejelok emōnlok ñon iō jen aō ko ñon enen ro dri Pilistia; inem Saul e jamin bar kōtōmene in bukot iō ilo tōreren ko an Israel: ein drein I naj ko jen pein. 2 Im Devid ar jutōk im ilok, e im armij ro jiljino buki iben, ñon iben Ekish, nejin Meok, kiñ in Gat. 3 Im Devid e ar jokwe iben Ekish, e im ro dron, jabrewōt armij im ro nukin, aet, Devid im limaro ruo

belen, Ehinoam dri Jezriel, im Abigeil dri Karmel, eo kar belen Nebal. 4 Im rar kennanek Saul bwe Devid e ar ko ñõn Gat, im e ar jab bar bu-kote.

5 Im Devid e ar ba ñõn Ekish, Elafie I ar lo joi iman mejõm, ren le-tok jikiõ ilo juõn ian jikin kwelok ko ilo enin, bwe in jokwe ie: bwe etke ña korijerom in jokwe ilo jikin kwelok an iroi ibõm? 6 Inem Ekish e ar lellok ñõn e Ziklag ilo ran eo; kin men in, Ziklag ej an kiñ ro an Juda ñõn ranin. 7 Im oran ran ko Devid e ar jokwe ilo enen ro dri Pilistia, <sup>1</sup> juõn yiõ eyu im emen aliñ.

8 Im Devid im armij ro iben rar wõnliñlok im tõrinaek ro dri Gishur, im ro dri Girz, im ro dri Amelek; bwe rein ro rar jokwe ijo jen eto, kekwoj etal ñõn Shur, aet, ñõn enen Ijpt. 9 Im Devid e ar mõn eneo, im jab likit man ak kõra emour, im bõklok jip ko im ox ko, im ass ko, im kamel ko, im nuknuk ko; im e ar jeblak im itok ñõn iben Ekish. 10 Im Ekish e ar ba, Wõn ro kom ar tõrinaek ir ranin? Im Devid e ar ba, Ro irõk in Juda, im ro irõk an dri Jirameel, im ro irõk an ro dri Ken. 11 Ak Devid e ar jab kejbãrok jabrewõt man ak kõra emour, in añinlok ñõn Gat, im e ba, Ñe rab kennan kin kim, im ba, Ein drein mõnit an Devid ien otemjej e kar ber ilo enen ro dri Pilistia. 12 Im Ekish e ar tõmak Devid, im ba, E ar kõmõn bwe ro dri Israel ren jõiõik e wõt; ineme naj korijera ñõn in drio.

**28** Im ilo ran ko ro dri Pilistia rar kokweloktok jar in tõrinae ko air, bwe ren tõrinaek Israel. Im Ekish e ar ba ñõn Devid, Kwon kanuij jela bwe kwo naj ilok ibalok ilo jar in tõrinae, kwe im ro drom. 2 Im Devid e ar ba ñõn Ekish, Inem kwo naj jela ta eo ña dri korijerõm I naj kõmõne. Im Ekish e ar ba ñõn Devid, Kin men in, I naj kõmõn yuk dri kejbãrok bõra ñõn in drio.

3 Ak e mij Samuel, im ro dri Israel otemjej re kar jõiõit e, im kalibwin e i Rema, jikin kwelok eo an. Im Saul

e ar jolok jen eneo, ro <sup>1</sup>jitõb rar juk ibeir, im ro dri marmir. 4 Im ro dri Pilistia rar kweloktok, im itok im kajur air kamp i Shunem; im Saul e ar kokweloktok ro dri Israel otemjej, im rar kamp i Gilboa. 5 Im ke Saule ar lo jar in tõrinae an ro dri Pilistia, e ar mijõk, im elap an buruen kubarbar. 6 Im ke Saule ar kajitõk iben Jeova, Jeova e ar jab uak kin tõnak ko, ak kin Urim, ak kin ro dri kanan. 7 Inem Saul e ar ba ñõn ro dri korijeran, Komin kabukot ñõn iõ juõn kõra jitõb ej juk iben, bwe in ilok ñõn iben, im kajitõk iben. Im ro dri korijeran rar ba ñõn e, Lo, juõn kõra eo jitõb ej juk iben, ej ber i Endor.

8 Im Saul e ar kejakilkil e, im kõnõk nuknuk ko ein juõn, im ilok, e im ruo armij iben, im rar itok ñõn iben kõra eo ilo boñ: im e ar ba, Kwon drikanij, ij akwelap ñõn yuk, kin jitiõb eo, im añinliñtok jabrewõt eo I naj kwalok etan. 9 Im lio e ar ba ñõn e, Lo, kwo jela ta eo Saul e ar kõmõne, ekijkan e ar bukwelok ro jitiõb rej juk ibeir, im ro dri marmir, jen enin: inem etke kwoj kõmõn aluk ñõn aõmour, bwe in mij? 10 Im Saul e ar kanõjniñ ñõn e kin Jeova, im ba, Einwõt Jeova e mour, re jamin kajeik yuk kin men in. 11 Inem lio e ar ba, Wõn eo in añinliñtok ñõn ibõm? Im e ar ba, Kwon añinliñtok Samuel. 12 Im ke kõra eo e ar lo Samuel, e ar lamij kin ainiken elap; im lio e ar konono ñõn Saul, im ba, Etke kwar mone iõ? bwe kwe Saul. 13 Im kiñ eo e ar ba ñõn e, Kwon jab mijõk: bwe ta eo kwoj loe? Im kõra eo e ar ba ñõn Saul, Ij lo juõn anij ej wõnliñtok jen lõl. 14 Im e ar ba ñõn e, Ie ein? Im lio e ar ba, Juõn lõlap ej wõnliñtok; im e libubu kin juõn liboror. Im Saul e ar kile bwe Samuel, im e ar buñbero, im barikrik jen e.

15 Im Samuel e ar ba ñõn Saul, Etke kwar kamõkit iõ, im añinliñtok iõ? Im Saul e ar uak, Elap aõ jorran; bwe dri Pilistia rej tõrinaek iõ, im <sup>2</sup> Añije ar illok jen iõ, im E jab bar uak iõ, jab kin ro dri kanan, im jab



kin tōnak ko: inem I ar kir yuk, bwe kwon kwalok nōn iō ta eo in kōmōne. 16 Im Samuel e ar ba, Inem etke kwoj kajitōk iba, ke Jeova e joko ibōm, im Ej kijirāte yuk? 17 Im Jeova e ar kōmōn nōn yuk, einwōt E ar kononowoj kin nā: im Jeova e ar bōk ailiñ eo jen peōm, im E ar lelok nōn leo dri turōm, nōn Devid. 18 Kin ke<sup>1</sup> kwar jab bokake ainiken Jeova, im kwar jab kōmōn illu eo An ion Amelek, inem Jeova e ar kōmōn men in nōn yuk ranin. 19 Bareinwōt, Jeova e naj lelok Israel im kwe na ilo pein ro dri Pilistia; im ilju<sup>2</sup> komiōñ lōmaro nejōm naj ber iba: Jeova e naj lelok jar in tōrinae an Israel bareinwōt na ilo pein ro dri Pilistia.

20 Inem Saul e mōkōj an buñbero ion lōl, im e lokjenan, kin nan ko an Samuel: im ejelok an kajur; bwe e ar jab mōña bred aolepen ran eo, ak aolepen boñ. 21 Im lio e ar itok nōn iben Saul, im lo an kanuij jorran, im e ar ba nōn e, Lo, nā korijērōm, I ar eoroñ ainikiōm, im I ar likit aō mour ilo peiō, im I ar eoroñ nan ko kwar konono kake iba. 22 Inem kiō, ij akwelap, kwon bareinwōt roñjake ainiken nā dri korijērōm, im in likit mōtōn bred imam; im kwon mōña, bwe en or am kajur, ñe kwoj etal. 23 Im e ar abwin, im ba, I jamin mōña. A ro dri korijeran, kab kōra eo, rar akwelap nōn e; im e ar eoroñ ainikeir. Ein drein e ar jerkak jen lōl im jijōt ion aoweje eo. 24 Im iben lio i mweo, juōn kon in kau e mättōk; im e ar kaiur e, im mōn e; im e ar bōk flauo, im iōki, im e ar kōmāt bred e jab uwe: 25 im e ar bōklok e iman Saul, im iman ro dri korijeran; im rar mōna. Inem rar jutōk im ilok boñ eo.

**29** Ak ro dri Pilistia rar kokweloktok jar in tōrinae otemjej air nōn Epek: im ro dri Israel rar kamp iturin unin dren ko i Jezriel. 2 Im iroi ro an dri Pilistia, rar etal ka jibuki, im ka tausan; im<sup>3</sup> Devid kab ro dron rar etal ilokair iben Ekish.

3 Inem iroi ro an dri Pilistia, rar ba, Dri Hibru rein rej it? Im Ekish e ar ba nōn iroi ro an dri Pilistia, E in e jab Devid, dri korijeran Saul kiñ in Israel, <sup>1</sup> eo e ar ber iba ran kein, ak emōnllok ba yiō kein, im I ar jab lo jabrewōt bwir iben elikin ran eo ke e ar itok nōn ranin ke? 4 A iroi ro an dri Pilistia rar illu iben; im iroi ro an dri Pilistia rar ba nōn e, Kwon kajebalak leo bwe en ilok nōn jikin eo kwar likit e nōn e, im en jab wōnlōllok nōn tōrinae ibem, <sup>2</sup> ñe ab ilo tōrinae eo en dri kijirāte kim: bwe kin ta armij in en mirik iroi eo an? en jab kin bōran armij rein ke? 5 E in e jab Devid, eo rar al ilo eep ko air, im ba, Saul e ar mōn tausan ko an, im Devid joñoul tausan ko an?

6 Im Ekish e ar kirtok Devid, im ba nōn e, Einwōt Jeova e mour, kwar jime wōt, im am drioi dreloñ ilo jar in tōrinae ej emōn iman meja; bwe I ar jab lo nana ibōm jen ran eo ke kwar itok nōn iba nōn ranin: ijoke, iroi rā re jab yokwe yuk. 7 Kin men in, kwon jeblak, im ilok ilo aine-mōn, bwe kwon jab kaillu iroi ro an dri Pilistia. 8 Im Devid e ar ba nōn Ekish, A ta eo I ar kōmōne? im ta eo kwar lo ilo nā korijērōm toñ aō ber imam nōn ranin, bwe in jab maroñ in ilen tōrinaek ro dri kijirāte aō iroi, kiñ eo? 9 Im Ekish e ar uak im ba nōn Devid, I jela bwe kwoj emōn iman meja, einwōt enjel ōn Anij: ijoke, iroi ro an dri Pilistia rar ba, E jamin wōnlōllok ibem nōn tōrinae eo. 10 Kin men in, kwon jerkak ñe ejiboñ wōt, iben ro dri korijeran am iroi, ro rar itok ibōmtok, im ñe emwij ami jerkak im eor maram, komin ilok. 11 Ein drein Devid e ar jerkak ke ejiboñ wōt, e im ro dron, bwe ren jeblak nōn enen ro dri Pilistia. Im ro dri Pilistia rar wōnlōllok nōn Jezriel.

**30** Im ke Devid im ro dron rar itok nōn Ziklag ran eo ken ka jilu, ro dri Amelek rar iten rakim ene irōk im Ziklag, im rar kokkure Ziklag, im tile kin kijeek, 2 im rar kajebokweik

kōra ro im ro otemjej rar ber ie, ro redrik im ro relap: rar jab mōn jabrewōt iair, a rar bōk ir im etal. 3 Im ke Devid im ro dron rar itok nōn jikin kwelok eo, lo emwij kaloke; im limaro beleir, im ro nejir man im kōra, emwij kajebokweik ir. 4 Inem Devid im ro iben rar koutiej ainikeir im jōñ, mae ien re banlok jōñ. 5 Im rar kajebokweik<sup>1</sup> limaro ruo belen Devid, Ehinoam dri Jezriel, im Abigeil eo e kar belen Nebal dri Karmel. 6 Im Devid e ar kanuij jorran; bwe armij rar bebe in kare kin dreka, bwe an armij otemjej e kanuij buromōj, jabrewōt eman kin ro nejn man im kōra: a Devid e ar mōke kakajur e ilo Jeova an Anij.

7 Im Devid e ar ba nōn Ebaiatar pris, nejin Ahimelek, Ij akwelap bwe kwon bōktok epod eo. Inem Ebaiatar e ar bōktok epod eo nōn iben Devid. 8 Im Devid e ar kajitōk iben Jeova, im ba, Elañe ij lukworkwor jar en, in tobar e ke? Im E ar uak, Kwon lukworkwor e; bwe emol kwo naj tōbar e, im naj bōk men otemjej? 9 Ein drein Devid e ar etal, e im lōmaro jiljino buki iben, im rar itok nōn wea Bisor, ijo rar likit ro rej berwōt. 10 A Devid e ar lukworkwor, e im ābuki armij; bwe rubuki rar berwōt, ro rar kijelok im ban ela jen wea Bisor.

11 Im rar lo juōn dri Ijpt ilo melaj, im bōklok e nōn iben Devid, im rar lelok nōn e bred, im e ar mōña; im rar lelok nōn e limen dren; 12 im rar lelok mōtōn kek in fig, im ruo urur in grep emōra: im ke emwij an mōña, e ar kajurlok; bwe e ar jab mōña bred, ak irak dren, iomin jilu ran im jilu boñ. 13 Im Devid e ar ba nōn e, Dron wōn kwe? im kwoj itok jen ia? Im e ar ba, Ña likao in Ijpt, dri korijeran juōn dri Amelek; im karo eo aō e ar likit iō, bwe jilu ran re motlok I ar nañinmij. 14 Kim ar ilen rakim ro dri Kirit irōk, im enen Juda, im enen Keleb irōk; im kim ar kalok Ziklag. 15 Inem Devid e ar ba nōn e, Kwo kōnan āñinlok

kim nōn iben jar eo ke? Im e ar ba, Kwon kanōjniñ nōn iō kin Anij, bwe kwo jamin mōn iō, ak ketōk iō nōn pein karo eo aō, inem I naj āñinlōllok yuk nōn jar in.

16 Im ke emwij an āñinlōllok e, lo, rar jibliklik bōjik ijoko otemjej, im rej mōña im irak, im eep, kin aolepen rakim elap rar bōk jen enen ro dri Piliatia, im jen enen Juda. 17 Im Devid e ar mōn ir jen ran en ilokōn al nōn jotan ilju: im ejelok juōn e ar jor, ak ābuki likao, ro rar uwe ion kamei im ko. 18 Im Devid e ar bar bōk aolepen ro dri Amelek rar bok ir, im Devid e ar lomoren limaro ruo belen. 19 Im ejelok eberir iair, men erik ak elap, nejir man ak kōra, ak rakim, ak jabrewōt rar bōk nōn ibeir: Devid e ar kajebok aolep. 20 Im Devid e ar bōk bwij ko otemjej kau im jip, rar ubakilok iman kiru ko jet, im rar ba, Men kein rakim an Devid.

21 Im<sup>1</sup> Devid e ar itok nōn iben man ro rubuki, ro rar kijelok im ban lor Devid, im rar likit ir bwe ren berwōt i wea Bisor; im rar ilen wōnmae Devid, im wōnmae ro iben: im ke Devid e ar kebaki armij ro, e ar yokyokwe ir. 22 Im ro otemjej re nana im armij wan ian ro rar ilok iben Devid, rar uak im ba, Kin ke rar jab ilok ibemlok, je jamin lelok nōn ir jabrewōt ian rakim eo jar bōke, a nōn jabrewōt armij lio belen im ro nejn, bwe en āñinlok ir, im etal. 23 Inem Devid e ar ba, Kom jamin kōmōn einwōt, komeo ro jeiō im jātīō, kin men ko Jeova e ar letok, Eo e ar kejbārok kij, im ketōk na ilo peim jar eo e ar itok nae kij. 24 Im wōn eo e naj eoroñ kom ilo men in? bwe<sup>2</sup> einwōt kij an eo ej wōnlōllok nōn tōrinae, e naj ein drein kij an eo ej berwōt iben mweiuk ko: kij eo air e naj drer wōt juōn. 25 Im e kar ein drein jen ran eo im wōnmanlok, im e ar kōmōne juōn kien im joñōk nōn Israel nōn ranin.

26 Im ke Devid e ar itok nōn Ziklag, e ar jilkinlok jen men in rakim



ñōn ridto ro an Juda, aet ñōn ro jeran, im ba, Lo, juōn men in lelok ñōn kom jen men in rakim an <sup>1</sup>ro dri kijirāte Jeova: 27 ñōn ro rar ber i Betel, im ñōn ro rar i Remot irōk, im ñōn ro i Jatir, 28 im ñōn ro i Aroer, im ñōn ro i Shipmot, im ñōn ro i Eshtimoa, 29 im ñōn ro i Rekal, im ñōn ro i jikin kwelok ko an dri Jirameel, im ñōn ro i jikin kwelok ko an dri Ken, 30 im ñōn ro rar ber i Horma, im ñōn ro rar ber i Borashan, im ñōn ro rar ber i Atak, 31 im ñōn ro rar ber i Hibron, im ñōn jikin otemjej ijo Devid im ro dron rar ber ie mokta.

**31** Im ro dri Pilistia rar tōrinaek dri Israel: im ro dri Israel rar ko jen iman dri Pilistia, im re lil im bero i tol Gilboa. 2 Im ro dri Pilistia rar kanuij lukworkwor Saul im lōmaro nejin; im dri Pilistia rar mōn Jonetan im Aminedab, im Malkishua, lōmaro nejin Saul. 3 Im im eo e kanuij bin nae Saul, im ro dri libon rar tōbar e; im e kanuij jorrankin dri libon ro. 4 Inem Saul e ar ba ñōn leo e ar inek ken tōrinae ko an, Kwon nur jāji ne am, im wākare iō, ñe ab rein re jab mijmij ren itok im wākare iō, im kokkure iō. A dri inek ken tōrinae ko an e jab kōnan; bwe e lelñōñ. Kin men in, Saul e ar bōk

<sup>1</sup> jap. 18. 17.

jāji eo an im buñōte. 5 Im ke dri inek ken tōrinae ko e ar lo bwe e mij Saul, e ar bareinwōt buñōt jāji eo an, im mij iben. 6 Ein drein Saul e ar mij kab lōmaro jilu nejin, im dri inek ken tōrinae ko an, im ro dron otemjej, ran eo wōt.

7 Im ke ro dri Israel ro rar ber i komlōl jabueo, im ro i Jordan jabueo, rar lo bwe e ko dri Israel, im Saul kab lōmaro nejin re mij, rar likit jikin kwelok ko, im re ko; im dri Pilistia rar itok im jokwe ie. 8 Im ran eo ilju, ke dri Pilistia rar iten rakimi ro re mij, rar lo Saul im lōmaro jilu nejin, re bero i tol Gilboa. 9 Im rar jōbbare, im wutik ken tōrinae ko an, im jilkinlok ñōn aolepen enen dri Pilistia ijoko otemjej, im bōklok nan in kennan ñōn moko imōn ekjōp ko air, im ñōn armij ro. 10 Im rar likit ken tōrinae ko an iloan imōn Ashterot; im rar totoik ubōn ion worwor in Betshan. 11 Im ke ro dri Jebesh-giliad rar roñ ta eo dri Pilistia rar kōmōne ñōn Saul, 12 armij ro otemjej re kajur im beran, rar jutōk im etal iomin aolepen boñ eo, im drorlōllok ubōn Saul im ubōn lōmaro nejin jen worwor in Betshan, im rar itok ñōn Jebesh, im rar tili ijo. 13 Im rar bōk dri ko drir, im kalibwini iomin wijki tamerisk i Jebesh, im rar jitlok iomin jiljilimjuōn ran.